

# Le Second liure des Discours

DE L'ESTAT DE PAIX ET DE GVERRE,  
DE MESSIRE NICOLAS MACCHIAVEL CITOYEN ET SECRETAIRE  
de Florence, sur la premiere decade de  
Tite Liue : traduit d'Italien  
en François.



Avec priuilege du Roy.

A PARIS,

Pour Vincent Sertenas Libraire, tenant sa boutique au Palays en la  
galerie par ou l'on va à la Chancelerie, & au mont saint  
Hilaire à l'hostel d'Albret.

1 5 4 8

## Il est permis à Vincent Serten-

nas Libraire demourât à Paris, faire imprimer & vendre les Second & Troisième liures des Discours de messire Nicolas Machiauel Citoyen & Secretaire Florentin, & defendu à tous autres Libraires & Imprimeurs de ce Royaume, de ne les imprimer, ne védre, en quelque façon que ce soit, sans le gré & consentement dudit Sertenas, iusques à six ans apres que lesditz liures serôt acheuez d'imprimer. Et ce sur peine de confiscation des liures autres que ledit Sertenas aura fait imprimer, & d'améde arbitraire, comme apert plus à plain par priuilege du Roy sur ce donné à Paris, le xxvi. iour d'Aoult, mil v. c. xlvii. signé par le Conseil Turpain, & scellé sur simple queuë de cire iaune.

# Préface du Traducteur,

AVX LECTEURS.



'Incertitude des choses humaines est telle (messieurs) comme Salomon la deduite, & les Academiques l'ont prouuée, & le pois de noz raisons cōtraires balance tellement entre deux fers, que i'ay esté long temps en doute si le prouerbe Grec estoit veritable: Viure sans estre cogneu,

auquel Horace s'accorde:

Bien a vescu qui le monde a deceu,  
Tant que sa vie & sa mort on n'a sceu.

Comme le graue Brutus escriuant à Cicero dit, que pire est la condition de la vertu euidente, que de l'incogneuë. Les autres sont d'opinion de laisser, pour le mieux, quelque tesmoignage d'auoir esté du nombre des viuans, pour recompenser la brieueté de ceste vie, par vne longue memoire de nous apres la mort, qui nous rend icy quasi immortalz. A' ceste cause, nageât entre deux eaux, i'ay escrit ie ne sçay quoy pour suiure la seconde raison, & n'y ay point mis mon nom, pour n'aller contre la première. En quoy, tenant l'auis de Quintilian, ay cōmencé par traduction, ne iugeant mon esprit encore capable d'inuention digne de lumiere. Et n'ay voulu, comme Phaëton, faire mon apprentissage sur le hault char du Soleil, de paour qu'il ne m'en print comme à luy: mais ay fait mon coup d'essay en l'œuure de cest auteur, duquel l'autorité n'estoit encores si sainte & auguste, que les fautes, que i'y pourrois commétre, me fussent imputées à sacrilege ou crime de lese maiesté. Combien que i'oseray dire, qu'il ne doyue estre moins prisé de nous, que Corneille Tacite, Saluste, & son Tite Liue mesme, desquelz sans luy nous cueillions peu de fruit, & ne sçauions à quel vsage nous seruoit toute leur histoire. Dyonisius le Tyran deuint il meilleur Poëte pour auoir recouré les tablettes du Poëtë Echilus, ou il escriuoit ses vers? Neanthus filz de Pittachus le Tyran, acquit il quelque excellence du ieu de la harpe par celle d'Orpheüs, qu'il acheptâ si cher des Prestres du temple d'Apollo? Ainsi rien ne nous seruiroient

tous ces Historiens, sans l'aide de Machiauel, ne toute la bonté des choses bonnes, qui n'en entendoit l'usage.

Or sont les iugemens des hommes si diuers, qu'en ce fait mesme de traduction on ne sçait bonnement qu'on doit faire. P'ay vſé au Premier liure en quelques endroitz de la liberté qu'Horace louë, & que les plus curieux ont obseruée en Cicero, & autres auteurs anciens. P'ay esté vn peu plus serf & superſticieux en ce Secôd & Tiers, pour monſtrer la cognoiſſance que i'auois des deux manieres, & ainſi ſatisfaire à la varieté des opinions: Mais ie croy que l'vne & l'autre ne ſont hors des dangers de reprehension. Et qui eſt ce d'or enauant qui en eſchapera, p'ays que auourd'huy les eſpritz ſont ſi habandonnez & deprauez, que de vouloir condamner par leurs eſcritz Ariſtote d'ignorance, & Cicero de Barbarie? gens dignes d'en rapporter tel ſalaire, que *Sestius*, lequel *Senèque* dit auoir eſté foëté pour vn tel propos tenu d'iceluy *Cicero* en la table de ſon filz. Quant aux enuieux ilz ne me ſont paour en cecy, d'autant que ma conſcience me iuge, que ie n'ay vertu en moy qui les merite, n'irrite: au contraire ie les deſire comme *Themistocles*, dont ie porte la deuife ENVIE D'ENVIE ENVIE. Or aſſez donnera de matiere de calumnie à qui en voudra l'incertitude de noſtre langue Françoyle, qui n'eſt encores bien reiglée ne reduite en art, en laquelle aucuns veulent r'amener en ieu les vieilz motz, contre l'auis de *Cesar*: les autres, la veulent enrichir par les larrecins, qu'ilz ſont ſur les autres vulgaires, comme ſur l'Italian, & l'Eſpagnol. Voire l'orthographe meſme de noſtre langue eſt tant deguiſée & bigarrée, que les lettres n'y ont moindre ocaſion d'entrer en proces, que *Lucian* les dit auoir fait en la langue Greque. Au fort ie conſidere, comme dit *Plato*, qu'il ne nous fault enuieillir ſur ceſte vaine & legiere curiosité de la parole: mais instruire noz eſpritz de bons diſcours tirez du fond des ſciences profitables à la vie. A l'exemple de Machiauel, qui a icy vſé de fort ſimple langage enrichy de rare & profonde ſuſtance, lequel ie crains à ceſte cauſe auoir à eſtre mal recueilly de noſtre nation, qui me ſemble encore ne faire que ſentir les fleurs des ſciences miſes en chapeaux & bouquetz, & non vſer des bones herbes en leur nourriture ou medecine. Qui ſont au iourd'huy les Hercules Galliques, qui tirent apres eux tout ce peuple enchainé par les aureilles de chaines, qui tiennent au bout de leurs langues, ſinon les rythmeurs & croniqueurs des amours & des ar-

mes



mes fabuleuses ? parmy lesquelz ne se trouuera aucune instruction priuée , ne publique , ciuile , ne militaire . l'aymeroie autant tel Amusefol de liures plaisans & bien difans , sans aucun subiet de bonne doctrine , que ie ferois les iambes de bois du riche impotent , reuestues de belles botines à boucles d'or , ou le braue instrument d'*Euangelus* garny de cheuilles d'or semé d'anneaux precieux , qu'il porta aux ieux Pythiques (luy mesme tout doré & diapré) duquel les spectateurs atendants quelque harmonie celeste furent tous esbahiz d'en ouyr sortir vn son discordant , rude , & confus : mais bien acordant avec la voix rustique de tē gros asne , qui se print à braire hault & cler quelque chanson mal versifiée . O' temps ! O' gens ! les tresors leurs sont charbons , & chardons pour tresors . Somme , tout calculé & rabatu , la plume est mise au vent , ces deux liures (quelque traitement qu'ilz reçoient de vous mesieurs) sortiront , & suyront leur compagnon , lequel s'est pourmené seul quelque année par le pais . Depuys le premier de Tite Liue , son maistre , s'est aussi mis aux champs , parlant vn langage Françòys d'autant plus obscur , qu'il l'est aussi luy mesme entre les Latins . Or si vous trouuez la derniere main à dire en l'vni , ou en tous , vous pouuez estimer que ceste seruitude ambulatoire de Court ne m'a donné loysir de les escrire huit fois de ma main , comme Thucidide fit de son histoire . Au pis aller i'ay conclu , que ce mien labeur tel quel , ne me pouuant porter tant de deshonneur par l'imperfection de son stile , que de profit aux lecteurs par la singularité de ses auertissemens , ie prefererois le bien commun au mien particulier , protestant toutesfois (mesieurs) si ie sens que mon escrit si peu vous plaise , de ne prendre iamais tant de peine à vous donner ennuy , & à moy blasme .

Enuie d'enuie en vie.

Sonetto di M. G. P. M.  
al Lettore.

Chi vuol saper quantunque in guerra, ò in pace  
Si scosta il nostro dal Romano stato,  
Legga questa opra leggiadra & verace  
Di Machiauel, che sua lingua ha cangiato.  
Et fauellar Francese non gli spiace  
Tra Francesi, percioche, oue fu nato  
Non tanto, com'in Francia, aggrada & piace:  
Ma fra i suoi nessun Propbeta è stimato.  
Stimate quel, che col dir schieto & franco  
Insegna l'arte, onde mai questo antico  
Regno non caggia in man del suo nemico.  
Ma ringratiare anchor quel nostro amico,  
Che n'ha d'vn Tosco fatto vn vero Franco:  
Cosa ben rara, & poco veduta anco.

Per me stesso son sasso.

# Enfuit la table du Second li-

VRE DES DISCOVRS DE NICO-  
las Macchiauel Citoyen & Secretaire  
de Florence.



Reface.

Fueillet premier.

Laquelle fut plus cause de l'Empire des Ro-  
mains, ou vertu, ou Fortune.

Chapitre premier.

fueillet iii.

Contre quelz peuples les Romains ont eu à  
combatre, & avec quelle obstinacion ilz defen-  
doient leur liberté.

chapitre ii.

fueillet iii.

Que Rome s'est agrandie des ruynes de ses voy-  
sins, & par le ra-  
cueil des estranges, auxquelz elle faisoit part de ses biens & hon-  
neurs.

chapitre iii.

fueillet vii.

Comme les Republicques ont vsé de troys moyens, pour s'aug-  
menter & agrandir.

chap. iiiii.

fueillet viii.

Que le changement des sectes & langues, & l'accident des delu-  
ges & pestes ont estaint la memoires des choses passées.

chapitre v.

fueillet x.

Comme les Romains procedoient au fait de la guerre.

chapitre vi.

fueillet xi.

Quelle portion de terre les Romains dōnoient pour teste à cha-  
cune personne de leur colonie.

chap. vii.

fueil. xii.

La cause qui meut les peuples à sortir de leur lieu naturel & ocu-  
per & inonder autre pais.

chap. viii.

fueil. xiii.

Quelles causes font communément sourdre guerre entre les Poten-  
tatz & grans Seigneurs.

chap. ix.

fueil. xiiii.

Que les deniers ne sont le nerf de la guerre comme estime l'opi-  
nion commune.

cha. x

fueillet xv.

Que ce n'est prudence prendre aliance d'un Prince, qui plus ayt  
d'estime que de puissance.

chap. xi.

fueillet xvii.

Lequel est meilleur, quand on se doute d'estre assailly, ou mener  
guerre, ou l'atendre.

chap. xii.

fueillet xvii.

Que plus on monte de basse en haute fortune par fraude, que par

à iiiii

force

## L A T A B L E.

|  |                |                               |
|--|----------------|-------------------------------|
| force.   | chapitre xiii. | fueillet xix.                 |
| Souuentesfois les hommes s'abusent, cuy dans par humilité vaincre outrecuydance.   |                | fueillet xx.                  |
| Comme les estatz debiles sont tousiours incertains & ambiguz à se refoudre, & que iamais les deliberations lentes & tardiues ne sont bonnes.               |                | fueillet xxi.                 |
| Combien les Soldatz en nostre temps s'eflongnent de l'ancienne ordonnance de guerre.   |                | chapitre xvi.                 |
| fueillet   |                | xxii.                         |
| Combien se doit en nostre temps estimer l'artillerie, & à sçauoir si l'opinion que nous en auons est vraye en vniuersel.                                   |                | fueillet xxiii.               |
| chapitre xvii.   |                | fueillet xxiiii.              |
| Comme par l'autorité des Romains, & par les exemples de l'antique vsance de guerre, l'on doit plus estimer les fanteries & gens de pied, que la caualerie. |                | chap. xviii. fueil. xxvii.    |
| Que les auestz en Republique mal ordonnée, & qui ne procede selon la vertu Romaine, luy tournent à ruyne plustost qu'à accroissement & auantage.           |                | cha. xix. fueil. xxix.        |
| En quel danger se tret le Prince & la Republique qui se fert de folde auxiliaire, ou mercenaire.   |                | chapitre xx.                  |
| fueillet   |                | xxx.                          |
| Le premier Preteur que les Romains enuoyerent hors la ville fut à Capue, quatre cens ans apres qu'ilz commencerent à faire la guerre.                      |                | chapitre xxi. fueillet xxxii. |
| Combien sont faulces plusieurs fois les opinions des hommes sur le iugement des choses grandes.  |                | chapitre xxii.                |
| fueillet   |                | xxxiii.                       |
| Comme les Romains au iugement qu'ilz faisoient de leurs subietz, par aucun accident qui les y contraignoit, tousiours fuyoient la moyenne voye.            |                | chap. xxiii. fueillet xxxv.   |
| Que generalement les fortereffes portent plus de dommage que de profit.  |                | cha. xxiiii. fueillet xxxvii. |
| Que c'est party se contrariant assaillir vne Cité diuisée pour l'ocuper, moyennant sa diuision.  |                | chapitre xxv.                 |
| fueillet   |                | xl.                           |
| Comme les iniures & reproches n'engendrent que hayne sans profit à ceux qui en vsent.  |                | chapitre xxvi.                |
| fueillet   |                | xli.                          |

## L A T A B L E.

Vn Prince prudent & vne Republique se doiuent contenter de la victoire, de paour que passans outre ilz ne perdent ce qu'ilz auoient gaigné. chapitre xxvii, feuillet xlii.

Quel danger peult encourir vne Republique ou vn Prince, par faute de venger & punir vne iniure faite à vne communauté, ou par sonne priuée. chapitre xxviii. feuillet xliii.

Fortune auetugle les espritz des hommes quád elle ne veult qu'ilz s'oposent à ses desseins, chapitre xxix. feuillet xliiii.

Les Republiques & les Princes de vraye puissance & bien fondée ne comparent les amytez par argent: mais par vertu & reputation de leurs forces, chap. xxx. feuillet xlv.

Combien de danger y a d'aiouster foy & fiance aux banniz. chapitre xxxi. feuillet xlvii.

De combien de moyens vsoient les Romains pour gaigner & emporter les places. chapi. xxxii. feuillet xlvii.

Comme les Romains donnoient les cõmissions libres aux cheffz de leurs armées. chap. xxxiii. feuillet xlix.

*Fin de la table du Second liure.*

10. 1. 1

10. 1. 1

10. 1. 1

10. 1. 1

10. 1. 1

10. 1. 1

10. 1. 1

10. 1. 1

10. 1. 1


10. 1. 1

10. 1. 1

10. 1. 1

10. 1. 1







# Le Second liure des Discours

DE NICOLAS MACCHIAVEL CITOYEN ET

SECRETARE DE FLORENCE, SVR LA PREMIERE DECADE

de Tite Liue, à Zanobe Bondelmont

& Cosme Rucellay.

## Preface.



A coustume vniuerselle des humains est encline Propositiō  
à la louange perpetuelle du temps passé, & blasme du present, ne l'vn ne l'autre profonde en perpetuelle verité: Toutesfois, ilz sont tous si partisans de l'antiquité, que non seulement affection les transporte à hault louer & honorer les siecles

reulolz desquelz ilz n'ont cognoissance que par les liures, qui en conferuent la memoire: mais (qui plus est) tousiours louent le téps de leur ieune aage, dont ilz ont encores souuenance en leurs vieilz ans. L'abus de ceste faulse opinion, m'a semblé de proceder de plusieurs causes. La premiere, de ce qu'il n'est possible sçauoir la verité parfaite de l'ancienne histoire, laquelle supprime volontiers les actes, qui pourroient donner quelque tache d'infamie à son siecle: & au contraire enrichist fort liberalemét le los & gloire de ses vertueux faitz. Car la plus part des Croniqueurs & Historiens ployent tellemét & obeissent à la fortune presente des vaincueurs, que non seulement ilz eslargissent leurs consciences en la louange excessiue de leurs vertuz & prouesses, & à l'acroiſſement de leurs contrées, mais eleuent hault leurs ennemys, mesmes en tel degré de magnanimité & puissance, que la posterité de l'vn ou de l'autre país trouue pareille ocaſion de s'esbahir de la bonté & valeur desmesurée de leurs maieurs, & ne peult qu'elle ne les tienne en trop grande admiration & reuerence. D'auantage, crainte, & enuie, sont deux passions & causes ordinaires de hayne, lesquelles ne s'adressent iamais aux choses qui plus ne peuuent nuire, comme les passées & qui n'ont plus en elles aucun bien qu'on leur sçeust ennuyer. Tout au contraire va de la vie presente, dont nous (comme spectateurs oculaires)

A

culaires)

culaires) auons cognoissance, veu que rien ne nous peut estre caché de ce que voyons & manions au doigt & à l'œil. Or n'est pas possible qu'il n'y ayt tousiours quelque mal meslé parmy le bien, ce qui nous fait par ignorance donner los à l'antiquité, ou elle auroit souuent mérité mespris & honte. En quoy ie n'enten aucunement parler des ars & sciences de noz ancestres, tellemét illustrées & esclarcies, qu'il n'est demeuré en la puissance du temps de pouuoir rien aiouster, ou diminuer à leur souueraine clarté & lumiere. Seulement touche mon deuis ce qui cōcerne les meurs & la vie cōmune des hōmes, laquelle n'est de beaucoup reduite à si certaine & parfaite cognoissance. Qui donques m'en demanderoit mon auis, ie dirois que telle coustume d'vniuerselle louange & blasme n'est en foy tousiours faulse ne veritable, car possible n'est que telz loueurs ne rencontrent quelquefois, à cause du perpetuel mouuement, auquel consiste le cours des œuures & affaires humaines, qui sans cesse montent, ou descendent, comme l'on void qu'vne prouince, ou cité, instituée & establie par quelque excellent personnage, prospere vn temps par la vertu de son gouuernement, & va de bien en mieux, tirant de droit fil vers le mylieu, ou le faiste de son vray cours politique. Ceux qui naissent alors qu'elle est en tel estat, si plus ilz prisent & estiment le passé que le present, certainement ilz s'abusent, & ne trouuerez autre cause qui leur depraue le iugement, que celle que ie vous vien de deduire. Mais bien pourroient dire vray ceux qui leur viennent à succeder. Lors que l'estat decline du hault en bas, ou du mylieu en extremité. Sōme, apres y auoir bien pensé, i'en suis là, que i'estime le monde auoir esté tousiours rempli de pareille quantité de vices & vertuz. Vray est qu'elles ont tousiours passé & passent d'vn país en autre, comme l'on peut voir clairement par l'histoire de tous les Royaumes, esquelz la bonté a eu son regne, & le vice en son tour. Pourtant ne se chāgeoit pas le mōde, ains demouroit tout vn, sinō que vertu, du premier siege qu'elle tenoit en Asirie se transporta en Medie: de là, passa en Perse, finalement tant se pourmena, qu'elle vint seiourner à Rome. Et si depuys la ruyne de l'Empire Romain il ne s'en treuue point qui ayt duré longuement, ny ou le monde ayt tenu sa vertu assemblée & vnie, en recompense il l'a esbandue en diuers lieux: comme iadis au Royaume de France, & en l'Empire des Turcz & du Soudan. Au iourd'huy en Alemaigne, & long temps a en Sarrazine-

Cōclusiō.

me, dont

mé, dont les Roys acheuerent tant de hautes conqueſtes, affuictirent tant de regions à leur obeïſſance, & en fin mirent à deſtruction l'Empire oriental de Rome. Voilà les païs ou vertu à eſté ſemée deſuys l'éuerſion des Romains. Encores tient elle bon en aucuns lieux, les autres a du tout quitez & delaiſſez. Maintenan̄t ceux que fortune fait naiſtre en region, ou vertu regne & commande, s'ilz entrent en regret du temps paſſé & plainte du preſent, leur imprudence eſt trop euidente: mais celuy qui naiſt auioird'huy en Italie ſans eſtre vlttramôtain, ou en Grèce, ſans eſtre Turc, bien peult à bon droit crier contre ſon ſiecle & regretter le paſſé. Car s'il trouue en l'vn aſſez de faitz & geſtes dignes d'amiration, en l'autre il ne void rien qui ne ſente ſa pauureté, miſere, & infamie extreme, nulle religion, nulle loy, ou diſcipline ciuile, ne militaire: Tout y eſt plein d'impurité, laſcheté, brutalité: & ſur tous en ceux qui ſeient es chaires & troſnes d'autorité & d'honneur. Leſquelz n'ont autre raiſon de commander & ſe faire adorer de tous, ſinon comme plus enormes & deteſtables que tous. Mais pour reuenir à mon propos, ie dy qu'encores que le iugement humain ſe trouue faux & corrompu, quant à l'antiquité des ſiecles, dont il ne peult auoir que telle quelle cognoiſſance: Toutesſois ne ſe ſçauroit couurir de pareille excuſe en l'opinion ordinaire que tiennent les vieillardz en l'honneur de leur ieune age, & meſpris du rems de leur vieilleſſe. Au moyen qu'ilz ont veu & cogneu tant l'vn que l'autre: auſſi ne leur en prendroit ainſi, ſi es deux diuerſes faiſons le ſens, l'entendemēt & les apetitz leurs demouroient ſemblables. Mais ilz ſe changent & le temps ne change point. Ce qui leur y fait trouuer ceſte diſerēce. C'eſt à ſçauoir la diuerſité & alteration de nature, qui leur ſuruiuent au decours de leur vie. Car alors d'autant que la force & vigueur decline la prudence & cognoiſſance leur croiſt. Voilà pourquoy en leur vieilleſſe ilz condannent & blaſment ce qu'ilz aprouuoient en ieuneſſe: donnants de ce la faute au temps, qui ne vient d'autres que d'eux meſmes. Et pource que les deſirs des hommes ſont inſatiables, tant que de leur nature ilz veulent & deſirent tout, & par fortune ilz n'en peuuēt que gueres auoir, de là ſourd vn certain malcontentement de tout ce qu'on a, qui ſe fourre entre les cauſes de louer ſans propos le paſſé & l'auenir & blaſmer & meſpriſer le preſent. De ma part ie ne ſçay deſquelz ie feray portant tel teſmoignage d'honneur en mes diſcours des anciens Romains &

Des vieill  
les gés qui  
louent le  
temps de  
leur ieuneſſe.

## I. DISCOVRS DE NIC. MACCHIA.

vſant de ſi aygre reprehention contre mes gens . Et vrayement ſi la vertu qui regnoit lors & les vices qui ores nous dominant n'eſtoient auſſi clers & apparens que le iour, ie regarderois vn peu mieux à ce que i'aurois à dire & en parlerois plus ſobrement, de paour de ne choir en la foſſe, que ie me meſle de monſtrer aux autres, mais la matiere en eſt ſi claire, que ie ne douteray de dire & declarer hardiment ce que ie ſçay du cours des deux aages, à fin que ceux qui viendront à lire mes eſcritz (ſ'aucuns y en a) voyans deuant leurs yeux l'image des deux ſiecles exprimée & représentée au naturel ſelon mon peu de pouuoir, prennent peine d'euitter les maux & dangers du temps ou nous ſommes & ſe diſpoſent à enſuyure & pratiquer (quand l'occafion ſ'offrira) les vertuz & perfectiones de ceſte ſacrée & venerable antiquité. Car vn homme de bien ſon officel'oblige à monſtrer & enſeigner aux autres le bien qu'il ſçait, lequel par meſchef de temps & de fortune, il n'a peu mettre en effait, à fin qu'en le ſemant par tout il puiſſe tomber en lieu plus fauoriſé du ciel, ou il prendra racine qui fructifiera en ſa ſaiſon.

Parquoy, apres auoir traité au premier liure de mes diſcours l'ordre du conſeil de Rome, ſur l'eſtat des affaires politiques de dedans, en ce ſecond ſera parlé de ce qu'elle fit dehors, pour l'augmentation & accroiſſement de ſon empire.

## Laquelle fut plus cause de

L'EMPIRE DES ROMAINS, OV  
Vertu,ou Fortune.

## Chapitre Premier.



Plusieurs ont esté d'opinion, & Plutarque entre Plutarque  
autres (auteur de grande autorité) que le peu-  
ple Romain, en la conqueste de son Empire, à e-  
sté plus fauorisé de Fortune que de Vertu. Et en-  
tre autres raisons qu'il allegue, dit, que par la cõ-  
fession de ce peuple mesme, il est euident, que de

Fortune il a recogneu toutes ses victoires, ayant plus edifié de tem-  
ples en l'hõneur d'elle, que au nom des autres dieux. Et semble que  
Tite Liue se renge à ceste opinion. Car vous verrez en luy qu'il ne  
fera gueres tenir propos de la Vertu à vn Romain, qu'il ne mette  
incontinent Fortune en ieu. Ce que toutesfois ie n'ay intention de  
confesser en aucune sorte, & si ne croy pas que tel propos se peult  
soustenir: Car s'il n'y eut iamais Republique qui soit passée si auant  
que Rome, celà est auenu, par ce qu'il ne s'en trouuera point qui  
ayt esté establie ny ordonnée pour paruenir à telles conquestes,  
comme elle. Car la vertu de ses armes luy a donné moyen d'acque-  
rir cest empire & ses bonnes ordonnances & sa maniere propre  
de proceder mise sus par son premier legistateur luy maintint &  
cõserua ses acquestz, comme cy apres en plusieurs discours sera de-  
duit amplement. Telles gens dient que ce fut Fortune, non pas Ver-  
tu au peuple Romain, de n'auoir iamais eu rencontre de deux for-  
tes guerres ensemble, comme l'on void qu'ilz n'eurent à faire con-  
tre les Latins, sinon apres auoir combatu les Sannites, voire qu'en  
leur defence ilz menoient ceste guerre. Aussi ne s'adresserent aux  
Toscãs, qu'ayans desia subiugué les Latins, & quasi du tout affoybly  
les Samnites par tant de routes sur routes: & que si deux de ces puif-  
sances entieres au temps de leur verueur & vigueur, eussent ensen-  
ble affronté & assailly les Romains, sans doute se peult assez conie-  
cturer, que leur ruyne en fust ensuyuie: Mais en quelque sorte que

## DISCOVRS DE NIC. MACCHIA.

ce fust, iamais ne leur auint qu'ilz eussent deux puiffantes & fortes guerres en mesme temps. Ains sembloit tousiours qu'à la naissance de l'une l'autre s'allast estaindre, ou que sur la fin de la premiere la seconde vint à naistre. Ce que l'on peult iuger clairement, par les guerres qu'ilz ont faites: car laissant celles qu'ilz firent auant que Rome eust esté prise par les François, l'on void que pendant qu'ilz combatirent contre les Eques & les Volscs, iamais tandis que ces deux peuples furent en puiffance ne s'esleua contre eux autre nation quelconque. Ceux cy dontez nasquit la guerre contre les Samnites. Et combien qu'auant que ceste guerre eust pris fin les peuples Latins se reuolterent de l'obeissance Romaine, neantmoins alors que ceste rebellion auint, les Samnites estoient desia en ligue avec les Romains & leur ayderent à donter l'insolence Latine, laquelle dontée, se releua la guerre de Samnie, puis ses forces abatues par plusieurs defaites sur defaites, alors naquit la guerre des Tosquans. Et icelle apaisée, les Samnites se refueillerent de nouveau, à l'ocasion de Pirrus, qui estoit passé en Italie, lequel repouffé & rem barré en Grèce, dont il estoit forty, ouurirent la premiere guerre contre Cartage & à peine estoit elle finie, que tous les François, tant deça que delà les Alpes, coniurerent contre les Romains, tellemét qu'au lieu qui est entre les Popolains & Pise là ou est auourd'huy la tour saint Vincent, ilz furent desconfitz, auccques merueil leuse boucherie. Enuiró vingt ans apres, ilz demeurerét sans guerre qui fust d'importance: car durant ce temps ilz ne combatirent que contre la gent de Ligurie & cõtre le reste des François qui estoiet en Lombardie. Et ainsi furent en paix tant que la seconde guerre de Cartage fourdit, qui tint l'espace de. xvi. ans l'Italie occupée: mais estant mise à fin à leur grand' gloire & honneur, leur suruint la guerre Macedonique & depuys succeda celle d'Antiochus & d'Asie, apres laquelle victoire ne se trouua ne peuple ne Republique en tout le monde, qui peussent, ou osassent seulz, voire tous ensemble s'atacher & paragonner à la puiffance Romaine, mais auant ceste derniere victoire, qui considerera leur ordre & forme de proceder au fait de leurs guerres, verra vne vertu & prudence tresgrande meslée parmy la fortune. Tellement que qui examinera la cause de telle fortune, la trouuera facilement, veu que c'est chose certaine, que depuys qu'un Prince, ou vne republique a gagné telle reputation que chacun Seigneur & peuple voyfin les redoute & craigne seul à

Les Ro-  
mains en  
guerres  
cõtinues.

Popolani.

les af-

les assailir, tousiours auindra que nul d'eux ne s'y osera adresser, sinon par necessité extreme. En forte qu'il fera quasi comme en sa discretion & son choys à qui il voudra mouuoir guerre, & qui il luy plaira tenir en paix par son industrie. Lesquelz partie pour le respect de telle puissance souueraine, partie abusez par les moyens dont elle vsera à les endormir, se tiennent volontiers coys & en repos. Et les autres princes ou peuples puissans, qui en sont loing, & n'ont aucune trafique avec eux en prénent tel soucy que de chose loingtaine & qui ne les touche en rien. En cest erreur demeurent tant que ce feu gagne pais iusques à eux, lequel les surprenant ilz n'ont remede de l'estaindre, sinon par leurs propres forces, qui alors ne sont suffisantes estant l'autre monté en telle puissance. Je laisse à vous dire comme les Samnites s'amusoient à regarder les victoires du peuple Romain contre les Volscs & les Eques. Et de paour d'estre trop long, me contenteray des Cartaginois: lesquelz estoiet de grande puissance & pareille reputation, lors que les Romains combattoient avec les Samnites & les Toscans, comme ceux qui tenoient desia toute l'Afrique, possedoient la Sardaigne & la Sicile, & estoiet Seigneurs de partie de l'Espaigne. Ainsi qu'il en estoit auenu aux Cartaginois, ainsi en print aux François, & pareillement à Philippes de Macedone & à Anthiocus, par ce que chacun d'eux cuidoit (pendant que le peuple Romain estoit occupé & empesché avec les autres) que quelqu'un le desist & qu'assez à téps il viendroit à soy defendre de luy par paix ou guerre. En forte que ie croy que la fortune qu'eurent les Romains en cest endroit, tous autres Princes l'auroient semblable, qui y procederoient comme eux & qui seroient garniz de pareille vertu. A ce propos conuient droit declarer le moyen que tenoit le peuple Romain, entrant es pais d'autruy, si en nostre traité *Dei Principati*, nous ne l'auions de-

Liure du  
Prince de  
Macchia-  
uel.

duire leurs entreprises, tant à conquerir pais, qu'à maintenir le cōquis, ce que les peuples qui obseruerōt ce, cognoistront auoir moins de besoing de fortune, que ceux qui n'en tiendroient conte. Et à fin que l'on puisse mieux comprendre, combien a eu plus de pouuoir Vertu, que Fortune, a leur acquerir tel Empire, nous discourrōs au chapitre suyuant de quelle qualité furent les peuples, contre lesquels ilz eurent à combatre, & comme ilz estoient obstinez en la defence de leur liberté.

## Contre quelz peuples les Romains ont eu à combatre, & avec quelle obstinacion ilz defendoient leur liberté.

Chapitre

II.



L n'y eut iamais rien qui tant donnast de peine aux Romains en la conqueste du pais citconuoyfin & de quelque contrée plus loingtaine, que l'amour & affection qu'en ce temps là maintz peuples auoient à la liberté, laquelle ilz defendoient si obstinément, qu'ilz ne pouuoient estre subiuguez, sinon par vne vertu extreme & excessiue. Aussi cognoist on par maintz exemples en quelz perilz ilz se mettoient pour la maintenir ou recouurer & quelle vengeance ilz exerçoient contre ceux qui leur auoient occupée. Encores void l'on par la lecture des histoires quelz dommages les peuples & citez ont receu par seruitude. Et pour vne seule prouince, qu'en nostre temps on pourroit dire auoir ses citez libres: au temps que ie vous raconte y auoit des peuples plusieurs libres par toutes les prouinces. Ainsi se cognoist comme au temps dequoy nous parlons à present en Italie, depuis les Alpes (qui diuisent ores la Toscane de la Lóbardie) iusques à la pointe d'Italie, y auoit plusieurs peuples libres, cōme les Toscans, Romains, Samnites, & maints autres, qui tenoient le reste de la prouince. Et ne se trouue par escrit, qu'il y ayt eu aucun Roy, hors mis ceux qui regnoient à Rome, & Porfena Roy de Toscane



scane, duquel comme la ligue fut estainte l'hystoire ne fait point mention. Mais on sçait bien comme au temps que les Romains mirent le siege deuant la ville de Vege, la Toscane estoit si libre & auoit tel cueur à la liberté, portant telle hayne au nom de Prince, que ayant les Vegens crée vn Roy à Vege, qui soustinst le fais de leur defence & demandant secours aux Toscans contre les Romains: Apres longue deliberacion ilz conclurent de ne prendre les armes pour les Vegens, tandis qu'ilz viuroiēt soubz vn Roy: iugeans n'estre raisonnable secourir & defendre le país de ceux, qui s'estoient eux mesmes submis à la subiection d'autruy. Or est il ayse d'entendre d'ou peult naistre es hommes vne telle affection à l'estat de franchise, veu que l'on void par experience, que les habitans & citoyens ne s'augmentent grandement en domaines, terres & richesses, sinon tandis qu'ilz viuent en liberté. Et à la verité, c'est merueilles de cōsiderer à quelle grandeur paruint Athenes en cent ans apres quelle fut deliurée de la tirānie du Pisistrate. Mais celle de Rome qu'elle acquit de puis qu'elle fut hors de la subiection des Roys, excède toutes les merueilles du monde: de laquelle l'ocasion est facile à aprendre. C'est, que non les biés des particuliers: mais du public & cōmun fait les grādes citez, lequel sans doute n'est gardé que es republicques, là ou tout ce qui leur viēt à propos est mis à executiō quoy qu'il tourne au preiudice de telle, ou telle personne priuée. Car tant y en a à qui ce bien sert & profite, qu'ilz le peuuēt faire tirer auant cōtre la disposition de si peu d'autres qui y sentent dommage. Au contraire auient au lieu ou vn Prince commande, que le plus souuent ce qui luy est bon & vtile reuient au desauantage de la cité & ce qui sert à elle, nuyt à luy: de sorte qu'incontinent qu'une tyrannie vient surprendre vn estat libre, le moindre mal qui en resorte a telles citez est, de n'aller plus en auant & ne croystre en pouuoirne richesses: ains le plus souuent voyre tousiours leur auiēt de reculer en arriere. Et si la fortune vouloit qu'il s'y esleuast vn Tyrā vertueux, lequel par magnanimité & force d'armes accreust sa seigneurie: l'vtilité qui en prouindroit seroit toute sienne, sans que la republique y eust aucune part. Car luy qui tyrannise, ne voudroit honorer aucun de ses citoyens quelque bonté & vertu qui fust en eux, ne voulant auoir occasion de les craindre & tenir subietz. Aussi ne peult soumettre & rendre tributaires les citez qu'ilz conquiert à celle dont il est Tyran, d'autant que la puissance qu'il luy augmen-

## DISCOVRS DE NIC. MACCHIA.

augmenteroit, ne seroit à son auantage, ains plustost en doit tenir l'estat en diuision & partialité: & fault que chacune terre & prouince ne recognoisse autre seigneur que luy, si bien que luy seul & non le pais reçoÿue & iouisse du fruit entier de tous ses conquestz. Et qui voudroit confermer ceste opinion par autres raisons infinies, lise Xenophon en son traité de Tyrannie. Il ne se fault donc, plus esbahir pourquoy les peuples anciens poursuiuoient les Tyrans avec telle hayne & tant aymoient l'estat de franchise & prisoient & estimoient ce beau nom de liberté. Comme il auint a lors que

*Siracuse.* Hyeronne filz de Hiero en second degré fut occis à Siracuse, que venant les nouvelles de sa mort au camp, qui n'estoit fort distant de la ville, vray est que de prime vol il se mit en trouble & tumulte, prenans les armes contre ceux qui l'auoient mis à mort: Mais quand il sentit qu'à Siracuse se crioyt Liberté, soudain atrait de la douceur de ce nom r'apaisa toute sa fureur & l'ire, dont il estoit si enflambé contre les Tyrannicides, & se mirent à considerer comme se pourroit establir & ordonner vn estat de liberté. Aussi ne se doit on esmerueiller si les peuples vsent de vengeance extraordinaire contre ceux qui leur veullent occuper, dequoy se trouuent assez d'exemples, dont ie vous en raconteray vn, qui auint en Corcire ville de Grèce, au temps de la guerre Peloponnesiaque, là ou estant la contrée diuisée en deux factions, l'une tenant le party des Atheniens: l'autre, des Spartains, ou Lacedemoniens, auint que de plusieurs citez qui estoient en ceste partialité, vne partie suyuoit l'amytié de Sparte, l'autre d'Athenes. Et estant escheu que la noblesse y fust la plus forte, & tollist la liberté au peuple, le populaire par le moyen des Atheniens reprint force, mit la main sur tous les nobles, & les logea & enferra en vne sale prison, ou ilz pouuoient bien tous ensemble, dont apres ilz les tiroient sept à sept, dix à dix à la foys, sous titre de les enuoyer en exil en diuers lieux & de tous ilz en faisoient trescruelle iustice. Dequoy s'estant aperceue le reste des emprisonnez, proposerent en tant que possible leur seroit, d'euiter mort si honteuse. Si s'armerent de ce qu'ilz peurent, & combatans contre ceux qui y vouloient entrer, leur defendoient l'entrée de la prison, de sorte que le peuple acourant au bruit descouurit toute la couerture de ce lieu & des ruines les assommerent & enseuelirent. Mains autres telz cas horribles & notables en auindrent en icelle prouince, qui monstrent assez estre vray, que l'on

venge

Vengeance  
de la liber  
té faite à  
Corcire.

venge de plus grand courage & ardeur la liberté qui a esté tollue, que la volonté qu'on auroit cognue de la vouloir tollir. Or estant entré en pensée qui pourroit estre la cause qui a diminué en nous la force & prouesse, c'est à sçauoir la difference qui est entre nostre norriture & l'antique fondée sur la diuersité de l'antique religion & de la nostre laquelle nous ayant fait ouuerture de la verité & droite voye, nous rend l'honneur du monde en beaucoup moindre estime, lequel estant tenu par les Gentilz pour le souuerain bien, leur donnoit trop plus de fierté & hardiesse en tous leurs faitz & entreprises. Ce qui se peult iuger par plusieurs de leurs constitutions, commençant de la magnificence de leurs sacrifices à humilité & simplicité des nostres, esquelz y a bien quelque pompe plus delicate que magnifique: mais sans aucune action fiere, superbe, ne gailarde. A' ceux des anciens n'y auoit faulte de pompe, ne magnificence de cerimonies: mais y auoit d'auantage vn acte de sacrifice plein de sang & de ferocité, auquel ilz faisoient quasi vne boucherie de bestes, dont le spectacle terrible incitoit les spectateurs à sa cōfirmité. Oultre, leur religion ne promettoit beatitude que à ceux qui estoient pleins de gloire mondaine, comme aux cheffz d'armes & Princes de Republics. La nostre a plus glorifié les humbles & contemplatifz, que les actifz, constituant le hault point de félicité en humilité, abiection, & mespris des choses humaines. L'autre au contraire mettoit le souuerain bien en hauteffe de courage, en force & puissance de corps & telles autres qualitez, tendans à rendre l'homme preux & hardy: & au cas que nostre religion requiere & te commande la force, elle veult & entend que tu soys plus prompt à souffrir qu'à faire aucun acte de force. Ainsi me semble que telle loy & façon de viure a conduit le monde à la debilité & foyblesse que nous voyons, le donnant pour proye aux plus meschans & vicieux qui seurement le peuuent manier, voyant que l'vniuersel des hommes pour tenir le chemin de Paradis se dispose plus à porter les coups, qu'à prendre vengeance: & combien qu'il semble que le monde soit effeminé & le ciel quasi desarmé, ce procede plus sans doute de la pusilanimité & lascheté des hommes, qui ont interpreté nostre religion plus selon le repos oyfif, que selon la vertu. Car si nous venôs à regarder comme elle nous permet l'exaltation & defence de noz pais, nous cognoiftrons aussi quelz elle veult estre noz ayez & honorez & que nous disposons à

estre

## DISCOVRS DE NIC. MACCHIA:

estre telz que les puissons bien defendre . Ce sont donques telles manieres de norritures & telles faulſes interpretations, qui empeschét que l'ó ne voye plus au móde les Republicques qui iadis estoíent. Et par consequence ne se trouue plus es peuples telle affection à la liberté qu'adóc, combien que croyrois plustost en estre cause, l'Empire Romain, lequel par ses armes & sa grandeur a estaint toutes les Republicques & tous les estatz ciuilz & politiques . Et ia sçache que cest Empire ayt depuys esté resolu & deffait, si est ce que les citez ne se font encore peu reünir ensemble, & remettre en ordre de vie ciuile, sinon en bien peu de lieux de son obeissance. Quoy qu'il en soit, les Romains en toutes les plus petites parties du monde ont trouué des ligues & quasi iurations de Republicques bien armées & obstinées à la defence de leur liberté . Ce qui monstre que le peuple Romain, sans vne rare & extreme vertu, ne les auroit iamais peu surmonter. Et pour en donuer exemple de quelque membre, ie me contenteray de l'exéple des Samnites, qui semblent chose trop merueilleuse . Et Tite Liue confesse qu'ilz furent si puissans, qu'ilz peurent iusques au temps de *Papirius Cursor* Consul filz du premier Papire resister aux Romains, qui fut l'espace de xlvi. ans apres tant de deffaites, ruines de villes & destructions souffertes en leurs pais. Mesme voyant maintenant ceste contrée iadis peuplée de tant de citez estre quasi deserte & inhabitée: & alors y auoit tel ordre & tel fond de puissance qu'elle, estoit inuincible à toute autre vertu que la Romaine . Or est facile à conseiller d'ou leur procedoit ce bon ordre & qui est cause de nostre present desordre: car tout ce dependoit alors de l'estat de liberté & aujourd'huy de nostre seruite . Au moyen que toutes les terres & contrées viuants en liberté (comme ie disoys) s'augmentent & enrichissent de iour en iour: car en tellieu le peuple y affue & abonde y voyant les mariages plus libres & plus souhaitables aux hommes, veu que chacun procree & engendre volontiers les enfans qu'il espere pouuoir bien norrir & entretenir, sans qu'il craigne que leur patrimoine leur soit tollu . Avec ce qu'il cognoist non seulement qu'ilz naissent libres & non esclaves: mais qu'ilz peuuent par moyen de leur vertu deuenir Princes . Là void on les richesses multiplier en plus grand nombre, tant celles qui procedent du labeur de la terre, que celles que l'on amasse pour inuentoyre & artifice: pource que nous mettons volontiers peine d'aquerir des biens, desquelz nous esperons

feure

seure & paisible iouissance. Dequoy auient que les hommes veillent à l'ennuy au profit priué & public, & l'un & l'autre monte en merueilleuse augmentation. Le contraire de toutes ces commoditez suit les païs qui vivent en seruitude, & plus elle leur dure plus sont priuez de leur prosperité & felicité acoustumée. Et de toutes les sortes de seruitude, qui sont dures à porter, celle est la plus intolérable, qui nous tient soumis à vne republique, d'autant qu'elle est plus longue & moindre est l'esperoir de l'yslue, & que la fin d'une Republique n'est autre que d'eneruer tousiours & affoyblir tous autres corps pour accroistre & enforcer le sien. Ce que ne fait pas vn Prince qui te reduit à sa subiection, s'il n'est quelque Seigneur barbare, pilleur & destructeur de païs & dissipateur de toutes les ciuilités des hommes, comme sont les Princes orientaux: Mais si c'est quelqu'un qui garde les droitz d'humanité ordinaires, le plus souuent ayme egallement les citez de son obeissance & leur laisse tous les artz & ordres anciens, tellement que si elles ne peuuent du tout croistre comme libres, au moins ne vont elles en ruine comme serues. Ce qu'il faut entendre de la seruitude qui les tient subietes à quelque estrangier: car de celle de l'un de leurs propres citoyens a esté parlé cy deuant. Qui doncq prendra garde à tout ce qui a esté deduit en ce propos, ne s'esmerueillera guere de la puissance qu'auoient les Samnites estans en liberté, & aussi peu de la seruitude, dequoy Tite Liue fait foy en plusieurs endroitz, mesmement à la guerre d'Hannibal, ou il monstre qu'estans les Samnites pillés & oppressez par vne legion qui estoit à Nole, enuoyerent leur Ambassadeurs vers Hannibal le prier de leur donner secours, desquelz le propos fut qu'ilz auoient l'espace de cent ans combattu contre les Romains à la force de leurs propres soldatz & à la conduite de leurs propres Capitaines, ayans plusieurs foys soustenu l'effort de deux armées Consulaires, & deux Cōsulz: mais que lors ilz estoient decheuz si bas, qu'à peine se pouuoient defendre d'une petite legion Romaine qui estoit à Nole.

B Que Ro

## Que Rome s'est agrandie des

ruines de ses voyfins, & par le rācueil des eſtranges,  
auxquelz elle faisoit part de ses biens &  
honneurs.

Chapitre

III.

Tite Liue.



Le i. moyé

Le deuxies  
me moyé.

*Rescit interea Roma Albæ ruinis &c.* Ainsi croist  
touſiours Rome & s'augmente des ruines de la  
ville d'Albè. Deux qui veullent en vne cité pro-  
prier vn deſſein de grand Empire, doiuent apli-  
quer tout leur eſprit à la bien peupler & remplir  
d'habitans, ſans quoy ſeroit impoſſible de fon-  
der & eſtablir vne Cité imperiale. Ce poinct ſe pratique en deux  
manieres, dont l'vne giſt en amour: l'autre, en force. Le gouver-  
neur & legiſlateur le fera par amour en tenant la porte ouuerte, &  
la demeure ſeure à tous eſtrāgers qui y voudroient eſlire & conſti-  
tuer leur domicile. Celà conuiera les gens à y venir: Puys il vſera  
de violence à meſme fin, en deſtruifant & ruinant les prochaines  
citez, & recueillant les citoyens d'icelles en la ſienne. Par ces deux  
moyens pratiquez à Rome du temps du ſixieſme Roy ſi trouuoiet  
deſia de conte fait iiii.xx.mil hommes portans armes, au moyen  
que les Romains tenoient enſuyuans l'exemple du bon iardinier,  
lequel voulant rendre le tige de ſon arbre plus gros & en voir  
pluſtoſt le fruit, eſſarte tous les regettons qui croyſſent à l'entour,  
à fin que toute la vertu qui ſe periroit eſtant reduite & recueillie en  
vn ſeul pied, produiſe avec le temps, & eſpande plus fortes bran-  
ches & mieux chargées de fruit. Or que ce moyen ſoit vtile, voire  
neceſſaire à fonder vn tel Empire que Rome, l'exemple de Sparte  
& d'Athenes le monſtre aſſez clairement, leſquelles pour loix ne  
police qu'elles euſſent autant parfaites qu'eut iamais Republique,  
ne pouuoient toutesſois à beaucoup pres paruenir à la hauteur  
de Rome. Et ſi Rome ſembloit mutine & tumultueuſe & trop plus  
mal reiglée & ordonnée que les autres, ce ne procedoit d'autre  
cauſe que ie vous dy: Car ayant Rome augmenté le corps de ſa ci-  
té par

té par ces deux voyes, se vid en estat de pouuoir mettre aux champs cc.iiii.xx. mil combatans: mais de Sparte & d'Athenes ne fortirent oncques plus de vingt mil à vne foys. Et ne nous fault pésar que ceste gradeur luy vint de la bonté & fertilité de son asiete: mais au moyen qu'elle tint beaucoup meilleur que les deux autres: Car Ligurge, qui fut fondateur de la Republique de Sparte, considerant n'estre rien plus dangereux pour l'abolition de ses loix, que la meslée & confusion de nouveaux habitans, employa tout son sens & estude à clorre l'entrée de sa cité aux estrangers. A ceste fin deffendoit aux siens leur conionction & societé par mariage. Plus, leur refusa la bourgeoysie & toute communication des affaires politiques. Et pour mieux les en reculer & forclorre, ordonna toute sa monnoye de cuyr, ce qui empescha le traité & trafique de marchandises estranges en telle sorte, que ceste cité n'eut iamais moyen de foy grandement peupler ne croistre comme Rome. Partant si nos œuures doiuent imiter Nature, pensons comme il seroit possible, ou seulement naturel, qu'un estre & fouche menue peust aucunement soustenir & porter vne lourde & pesante branche. Ainsi est il que vne petite ville ne peult conquerir Royaumes ne Republiques plus grosses & fortes qu'elle n'est. Et si par fortune auient qu'elle en occupe quelqu'une, il luy en prend comme à ce pauvre arbre, qui a les branches plus fournies que l'estre, sous le fais desquelles il ploye & traueille en attendant l'heure que quelque vent le mette par terre, comme fut Sparte, quand apres auoir reduit toute la Grèce en son obeissance, à la premiere rebellion de Thebes, fut despouillée de tous ses rameaux, tellement que le simple tronc demeura tout seul nu & esbranché. Ce que Rome ne craignit iamais, sentant son estre fondé de grosseur suffisante à porter tous les rameaux du monde. Et si n'eut oncques autre occasion de sa grandeur & puissance amirable, que le moyen de proceder que ie vous ay descrit, & les autres que ie deduiray cy apres.

DISCOVRS DE NIC. MACCHIA.  
Comme les Republiques ont  
vſé de troys moyens pour s'augmenter  
& agrandir.

Chapitre

IIII.



Viconques a esté diligent obseruateur des anti-ques histoires, trouue que les Republiques ont tenu trois manieres, pour paruenir à grandeur. Dont l'vne fut pratiquée par les anciens Toscans faisans vne ligue de plusieurs citez ensemble, entre lesquelles l'vne n'auançoit l'autre, ne d'autho-rité, ne degré, & estoient en societé commune de leurs acquestz, en telle sorte que font aujourd'huy les Suyſſes, & iadis ont fait en Grèce les Achées & Etoliens. Et pour ce que les Romains employerent souuent leurs armes cõtre les Toscans, pour mieux declarer la qualité de ce premier moyen, ie m'estendray sus eux pour en donner plus entiere & particuliere cognoissance. Auant l'Empire Romain furent les Toscans en Italie, peuples trespuissans par mer & par terre. Et combien que de leurs faitz & gestes ne nous soit demeuré aucune speciale histoire, encore en reste quelque memoire & signe apparent de leur grãdeur, & ſçait on assez comme ilz enuoyerent vne colonie sur la mer, de dessus laquelle ilz nommerent *Adria*, qui fut si insigne & illustre, qu'elle imposa son nom à la mer, que les Latins appellent *Adriaticum*. Outre, est assez manifeste comme leurs armes furent obeies depuis le Tybre iusques au pied des Alpes, qui est ores la ceinture du gros de l'Italie, combien que deux cens ans auant que les Romains fussent en estat de grans forces, iceux Toscans perdirent la possession & domaine de toute la contrée, qu'on dit à present Lombardie, laquelle fut occupée par les François, qui meuz, ou de necessité, ou atraitz par la douceur des fruitz, mesmement du vin, vindrēt en Italie sous la conduite de Bellouso leur Duc, d'ou ilz chasserēt les habitans naturelz, & y prindrent siege pour eux, y edifiant maintes villes & chasteaux, & nommerēt la prouince Gaule, du nom qu'alors ilz portoient. Et la tindrent  
iufque



iufques à ce que par les Romains ilz furent vaincuz & deietez . Or viuoient adonc les Tofcans en cefte focieté & equalité , procedans à l'augmentation de leur feigneurie en la maniere deffus declarée, eftans douze citez de compagnie . Entre lesquelles eftoiet *Chiuſi*, *Veio* , *Fieſole* , *Arezzo* , *Volterra* , & autres , qui gouernoient leur Empire par voye de ligue . Mais elles ne peurent hors de l'Italie aſſeoir & eſtendre leurs acqueſtz , voire vne part d'icelle demeura entiere, ſans qu'ilz y ayét mis vn ſeul pied : & ce pour les cauſes deduites cy apres . Autre maniere ya de compagnie en gouuernement , ſans vous tollir & quitter le degré de commander , ne le ſiege de l'Empire , ne le titre des entrepriſes . Laquelle fut iadis obſeruée par les Romains . La tierce conſiſte en pure & ſimple ſubiection & obeiffance , ſans tenir aucune couleur ne droit de focieté , laquelle fut pratiquée par les Spartains & Atheniés . Mais des trois la derniere eſt la pire , & ne porte iamais quant & elle que le malheur & ruyne de ceux qui ſe rengent & ſoumettent à telle ſeruitude , comme celles Republiques en portent teſmoignage , lesquelles n'ont eſté deſtruites pour autre occaſion , que du grand domaine & feigneurie par elles conquiſe , que toutesfois elles ne pouuoiet tenir & garder . A' cefte cauſe m'a touſiours ſemblé hault & difficile entrepriſe de manier par violence le gouuernement d'vne cité : meſmement de celles , qui auroient acouſtumé de viure en liberté . Et eſt abus de les cuyder regir , ſinon à main forte & armée . Pour laquelle auoir te conuient par neceſſité pourchaffer compagnons , qui t'aydent à remplir ta cité , & engroſſir le peuple . Et à faute d'auoir fait l'vn & l'autre , tel moyen de proceder ne reuient à aucun profit aux deux citez precedantes : Mais Rome , qui nous a eſté exemple du tiers moyen par l'vn , & l'autre eſt paruenue à cefte exceſſiue puiffance . Et comme elle ſeule a vſé de cefte forme de vie , auſſi eſt eile ſeule môtée en ce degré de hauteur : Car ayant atrait pluſieurs peuples de l'Italie à ſa focieté , & receu en communauté de viure avec elle & en pluſieurs choſes vſer de loix egales , neantmoins ſoy reſeruant touſiours le commandement & ſiege d'Empire , ſes compagnons & allies venoient ſans s'en aperceuoir à ſe ſubiuguer eux meſmes , voire à la ſueur propre de leur corps . Car alors qu'ilz cōmencerent à ſortir hors d'Italie l'enſeigne deſployée , & reduire les Royaumes en prouinces , ſoumettans les gens à leur obeiffance , qui par acouſtumance de la ſubiection des Roys ne ſentirent les

## DISCOVRS DE NIC. MACCHIA.

fais & misères de leur seruitude nouvelle, ayans receu gouuerneurs Romains, & estans vaincuz par armes portans le nom & titre de Rome: partant ne recognoissoient en tout droit de superiorité autre que Rome. Par telle menée ses pauures compagnons qui estoiet en Italie se trouuerent en vn moment circuis de toutes parts, & enclos des fuietz Romains, & oppressez par vne grosse cité telle que Rome: Mais alors qu'ilz s'auiferent du tour qu'on leur auoit ioué, & de l'abus sous lequel ilz auoient vescu, plus n'y auoit ordre de donner remede: telle autorité auoit desia Rome acquise avecques les nations estranges, & telle racine de force estoit prise en son sein, estant la cité si grosse & si armée. Parquoy venans ses compagnons à coniurer ensemble à l'encontre d'elle, pour venger vne telle iniure & outrage, en peu de temps esprouuerent le malheur de la guerre, & d'autant empirerent leur condition de compagnons deuenuz subietz. Ceste pratique, comme vous ay dit, n'a esté exercée & mise en effait, que par les Romains. Et n'est possible à République voulant du long & du lez estandre ses limites, tenir autre moyen meilleur, & l'experience ne nous en a monstré plus certain ne veritable. Le moyen des ligues que obseruoient les Tosfans, Achées, & Etholes, & que tiennent auioird'huy les Suyffes est le meilleur, apres celuy des Romains: pour ce que si tu ne t'en peuz eslargir & augméter beaucoup, deux autres biens ensuyuent. L'vn, que tu n'atraits gueres de guerre, l'autre que ce que tu prens tu le tiens & le gardes bien. La cause de ne se pouuoir amplifier vient de ce, que celle République est separée & desiointe, & consiste en plusieurs sieges. Ce qui les empesche de facilement conseiller & deliberer, aussi leur oste le desir de dominer. Par ce qu'estans plusieurs communitiez à prendre part à telle domination, elles ne font tel conte d'vne conqueste que feroit la République, qui seule esperoit ioyr du tout. Outre, telles gens se gouernent par conseil, dont il est force qu'ilz soyent plus tardifz en leurs deliberations, que ceux qui habitent ensemble dedans vn mesme cercle. Encores void on par experience, que ceste maniere de proceder à certain terme prefix, lequel ne se trouue point par exemple auoir esté outrepaslé. C'est de paruenir à xii. ou xiiii. communitiez, & apres ne soy soucier de passer plus auant. Car estans venuz à tel degré qu'il leur semble auoir moyen de soy defendre de chacun, ilz ne pourchassent plus hault poinct de seigneurie, tant pour ce que

necef-

nécessité ne les astraint à chercher plus de puissance, que d'autant qu'ilz ne cognoissent ne trouuent aucune vtilité en telz acquetz pour les raisons ia deduites. Autrement ilz auroient affaire de deux choses: l'vne, ou à pourchasser societez & confederacions, dont la multitude feroit quelque confusion, ou ilz auroient à les rengier à leur subiection: Mais voyans en ce point trop de difficulté, & peu d'avantage, ilz n'en font autre estime. Quand donques ilz se recognoissent en tel nombre qui leur semble pouvoir viure en seureté, lors ilz se rengent à de deux choses l'vne, ou recevoir gens en recommandacion & protection, & par ce moyen tirer argent de toutes parts, lequel est aisé à partir entre eux. L'autre, à prendre armes mercenaires, & combatre à la solde de tel ou tel Prince, qui les soldoye en ses entreprises, comme l'on void que les Suysses font au iour d'huy, & comme se lit que faisoient les dessus nommez. Dequoy Tite Liue est tesmoing, là ou il dit, que Philippe Roy de Macedone venant à parler avec Titus *Quintius Flaminius*, & tenans propos d'acord en la presence d'un Preteur des Etholes, & entrant ce Preteur en paroles avec Philippe, il luy reprocha son avarice & infidelité, disant, que les Etholes n'auoient honte de suyure les armes de l'un, puy enuoyer leurs gens au seruice de son ennemy, tellement que souuent en deux osts contraires se voyoyét les enseignes d'Etholie. L'on cognoist donques comme ceste maniere de proceder par ligues a tousiours estre semblable faisant pareilz effaitz. Encore void on que la mode de faire des subietz a tousiours esté debile & a peu porté de profit, voyre si tost que l'on venoit à passer borne a esté cause de ruine. Et si ce moyen de faire des subietz est inutile aux Republicques bien ordonnées, il fera trop plus dommageable aux desordonnées, comme sont en nostre tēps celles d'Italie. C'est donc le vray moyen celuy que les Romains ont tenu, lequel est d'autant plus amirable qu'il ne s'en trouue aucun exemple auant Rome & depuis Rome nul ne l'a ensuiuy. Et quand aux ligues il ne se trouue que les Suisses & la ligue de Sueue, qui les imite. Et comme se dira à la fin de ceste matiere, toutes ordonnances obseruées par les Romains, si pertinentes à leurs affaires, tant dehors, que dedans, non seulement ne se pratiquent de nostre aage, mais ne sont plus en aucune estime: par ce que aucuns les iugent n'auoir esté vrayes: les autres, impossibles: les autres impertinentes & inutiles. Tellement, que viuans en ceste ignorance,

## DISCOURS DE NIC. MACCHIA.

Puissance  
antique  
des Tos-  
cans.

nous sommes demeurez proye & butin de qui a voulu auoir ceste prouince. Et quand l'imitation des Romains sembleroit difficile, aumoins ne deüroit telle sembler à celle des anciens Toscans, mesmement aux presens Toscans: car s'ilz ne peuvent pour les causes declarées eriger vn tel empire que Rome, si est ce qu'ilz ont peu acquerir vne puissance en Italie, que ce moyé de proceder leur y donna, laquelle leur fut long temps assuree, avec vn grand honneur d'armes & gouvernement, & pareille reputation de leurs mœurs & religion. Ce qui leur fut premieremét diminué par les François, apres estaint du tout par les Romains, voire tellement estaint, que de ceste puissance, qui estoit grande y a deux mille ans, à peine endure maintenant la seule memoire. Ce qui m'a fait penser d'ou procede l'oubliance des choses, dequoy sera discouru au chapitre ensuyuant.

# Que le changement des sectes

& langues, & l'accident des deluges & pestes, ont estaint la memoire des choses passées.

Chapitre

V.



Vx Philosophes, qui ont voulu le monde estre eternal, me semble que l'on pourroit respondre, que si vn si long cours d'antiquité estoit vray, seroit raisonnable que la memoire durast de plus de cinq mille ans: & ne voyant les moyens, ou causes, qui peussent abolir la souuenance des choses passées, desquelles partie procede des hommes, partie du ciel, les causes humaines sont les mutacions des sectes & des langues. Pour ce que quand vne nouvelle religion s'esleue, son premier soing est d'estaindre la vieille pour soy donner reputation. Et s'il eschet que les fondateurs nouveaux soient de diuerse langue, facilémét ilz l'aneantissent. Ce qui se cognoist par les moyens que la religion Crestienne à tenuz & pratiquez contre la secte gentile: Car elle a abo-

ly tous

ly tous ses ordres & ceremonies & effacé du tout la memoire de celle antique Theologie. Vray est qu'il ne luy a succédé d'amortir la totale cognoissance des faitz & gestes des personnes excellantes qui iadis ont esté, à cause qu'elle a tousiours continué & entretenu le langage Latin, & ce par force, estant contrainte d'y escrire sa loy nouvelle: car on void aux autres persecutions dont elle a usé, que si elle eust eu autre langue commode, il ne resteroit auioird'huy aucun vsage de toute l'antiquité: tellement que qui lira les moyens tenuz par saint Gregoire & autres cheffz de nostre religió, verra de quelle obstination ilz ont persecuté toutes les memoires antiques, mettans à fin les œuures des Poëtes & Hystoriens, ruynans les images, & gastans entieremét tout ce qui pourroit rendre aucun signe ou trace des siecles passez. En sorte que s'ilz eussent peu former vne nouvelle langue, on eust veu en peu de temps toute l'antiquité defaite. Par ce est à croyre que tel tour a ioué la loy gentile à la secte, qui regnoit deuant, que luy a rendu depuis la Crestienne. Et pour ce que les sectes varient & changent deux ou troys foys en cinq, ou six mil ans, la memoire perit de tout ce qui auroit esté fait au parauant. Et si d'auanture en reste aucunes reliques, elles sont tenues à contes & actes fabuleux, auxquelz foy n'est aiousteé nom plus qu'à l'histoire de Diodore Sicilien, laquelle combien que rende conte de quarante ou cinquante mil ans, emporte le titre de fables & mé- Diodore.

songes, que de ma part ie ne luy denie. Quant aux causes precedans du ciel, ce sont celles qui destruisent l'humaine espece & reduisent à peu les habitans d'une partie du monde. Ce que auient, ou par peste, ou famine, ou par inondation d'eau: laquelle est de trop plus grand dâger que les autres, tant par ce qu'elle est vniuerselle, & que ceux que fortune exempte du peril commun, sont voluntiers gens de môtagnes, rudes, & sauages, lesquelz ne peuuent laisser à leur posterité la cognoissance de l'antiquité, & s'il s'en sauuoit aucū qui en peust parler, ou escrire, communément pour se donner nom & reputation la cele & peruertist à sa mode, tellement qu'il n'en demeure à ses successeurs, que autât & telle que luy a pleu leur laisser. Or que peste, deluge, & famine auiennent au monde, ie ne croy pas qu'on le doye reuoquer en doute, veu que les histoires en sont pleines, & que par effait aparoist de ceste oubliance des choses antiques, ainsi qu'il semble assez raisonnable. Qu'ainsi soit: comme nous voyons que Nature es corps simples ou s'est fait quelque amas

de ma

de matiere superflue, s'esmeut souuent d'elle mesmes & fait vne purgation au grád bien & salut du corps, ainsi auient en ce corps mixte & vniuersel de l'espece humaine, que quand toutes les prouinces sont si remplies d'habitans, qu'elles ne les peuuent porter & sustanter, & qu'il n'y a moyen d'en descharger vne en ocupant vne autre (tant sont toutes les lettres pleines) & quand la malignité & astuce humaine est montée au dernier degré, & que plus hault elle ne peut, conuient à lors par necessité que le monde se vuyde & purge par vne des toys manieres, à fin que les hommes estans reduitz à moindre nombre & chastiez & bastuz, puissent viure plus commodément, s'amendent & deuiennent meilleurs. Ia donques estoit la puissance Toscane (comme dessus est dit) pleine de religion & vertu, ayant ses coustumes & sa langue propre, ce qui fut tout estaint par la puissance Romaine, en telle sorte qu'il ne reste plus que la scule memoire de son nom.

## Comme les Romains procedoient au fait de la guerre.

### Chapitre VI.



Yant discouru comme les Romains procedoient au fait de l'augmentation de l'Empire, nous discourrons maintenant le moyen qu'ilz tenoient à faire guerre, pour donner à cognoistre par quelle prudence ilz se sont en toutes leurs actions destournez de la mode vniuerselle des autres, pour abreger de chemin de paruenir à la souueraine grandeur. Or l'intention de qui fait guerre, par election, ou par ambition, est d'acquérir & maintenir l'aquis, & proceder en telle sorte qu'il enrichisse non pas apourisse son pais. Il est donques necessaire, tant pour la conqueste, que pour l'entretènement de ce qui est conquis, auiser de ne soy fourrer en despence, ains faire tout à l'vtilité publique. Qui veult pratiquer ces deux pointz, il luy conuient tenir le stile & la mode Romaine, laquelle fut premierement de faire (comme diét

les François) les guerres courtes & grosses, aussi fortant en compagnie à grosse armée, toutes les guerres qu'ilz ont eu contre les Latins, Samnites, & Toscans, ilz en ont fait briefue depesche, voyre que qui notera toutes celles qu'ilz firent au commencement de Rome iusques au siege de Vege, les trouuera auoir esté acheuées l'une en vi, l'autre en x, l'autre en xx iours: car telle estoit leur v'sance, que incontinent que la guerre estoit ouuerte, ilz sortoient aux champs l'enseigne desployée au deuant de leur ennemy, & aussi tost luy donnoient la bataille, laquelle gagnée, les vaincuz (de paour que leur contrée fust pillée & gastée) condescendoient aux conditions, entre lesquelles les Romains vaincueurs n'oubloient pas la condamnation ou confiscation de leurs terres à conuertir en leur vtilité priuée, ou à distribuer à vne colonie, qu'ilz mettoient sur la frontiere: Tellement qu'elle leur seruoit de garde & de garnison des limites, venoit au profit de ceux à qui les terres estoient données, & aussi à la republique de tenir telle garnison, sans autre coust & despence. Et me semble qu'ilz n'eussent sceu vser de meilleur moyen, ne plus seur, plus fort, & profitable: car tandis que les ennemys ne se mettoient aux champs, ceste garnison suffisoit, s'ilz sortoient les enseignes au vent pour oprimer la colonie, les Romains les venoient rencontrer en pareil equipage, leur liuroient iournée, & s'ilz la gaignoient, leur imposant conditions plus grâues, s'en retournoient chez eux. Ainsi venoient à augmenter de main en main leur force & aquerir reputation sur les estrangers. Ilz tindrent tousiours ceste mode iusques au siege de Vege, auquel ilz changerent leur maniere de proceder à la guerre, ordonât la paye des soldatz pour entretenir la guerre longuemét. Ce qu'ilz ne faisoient & ne leur estoit necessaire au temps qu'ilz y mettoient si brieue fin: Mais combien que les Romains de puis donnassent soulde, & que par ce moyen ilz sustinsent la longueur de la guerre, laquelle estant en lieux & regions plus loingtains les tenoit par necessité, d'autant plus aux champs, si est ce qu'ilz ne laisserent pour celà leur premier ordre de les acheuer soudain, selon le lieu & le temps. Aussi ne delaisferent iamais les colonies: car outre leur coustume naturelle, l'ambition de leurs Consulz leur fit garder & continuer ce premier ordre de courte guerre, pour ce que ne durant le consulat qu'un an, duquel les six mois se deuoient passer aux tentes, ilz pourchassoient fort la fin de la guerre, pour le desir du triumphe. Quant

aux co-

aux colonies, la grande vtilité qui leur en venoit les maintint & continua. Vray est qu'ilz varierent vn peu touchant le butin & la proye, en laquelle ilz se resserrèrent de la grande largesse dont ilz auoient vsé au parauant, soit qu'elle ne leur semblast pas si necessaire, qu'au temps que leurs soldatz n'auoient solde, ne paye, soit que deuenans les butins & despouilles beaucoup plus grosses, ilz en vouloient si bien engresser leur tresor publicque, qu'ilz ne fussent contrains leuer tribut sur la cité pour le fond de leurs entreprises. Ce qui remplit en peu de temps le tresor de leur ville, qu'ilz nommoient *Aerarium*. Ainsi ces deux ordres tant en la distribution du butin, qu'à l'establissement des colonies, firent Rome enrichir par guerre, par laquelle les Princes & Republicques peu prudetes apaurissent, voire reduirent la chose en telz termes, qu'il ne sembloit au Consul pouuoir triumphe, s'il ne portoit en *L'ararium* vne quantité inestimable d'or, d'argent, & de toutes autres despouilles. Ainsi les Romains par les moyens dessusditz & par la briueté de leurs guerres, voulans bien par longueur lasser & ennuyer leur ennemy, puy par routes, courses, & accords à leur auantage, allerent tousiours de plus en plus, augmentans leur richesse & puissance.

## Quelle portion de terre les Romains donnoient pour teste à chacune personne de leur colonie.

Chapitre

VII.



**I**E croy qu'il ne soit pas ayse de trouuer à la verité combien les Romains distribuoyent de terre à chacun hōme de colonie: car (à mon iugement) ilz leur en faisoient meilleure ou moindre part, selon les lieux ou ilz les enuoyoyent. Et en tous cas y a occasion de iuger qu'en quelque terre que ce fust ilz tenoyent tousiours la main ferrée, & n'en donnoient à chacun que bien peu. Pour la premiere raison qui les mouuoit, ce leur estoit moyen de pouuoir transporter plus de gens & mettre  
meil-



meilleure garde en telz païs de conqueſte. Auſſi n'eſt il à preſumer, que gens qui s'entretenoient en telle pauvreté en leur ville, preſtaſſent la main à ceux de leur corps, qu'ilz enuoyent dehors pour monter à ſi grand' ri cheſſe. Ainſi dit Tite Liué, que la colonie de Vege n'eut que trois iugeres ſept onces de terre, qui ſeroient à noſtre conte.

L'auteur  
ne l'a rem  
ply.

Je croy qu'ilz pouoient encores conſiderer que tout ne giſt pas à en auoir beaucoup: mais à le bien cultiuier, & labourer. Je ne fais doute, que telle colonie enſemble n'eut quelques champs publiques, ou chacū du peuple auoit droit d'enuoyer paître ſon beſtail, & auſſi des foreſtz communes pour les vſages du boys neceſſaires, & autres commoditez requiſes à la ſuſſance de la vie humaine.

## La cauſe qui meut les peuples

à ſortir de leur lieu naturel & occuper &  
inonder autre païs.

Chapitre

VIII.



Vys que diſcouru a eſté de la diſcipline militaire obſeruée par les Romains, & comme les Toſcans furent aſſailiz par les François, il ne me ſemble hors de propos deuifer des deux eſpeces de la guerre, dont l'vne ſe fait par l'ambition des Princes & Republicques, qui taſchent à dilater & augmenter leur Empire, comme furent les guerres que fit Alexandre le grand, & le peuple Romain, & comme fait chacune uiſſance l'vne contre l'autre: leſquelles guerres, cōbien que perilleuſes, toutesfois ne chaſſent du tout les habitās hors de leur prouince, ſe cōtentant le vainqueur de ſa ſeule victoire, & de l'obeiſſance des peuples, en forte que le plus ſouuent il les laiſſe viure en leurs propres maiſons, vſans & ioiſſans de leurs biens. L'autre eſpece de guerre eſt quand vn peuple entier met toutes ſes familles & meſnages hors de quelque lieu, cōtraint par guerre, ou famine, & va chercher terre nouvelle, non pour ſeulement y commander (comme ceux de

Deux eſ  
peces de  
guerre.

La guerre  
d'inonda  
tion.

C

deſſus)

## DISCOURS DE NIC. MACCHIA.

Trois guerres des François contre les Romains.

dessus) ains pour la posséder toute particulièrement & en deloger ou mettre à l'espée, tous les anciens habitans, qui est vne hostilité trop plus cruelle & espouventable, que l'autre. De telle guerre parle Saluste en la fin de *Iugurta*, ou il dit, que *Iugurta* vaincu, se sentit l'esmotion des François venans en Italie. Et que contre toutes autres nations le peuple Romain combatit pour le seul honneur & commandement, mais contre les François y alloit du salut & de la vie: car à vn Prince ou Republique entrant à main armée en vne prouince, fufit estaindre, ceux qui gouernent: mais à ses peuples conuient depescher le país de tous ceux qu'ilz y trouuent, ayans à viure de ce dont les autres viuoient. De ceste maniere les Romains soustindrent troys tresdangereuses batailles. La premiere, quand Rome fut prise par les François, qui auoient (comme dessus a esté dit) osté la Lóbardie aux Toscans. Dequoy Tite Liue allegue deux occasions: l'vne, qu'ilz furent alechez & conuiez de la douceur des fruitz & des bons vins d'Italie, dont ilz auoient faite en France: La seconde, que le monde y estant si fort multiplié, que le país ne pouoit plus norrir, les Princes & les Seigneurs iugerent estre necessaire qu'vne partie vuydast & se pourueust d'vne nouvelle contrée. Et apres ceste deliberation esleurét pour cheffz d'iceux qui deuoient sortir, deux Roys François, Belloueffus, qui vint en Italie, & Sicouefus, qui passa en Espagne. Du premier l'inódaton occupa la Lóbardie & leua la premiere guerre que Rome soustint iamais de France. La seconde fut apres la guerre Punique, en laquelle moururent deux cens mille François entre Pise & Plóbin. La tierce fut quand les Tudesques & Cimbres vindrét en Italie, ou apres auoir desconfit plusieurs armées des Romains, en fin furent defaitz par Marius. Or les Romains gaignerent ces troys guerres tresperilleuses. Et n'estoit requise moindre vertu & puissance à les vaincre: Car vous voyez côme depuys celle vertu defaillit, & leurs armes perdirent leur valeur, & lors ceste Empire fut destruit par peuples semblables. C'est à sçauoir, Gotz, Vuandales & autres, qui occuperent tout l'Empire Occidental. Tels peuples sortent (côme dit est) de leur cōtrée forcez de leur necessité & la necessité vient de famine, ou de guerre, & opression, qui leur est faite telle, que cōtraints sont de laisser la place, & s'ilz sont en grand nombre, entrent de violence en quelque prouince, mettent à mort tous les habitans, vsurpent la possession de leurs biens, & font vn nouveau Royaume, & luy changent le nom.

nom. Comme iadis fit Moÿse, & deuyes firent les Barbares occupants de l'Empire Romain. Et de là, non d'ailleurs, sont nez & imposés les nouveaux noms, que l'on void aujourdhuy en Italie, & es autres contrées, au plaisir & volonté de telz nouveaux vsurpateurs. Ainsi a esté nommée Lombardie celle qu' auparauât estoit la Gaule Cisalpine, & la Transalpine tient ores le nom de France, par les peuples François, qui l'ont ocupée, & l'Ilirie est apellée Esclauonie: la Pannonie, Hongrie: la Bretagne, Angleterre. Moÿse aussi nomma Iudée la part de la Sirie qu'il occupa, & ainsi mainte autre contrée a changé de nom, & seroit long & ennuyeux à raconter. Et pource que j'ay dit cy dessus, que les peuples sont aucunesfois chassés par guerre hors de leurs pais & cōtraints pourchasser quelque lieu de conqueste, ie vous en vèux deduire vn exemple des Maurusiens peuple ancien de Sirie, lesquels, sentans la venue des Hebreux, & ne s'estimans de force pour leur résister, pensèrent que mieux seroit se sauuer & eiter la fureur de l'ennemy en abandonnant le pais, que pour la deffense d'iceluy se perdre, & de faire eux mesmes. A donques partans de ce lieu tirerent en Afrique, ou ilz prindrent terre de demourance, mettans dehors tous les habitans d'icelle. Ainsi ceux qui auoient failly à defendre leur cōtrée furent assez forts pour en occuper vne nouvelle. A ce propos *Procopius*, qui décrit les armes de *Belisarius* contre les Vandales occupants de l'Afrique, dit auoir leu des lettres escrites en certaines colonnes, au lieu ou ces Maurusiens habitoient, desquelles la te-

Mutation,  
des noms  
des pays.

Maurusiés

Procopius  
Belisarius.

*Nos Maurusi, qui fugimus à facie Iesu latronis filii Naue.*

Nous sommes les Maurusiens fuyans deuant la face de Iesus le brigand filz de Naue. En quoy se comprend la cause de leur fuyte hors de Sirie. Certes telles gens sont merueilleusement à craindre, estés chassés par fureur & necessité extreme qui les meine. En sorte que s'ilz n'ont tresdure & aspre rencontre de quelque nation belliqueuse, leur efort & violence n'est pas soustenable. Mais quand ilz sortent de leur siege naturel en petit nombre, par raison ilz ne sont si dangereux que les autres: car leur force n'est pas telle. Dont leur conuient vser d'art & astuce pour occuper quelque lieu, & la possession prise se maintenir par voye d'amys & confederez. Comme firét Aeneas, Dido, ceux de Marseille, & autres semblables, qui par le consentement & suport de leurs voyfins tindrent les places ou

ilz auoient vne foys mis le pied. De ce país de Sirie sortent les peuples en grande multitude, comme de lieu froid, pauure, & steril, abondant de gés & despourueu de viures pour les norrir, dont plusieurs incómoditez les dechassent & nul bien les y retient. Et si depuis cinq cens ans en çà n'est auenu aucú deluge, ou inondation de telles gens, celà se fait pour plusieurs raisons. L'une est la grande euacuation qui en fut faite sur le declin de l'Empire Romain: car adonc en ysisit plus de trente peuples: l'autre, que l'Alemagne & l'Angleterre, dont se debordoit aussi telle vermine, ont à present amendé & melioré leur país, en sorte qu'ilz y peuuent viure riches & aisés, sans que befoing leur soit de plus habandonner la terre. D'auantage estans ceux cy tresbelliqueux, nous seruent comme bouleuert contre les Scithes, qui les cónfinent & leur ostent le cuer & la presumption d'entreprendre de passer par eux & de les pouoir vaincre: voire souuent s'esleuent de tresgros mouemens des Tartares, qui sont soustenuz & repoussez en Hongrie, & en Poulaine. Aussi se vantent ilz & glorifient, que sans eux & leur puissance, l'Italie, & l'Eglise auroit plusieurs foys senty la charge & inuasion des Tartares.

## Quelles causes font commu-

nément fourdre guerre entre les Potentatz  
& grans Seigneurs.

Chapitre

I X.



LE motif de la guerre meüë entre les Romains & les Samnites, qui si long temps auoient esté en ligue, fut l'ocasion cõmune qui met tous Princes puissans en contention. Laquelle cause, ou auiet de cas fortuit, ou du mouuement de celuy qui ne demande que guerre. Celle qui fourdit entre les Romains & les Samnites fut par fortune, d'autant que l'intention des Samnites n'estoit d'adresser leurs armes contre le peuple Romain, quand ilz allerent combattre les Sidicins, & apres les

les Campanois, lesquelz se voyans oprimez & prenant leur refuge à Rome, hors de l'opinion tant des Romains, que des Samnites, furent contraints les Romains defendre comme leur propre ceux qui se donnoient à eux, & ouvrir la guerre, que (leur honneur sauf) ilz ne pouuoient fuir, ny euit. Il est bien vray qu'il leur sembloit raisonnable ne soustenir les Campanois, combien que leurs amys, contre les Samnites, qui leur touchoiét en pareille amytié. Aussi tenoient ilz à trop grande honte ne defendre ceux qui se rendoient leurs subietz ou recommandoient leur party à leur bonne grace, iugeans, ou cas qu'ilz eussent refusé telle defense, d'auoir trenché le chemin à tous ceux qu'eussent eu volonté de foy renger sous leur puissance. Puy ayant Rome pour son but l'Empire, la gloire, & non le repos, ne pouuoit bonnement refuser ceste entreprise. Ceste cause mesme donna commencement à la premiere guerre qu'ilz eurent contre les Cartaginois, à raison de la defense qu'ilz entreprendrent des Mefsinesiens en Sicile, laquelle encores auint par fortune: mais non la seconde guerre. Car Hannibal Capitaine Cartaginois assaillit les Saguntins amys des Romains en Espagne, non tant pour les offendre, que pour emouuoir & irriter les armes Romaines & auoir occasion de les combattre & passer en Italie. Ce moyen de faire ouuerture de nouvelle guerre a tousiours esté pratiqué par les grans Seigneurs, qui auoient quelque respect de la foy & d'autre chose. Car si ie veux mouuoir guerre à vn Prince, entre lequel & moy soient quelques capitulations & articles, qui ayent esté long temps stables & entiers entre nous, i'auray titre & couleur plus iuste de m'adresser à son amy, qu'à luy mesme, sçachant que de l'assault que ie liureray à son confederé il se sentira, & i'auray la fin de mon desir, qui est de luy mener guerre. Ou, s'il ne montre de le sentir, il descourra sa debilité & impuissance, ou son infidelité de ne defendre celuy qui luy doit estre pour recommandé. Et l'vn & l'autre de ces deux poincts est pour luy tollir reputation & rendre mes desseins plus faciles. Il est doncques à noter par la dedition des Campanois ce qui a esté dessus discouru du moyen de mouuoir guerre, & d'auantage quel remede peult auoir vne cité, qui par elle ne se peult defendre, & voudroit se mettre en defense en quelque maniere que ce fust. Qui est foy donner librement à telle quelle estime, qui puisse repousser ou soustenir l'effort de son ennemy: comme firent le Capuains aux Ro-

mains, & les Florentins au Roy Robert de Naples, lequel ne les voulant defendre en qualité d'amys, les defendit comme subietz contre *Castruccio* de Luques, qui les opprimoit.

## Que les deniers ne sont le nerf de la guerre, comme estime l'opinion commune.

### Chapitre X.



Ource qu'il est ayse de commencer la guerre à la poste, & non pas de l'acheuer, le Prince doit, auant que faire entreprise, mesurer ses forces & se gouverner selon la suffisance de son pouuoir : aussi doit vser de telle prudence, qu'il ne s'abuse en l'estimation de sa puissance. Ce qui luy auindra toutesfoys qu'il les mesurera à ses finances, à l'asiette du lieu, à l'assurance de la bonne volonté de ses subietz, ayant d'autre part faute & debilité en ses propres armes. Car combien que telles choses accroissent de beaucoup la force, si est ce qu'elles ne la donnent pas, & d'elles mesmes seruent de peu, ou rien, sans la seureté des armes : car la quantité des deniers, sans elles, ne peut suffire. Autant vault le pais munny de sa nature, & la foy & obeissance des hommes n'est durable, d'autant qu'ilz ne peuuent garder loyauté à leur Seigneur qui ne les peult defendre. Toute montaigne, tout lac, & marescage, toute place inaccessible deuiet plaine & de facile acces, deuyt qu'il y a faute de gens de defense. Alors les grans sommes d'argent tant s'en fault qu'elles gardent leurs possesseurs, que plustost le liurent pour proye à ses ennemys. Et n'y a opinion au monde plus faulse que la commune, qui tient les deniers pour le nerf de la guerre, laquelle sentence a esté par *Quinte Curse* en la guerre qui fut entre *Antipater Macedonien* & le Roy de Sparte. Là ou il racôte, que ce Roy, par faute d'argent, fut contraint donner la bataille qu'il perdit : laquelle s'il eust differée iusques à peu de iours les nouvelles venoient en Grèce de la mort d'*Alexandre*, qui luy eussent mis la victoire entre les mains sans coup ruer : Mais se trouuant en ceste ne-

ste necessité d'argent, craignant que par ce moyen son armée l'abandonnast, force luy fut tenter la fortune de la bataille. Dont Quinte Curse vient à inferer, que les deniers sont le nerf de la guerre, laquelle sentence est tous les iours alleguée & suyvie par Princes moins prudens & auisez que besoin seroit, lesquelz fondez sur ceste opinion pensent que ce soit assez pour leur deffence d'auoir grans tresors amassez, ne considerans que si telle richesse estoit moyen suffisant de victoire, Darius à ce conte auroit vaincu Alexandre, les Grecz auroient surmonté les Romains, & de nostre temps le Duc Charles auroit subiugué les Suyffes, & n'a gueres le Pape & les Florentins ensemble n'eussent trouué difficulté à vaincre *Francesco Maria* neveu du Pape Iule ii. en la guerre d'Vrbain. Mais tous les susnommez furent desconfitz par ceux qui estimoient le nerf de la guerre estre es bras des bons Soldatz, & non en l'abondance d'or ou d'argent. Entre les autres choses que Cresus Roy de Lidie monstra à Solon Athenien, fut vn tresor innumerable: Et sur ce luy demandant qu'il luy sembloit de son pouuoir, respondit, qu'il ne l'entenoit de rien plus puissant: veu que la guerre se fait au fer, non pas à l'or, & qu'il pourroit suruenir quelqu'vn mieux ferré que luy, qui le dedreroit. Pareillement quand apres la mort du grand Alexandre passa en Grèce vne vndée & multitude de François, & de là en Asie, ilz enuoyerent leurs Embassadeurs deuers le Roy de Macedone traiter de certain acord: auxquelz le Roy, par ostentation de sa puissance & pensant les estonner, desploya & mit en euidence ses granstresors, desquelz il alluma vne telle couuoitise en ces François, que par le desir qui leur prit de telle richesse ilz rompirent la paix desia demy acordée, & l'amas qu'il auoit fait de tant d'or & d'argent pour sa deffence, fut cause de sa propre despouille. Aussi n'y a pas long téps que les Venitiens ayans encor' entier leur tresor inestimable, perdirent tout leur estat, sans trouuer aucun secours en leurs cofres. C'est donques mon auis que l'or n'est pas (comme crie le commun) le nerf de la guerre: mais ce sont les bons soldatz, desquelz l'or ne fournit pas tousiours: mais ilz trouuent bien l'or, tât bien caché & gardé soit il. Aux Romains n'eust pas suffit tout le tresor du monde, s'ilz eussent voulu faire la guerre par argent & non par fer, veu leurs incroyables entreprises, & leurs difficultez & empeschemens domestiques: mais ayans mis au fer leur fiance entiere, iamais ne se trouuerent en necessité d'argent. Au moyen

Les plus riches vaincuz;

Apophthe gme de Solon;

Richesse cause de la destructiõ du Roy de Macedone.

qu'il leur estoit porté iusques en leur camp par ceux qui les craignoient & redoutoient. Et si ce Roy de Sparte fut contraint par indigence à tenter la fortune de la bataille, ce qui luy auint par faute d'argent est souuent auenu par autres moyens. Comme l'on void aussi que defaillans les viures à vne armée, & estant contrainte ou de mourir de faim, ou de combattre, elle prend volontiers le party plus honorable, qui est la bataille, en laquelle y a espoir que fortune la puisse fauoriser en quelque maniere. Encores est souuent auenu, qu'un Capitaine auerty du secours qui venoit à son ennemy estoit contraint, ou de soy mettre au hazard de la iournée, ou attendre qu'il fust renforcé, auoir lors à combattre, bon gré mal gré, avecques mil desauantages. Aussi a esté veu ce qui auint à Afrubal quand il fut assailly en la Marche par Claude Neron ioint avec l'autre Consul Romain, qu'un chef de guerre est souuent reduyt en necessité de fuir, ou de combattre, & que tousiours il eslit la bataille considerant qu'en tel party (combien que fort dangereux & douteux) il peult gagner la victoire. & que l'autre ne porte rien en somme, que sa perte & confusion. Il y a doncques plusieurs necessitez, qui peuent renger un Capitaine au party de venir aux mains contre son intention, entre lesquelles peult quelquesfois estre contée la faute des finances, qui toutesfois ne doit pour ceste raison les mettre en estime du principal fondement & appuy de guerre, non plus que maintes autres choses, qui induysent les hommes à semblable necessité. Bien est vray que les deniers sont necessaires en second lieu: mais c'est vne necessité, que les bons soldatz peuent d'eux mesmes rompre & surmonter: Car autant est impossible que l'argent faille à si gens de bien, comme que l'argent soit moyen seur & certain de luy mesme à recouurer les bons soldatz. Ce que l'histoire en plus de mil lieux nous monstre estre veritable, non obstant que Periclees conseillast aux Atheniens de mouuoir guerre contre tout le Peloponnesse, leur remonstrans qu'ilz la pouuoient conduire à fin par industrie & non par force d'argent. Et combien qu'en ceste guerre les Atheniens rencontraissent quelque prosperité & faueurs de fortune: toutesfois à la fin la perte tourna sur eux valant plus le conseil & les bons soldatz de Sparte, que toute l'industrie & l'argent d'Athenes. Mais Tite Liue est plus vray tesmoin de ceste opinion, que nul autre, au discours qu'il fait: Si Alexandre le grand fust venu en Italie, à sçauoir s'il eust vaincu la puissance

Conseil de  
Pericles.

Romaine



Romaine . Ouquel lieu il deduit estre trois choses necessaires au fait de la guerre: le nombre suffisant de gens de bien, les Capitaines bons & auisez, & la fortune fauorable . Là ou examinant lequel des Romains, ou d'Alexandre, fut le mieux garny de ces trois points, fait apres sa conclusion , sans mention aucune de finances. Ce fut aux Capuains , alors qu'ilz furent requis par les Sidicins , de prendre les armes pour eux à l'encontre des Samnites, de mesurer leur puissance à la somme de leurs deniers, & non à la force des soldatz : Car depuys qu'ilz eurent arresté de leur donner secours apres deux deffaites, furent contraints de foy rendre tributaires des Romains, s'ilz se vouloient sauuer.

## Que ce n'est prudence prendre

aliance d'un Prince, qui plus ayt d'estime que de puissance.

Chapitre XI.



Oulant Tite Liue declarer la faute que firent les Sidicins de se fier au secours des Campanois , & au contraire celle des Campanois , qui presumoient de les pouuoir defendre, il ne nous le pourroit donner en plus viues paroles:

*Campani magis nomen in auxilium Sidicinorum, quam viues ad præsidium attulerunt.*

Les Campanois (dit il) aporтерent plus de nom que d'efait & d'armes au secours des Sidicins . En quoy on peult noter, que les ligues faites avecques Princes, lesquelz ne vous peuuent secourir au besoin , pour la distance des lieux, ou n'ont puissance de le faire, à cause de leur mauuais ordre, ou autre destourbier, telles ligues ont plus de monstre que d'efait au profit de ceux qui s'y fient . Comme de nostre temps Florence l'a pris à son meschef l'an mil trois cens soixante dixneuf, qu'elle fut assaillie par le Pape, & le Roy de Naples: car alors l'aliance du Roy de France luy seruit plus de nom que de secours & ayde, tel que seroit encores aujourd'huy la confederation

ration de l'Empereur Maximilian à qui voudroit sous ombre d'icelle faire quelque entreprife. Car il n'en prendroit point autrement qu'il fit aux Sidicins d'auoir ouuert la guerre à Rome sur l'apuy des Campanois. Capue est digne de pareille reprehension, d'auoir conceu opinion de sa force plus grande que la verité, laquelle imprudence conduit souuent les hommes à entreprendre la defense d'autruy, qui seroient trop empeschez à se garder & soustenir eux mesmes: ainsi que faisoient les Tarentins, lesquelz (comme Tite Liue raconte) estans campez l'un deuant l'autre, les ostz des Romains & des Samnites enuoyerent Embassadeurs au conseil de Rome, luy declarans le desir qu'ilz auoient de la paix & acord des deux peuples & de se ruer sur celuy qui n'y voudroit entendre. Duquel propos le conseil fit tel conte, qu'en la presence des Embassades fit sonner la bataille. Et de fait marcha à l'instant contre son ennemy, rendant aux Tarentins par œuure, & non par parole, telle responce, que mettoit leur demande. Voilà l'issue des partiz temeraires, qui se prennent pour la defense d'autruy. Maintenant nous fault parler de ceux que chacun doit tenir pour soy mesme.

## Lequel est meilleur quand on se doute d'estre assailly, ou mener la guerre, ou l'atendre.

Chapitre

XII.



Il y a quelquesfois ouy disputer entre gés expertz & entenduz ou fait de la guerre, s'il y a deux Princes de forces presque egales, & que le plus gaillard & hardy ayt publié la guerre contre l'autre, lequel vault mieux au deffié, ou d'atendre son ennemy de pied coy en son royaume, ou de l'aller trouuer & assaillir en ses pais. Surquoy i'ouy alleguer maintes raisons des deux costez. Ceux qui tiennent pour meilleur le party d'aller premier assaillir, se fondent sur le conseil que Crefus donna à Cyrus, alors qu'il arriua sur les marches des Massagettes en ordre &

ordre & contenance d'ennemy mortel, & que leur Royne Thamyris luy manda, qu'il esleust lequel il voudroit des deux, ou d'entrer en son royaume, ou elle l'atendoit, ou qu'elle mesme marchast au deuant de luy. Et estant l'affaire mis en deliberacion Cresus fut d'avis, contre l'opinion des autres, qu'on la deust aller trouuer sur ses terres, à cause que qui la defferoit hors & loing de ses pais, il n'emporteroit par ce moyen le royaume, pour le temps qu'elle pourroit auoir à soy refaire: mais s'il la vainquoit sur les lieux en poursuyuant viuement l'execution de sa victoire, sans luy donner loysir de remettre aux champs nouvelle armée, il luy pourroit tollir son estat. A ceste fin alleguent aussi le conseil qu'Hannibal donna à Anthiocus, sur le dessein que ce Roy faisoit de mouuoir guerre aux Romains, duquel estoit la somme, que les Romains ne pouuoient estre vaincuz qu'en Italie d'autant que dedans leur pais l'estrangier pouuoit tirer à son seruice leurs armes, propres richesses, & amys: Mais qui conques les voudroit rencontrer hors l'Italie, la leur laissant sauue, & libre, il leur laissoit vn fond & vne ressource, qui leur fourniroit tousiours tel renfort & rafraichissement, que besoin seroit, & conclud qu'il estoit plus ayse d'emporter Rome aux Romains, que leur Empire: plus ayse conquerir l'Italie, que leur autres Prouinces. Ilz nous mettent encores deuant les yeux Agatocles, lequel ne pouuant soustenir la guerre chez luy, sortit & alla assaillir les Cartagiноys qui la luy menoient: tellement qu'il les renga en termes de demander la paix. Ilz alleguent Scipion, qui pour leuer la guerre hors d'Italie entra en Affrique. Ceux qui maintiennent l'opinion diuersé dient, que qui veult pourchasser la fin de son ennemy le doit le plus qu'il peut eslongner de sa maison: A quoy se seruent de l'exemple des Atheniens, lesquels au temps qu'ilz firent la guerre sur leur terroir demourerent tousiours les maistres, & quand ilz sortirent dehors & passerent leur ost en Sicile, ilz perdirent leur liberté. Ilz se veullent encores ayder des fables poëtiques, lesquelles portent, que Anteüs Roy de Libie assailly par Hercules l'Egipcian, fut inuincible tandis qu'il se tint dedans les fins & limites de son Royaume: mais s'ist que par l'astuce d'Hercules il fut atiré dehors n'y perdit moins que l'estat & la vie. Ce qui a donné lieu à la fable d'Anteüs, que touchant à terre il reprenoit force de sa mere (qui s'entend la terre mesme) dequoy Hercules s'aperceuant le leua en l'air hault de terre. Oultre ilz se fondent sur les iugemens de nostre

Conseil de  
Cresus.

Conseil de  
Hannibal.

Fable  
d'Anteüs.

## DISCOVRS DE NIC. MACCHIA.

aage. Chacun ſçait que le Roy Ferrand de Naples fut en ſon temps en reputation de treſſage Prince, & venant le bruit enuiron deux ans auant ſa mort, que le Roy de France Charles viii. deliberoit le venir affaillir, apres auoir mis ordre à toute munition & apareil neceſſaire, fut ſurpris de maladie, & à l'article de la mort, entre autres auertiffemens qu'il laiffa à Alphonſe ſon filz, luy diſt, qu'il atédift ſon ennemy dedans ſon Royaume, & que pour choſe du monde il ne tiraſt ſes forces hors de ſes limites : mais que tout entier il y receuſt qui venir voudroit. Ce que le filz ne retint, ains enuoya vne armée en la Romagne, qu'il y perdit ſans combatre & ſon eſtat enſemble. Or les raiſons qui ſe peuuent deduire, outre les exemples entenduz cy deuant, ſont telles, que celuy qui aſſault vient avecques plus grand courage que l'atendant, ce qui double l'aſſurance à ſes gens : d'auantage il priue ſon ennemy de beaucoup de commoditez, qu'il auroit de ſoy ſeruir du ſien, luy oſtant le ſeruiſe de ſes ſubietz qui ia ſont ſaccagez. Puyſ le Seigneur ayant telz hoſtes chez luy eſt contraint d'vſer de plus grand reſpect à tailler & impoſer ſes hommes & de trop ne les trauailler : tellement que la fontaine tariſt (comme diſoit Hannibal) qui eſtoit moyen de ſouſtenir le fais de la guerre. Outre les ſoldatz ſe trouuans en païs eſtrange ſont reduitz en plus grande neceſſité de combatre, laquelle fait vertu (comme j'ay dit pluſieurs fois). De l'autre part ſe peut reſpondre, que celuy qui atend ſon ennemy a pour luy beaucoup d'auantages, en ce qu'il peut ſans peine ne danger ſouuent couper les viures aux autres, & les faſcher & incommoder en maintes choſes, dequoy vne armée à beſoin. Puyſ il peut mieux empéſcher & deſtourner leurs deſſeins par la cognoiſſance du païs qu'il a par deſſus eux. Il peut marcher contre eux en plus grande puiffance, luy eſtant ayſé tenir ſur le lieu toute ſa force vnie, laquelle il ne pourroit tirer toute hors de ſes terres. Il peut (ſi d'auanture il eſt rompu) ſe refaire facilement, d'autant qu'il ſe ſauuera touſiours grande partie de ſes gens pour le refuge qu'ilz ont ſi prochain, auſſi que le ſuplément & renfort ne luy viédra de loing. En ſorte que ce faiſant il met au hazard toute ſa force, & non toute ſa fortune, & ſortant dehors il hazard de toute ſa fortune, & non toute ſa force. Voire aucuns ya, qui pour affoyblir leur ennemy le laiſſent par quelques iournées entrer en leurs païs & prendre quelques places, à fin que mettant garniſon

en toutes

en toutes il diminue & debilite son ost, d'autant donc il sera plus facile à combattre.

Mais, pour vous en declarer mon auis, il me semble qu'il faut en ce propos vser de ceste distinction: C'est à sçauoir, que, ou j'ay mon pais armé, comme les Romains auoient, & comme ont auourd'huy les Suysses: ou ie le tien defarmé, comme faisoient iadis les Cartaginois, & font encores les Roys de France & les Italiens. Or en ce cas l'ennemy se doit tenir le plus eslongné qu'il est possible, puy que ta vertu consiste en l'argent, & non es hommes: Car à l'instant que la voye de ton secours te sera empeschée, tu demeureras sans pouuoir ne resistance: & n'ya rien qui tant te puisse clorre ce pas, que ceste guerre quasi domestique. Les Cartaginois font pour exemple, lesquelz tandis qu'ilz ont eu la clef libre de leur maison, ont peu de leurs rentes faire testes aux Romains, & estans assailliz chez eux n'ont sceu resister à l'efort d'Agatocles. Les Florétins n'auoient aucun remede contre *Castruccio* Seigneur de Luques, qui les estoit venu battre à leurs portes: tellement que, pour trouuer quelque defense, furent contraints de soy rendre entre les mains du Roy Robert de Naples: Mais, apres la mort de *Castruccio*, les mesmes Florentins eurent bien en eux le cueur & hardiesse d'aller assaillir le Duc de Milan iusques en sa maison, le mettant en peril de perdre son estat. Telle vertu ilz ont monstré es guerres loingtaines & telle lascheté es prochaines & domestiques. Mais quād les Royaumes sont armez comme estoit Rome, & comme font les Suysses, ilz sont plus dificiles à vaincre, d'autāt que plus on s'aprouche d'eux: pource que telz corps peuuent vnir & assembler plus de force à resister à vn efort suruenant, qu'ilz ne feroient en assaillant autruy. Ie ne m'arreste pas en cest endroit à l'autorité d'Hannibal, pource que la passion & son profit particulier luy inspiroit tel propos à dire à Antiochus: Car si les Romains eussent eu en France en tel espace de temps trois telles defaites, qu'ilz receurent d'Hannibal en Italie, certainement c'estoit fait d'eux: Au moyen qu'ilz n'eussent peu se feruir des reliques de leurs armées, comme ilz s'en ayderent en leur contrée. Ilz n'eussent eu celle commodité de se refaire apres la route, ne telle force à resister à leur ennemy qu'ilz eurent là. Iamais ne se trouua que pour entrer en vn pais ilz ayent mis aux champs plus de cinquante mille combatans: mais pour la defense du leur ilz

## DISCOVRS DE NIC. MACCHIA.

mirent en armes cōtre les François depuys la premiere guerre Punique dixhuit centaines de milliers, & depuys ne les peurent rompre en Lombardie comme ilz les ont rompuz en Toscane: Parce que contrē tel nombre d'ennemys ilz ne peurent conduire si grande force si loing, ne combatre avecques tant de commoditez & avantages. Les Cimbres defirent vne armée Romaine en Allemagne, sans qu'elle eust moyen de soy releuer & remettre sus. Mais quand ilz arriuerent en Italie, là ou les Romains peurent r'aliē ensemble toute leur puissance, ilz en eurent bien la raison. Il n'est que trop facile de vaincre les Suyffes hors de leurs païs d'autant qu'ilz ne peuuent mettre aux champs plus de trente, ou quarante mil hommes: mais dedans, ou ilz en peuuent assembler cent mil, il est tresdificile. Je conclu donques de rechef, que le Prince, qui a son peuple armé & stilé à la guerre, atende tousiours en son Royaume vne guerre forte & dangereuse, sans marcher au deuant: & que celui qui a ses subietz desarmez & mal aguerriz, l'eslongne le plus loing de sa terre qu'il pourra: Ainsi l'vn & l'autre (chacun en son degré) fera en meilleure defense.

**Que plus on monte de basse**  
en haute Fortune par fraude, que par force.

Chapitre . XIII.



**E** tien comme pour oracle, que gueres n'auient, ou iamais, que les hommes de bas lieu paruiennent à hault degré, sans force, ou cautelle: s'il ne leur escheoit par donatiō, ou succession d'autre, qui fust constitué en tel estat. Et croy qu'il ne fut oncques veu, que la force seule fust moyen suffisant comme la fraude à souuent esté. Ainsi qu'il apert par la vie de Philipe de Macedone, par celle de Agatocles de Sicile, & de maints autres, lesquelz de pauure lieu, ou infime & honteux, sont venuz à ocuper Royaumes & empires. Xenophon en son histoire de Cyrus nous aprend ceste necessité de tromper:

Cyrus.

per:

per: considéré que le premier voyage qu'il luy fit entreprendre contre le Roy d'Armenie est plein de fraude, & que le moyen qu'il luy donna à conquerir son Royaume gist en dol & non en force. Dont il ne tire autre conclusion, sinon, qu'il n'est nécessaire à Prince tendant à grandes conquestes de bien apprendre ce mestier. Outre luy fait iouer plusieurs tours de maistrise à Cirizar Roy des Medes son oncle maternel, monstrant que sans ce moyen ne fust iamais Cyrus parueni à telle grandeur. Brief ie croy qu'il ne se trouuera aucun esleué de bas lieu en degré Royal, par la seule force: mais assez par fraude & menées secretes. Comme Ian Galeace tollit l'estat de Lombardie à messire Bernard son oncle. Et ce que sont contrains de faire les Princes sur le commencement de leur augmentation, & feront aussi contraintes les Republicques, iusques à ce qu'elles soient demourées si puissantes, que la force seule leur fusse. Rome qui en toutes choses tenoit par sort ou election tous les moyens nécessaires pour paruenir à telle grandeur, à cestuy encores ne faillit. De quelle ruse pouuoit elle vsfer plus grande, que celle qu'auons cy dessus discouru de societé pratiquée auecques les Latins & autres peuples prochains, les reduysans à vraye seruitute sous le nom & couleur de compagnie egalle? Par ce moyen premierement se seroient aydez à dompter de leurs armes, & assuettir les peuples circonuoyfins, & à fonder la reputation de son estat, desquelz domptez acreut tellement sa puissance, qui estoit si forte, qu'elle ne peut estre abatue. Les pauvres Latins ne s'aperceurent de leur seruage iusques à ce qu'ilz virent les Samnites deux foys defaitz & contrains à acord, laquelle victoire autant qu'elle augmenta l'estime & gloire des Romains entre les Princes lointains, leur faisant sentir le nom de Rome, sans encores sentir leurs armes, autant engendra elle de soupçon & d'enuie en ceux qui voyoient & sentoient leurs armes, entre lesquels furent les Latins. Voire telle fut celle crainte & enuie, que non seulement les Latins: mais aussi les Colonies qu'ilz auoient en Italie, ensemble les Campanois, n'agueres soustenuz & defenduz, conceurent tous contre le nom Romain. Vray est qu'ilz n'esmeurent guerre directe contre les Romains, mais en la maniere dessus deduite la plus frequente & vsitée. Ilz s'ingererent à prendre la defense des Sidicins contre les Samnites, qui leur meurent guerre, au congé des Romains. Or qu'il soit ainsi que ceste trom-

Exemple  
des Latins

perie descouuerte mist les Latins aux champs, Tite Liue le declare par la bouche d'Annius Seticius. Preuost des Latins, lequel tint en cõseil ces paroles.

**Tite Liue.** *Nam si etiã nunc sub vmbra fœderis æqui seruitutẽ pati possumus &c.*  
 Car si nous auons encores le cueur de trainer ce lien de seruitute, sous ombre de focietẽ & confederation egale &c. Donques voyons nous que les Romains se sont aydez & auancez par menées & embusches ocultes, lesquelles ont tousiours esté necessaires à qui desiroit de bas faillir en hault degré: Et d'autant moins sont vituperables, que plus sont closes & couuertes, comme estoient celles des Romains.

Souuentesfois les hommes s'abusent, cuydans par humilité vaincre outrecuydance.

Chapitre

XIIII.



N void souuent qu'humilité porte plus de dommage, que de profit: mesmement quand vous en vserez enuers les orgueilleux & insolens, qui ont conceu quelque hayne contre vous par enuie, ou autrement. Dequoy fait foy nostre Historien au propos de ceste guerre entre les Romains & les Latins. Car s'estans les Samnites plains aux Romains des Latins, qui les venoient assaillir, les Romains (de paour de les irriter) ne leur voulurent prohiber, ny empescher leur entreprise: Mais tant s'en falut que ce tour ne les irritast, qu'il leur donna cueur de s'atacher à eux mesmes, & de plus tost ofer descouurir leur inimitié latente, comme declarent les paroles d'iceluy Preuost Annius en ce mesme conseil.

**Tite Liue.** *Tentastis patientiam negando militem. Quis dubitat exarsisse eos? Pertulerunt tamen hunc dolorem. Exercitus nos parare aduersus Samnites fœderatos suos audierunt, nec mouerunt se ab vrbe. Vnde hæc illis tanta*



*tanta modestia, nisi cognitio virium & nostrarum & suarum?*

Vous auez vne fois tenté leur patience en leur refusant gens & secours, doutez vous que ce ne leur ayt esté vn merueilleux ennuy & creuecueur? Si l'ont ilz aualeé doux comme miel. Depuys ont entendu l'apareil que nous faisons à l'encontre des Samnites leurs allies & cōfederez, & n'en ont mis le pied hors de la ville. D'ou pensez vous que leur procede telle modestie, sinon de la cognoissance qu'ilz ont de leur puissance & de la nostre?

Par celà cognoist on combien la patience des Romains acreit l'arrogance des Latins. Pour ce est il qu'un Prince doit tousiours tenir son reng, & ne doit iamais rien tascher de son consentement, s'il veut son honneur garder, sinon ce qu'il pourroit maintenir, & en quoy son pouuoir ne feroit reuoqué en doute. Et quasi tousiours mieux luy vault, estans les choses en tel estat qu'il ne peut laisser en la maniere que dit est, se la laisser tollir par force, que la quitter par crainte. Car si la paour luy fait faire, ce n'est pour destourner guerre, laquelle souuent il s'atrait & esmeut de celuy à qui il aura aucune chose habandonné par pusilanimité euidente. Car ou lieu qu'il le pense auoir contenté & destourné de luy, pour liurer ennuy, il l'a plus animé contre luy par ce fait, ayant amoindry la reputation de sa force & vertu: tellement qu'il voudra entreprendre sur luy autre chose nouvelle. Alors trouuera d'autre part ses amys refroidiz en sa faueur & defense, par opinion de son impuissance, ou lascheté. Au contraire, si au premier auertissement de l'entreprise de ton ennemy tu luy vas au deuant à main armée, encore que tu vienes le plus sobre, si est ce qu'il l'en estime, & aussi les Princes d'a l'entour. Et à tel vient enuie de te donner secours, te voyant en armes, lequel n'en feroit conte si tu ne te mettoys en defense. Ce qui s'entend lors que tu as ennemy: mais si tu n'en as point, i'estimerois tousiours sage party de rendre ce qu'on tiendroit de l'autruy pour le regaigner, encores que guerre fust ouuerte, & pour le distraire & quasi desmembrer du corps de voz ennemys.

DISCOVRS DE NIC. MACCHIA.  
Comme les estatz debiles font

toufiours incertains & ambiguz à se resoudre, & que iamais les deliberations lentes & tardiues ne font bonnes.

Chapitre

XV.



N ceste matiere mesme, & sur les commencemés de la guerre entre les Romains & les Latins, on peult noter comme il est bon en toute consultation descendre ou particulier & indiuidu, de quoy on a à deliberer, sans demourer toufiours en ambigu & sur l'incertitude de la chose. Ce qui se void manifeste en la deliberation que firent les Latins quand ilz se voulurent retirer & estranger des Romains. Car ayans les Romains, auant senty ceste mauuaise humeur entrée es peuples Latins, pour s'acertener de tout, & regarder s'ilz se pourroient regagner sans mettre la main aux armes, leur firent entendre qu'ilz enuoyassent huyt citoyens à Rome, pour consulter auecques eux de quelle affaire. Les Latins cecy entendu, se sentans coupables de maintes choses qu'ilz auoient faites contre le vouloir des Romains, s'assemblerent, pour ordonner qui iroit à Rome, & leur donner commission de ce qu'ilz auroient à dire. Et comme ilz estoient au conseil sur ceste dispute, Annius leur Preteur vfa de telles paroles:

Propos  
d'Annius  
Preteur  
des Latins.

*Ad summam rerum nostrarum pertinere arbitror, vt cogitatis magis quid agendum nobis, quàm quid loquendum sit. Facile erit explicatis consiliis accommodere rebus verba.*

Il me semble que trop plus nous importe d'auiser que nous auons à faire qu'à dire. Il sera facile apres que la resolution sera prise de fournir nostre fait de paroles.

Ce propos est tresveritable, & que tout Prince & Republique deüroit bien gouster. Car sur l'ambiguité & incertitude de ce qu'autruy veult faire, il est difficile d'y acómoder le langage: mais quand la volonté sera vne foys arrestée & bien deliberé ce qu'on veult executer, il est aisé de trouuer que parler. I'ay noté ce passage plus

plus volontiers, d'autant que j'ay souuentefois cogneu, que telle ambiguité a porté honte & dommage aux actions publiques de nostre Republique. Et tousiours auendra ceste ambiguité en party douteux & ou y aura occasion de deliberer, quand le conseil sera tenu par gens foybles & debiles. Encores ne sont moins dangereuses les deliberacions lentes & tardiuës que les ambigues, mesmement celles qui se tiennent en faueur de quelque amy: car ceste longueur & tardité ne donne secours à personne, & si nuyt à vous mesmes. Telles deliberacions procedent, ou de lascheté de cueur & de force, ou de l'esprit malin de ceux qui ont à deliberer. Lesquelz incitez de leur propre passion pour vouloir ruyner l'estat, ou acomplir autre desir, ne laissent poursuyure la deliberation ains y mettēt empeschement & trauerfes. Car les bons citoyens (encores qu'ilz vissent vne flote populaire se renger à la part plus perilleuse) iamais n'empeschent qu'on ne delibere, mesmement quand ce sont choses qui ne peuuent porter temps ne attente. Apres la mort de *Hyeronimus* Tiran de Siracuse, estant la guerre grande entre les Cartagiinois & les Romains, les Siracusains entrèrent en dispute, laquelle ilz deuoient suyure de l'amitié de Rome, ou de Cartage. En quoy estoit si grande l'ardeur des parties, que l'affaire demouroit en ambigū, sans qu'ilz choyissent aucun party. si *Apolonides* l'vn des premiers de la cité ne se fust leué, remonstrant par vne oraison prudente, que ceux n'estoient à blasmer qui tenoient l'opinion d'adhérer aux Romains, ne ceux qui vouloient suyure le party de Cartage: mais que la lógueur & ambiguité de prendre l'vn ou l'autre party, estoit merueilleusement à detester, comme voyant qu'en elle gisoit la ruyne de la Republique: mais que le party pris, quel qu'il fust, y auoit quelque esperâce de bien. Tite Liue ne scauroit mieux monstrer le tord & dómage qui se fait quiconque se tient ainsi suspens, que le retouchant encores en ce cas des Latins, lesquelz estans requis de secours par les autres contre les Romains, furent si longs en leur deliberation, qu'à l'heure qu'ilz sortoient hors des portes pour marcher l'enseigne desployée la nouvelle leur vint que leurs compagnons estoient defaitz. Dont *Milonius* leur Preteur se prit à leur dire: Ce peu de chemin nous sera chervendu par le peuple Romain. Car s'ilz eussent resolu en temps de donner secours, ou non, aux Latins, ne le donnant, ilz n'irritoient les Romains contre eux: S'ilz les vouloient secourir, en le faisant diligemment, ilz pouuoiet

Remōstrā  
ce d'Apo-  
lonides.

avecques l'ayde de leur puissance, emporter la victoire: Mais différens en telle langueur ilz perdoient en toute sorte ainsi qu'il leur auint. Et si les Florentins eussent bien noté ce point, ilz n'eussent tant souffert de dommages & d'ennuiz par les François qu'ilz firent, quand le Roy de France Loys douzeiesme passa en Italie contre Ludouic Duc de Milan. Car le Roy traitant du passage requist les Florentins d'acord & intelligence, & leurs Embassadeurs qu'ilz auoient pres de sa maiesté conuindrent avecques luy qu'ilz demoureroient neutres, & que le Roy venant en Italie auroit à les maintenir en leur estat & prendre en protection. Pour quoy ratifier donna terme d'un moys à la cité. Ceste ratification fut différée par l'imprudence de ceux qui fauorisoient le party de France: tellement qu'estant deuis le Roy sur le point de victoire, & l'offrans les Florentins, elle ne fut acceptée par celuy, qui les iugea se rengier à son amitié par force, non de leur bon gré. Ce qui cousta vne grande somme de deniers à la cité, & mit leur estat en danger, comme il luy auint encores deuis par semblable cause. Et fut ce party plus dommageable, d'autant qu'on ne fit rien pour le Duc Ludouic, lequel demourant vainqueur eust monstré plus de signes d'inimitié aux Florentins, que le Roy ne fit. Et combien qu'il ayt esté dessus discouru en autre chapitre du mal que ceste debilité porte à vne Republique, ie n'ay pource voulu laisser à retoucher le propos m'en estant donnée occasion nouvelle par accident nouveau, me semblant matiere fort notable: mesmement pour vne Republique semblable à la nostre.

## Combien les soldatz en nostre

temps s'elongnent de l'ancienne ordonnance  
 de guerre.

Chapitre

XVI.

La plus



A plus importante iournée qu'eut iamais le peuple Romain en aucune guerre, avecques quelque nation que ce fust, me semble auoir esté celle qui passa entre luy & les peuples Latins sous le Consulat de *Torquatus & Decius* : Car tout ainfi que les Latins la perdans entroient en seruitude, les Romains n'eussent esté là de meilleure condicion, s'ilz ne l'eussent gaignée. Tite Liue est de ceste opinion, lequel fait en toutes pars les deux armées pareilles en nombre, vertu, obstination, & ordonnance : & si met difference en la seule vertu des chefs, qu'il tiét auoir esté plus grande du costé des Romains. Oultre se voyent en la conduite de celle iournée deux accidens non encores veuz, & qui depuys ont eu rares exemples de deux Consulz, desquelz pour entretenir les cueurs des soldatz en deuoir & obeïssance militaires, & pour leur acroïstre volonté de combattre, l'vn s'offrit à la mort, l'autre occit son propre filz. La similitude & egalité que Tite Liue dit estre en ces deux ostz procedoit du long temps qu'ilz auoient suyuy les armes, ensemble vsoient de mesme ordre, langue, & armes. Et quant à ordonner leurs batailles tenoient vne mesme maniere, & auoient tant leurs ordres que les chefs & Capitaines les noms semblables. Il falloit donques, estans les forces & la vertu pareilles, que quelque chose extraordinaire acreust le courage & obstination des vns plus que des autres, en laquelle obstinacion commune a esté autresfois la victoire constituée. Car tant qu'elle dure es cueurs des combatans, iamais l'armée ne tourne doz, comme la maintint aux Romains plus qu'aux Latins en partie le fort, en partie la vertu des Consulz, qui fit à l'vn meurdrir son filz, & l'autre tuer soy mesmes. Et Tite Liue en monstrant ceste egalité de forces declare l'ordre entier, que les Romains gardoient en leurs armées & batailles, lesquelles il deduit si amplement, que besoin n'est y repasser. Seulement discoureray ce qui me semblera plus notable, & qui par faute d'auoir esté gardé & obserué par les Capitaines de nostre temps, à esté cause de maints inconueniens & desordres. Je dy donques que en ce passage de Tite Liue se void comme l'ost Romain estoit diuisé en trois parties principales, lesquelles se peuuent en Toscan nommer *Schiere*, dont la premiere estoient *Hastates*, piquiers : la seconde *Principes*, les principaux & Seigneurs : la tierce, *Triarij*, les tierciers, ou arrieregarde. Et chacune estoit accompagnée

## DISCOVRS DE NIC. MACCHIA.

côpagnée de certain nombre de cheuaux. Ainsy ordonnans leurs batailles mettoient ces *Hastati* à l'auangarde: puy droit à leurs espaulles mettoient les *Principes*: & au troisieme lieu derriere ordonoient leurs *Triarij* & certaines troupes de gens de cheuaux à dextre & senestre des trois hatilles: lesquelles, de la forme du lieu qu'ilz tenoient ilz apelloient ælles: comme semblans estre les ælles de tel corps. Ilz ordonnoient la premiere des *Hastati* ferrée en front, en sorte qu'elle peust rompre & soustenir son ennemy. La seconde bataille, pour ce qu'elle n'auoit à combatre la premiere: mais à secourir la deuxiesme, s'elle estoit rompue, ou repoussée, ilz ne la tenoient si estroite, ains maintenoient leurs reings plus clairs, en maniere qu'elle peust receuoir en elle l'auangarde, sans soy mettre en desordre quand par fortune, contrainte luy seroit de se retirer. La tierce des *Triarij* auoit encores ses reings plus esclarciz que la seconde, pour estre capable des deux autres quand besoin seroit: c'est à sçauoir des *Hastati* & *Principes*. Leurs batilles donques ainsy régées, ilz entroit en la meslée: Et si les hastez estoient forcez & vaincuz se retiroient es interualles & espaces des Princes. Puy tous ensemble vniz de deux batailles faisans vn corps recommençoient la meslée. Et si encores les deux iointes estoient mises en route, se r'alloient es reings vuydes & larges, qui leur estoient laissez en l'arrieregarde des *Triaires*: & lors ces trois parties assemblées en vn renouelloient la bataille. Et à ce coup, ne se pouans plus refaire, perdoient ou gaignoient la iournée. Et pource que quand l'arrieregarde entroit au conflit l'armée estoit en danger, de là vint le prouerbe

*Res redacta est ad Triarios.*

Qui vault autant à dire en François: l'affaire est reduit à l'arrieregarde & à l'extremité. Or les Capitaines de ce temps, ayans delaisié tout l'ordre de l'ancienne discipline, n'ont fait aucun conte de ce cas cy, combien qu'il soit de tresgrande importance: car qui ordonne son ost en sorte que troys foys se puisse reparer en vne iournée, fault qu'il trouue troys foys fortune ennemye pour perdre, n'ayant à recontrer qu'vne puissance, qui doit estre suffisante pour les vaincre troys foys. Mais qui ne s'arreste qu'à la premiere rencontre (comme font au iour d'huy les armées Crestiennes) s'expose legierement à perte. Car vn seul desordre vne moyenne vertu luy peult tollir la victoire. Et ce qui empesche noz armées de se refaire troys foys, est d'auoir perdu la maniere de recueillir vne bataille

bataille

taille en l'autre, ce qui procede de ce que à present en l'ordonnance d'un ost l'on commet tousiours l'une de ces deux discordes. C'est à sçauoir, ou que l'on met les batailles l'une au doz de l'autre, les tenant larges à trauers & peu espesses à droit, ce qui les rend plus debiles ayans si peu de la poitrine à l'eschine. Et si d'auanture aucuns mieux auisez reduysent leur ost à la façon Romaine, pour le tenir plus fort. Neantmoins s'il eschoit que l'auangarde soit rompue, lors par faute d'auoir lieu à foy retirer & sommer en la bataille, auiet que tous ensemble s'embrouillent & se mettent elles mesmes en desordre: A cause que si celle qui est deuant vient à estre forcée elle heurte & rópt la secóde, laquelle aussi ne peult faire teste pour l'empeschement que la premiere luy donne. Ainsi auient que l'auangarde rompát la bataille, & la bataille l'arrieregarde, ne fault que le moindre accident du monde pour mettre vne armée en route. Les deux ostz des François & des Espagnolz en la ionrnée de Rauenne, ou mourut le seigneur de Foix Lieutenant du Roy de France, qui fut pour nostre temps bataille bien combatue, estoient ordonnez en l'une des deux manieres dessusdites. Car l'une & l'autre armée marchoit avecques toute sa gent ordonnée aux espales, & trop plus à trauers que à droit, en sorte qu'ilz ne se venoient à rencontrer que d'un front. Ce qu'ilz pratiquent tousiours là ou ilz trouuent la large campagne, comme ilz auoient à Rauenne: à cause qu'ilz cognoissent le desordre qu'ilz font en leur retraite, quand ilz sont mis à file en tel ordre ilz fuyent à leur pouuoir, faisant le front large (comme dit est) Mais si le país les serre & contraint, se rengent en autre ordre ou (à vray dire) desordre, sans en pour penser le remede, duquel pareillement ilz vsent courans les terres de l'ennemy ou en fourage, ou autre fait de guerre. A *santo Regolo*, & autres lieux ou les Florentins ont esté deffaitz par ceux de Pise, ou temps de la guerre esmeuë entre eux par la rebellion de Pise, apres que le Roy Charles passa en Italie, autre ne fut cause d'icelle route, que la caualerie, laquelle mise à la pointé estant forcée & rompue des ennemis se vint mesler parmy les gens de pied Florentins, qu'elle rompit & mit en tel desordre, que tous se prindrent à tourner le dos. Et depuis la fortune *Messer Criaco de Borgo*, Capitaine ancien des bades de pied Florentines, à plusieurs dist & affirma, moy present, que par autre n'auoit esté lors desconfit, que leur propre caualerie, les Suyffes qui sont maistres des guerres modernes quand avecques les

Journée de  
Rauenne,

defaites des  
Florétins,

Ordre des  
Suyffes,

François

## DISCOVRS DE NIC. MACCHIA.

François ilz veulent entrer en conflit, sur tout ilz prennent garde à costoyer, non seconder, les gens de cheual: à fin que les regardans de flanc, s'ilz sont de malheur repoussez, ilz ne les viennent à heurter & mettre en desorde. Et combien que cest ordre semble ayse à comprendre & facile à pratiquer, toutesfois ne s'est encores trouué Capitaine de nostre temps qui ensuyue & imite la discipline ancienne & reforme l'abus de la nouvelle. Bien est vray qu'on partist l'armée en trois: en auangarde, bataille, & arriere garde: Mais celà ne sert qu'à les loger & camper & non à combattre. En quoy n'auient gueres (comme dessus ay dit) qu'à tous ces trois corps ne coure tousiours vne mesme fortune. Mais pource que plusieurs en excuse de leur ignorance alleguent l'artillerie pour empeschement de pratiquer ceste & autre bonne disciplin militaire, ie veux bien ou subseqent chapitre disputer ceste matiere, pour entendre si telle excuse est raisonnable.

### Combien se doit en nostre tēps

estimer l'artillerie, & à sçauoir si l'opinion que nous en auons est vraye en vniuersel.

Chapitre

XVII.



Enant à considerer, apres autres discours, combien les Romains en diuers temps on fait de conflitz campestres, que l'on nomme au iour d'huy iournée à la mode Françoise, & les Italiens apelent faitz d'armes, il m'est souuenu de l'opinion vniuerselle de plusieurs, qui dient, que si l'artillerie eust esté de leur temps, les Romains n'eussent eu tel pouuoir & moyen de conquerir pais & soy rendre les peuples tributaires. Brief n'eussent iamais mis à fin telles & si hautes conquestes. Outre dient, que par ces instrumens de feu les hommes ne peuuent vser ne monstrier leur vertu comme ilz pouuoient anciennement. Aioustant ce tiers point, que l'on ne vient pas si aysement à la bataille qu'on faisoit lors, & que l'on ne peult plus tenir & garder les reings & ordres de ce temps là: tellement qu'avecques le temps la guerre se pourra



se pourra reduire à l'artillerie . Et ne iugeans hors de propos disputer la verité de telles opinions , & combien l'artillerie auroit accru ou diminué la force des armées, & à sçauoir s'elles donnent ou ostent aux bons Capitaines l'ocasion de bien faire, ie commenceray à dire quant à leur premiere opinion : Si l'ost antique Romain eust fait moins de conquestes, si l'artillerie eust esté lors en regne . Sur quoy ie dy que toute guerre se fait pour defendre, ou offendre, d'ot faut examiner auant toute œuure à laquelle de ces deux especes de guerre elle porte plus de commodité, ou dommage . Et combien qu'il y ayt matiere à deduire des deux costez : toutesfois ie croy qu'elles font sans comparaison plus de tord au deffendeur qu'a l'assaillant . Ma raison est , pource que quiconque se defend est enclos dedans quelque place, ou en son camp en la campagne . S'il est en vne place, ou la place est petite comme sont la pluspart des fortresses, ou elle est grande . Au premier le defendeur est du tout perdu , au moyen de l'impetuosité du Canon, qui est telle qu'elle ne trouue mur, de quelque espaisseur qu'il soit, qu'elle n'abate en peu de iours . Et si ceux de dedans n'ont assez d'espace pour soy retirer à la faueur de nouveaux fossez & rempars, ilz sont perduz, & ne leur est possible soustenir l'efort de leur ennemy, qui veult entrer par la bresche du mur . Et rien ne leur vault l'artillerie, estant vne maxime, que là ou les hommes peuuent entrer en foudre & furie, le canon ne le peult soustenir . Par ce moyen la fureur Ultramontaine n'est soustenable en defense de places, & les assaux des Italiens que trop, d'autant qu'ilz ne vont en bataille serrez & ioints ensemble, mais espardez & voletans ça & là . Ce qu'ilz ont nommé proprement escarmouches . Or ceux qui vont en tel desordre & froideur en lien garny d'artillerie, ilz courent à leur mort manifeste : car le canon est tresbon contre telles gens : mais ceux qui vont à la bresche pressez & serrez l'vn poussant l'autre, s'ilz ne sont soustenuz, ou de fossez, ou rempars, ilz entrent par tout malgré l'artillerie . Et s'il y en demeure quelqu'vn ce n'est en tel nombre qu'il puisse empescher la victoire . Ce qui a esté esprooué estre vray en tant d'assaux de villes faitz par les Ultramontains en Italie, mesmement en celuy de Bresce lors qu'elle se rebella contre les François, fors le chasteau qui tenoit encorés pour eux . Les Venitiens pour soustenir l'efort qui pouuoit venir de la forteresse en la ville

Dilemme.

Le i point

Prise de  
Bresce par  
Monsieur  
de Foix.

E auoient

DISCOVRS DE NIC. MACCHIA.

auoient muny d'artillerie tout le chemin descendant de l'un en l'autre, & auoient asis leur canon en front, en flanc, & en tout endroit commode & oportun: dequoy monsieur de Foix ne fit conte, lequel mettant pied à terre avecques sa bande passa par le mylieu & emporta la ville: & ne fut cogneu auoir esté receu par le canon aucun dommage notable. Tellement que l'on void que qui tient vne place de peu de circuyt & void son mur par terre, sans auoir lieu pour soy retirer au dedans de nouveaux fossez & rampars, estant contraint de mettre son assurance en l'artillerie, plus ne doit douter de sa perte. Or si tu tiens fort en place de grande estendue, qui te donne commodité de te retirer & reparer, neantmoins le canon est tousiours plusvtile à ceux de dehors que dedans: car en premier lieu, à ce que tu puisses nuire par ton artillerie à ceux qui sont dehors, force sera de toy leuer & elle plus hault que le plan de ta place, pource que la tenant sur le plan, il ne fault à ton ennemy qu'une petite leuée de terre pour le reparrer & mettre en telle seureté, que tu ne le pourras endommager, dont estant contraint de te hauffer & mettre sur les allées des murs, ou de te leuer de terre en quelque maniere, tu t'envelopes en deux difficultés. La premiere, que tu n'y peux mener artillerie de telle grosseur & puissance que peult tirer celuy de dehors, d'autant que si grandes pieces ne se peuuent tourner & manier en si petit espace. L'autre est, qu'ores que bien l'y peusses mettre, si ne peux tu faire rempars si seurs & fermes pour la sauuer comme peuuent tes ennemys qui sont sur terre, mesme ayans telle commodité & espace que bon leur semble. En sorte qu'il est impossible à qui defend vne place de tenir son artillerie en lieu hault, si ceux de dehors en sont bien muniz. Et ou cas qu'il luy soit nécessité de la tenir en bas, elle luy demeure inutile (comme i'ay dit). Et par ce moyen la deffense de la cité se vient reduire aux mains ainsi que iadis, & à la menue harquebuserie, de laquelle s'il se tire quelque peu d'vtilité, le contrepois d'incommodité qui en sort l'emporte. Car par le respect d'icelle les murs sont desmoliz rez de terre & quasi enseueliz en tes fossez: Tellement que quand apres le combat on vient aux mains, ceux de dedans, soit à cause de leurs murs abatus, ou de leurs fossez comblez & rempliz, tombent en plus de defauantages qu'ilz n'auoient à lors. Ainsi come i'ay dit dessus telz engins seruent plus

Leii. point  
du Dilem  
me.

Corridoio

es. 311

100 318

100 318

100 318

plus à ceux qui assiegent les places qu'eux assiegez. Quant au tiers point de se retirer & fortifier en son camp, pour n'estre contraint de combatre, sinon à ton auantage: ie dy qu'en ceste part tu n'as plus de remede ordinairement à t'exempter de la bataille que les anciens auoient, voyre quelquefois l'artillerie te vient à desauantage: Car ou cas que l'ennemy suruienne ayant sur toy quelque auantage de lieu ou assiete de pais, comme il peult assez auenir & qu'il se trouue en lieu eminent dessus toy, ou qu'il arriue auant que tu ayes fait tes leuées de terre, ne faudra point à te desloger & ieter hors de ton fort te contraignant de venir au combat. Ce qui auint aux Espagnolz à la iournée de Rauenne, lesquelz s'estas muniz de la riuere de Ronco & d'une Argine, qu'ilz n'auoient esleuée assez hault pour les François qui les descouuroient, furent contrains sortir de leur camp & venir à la meslée. Mais posé (comme le plus souuent doit estre) que lieu ou ton camp est assis soit plus eminent que celui de ton ennemy, & que les Argini fussent bons & seurs, tellement qu'au moyen de la situation & de tes autres municions ton ennemy ne t'osast assaillir, à lors faudra reuenir à la vieille guerre & aux mesmes moyens que iadis l'on pratiquoit, quand vn ost estoit en lieu que l'on ne le pouuoit endommager. C'est à sçauoir courir le pais, piller, fourager, assieger les places de ton aliance, couper les viures, en sorte que force te sera à la fin de decamper & descendre au conflit, ouquel l'artillerie ne sert gueres, comme ie monstreray tantost. Consideré donques quelles guerres ont fait les Romains, qui ont esté presque toutes non en leur corps defendant: mais à l'offense d'autruy, l'on verra (qu'estant vray ce que j'ay maintenant discouru) qu'ilz eussent eu plus d'auantage & eussent plustost acheué leurs conquestes, s'il y eust eu artillerie en leur temps. Quant au second point que les hommes ne peuuent mettre leur prouesse, à l'ocasion de l'artillerie, en telle lumiere & euidence que iadis ilz pouuoient, ie dy qu'il est bien vray qu'au lieu ou il se faut tenir espandu, que le danger est plus grand qu'il n'estoit, comme à escheller vne place, ou donner telz assaultx ou les hommes ne tiennent leurs reings fors & serrez, ains se doyuent presenter chacun à par soy: Aussi est vray que les Capitaines & chefz de bandes sont plus exposez & submis au peril de la mort, pouuans estre atains du canon en quelque lieu qu'ilz soient & ne leur sert de demeurer es dernieres bandes & estre enuironnez de la fleur & eslite de

Resoluti-  
on du dis-  
cours.

Capitaines  
occis par  
artillerie.

leur armée. Si est ce qu'on ne void guerres par l'un & l'autre de ces deux dangers auenir dommages extraordinaires, veu que les places bien munyes ne s'eschellent point & ne s'y donne volontiers assaut : mais pour les emporter s'y met le siege comme anciennement. Et à celles qui se prennent d'assault, les perilz ne sont guerres plus grans qu'ilz estoient : & ceux qui gardoient les places auoient assez dequoy bien traiter ceux qui les venoient voir de si pres, & s'il n'estoient garniz de traitz tant furieux, si estoient ilz de semblables fait pour la mort & tuerie. Quant à l'occision des Capitaines, l'on trouuera qu'il en a esté moins d'occis en xxiiii. ans que les guerres ont duré en Italie, qu'en x. ans du temps passé. Car hors mis le Comte Ludouic de la Mirandole, lequel fut tué à Ferrare n'agueres que les Venitians y amenerent leur puissance, & hors mis le Duc de Nemours, qui fut occis à Cirignole, il n'est auenu fortune de canon à aucun chef de guerre : car monsieur de Fois prit mort à Rauenne par fer & non par feu. Tellement que si les hommes ne font plus monstre particuliere de leur vertu, il ne tient à l'artillerie : mais au mauuais ordre & debilité des armées, de lesquelles le tout defaillant de bonté & valeur n'en peult rien faire aparostre en partie. Qu'au tiers point ou, ilz dient que l'ó ne peult plus venir aux mains, & que la guerre se reduira toute à l'artillerie. Je dy que ceste opinion du tout est faulse, & que pour telle sera tenue par ceux qui voudront conduire le fait des armes à la mode antique. Car qui voudra dresser vne bonne armée, il faut qu'il la stile par exercices vrays, ou fains, & l'acoustume à aprocher son ennemy & à manier l'espée, à le faisir au corps, & se doit plus fonder sur les fanteries, que sur la Cavalerie, pour les raisons que declareray cy apres. Ce que faisant & suyuant les moyens ia deduitz, l'artillerie deuiét du tout inutile, de laquelle les gens de pied peuuent plus aysément euiten la fureur, qu'ilz ne pouuoient iadis les Elephans, les chariotz falquez, & autres telles rencontres, que les fanteries Romaines ont soustenu : & plustost eussent trouué remede contre la canonnerie, veu que le temps est plus brief qu'elle peult nuire, que des chariotz & Elephans. Car au mylieu de la bataille ilz venoient rompre tout & mettre en defordre. Et cecy ne peult empescher, que deuant la meslée dequoy les fanteries se sauuent bien en marchant, couertes de la nature du lieu, ou se baissant en terre quand vient le coup. Ce qu'encores on a trouué n'estre pas necessaire, mesme.

mesmement pour soy defendre de la grosse artillerie , laquelle ne se peult bracquier en sorte , que souuent elle ne te perde de coup , estant la mire haute , & si elle basse , elle ne donne iusques à toy . Et apres que l'on entre en la meslée , il est plus clair que le iour que la grosse & la menue ne te peuuet plus faire offenser . Car si celuy qui a l'artillerie est au deuant , il deuiet ton prisonnier : s'il est derriere , il endommage premier les espaulles des siens que le front de son ennemy : & encores ne le peult ferir en sorte , que ne les puisses aller trouuer & qu'il n'en ensuyue tel effait que ie disois . Brief cecy requiert longue dispute , veu l'exèmple que les Suyffes en donnerent à Nouarre l'an mil v. c. xiii. ou sans Caualerie aucune ilz furent rompre l'ost des François dedans son fort , qui en estoit bien muny , sans qu'elle leur donnast empeschement ne destourbier quelcôque . La raison est (oultre ce que i'ay desia dit) par ce que l'artillerie (qui voudra qu'elle serue) doit estre gardée de muraille , fossez , ou leuées de terre : Et quand vne de ces gardes luy default , elle vient incontinent es mains des ennemys , ou demeure inutile , comme quand elle n'a autre defense que des hommes . Ce qui luy auient en batille qui se donne en plaine campagne . Es flans elle ne peult seruir , sinon ainsi que les anciens vsoient de leurs instruments à trait , qu'ilz mettoient hors de l'armée , & toutes & quâtes fois qu'ilz se trouuoient enfoncez & repoussez par la Caualerie ennemye , ou autre effort , leur refuge estoit au dedans de leurs legiôs . Quiconque en fait autre conte ne l'entend pas , & se fie en vne chose qui le peult facilement deceuoir . Et si le Turc par le moyen de l'artillerie a eu victoire contre Sophi & le Soudan , celà n'auient par autre vertu , que par l'espouuentemét inacoustumé , que le bruit de l'artillerie mit parmy leurs cheuaux . Dont ie conclud pour la fin de ce discours , que l'artillerie est vtile quand elle est meslée en vne armée auecques l'antique vertu , sans quoy elle est du tout inutile contre vn ost puissant & vertueux .

E iiii

Comme

DISCOVRS DE NIC. MACCHIA:  
Comme par l'autorité des

Romains, & par les exemples de l'antique vsance de  
guerre, l'on doit plus estimer les fan-  
teries & gens de pied, que  
la Caualerie.

Chapitre XVIII.



On peult par plusieurs raisons & exemples mon-  
strer clairement combien les Romains en tous  
exploiz de guerre estimoient plus leur fanterie,  
que leur gendarmerie, & comme sur icelle ilz  
fondoient tous les desseins de leur puissance. Ce  
qu'ilz ont déclaré euidément (entre autres lieux)  
en la bataille qu'ilz donnerent aux Latins pres du lac Regille, ou  
s'esbranlant desia l'armée Romaine à la fuyte, firent (pour remede  
certain) à tous leurs gens de cheual mettre pied à terre & par telle  
voye renouellerent la messée dont ilz emporterent la victoire. En  
quoy l'on void manifestement que plus grande fiance auoient en  
eux, estans à pied, que montez. Et de ce moyen vsèrent en maintes  
autres iournées y trouuás tousiours vray secours & confort en leurs  
dangers. A' quoy l'on ne doit exposer l'opinion d'Hánibal, lequel  
voyant à la journée de Cannes que les Consulz auoient fait descen-  
dre leurs Cheualiers dist en se moquant de tel party:

*Quàm malem victos mihi traderent equites.*

l'aymerois trop mieux qu'ilz me les liurassent tous liez & garro-  
tez. Mais combien que ceste opinion soit sortie de la bouche de si  
excellant personnage, neantmoins, s'il estoit question d'aller à  
l'encontre de l'autorité, plustost deüroit on aiouster foy à vne Re-  
publique Romaine, & à tant de gentilz Capitaines qui regnerent  
en icelle, qu'à vn seul Hannibal, encores que sans autorité s'en trou-  
uent raisons trop euidentes. Car l'homme de pied peult marcher  
en mains lieux ou le cheual ne pourroit, & luy peult on monst-  
rer à garder ordre & à le reprendre quand il l'auroit perdu. Ce qui est  
difficile

dificile à faire à cheuaux , principalement à les r'alier depuys qu'ilz font vne foys mis en desordre . Outre se trouuent des cheuaux, comme des hommes, qui ont faute de cueur , & d'autres qui n'en ont que trop. Puy auient souuent qu'un bon cheual ne porte rien qui vaille : & au contraire qu'un braue & vaillant cheuauche vne roffe . Dont ensuyt tousiours quelque inconuenient & desordre, en quelque sorte que telle inegalité se rencontre . Les quadrons de fanteries bien ordonnez peuuent facilement rompre les cheuaux , & à grande difficulté se laissent rompre à eux , laquelle opinion est confermée ( outre plusieurs exemples anciens & nouveaux ) par l'autorité de ceux qui donnent reigle des choses politiques, lesquelz nous racontent que les premieres guerres se faisoient à cheual & que l'ordre des gens de pied ne fut si tost inuenté & pratiqué : mais incontinent qu'il fut ordonné , que l'on congneut combien il estoit de plus grande vtilité que l'autre. Pourtāt n'est à dire que la caualerie ne soit necessaire en l'ost , tant pour descouurer, auantcourir, & aller en fourrage, que pour executer la victoire en poursuyuant les vaincuz, & auoir dequoy faire contre-care aux cheuaux des ennemys. Mais le nerf & fondement d'une armée, & ce qui plus fait à estimer ce sont les fanteries. Et entre les fautes des Princes & Seigneurs Italians, qui ont reduit l'Italie en la subiection & seruitute des estrangers , la plus grande est de n'auoir tenu conte de cest ordre, & de s'estre trop fié & arresté à la caualerie, lequel desordre est venu de la malignité des chefs, & de l'ignorance de ceux qui tenoient & manyoient l'estat. Pource qu'estant la conduite des armées Italianes, depuis vingtcinq ans, en main de gens sans estat, comme Capitaines auanturiers , penserent soudain comme ilz pourroient maintenir leur reputation eux estās armez, & leurs Princes desarmez. Et pource qu'une grosse armée de gens de pied ne leur pouuoit estre continuellement à leur solde, n'ayans aussi telz subietz de qui ilz se peuuent seruir , & qu'un petit nombre ne les pourroit tenir en puissance & autorité, se ruerent doncques sur les cheuaux. Car deux ou trois cens cheuaux qui estoient payez à vn conducteur, le maintenoient en reputation , ioint que le payement n'estoit si hault que les gens tenans estat n'y peussent bien fournir. A' ceste fin leuerent hors toute l'afection & estime qu'on auoit des fanteries, & la tournerent sur les cheuaux. Et tant creut ce desordre, qu'en toute armée, tant grosse fust elle, tousiours

Camp de  
Sora.Mort de  
Crassus.

la moindre part estoit de gens de pied. Laquelle vſance avecques autres desordres qui se meſlerēt enſemble a rendu les armes Italia- nes ſi debiles, que ceſte prouince ne ſemble plus faite que pour eſtre tous les iours foullée aux piedz par tous les Vltramontains. Ceſt er- reur de plus eſtimer les cheuaux que les fanteries, ſe monſtre plus apertement par vn autre exemple Romain. Les Romains eſtoient campez deuant Sora, & ſortant hors la ville quelque troupe de cheuaux pour ſurprendre ceux du camp, le maïſtre de la Caualerie Romaine alla au deuāt, & la fortune voulut que les deux cheſz des deux armées furent naïrez à mort à la prime rencontre, le reſte de- meuré ſans conduite, & neantmoins continuans le combat. Quoy voyans les Romains, pour en auoir plus facilement le bout, mirent pied à terre, contraignās leurs ennemys d'en faire autant, s'ilz ſe vou- loient defendre. Et par ce moyen les Romains emporterent la vi- ctoire. Il ne ſe pourroit trouuer plus fort exemple pour confirmer la vertu des fanteries par deſſus la Caualerie: Car ſi es autres faitz de guerre les Conſulz faiſoient deſcendre leurs gens de cheual, c'eſtoit pour ſecourir les gens de pied eſtans en danger & ayans meſtier d'ayde: Mais en celieu ilz deſcendirent, non pour le ſecours de leur fanterie, ne pour combatre celle de leur ennemy: mais au con- flict de cheuaux contre cheuaux iugerent, que ne les pouuant ſurmó- ter à cheual, ilz en auroient mieux la raiſon ſoy mettant à pied. Le- vœux donques cōclure, qu'une fanterie bien ordonnée ne peut ſans grande difficulté eſtre vaincue, que par autre fanterie. *Crassus* & *M. Antonius* avecques petit nombre de cheuaux & bonne armée de gēs de pied coururent par pluſieurs iours la terre des Parthes, qui leur faiſoient teſte avecque vne Caualerie innumerable, *Crassus* y fut occis avecques partie de ſon armée, *M. Antonius* ſe ſauua vertueuſe- mēt. Encores ſe peut voir en ces auerſitez Romaines combien va- loit mieux l'un que l'autre: Car combien qu'ilz fuſſent en vn pais de large eſtendue, ou les montaignes ſont rares, les riuieres encores plus, la marine loingtaine, brief eſlongnez de toute commodité: neantmoins *M. Antonius*, au iugement des Parthes meſmes, ſe tira brauement hors de danger, & toute la Caualerie Parthique n'eut onques la hardieſſe de venir tenter les ordres de ſon armée. Si *Cras- sus* y demoura, quiconque lira bien ſes actes, verra qu'il fut plus de- ceu que forcé, & en tous ſes desordres iamais n'oſerent les Parthes le hurter: ainſi allans touſiours enferrant, luy empeschant, les vi- ures, luy



ures, luy faisant des promesses qu'ilz ne luy tenoient point, le conduirent en fin en ceste extreme misere. Je penserois auoir plus de peine à persuader combien la fanterie est de plus grande vertu que les cheuaux, s'il n'y auoit assez d'exemples de nostre temps, qui en rendent clair & plein tesmoignage. On a veu neuf mil Suysses à Nouare, cy dessus alleguée, aller affronter dix mil cheuaux, & autant de gens de pied, qu'ilz vainquirent: par ce que les cheuaux ne les pouuoient offendre: & la fanterie la pluspart estoit de Gascons mal ordonnée, dequoy ilz faisoient peu de cas. Depuys vingt six mil Suysses furent trouuer le Roy de France François pres de Milan, qui menoit vingt mil cheuaux, quarante mil hommes de pied, & cent chariotz d'artillerie. Et s'ilz ne gagnerent lors la journée, comme ilz auoient fait à Nouare, si est ce qu'ilz combattirent deux iours vertueusement. Et apres qu'ilz furent rompuz, encores la moitié d'eux se sauua. *Marcus Attilius Regulus* non seulement presuma avecques sa fanterie soustenir les cheuaux: mais aussi les Elephans. Et si son dessein ne luy succeda, toutesfoys la vertu de la fanterie ne laissa d'estre telle qu'il auoit mis en elle la confiance entiere de sa victoire. Partant ie dy de rechef, que qui voudra defaire vn ost de gens de pied bien ordonnéz, luy est necessaire de leur en mettre en barbe d'autres rengez en meilleur ordre, autrement seroit courir en perte manifeste. Au temps de Philippe Viscontin Duc de Milan descendirent en Lombardie enuiron xvi. mil Suysses, le Duc enuoya Carmignole son Capitaine au deuant d'eux, avecques mil cheuaux & peu de gens de pied, lequel mal informé de leur ordre de combatre les alla rencontrer avecques sa Caualerie, presumant incontinent les rompre: mais les trouuant immobiles, apres y auoir perdu plusieurs de ses gens, il se retira. Et comme vaillant homme, & qui bien sçauoit sur les accidens nouueaux prendre nouueaux partiz & remedes, r'enforcé de gens, les alla retrouver, & à la rencontre commanda à toute sa gendarmerie mettre pied à terre: de laquelle faisant teste à ses fanteries, alla inuestir les Suysses, sans qu'ilz s'en peussent garentir. Car aux gendarmes de Carmignole, estans à pied & bien armez, facile leur fut d'ouuir & fendre les rengz des Suysses, sans y receuoir dommage, & assez les pouuoient endomager quand ilz furent dedans. Aussi de toute celle troupe n'en demoura partie viue que celle que l'humanité de Carmignole preserua. Je croy que plusieurs cognoissent la difference de la vertu qui est entre ces deux ordres:

Tournée  
de Nouare

Victoire  
du Roy  
François  
contre les  
Suysses.

Tour du  
Capitaine  
Carmignole.

ordres: mais tel est le malheur & infelicité de nostre aage, que ne les exemples anciens, ne recens, ne la confession de l'erreur fust à faire que les Princes de nostre temps se r'auisent & entendent, que pour vouloir donner los & bruyt aux armes d'une prouince, ou d'un estat, il est necessaire ressusciter telz ordres, s'en seruir volontiers, leur donner reputation & vie, à fin qu'ilz leur rendent vie & reputation. Et comme ilz deüroient vser de ce poinct, autant deüroient ilz des autres discouruz cy dessus. Et par ceste faute auient que les aquests portent à vn estat plus de dōmage que d'augmentation de grandeur, comme dessous sera dit.

## Que les aquests en Republi-

que mal ordonnée, & qui ne procede selon la vertu Romaine, luy tournent à ruyne plustost qu'à accroissement & auantage.

Chapitre

XIX.



Es opinions contraires à la verité, fondées sur les mauuais exemples introduitz par ce siecle corrópu, font que les hommes ne pensent à laisser leur maniere & train acoustumé. Qui est ce qui eust peu persuader à vn Italian, trente ans ya, que dix mil hommes de pied eussent peu assaillir dix mil cheuaux en pleine campagne? voire acompagnez d'autant de gés de pied, & non seulement auoir combatu, mais vaincu: comme il se void par l'exemple de Nouare, par nous maintesfois allegué? Et combien que les histoires en soient pleines ilz n'y eussent iamais presté foy, & si foy eussent presté, encores eussent ilz dit que l'on s'arme trop mieux en ce temps cy, & qu'un escadron d'hommes armez estoit pour hurter vn rocher, non pas vne fanterie seulement. Voyla les faulses excuses par lesquelles ilz se corrompent & deprauent le iugement. Et n'auroient pas cōsideré que *Lucullus* avecques petit nombre de gens de pied rompit. c. l. mil cheuaux de *Tigranes*, &

nes, & qu'en ceste armée de cheuaux y auoit vne forte de Caualerie toute semblable à nostre gendarmerie. Et ainsi ceste opinion abusive a esté descouuerte par l'exemple des gens de là les monts. Et cōme lon void en ce cas estre vray ce que l'histoire raconte quant à la fanterie, ainsi deüroient ilz croire tous les autres ordres antiques estre vtiles & veritables. Et quand ce point auroit emporté foy, les Republicques & les Princes feroient moins de fautes, feroient plus fortz, à s'oposer à vn effort qui leur suruiendroit, ne mettroiēt aucune esperāce en la fuyte. Et ceux qui auroiēt entre maĩsvn gouuernemēt ciuil, le sçauroient vn peu mieux dresser, ou par voye d'applier & augmenter, ou par voye de maintenir: & croyroiēt que peupler & acroistre la cité d'habitās, faire cōpagnōs & non subietz enuoier colonies pour garder les paīs cōquestez, faire distribution du butin, dōpter par courses son ennemy, plus vser de iournées que de sieges, tenir riche le publique, & le priué pauure, entretenir les armées avecques tout soing & diligēce, telles sont les voyes à vne Republique pour paruenir à grandeur & cōqueste d'empire. Et quand ceste maniere de s'augmēter & amplifier ne plairoit, penseroit que les aquests par toute autre voye sont la ruyne d'vne Republique, & mettroit frein à toute ambition reiglans bien & establisans la cité au dedās, par loix & coustumes prohibitiues des aquests, & pensans seulement à foy defendre & tenir ses defences bien ordonnées, cōme font les Republicques d'Alemaigne: lesquelles par telz moyens viuent & ont vescu libres vn tēps. Neantmoins, cōme autresfois ay dit en discourāt la diferēce qui estoit entre l'ordonance pour aquerir & l'ordonance pour foy maintenir, il est impossible qu'il succede à vne Republique de demourer en repos & iouir de sa liberté avecques petitz limites: Car si elle ne moleste les autres elle sera molestée. Et estant en ceste peine luy viendra enuie & necessité d'acquiescer, & s'il a faute d'ennemys dehors il en trouuera chez luy, comme semble necessaire qu'il auienne entre tous grans citoyens. Et si les Republicques d'Alemaigne peuuent viure en ceste sorte, & y ont peu durer vn temps, celà procede de certaines conditions qui sont en ce paīs & non en autre, sans lesquelles elles ne pourroient tenir ceste maniere de vie. Ceste partie d'Alemaigne (dequoy ie vous parle) estoit subiete comme la France & l'Espagne à l'Empire Romain: mais venant depuis l'Empire à declin, & le titre d'Empire reduit en celle prouince, telles citez prindrent commencement plus puissantes,

## DISCOVRS DE NIC. MACCHIA.

fantes, selon la lascheté de cueur & necessité des Emperours, à foy mettre en liberté, se r'achetans de l'Empire en luy reseruant quel- que petit cens annuel. Tellemét que peu à peu toutes ces Citez, qui sans moyen estoient à l'Empereur, sans estre subietes à aucun Prince, se font r'achetées en semblable maniere. Auint ou mesme temps que ces Citez se r'achetoient, que certaines communittez souzmisses au Duc d'Autriche se rebellerent contre luy, entre lesquelles furent Fribourg, les Suyffes, & autres semblables: lesquelles prosperans des le commencement prindrent peu à peu tel accroissemét, que non seulement ilz ne sont retournez sous le ioug d'Autriche, ains tiennent tous leurs voyfins en crainte, & sont ceux que l'on nomme Suyffes. Ceste prouince est donques diuisée en Suyffes, Republicques (qu'ilz appellét terres frâches) Princes, & l'Empereur. Et la cause pourquoy en telle diuersité de viure ne naist point de guere, ou s'il en naist, ne dure guere, celà est signe de l'Empereur, lequel encores qu'il n'ait grâdes forces, neâtmoins il a telle reputatió entre eux, qu'il est leur vnique apointeur, & interposant son autorité comme moyenneur, estaint soudain tout scandale: Et les plus grâdes & plus longues guerres qui y ayent esté sont celles des Suyffes & du Duc d'Autriche. Et cóbien que puy plusieurs ans ença l'Empereur & le Duc d'Autriche ne soit qu'un, toutesfois n'a il iamais peu subiuguer l'audace des Suyffes, sans qu'il se soit iamais trouué aucun moyen d'acord, sinon par force, voire le reste de l'Alemaigne ne luy a guere porté d'ayde: tant parce que les communittez ne peuuent offenser ceux qui veulent viure en liberté comme eux, que parce que de telz Princes aucuns ne le peuuent par paureté, les autres ne le veulent par enuie sur leur puissance. Ces communittez donques peuuent viure cótées de leur petit domaine, n'ayans cause (pour le regard de l'autorité imperiale) de le desirer plus grand. Elles peuuent viure vnies dedans l'encloz de leurs murs ayans l'ennemy prochain, & qui prendroit l'ocasion de les occuper, s'elles tomboient en discord. Et si ceste prouince estoit autrement conditionnée, il leur conuiendroit chercher moyen de s'acroistre & rompre leur repos. Et pource que telles conditions ne se rencontrent en autré lieu, ce moyen de viure ne s'y peult pratiquer & est force de s'agrandir, ou par le moyen des ligués, ou par celuy des Romains. Et quiconque autrement se gouuerne, il ne cherche pas sa vie: mais sa mort & ruyne. Car en mil sortes & par plusieurs causes les aquésts sont dommageables, d'au-

tant

tant qu'il est bien possible d'aquerir terres, sans aquerir force, & qui fait aussi l'un sans l'autre, il faut qu'il aille en ruyne. Celuy qui par guerre s'apauurist ne peut aquerir force, c'obié qu'il soit victorieux: par ce qu'il y met plus qu'il ne tire de ses aquestz, comme les Venitiens & les Florentins ont fait, lesquelz se sont trouuez beaucoup plus debiles lors que l'un tenoit la Lóbardie, & l'autre la Toscane, que quand l'un se cõtentoit de la mer, & l'autre de six mille d'estendue: & tout est auenu de ceste volonté d'aquester, sans auoir entendu le moyen qu'il falloit tenir. Ce qui merite d'autant plus de blasme, qu'ilz ont moins d'excuse, ayans veu la maniere obseruée par les Romains, desquelz ilz pouuoient suyure l'exemple: laquelle les Romains de leur prudence mesme, sans autre imitation, ont bien sceu trouuer. Outre ce les aquestz font quelque foys nó petite playe à toute Republique bien ordonnée, quand on aquiert vne Cité ou Prouince pleine de delices: là ou telles meurs se peuuent aprendre par la conuersation que l'on a avec eux. Comme auint à Rome premierement en la conqueste de Capue, & depuys à Hannibal: Et si Capue eust esté plus loingtaine de la cité, que l'erreur des soldatz n'eust eu le remede prochain, ou que Rome eust esté corrompue en aucune partie, sans difficulté celle cõqueste estoit la ruyne de la Republique Romaine. Dequoy Tite Liue fait foy en ces paroles:

*Iam tunc minimè salubris militari disciplina Capua instrumentum omnium voluptatum delinitos militum animos auertit à memoria patriæ.*

Lors Capue peu salubre à la discipline militaire instrument de toute volupté, par sa douceur & friandise, destourna les cueurs des soldatz de la souenance du país.

À la verité telles Citez ou Prouinces se vengét du vainqueur sans coup ferir: par ce que les remplissans de leurs meschantes meurs, les preparent & disposent à estre vaincuz par quiconque les assaudra. Ce que possible n'estoit de mieux considerer que Iuuenal a fait en ses Satyres, disant, que par la conqueste des país estranges, les estranges meurs estoient entrez es espritz Romains: & en change de vie modeste & reiglée & d'autres tresexcellantes vertuz. *Gula*

*Et luxuria incubuit, victumq; vlciscitur orbem.*

Gloutonie & luxure au lieu de Vertu viennent,

Pour le monde vaincu contre eux vengeance prennent.

Si donques les aquestz peurent tant porter de preiudice aux Romains au temps qu'ilz manioient leurs affaires avecques telle prudence

dence & vertu, que feront ilz à ceux qui procedent par moyens si eslongnez? & qui outre les autres fautes qu'ilz commettent (dequoy a esté dessus amplement discouru) se seruent de soldatz mercenaires, ou auxiliaires, dont leur auient souuent les inconueniens, desquelz le chapitre suyuant fera mention.

## En quel danger se met le Prince, & la Republique, qui se sert de folde auxiliaire, ou mercenaire.

### Chapitre X X.



Ie n'auois amplement traité en autre miéne ceu-  
re quel peril & dommage procede des soldatz  
estrangers & mercenaires, & quelle vtilité gist es  
armes des propres subietz & vassaux, ie tiendrois  
ores plus lōg discours que ie n'en feray: & ne m'a  
semblé raisonnable de passer ce point en silence,  
faisant icy Tite Liue ample mētion des soldatz auxiliaires. Or sont  
auxiliaires ceux qu'un Prince ou Republique enuoye tous payez a-  
uecques leurs Capitaines à ton secours. Et pour toucher l'histoire:  
Les Romains apres auoir defait deux ostz des Samnites pour leurs  
armées enuoyes aux secours des Capuains, & par leur victoire ayās  
deliuré Capue de celle guerre, lors voulans retourner à Rome lais-  
ferent là deux legions pour la defēse du païs, de peur qu'estans  
despourueuz de garnison ilz fussent de rechef proye à leurs enne-  
mys: Mais ces legions demourans en paix & oyfueté, commence-  
rent à y prendre goust & plaisir en telle sorte, que mettans en oubly  
le païs & la reuerence du Senat, pourpenserent de prendre les ar-  
mes & vsurper la seigneurie du païs, que par leur vertu ilz auoient  
sauué, & leur sembloit que les habitans fussent indignes de tenir  
les biens qu'ilz ne pouuoient garder & defendre. Mais ceste entre-  
prise descouuerte aux Romains fut par eux oprimée (comme sera  
monstré amplement au lieu ou nous traiterons des coniurations) ie  
dy donques qu'entre toutes les manieres des soldatz les auxiliaires  
sont les

font les plus dangereux, d'autant que le Prince ou la Republique qui les employe en son affaire n'a sur eux autorité quelcōque: mais celuy qui les enuoye. Car ce sont gens (comme i'ay dit) qu'un Prince leue pour le secourir, & enuoye soudoyez sous leurs propres Capitaines & enseignes, telz que furent ceux que Rome enuoya à Capue lesquelz apres la victoire se ruent aussi tost sur ceux qui les ont amenez que sur leurs auerfaires, soit que ce bon tour se conduise par la trahison & peruerse volonté de leur maistre, ou par leur propre couuoitise & ambition. Et combien que ce ne fust l'intention des Romains de rompre l'acord & les conuenances qu'ilz auoient avecques les Capuains: neantmoins telle fut l'ocasion & oportunité qui se presenta à leurs soldatz, qu'ilz oserent machiner & entreprendre d'ocuper la terre & l'estat des Capuains. Je pourrois confirmer ce poinct par plusieurs exemples & tesmoignages: mais ores me cōtenteray de cestuy & de la fortune des Regins, auxquels vne legion que les Romains leur auoient baillée pour garnison tollit & la vie & la terre. Il seroit donques expediēt à tout Prince & seigneurie de prendre tout autre party premier que d'auoir recours à telles gens pour la conduite & defence de son estat. Car assurez soit que toute paction & traité qu'il passera avecques son ennemy (encores qu'il soit à son defauantage) luy sera plus legier à porter, que telle maniere de dangereux secours. Et qui bien lira & considerera les choses passées & discourera les presentes, en verra pour vn qui s'en soit bien trouué infiniz autres deceuz & abusez. Car vne Republique ou Prince ambicieux ne sçauroit souhaiter plus grande occasion d'ocuper vne Cité, Seigneurie, ou Prouince, que quand on le requiert d'enuoyer son armée pour la defence d'icelle. Pourtant celuy que l'ambition aueugle & transporte tant qu'il apelle telles gens à son ayde, non seulement pour soy defendre: mais pour autruy assaillir, vrayment il tend à conquerir ce qu'il ne peut garder ne tenir, & qui luy peut estre facilement tollu par ceux mesmes qui le luy auestoient. Voylà! l'ambition des humains est si grande, que pour acomplir vne foys leur volonté presente ilz mettent arriere le regard de tout peril & inconuenient qui leur en peut auenir. En quoy ne se soucioient d'ensuyure & imiter l'exemple des anciens, non plus que es autres cas par nous ia discouruz, lesquelz, si bien ilz entendoient, cognoistroient que tant plus vous vsez de liberalité aparente enuers voz voyfins & vous mon-

## DISCOVRS DE NIC. MACCHIA.

strez plus longs de les vouloir ocuper & assuietir, plus vous leur enuoyez le chemin pour foy venir ieter entre voz braz, comme cy dessous sera declaré par l'exemple des Capuains.

# Le premier Preteur que les Ro

ains enuoyerent hors la ville, fut à Capue cccc.ans  
apres qu'ilz commencerent à faire  
guerre.

Chapitre

X XI.



Ombien les Romains en leur maniere de proceder en cas de conquestes ayent esté diferents de ceux qui en ce temps estendent & amplifient leur iuridicion, cy dessus a esté discouru, & comme ilz laissoient les terres (qu'ilz ne defaisoient) viure en leurs loix, voire non seulement les peuples de societé : mais qui s'estoient renduz à leur subiection, en icelles ilz ne laissoient aucun signe d'Empire pour le peuple Romain : ains l'obligeoient à certaines conditions, lesquelles obseruans estoient maintenuz en leur estat & dignité. Et se void qu'ilz ont gardé ceste maniere de faire iusques au temps qu'ilz sortirent d'Italie & commencerent à reduire les Royaumes & seigneuries en Prouinces. Dequoy nous est pour exemple euident, que le premier Preteur qu'ilz enuoyerent en lieu du monde fut à Capue. Ce qu'ilz ne firent par leur ambition : mais à la requeste des Capuains mesmes, lesquelz pour les seditions qui s'esmouuoient entre eux, iugerent leur estre necessaire d'auoir en leur cité vn Citoyen Romain, qui les conduist & restablist en ordre. A leur imitation les Antales incitez & contrains de pareille necessité, demanderent aussi vn Prefect ou Preuost, dont Tite Liue dit sur cest accident & nouvelle mode de commander.

Tite Liue.

*Quòd iam non solum arma, sed iura Romana pollebant.*

Que desia non seulement les armes ; mais aussi les droitz Romains regnoient.

Au fort



Au fort voyez vous combien ce moyen ayda & faudrisa l'augmentation de Rome. Car les citez, mesmés celles qui ont acoustumé de viure en liberté, ou d'estre gouvernées par leurs prouvinciaux, se tiennent plus contentes sous vne seigneurie qu'ilz ne voyent point (encores qu'elle porte en soy quelque grief) que sous celle qui leur semble (l'ayant tousiours déuant les yeux) leur reprocher sans cesse leur seruitute. Encores ensuyt vn autre bien pour le Prince, c'est que n'estant la Iustice et les Magistratz entre les mains de ses subietz & officiers, pour rendre droit ciuilement ou criminellement en telles citez : par ce moyen ne se donne aucune sentence ou iugement à la charge ou infamie du Prince. Dont est destournée l'ocasion de plusieurs haynes & calónies à l'encontre du Prince. Et qu'il soit vray outre les exemples antiques, qu'il seroit ayse d'aleguer, ie vous en diray vn auenu de recente memoire en Italie. Chacun sçait comme ayant esté Gennes plusieurs foys ocupée par les François, tousiours le Roy (fors qu'à present) ya mis & constitué vn gouverneur François, qui la tenoit en son nom. Aujourd'huy, non tant par l'election & conseil du Roy, que par necessité, il luy en laisse le gouvernement entre ses mains. Aussi sans doute, qui voudroit considerer, lequel de ces deux moyens porte plus d'assurance au Roy de sa terre subiete & conquestée, & qui plus donne de cõentement au populaire, i'aprouuerois tousiours le dernier. D'auantage les hommes sont de ceste nature, que tant moins vous faites semblant de les vouloir prendre & assuietir, tant plus se iettent en vostre giron : & plus vous monstrez humain & familier avecques eux, moins ilz vous redoutent en cas de leur liberté. Ceste familiarité & liberalité induit les Capuains à requerrir vn Preteur de Rome. Et s'ilz eussent senty le moindre vent que l'intention des Romains fust telle de leur en vouloir bailler vn, soudain fussent tombez en ialousie de leur franchise & s'en fussent eslongnez de tout leur pouuoir. Mais quel besoin est il de chercher exemples à Rome & Capue, dont Floréce & l'Etrurie ou Toscane, est si remplie? Chacun sçait combien ya que la cité de Pistoye se submit de son bon gré sous la seigneurie de Florence, aussi est notoire l'inimitié qui a esté entre les Florétins, & ceux de Pise, de Lucques & Sienne. Et ceste diuersité de volontez enuers nostre ville, n'est procedée que ceux de Pistoye tinssent moindre cõte de leur liberté que les autres, ou qu'ilz s'estimassent estre moins qu'eux : mais à

Gennes  
gouver-  
née par le  
Roy de  
France.

cause que les Florentins se sont tousiours portez comme freres entiers eux, & ont monstré visage d'ennemys aux autres. C'est ce qui a induit le Pistoysens à son renger volontairement sous l'obeissance de Floréce, & qui a meü les autres d'employer tout leur effort pour n'y enchoir. Et (à mon auis) si les Florentins par voye de loix ou de secours en leurs affaires eussent apriuoisez leurs voyfins, plustost qu'alienez & renduz sauüages, maintenant seroient seigneurs & dominateurs de toute l'Etrurie. Pourtant ne voudrois ie empescher l'vsage de force & des armes: mais serois d'auis qu'elles fussent reseruées en subside, quand les autres moyens dcfaudroient.

## Cōbien sont faulses plusieurs

fois les opinions des hommes sur le iugement  
des choses grandes.

Chapitre

XXII.



Comme souuent sont faulses les opinions des hommes, ceux l'ont veu & le voyent, qui se trouuent tesmoins de leurs deliberations, lesquelles par plusieursfois, s'elles ne sont faites par personnes excellentes, elles sont contraires à toute verité. Et pource que ces excellens personnaiges es Republicques corrompues (mesmement en temps de paix) tombent en inimitiez par enuie & par autres causes d'ambition, volontiers l'on suit droit le point du bien, qui tel est iugé par le cōmun abus, ou par gens qui preferent les faueurs au bien vniuersel, & tel est mis en auant, lequel abus se descouure apres au temps de l'auersité, & par necessité le refuge est à ceux qui estoient delaissez au temps de la paix, comme sera à plain discours en son lieu en ceste partie. Encores naissent certains accidens ou facilemēt les hommes s'abusent, qui n'ont grande experiance des choses, ayant l'acident qui suruient en soy plusieurs actes vraysemblables, pour faire aiouster soy à ce que les hommes se persuadent en tel cas. Ce propos vient à cause de ce que *Numicius* Preteur persuada aux Latins apres qu'ilz eurent

eurent esté deffaitz par les Romains : & pareillement pource que plusieurs croyoient n'a pas long temps , quand François premier de ce nom Roy de France vint conquerir la duché de Milan defendu par les Suyffes . Partant ie dy, que mort le Roy Loys xii. & succedant à la couronne de France François d'Angoulesme & desirant y reünir Milan: qui peu d'ans au parauant auoit esté occupé par les Suyffes, moyennant le confort & ayde du Pape Iule ii. il desiroit auoir en Italie quelque ayde qui luy aplanist & auançast son entreprise : Tellement que outre les Venitians que le Roy Loys auoit regaignez, il tentoit les Florentins , Et le Pape Leon x. luy semblant vn grand suport pour luy , s'il les pouuoit tirer de son party , veu que la force du Roy d'Espaigne estoit en Lombardie , & celle de l'Empereur à Veronne . Le Pape ne ceda à la volonté du Roy, ains fut persuadé (comme l'on dit) par son conseil de soy tenir neutre, remonstrant qu'en tel party consistoit la victoire certaine d'autant qu'il n'estoit bon pour l'Eglise que le Roy ne les Suyffes fussent grands en Italie : mais qui la voudroit reduire en son ancienne liberte la faloit deliurer de la seruitude de l'vn & de l'autre: Et pource que les vaincre tous deux , ou à part , ou ensemble, il estoit impossible, le meilleur estoit que l'vn surmontast l'autre , & qu'après l'Eglise avecques ses amys vint hurter celuy qui seroit demouré vaincueur, & n'estoit possible trouuer meilleure occasion que la presente, estans l'vn & l'autre en la Campagne & ayant le Pape ses forces en ordre pour se pouuoir trouuer & représenter es frontieres de Lombardie pres de l'vne & l'autre armée, sous couleur de vouloir garder le sien, & qu'il se tiendrait là iusques à ce que la bataille seroit donnée, laquelle, par raison, veu la force des deux armées, deüroit estre cruelle & sanglante pour les deux partz , laissant le vaincueur tant afoibly, qu'il seroit ayisé au Pape l'assaillir & le rompre: par ce moyen viendroit à demourer à sa gloire Seigneur de Lombardie & arbitre de toute Italie. Or combien estoit faulse telle opinion l'ysüe le declare assez : Car après longue bataille, ayans esté les Suyffes deffaitz, tant s'en falut que la gent du Pape & celle d'Espaigne presumaist d'assaillir les vaincueurs, que soudain ilz s'apareillerent à la fuyte, laquelle encores ne leur eust gueres valu, sans l'humanité du Roy, ou sa froideur, qui ne cherche seconde victoire luy suffisant faire acord avecques l'Eglise. Ceste opinion a quelques raisons, qui de loing semblent vrayes, & si sont du tout eslon-

gnées de verité. Car peu souuent auient que le vaincueur perde beaucoup de ses gens, par ce que des vaincueurs il en meurt au conflict & non à la fuyte. Et sur l'ardeur de combatre lors que les hommes se font teste les vns aux autres, il n'en tombe guere mesme-ment à cause que le plus souuent la bataille dure peu: & quand plus elle dureroit & qu'il demourast sur le champ grand nombre des vaincueurs, si est ce que si grande est la reputation que la victoire emporte quant & elle, & la frayeur pour les autres, que ce point de- uance trop le dommage qu'il pourroit auoir souffert par la mort des siens: tellement que si vne armée avecques ceste opinion qu'il fust tant afoibly le venoit à affronter, ilz se trouueroient abusez: si d'auanture ceste armée n'estoit telle, qu'en tout temps & auant & apres la victoire elle le peust combatre. En ce cas selon la fortune & sa vertu ilz pourroient vaincre & perdre: mais celuy qui premier auroit combatu & vaincu auroit auantage sur l'autre. Ce qui se cognoist certainement par l'experience des Latins & par l'abus du Preteur Numicius, & le dommage qu'en r'aportèrent ceux qui le creurent, lequel apres que les Romains eurent deffait les Latins, crioyt par tout le pais de Latium que à lors estoit temps d'assaillir les Romains debilitez par la bataille qu'ilz auoient eu contre eux, & qu'il ne leur estoit rien demeuré que le nom de la victoire: mais auoient souffert toutes autres pertes & dommages comme si vaincuz eussent esté, & que la moindre force qui de nouveau les viendroït assaillir estoit pour les despescher. Sur son conseil ces peuples, qui le creurent remirent sus nouvelle armée, qui fut aussi tost rompue, soustenant telle fortune que soustiendront tousiours ceux qui tiendront opinions semblables.

Opinion  
faulce du  
Preteur  
Numicius.

## Comme les Romains au iuge-

ment qu'ilz faisoient de leurs subietz par aucun acci-  
dent qui les y contraignoit tousiours fuyoiēt  
la moyenne voye.

Chapitre

XXIII.

lam



*Am Latio is status erat rerum, vt neque pacem, neque bellum pati possent.*

Tel estoit desia l'estat de l'Italie, qu'elle ne pou-  
uoit souffrir paix, ne guerre.

De tous les estatz malheureux & infortunez ce-  
luy est le plus qui est reduit en telz termes qu'il ne  
peult receuoir la paix ne soustenir la guerre: côme ceux qui trop se-  
roiet offensez & incōmodez par les conditiōs de paix, & à qui d'au-  
tre part (voulans faire guerre) cōuiendroit soy ieter en proye à ceux  
qui leur donneroient secours, ou demeurer pour butin de leurs en-  
nemys esquelz inconueniens on tombe par faulte de bon conseil &  
de party pris (comme dessus ay declaré) sans auoir bien mesurés  
ses forces. Car la Republique ou le Prince qui les auroit bien mesurées  
à peine pourroit estre reduite en tel estat que furent reduitz les La-  
tins, lesquelz firent acord auecques les Romains quand ilz n'auoiet  
raison d'acorder, & rompirent la guerre lors que moins le deuoiet  
faire: dont y ouurerent en sorte, que tant l'amitié quel'inimitié des  
Romains leur portoit pareil dommage. Or estoient ilz vaincuz &  
du tout desconfitz par *Mallius Torquatus* premier, & apres par Ca-  
mille, lequel les ayant contrains a soy rendre & remettre es braz de  
Rome, establit garnisons par toutes les places, & pris ostages, racō-  
ta au Senat comme tout le nom Latin estoit entre ses mains. Et pour  
ce que ce iugement est notable & merite d'estre obserué par les Prin-  
ces en semblables occurrences, ie vous reciteray les paroles de Tite  
Liue mises en la bouche de Camille, lesquelles font foy, tant de la  
maniere que tenoient les Romains à s'amplifier & acroistre, que des  
iugemens d'estat, esquelz ilz euitoient tousiours la moyenne voye,  
suyuans l'vne ou l'autre extremité: car la raison d'vn gouerne-  
nement n'est autre que de tenir voz subietz en telle sorte, qu'ilz ne  
vous puissent ne doyuent faire offense. Ce qui se fait ou en s'asseu-  
rant d'eux & leur ostant moyen de vous pouuoir nuyre, ou les si  
bien traiter, qu'il ne leur soit raisonnable de desirer mutation de  
fortune. Ce qui se comprend premier par la proposition de Ca-  
mille, & puis par le iugement que le Senat donna sur icelle. Les pa-  
roles furent telles.

*Dij immortales ita vos potentes huius consilij fecerunt, vt sit Latium, an  
non sit, in vestra manu posuerunt. Itaque pacem vobis (quod ad Latinos atti-  
net) parere in perpetuum, vel scuiendo, vel ignoscendo potestis. Vultis  
crudelius*

DISCOVRS DE NIC. MACCHIA:

*crudelius cōsulere in deditios victosque? Licet delere omne Latium. Vultis exemplo maiorum augere rem Romanam? Victos in ciuitatem accipiendo materiam crescendi per summam gloriam suppeditat. Certè id firmissimum imperium est quo obedientes gaudent. Illorum igitur animos (dum expectatione stupent) seu pœna, seu beneficio præoccupari oportet.*

Les dieux immorelz vous ont donné tel pouuoir en ce conseil, qu'il est en vostre main que *Latium* soit ou non . Car vous pouuez quant aux Latins) vous asseurer vne paix perpetuelle avecques eux par cruauté, ou misericorde. Voulez vous cruellemét consulter contre gens vaincuz & captifz? Il est en vous d'effacer & abolir tout *Latium*. Voulez vous à l'exemple de noz maieurs augmenter le bien Romain? En receuât le vaincuz en vostre cité, ce vous est matiere de croistre avecques vostre singuliere gloire. Certes le plus ferme Empire c'est celuy duquel les subietz s'esioüissent & sont contents. Le mieux fera donques (tandis qu'ilz sont estōnez de ceste attente) aller faisir & preocuper leurs cueurs par punition ou clemēce.

Sur ce propos ensuyuit la deliberation du Senat conforme aux paroles du Consul, tellement qu'en toutes le places ne demeura pierre sur pierre: Tous ceux qui estoient de quelque aparence ou ilz les traiterent humainement, ou les separerent & esparirent en diuers lieux . Ceux à qui ilz voulurent bien faire, ilz leur donnerent exemptions, priuileges, la cité, les mettant en estat de seureté. De l'autre gent vile & de peu, ilz vuyderent le pais, y enuoyerent Colonies les retirerent à Rome . Brief tellement les disiperent, que ne par armes, ne par conseil ilz ne leur pouuoient plus porter aucune nuyfance . Et en ceux qui estoient de quelque respect, iamais (comme vous ay dit) n'vserent de la voye neutre. Tel iugement les Princes doyuent imiter, & le deuoient suyure les Florentins l'an mil v. c. ii. quand Arezze se reuolta & tout le val de Chiane . Et s'ilz l'eussent fait en asseurant leur estat & augmentant de beaucoup leur cité, eussent aquis celle campagne, qui leur eust este vn bon grenier de prouision: mais ilz tindrent en ce cas la moyenne voye, qui est tresincommode à faire iugements des hommes & confinerent partie des Aretins, partie ilz condannerent, à tous tollirent les honneurs & degrez antiques qu'ilz tenoient en leur cité, & laisserent la cité en son entier. Et si aucun des citoyens en leurs deliberations conseilloit qu'Arezze fust ruynée & demolye, ceux qui estoient tenez au reng des plus sages disoient, que ce seroit peu d'honneur à leur

Republique

Republique de la deffaire, & qu'il sembleroit que ce fust par deffiance de force assez pour la tenir. Qui sont raisons du nombre de celles qui semblent vrayes & ne le sont pas. Car par mesme consideration il faudroit espergner vn meurdrier de son pere vn meschant & scandaleux, pour la honte que feroit au Prince de monstrier luy deffailir le pouuoir pour tenir telles gens sous bride. Ceux qui sont de ceste opinion ne voyent pas qu'aucunesfois les hommes particulièrement ou vne cité tout ensemble cōmettra telle faulte au preiudice d'un estat, que le Prince soit pour sa seureté, soit pour donner exemple aux autres, ne pourroit faire reparer par autre remede que par destruction du delinquāt. Et quant à l'honneur, il consiste à scauoir & pouuoir chastier & corriger, non pas à maintenir avecques mil perils & dangers. Car le Seigneur est réputé ignorant, ou lasche & pusillanime, qui ne chastie les delinquans en telle sorte qu'ilz ne puissent iamais remettre sus vn tel fait. Le iugement que les Romains en firent combien il emporte de necessité assez est confirmé par la sentence qu'ilz donnerent des Priuernates, en laquelle y a deuz points à noter en Tite Liue. L'un (que i'ay desia declaré) comme il conuient traiter plus qu'humainement, ou estaindre du tout les subietz : l'autre combien la magnanimité de cueur & la grace de bien dire donne d'ayde à la verité quand elles sont adreſſées à gens de sens & prudence. Or estoit le Senat de Rome assemblé pour faire iugement des Priuernates, lesquelz s'estoient rebellez, & depuis remis par armes sous l'obeissance Romaine. Ce peuple auoit enuoyé plusieurs de ses citoyens pour obtenir pardon du Senat, lesquelz estans là au conseil vn Sénateur demanda à l'un d'eux:

*Quam pœnam meritos Priuernates censeret.*

Quelle punition luy sembloit que les Priuernates eussent merité.

Auquel il respondit:

*Eam, quam merentur, qui se libertate dignos censerint.*

Telle que meritent ceux qui se reputent dignes de liberté.

Lors repliqua le Consul.

*Quid? si pœnam remittimus vobis, qualem nos pacem vobiscum habituros speremus?*

Quoy? si nous vous vsons de grace, en vous remettāt la peine, qu'elle paix pourrons nous bien esperer avecques vous?

Le Priuernate luy respondit:

*Si bonam deditis, & fid. elem, & perpetuam: si malam, haud diuturnam.*

Si bonne

## DISCOVRS DE NIC. MACCHIA.

Si bonne nous la donnez, assuree & perpetuelle: si mauuaise, bien peu durable.

Surquoy la plus saine part du Senat (bien que plusieurs en fussent esmeuz & irritez) commença à dire:

*Se audiuisse vocem & liberi, & viri: nec credi posse vllum populum, aut hominem denique in ea conditione, cuius eum poeniteat, diutius quam necesse sit mansurum. Ibi pacem esse fidam vbi voluntarij paccati sint: neque eo loco vbi seruitutem esse velint, fidem sperandam esse.*

Que lors ilz auoient ouy la voix d'un libre, franc & vray homme. Et qu'il n'estoit croyable qu'un peuple, voire un seul homme se voust mainteñir en condicion qui ne luy semblast bonne, ou raisonnable par plus long temps que la necessite l'y contraindroit: Et que la paix estoit ferme & certaine là ou les pacifiez se rengeoient de franchevolote, & qu'au lieu ou ilz voudroient mettre subiection seruile, ilz ne deuoient esperer aucune foy ne loyauté.

Et sur ce propos ordonnerent, que les Priuernates deslors seroiēt citoyens Romains iouissans de tous priuileges de leur cité & bourgeoisie, difans:

*Eos demum, qui nihil preter quam de libertate cogitant, dignos esse qui Romani fiant.*

Que telles gens estoient dignes d'estre Romains qui n'auoient le cueur qu'à la liberté.

Tant agreea à gens magnanimes ceste hautaine & magnanime response. Aussi toute autre qu'ilz eussent sceu faire eust esté fote, vile, & de peu de valeur. Et ceux qui ont autre opinion des hommes, mesmement de ceux qui ont acoustumé de viure en estat ou de liberté (ou qui leur semble estre tel) s'abusent grandement. Et sous ceste faulse opinion souuent prennent des partiz qui ne sont bons pour eux, & moins à la satisfaction d'autruy: dont auient apres de rebellions & ruynes des plus grans estaz & Seigneuries. Mais pour retourner à mon discours, ie conclu par le iugement fait sur les Latins & les Priuernates, que quand on vient à iuger & ordonner d'une cité puissante acoustumée à liberté, il fault y verser de rigueur à l'estaindre, ou de tout le meilleur traitemēt dōt on se pourra auiser, tenant pour certain que tout autre auis est vain & inutile. Car la voye moyenne ne porte quant & elle que dommage & inconuenient, cōme elle fit aux Samnites quand ilz eurent enclos les Romaines fourches Caudines ou ne tindrent conte de l'auis du bō

vieillard



viellad qui leur conseilloit, ou de laisser aller les Romains avecques toute courtoysie & honnesteté, ou les faire tous passer au fil de l'espée. Mais ilz aymerent mieux nager entre deux eaux: en les desarmant & faisant passer sous le ioug: Puy les laissant aller pleins de honte, creueceur, & desdain: dont à tard se repentirent & cogneurent que le conseil du vieillard estoit vray & vtile, & leur opinion dangereuse comme sera à plein discours en son lieu.

## Que generalement les forteref

ses portent plus de dommage que de profit.

Chapitre

X XIII.



L semblera (peult estre) aux sages cerueaux de nostre temps, que soit esté mal consideré aux Romains se voulans assseurer des peuples Latins & de la ville de Priuernate, qu'ilz ne penserent d'y edifier quelque fortresse, pour leur seruir de frein à les tenir en foy & obeïssance. Mesmement estant vn commun dire à Florence, ordinaire en la bouche de noz discretz, que Pise & les autres semblables villes se doyuét tenir par chasteaux. Et vrayement si les Romains eussent esté telz qu'eux, ilz eussent pensé à en bastir: mais estans d'autre vertu qu'eux, d'autre iugement, d'autre puissance, ilz n'en voulurét onques faire. Et tât que Rome fut libre & qu'elle suyuit ses ordonnances & vertueuses constitutions, iamais elle n'en edifia pour tenir villes ou contrées: Bien entretint quelzques fortificatiós desia faites. Parquoy voyant la maniere de proceder des Romains en cest endroit & celle des Princes de nostre aage, me semble estre à mettre en consideration, s'il est bõ edifier fortresses, & si elles seruent ou nuyent à qui les edifie. Enquoy fault auiser, qu'elles se font pour soy de fendre, ou des ennemis, ou des propres subietz. Au premier cas elles sont necessaires, au second dangereuses. Or pour commencer à rendre raison pour

G quoy

quoy elles portent dommage au second point; icy, que le Prince ou la Republique, qui a d'oute de ses vassaux & de leur rebellion, premierement conuient que telle paour naisse de hayne & malueil lance qu'ilz portent à leur Seigneur. La hayne vient de son mauuais gōuernement, le mauuais gōuernement vient d'opinion de les pouuoir tenir par force, ou de faute de prudence en celuy qui gouerne. Et vne des choses qui induyt perdition de pouuoir forcer les subietz, est de les voir bridez par fortresses: car le mauuais traitement qui est cause de hayne ne procede le plus souuent que de ce qu'un Prince ou republique se sent auoir fortresses, lesquelles (estant ce propos vray) de beaucoup portent plus de nuyfan- ce que de profit: Par ce qu'en premier lieu (comme a esté dit) elles te rendent plus audacieux & plus violent enuers tes fuietz, & apres elles te forment vne certaine opinion d'assurance car toutes les forces toutes les violences dont on voudroit vlt pour tenir vn peuple sous bride ne sont rien, deux exceptés: C'est que tu ayes le moyen de mettre tousiours vne bonne armée au champs, comme auoient les Romains, ou que tu les dissipes, estaignes, separees, desempares en telle sorte, qu'ilz ne puissent conuenir & coniuurer contre toy: car de les reduire en pauuete & souffrete:

*Spoliatis arma super sunt.*

Aux despouillez restent encor' les armes.

Aussi de les defarmer,

*Furor arma ministrat.*

La fureur fournit assez d'armes.

De trencher les chefs principaux en traitant les autres outrageusement, les testes renaissent comme celle d'Hydra. Si tu fais fortresses elles te peuuent estre vtils durant la paix à te donner plus de courage de leur mal faire. Aussi en temps de guerre elles te nuy- sent grandement, n'estans assiegées moins par tes fuietz que par tes ennemys, & n'est possible qu'elles facent resistance aux vns & aux autres. Et si iamais elles furent incommodes elles le sont en ce temps cy pour le regard de l'artillerie, la fureur de laquelle rompt toutes les defences qu'on pourroit auoir en lieux estroitz, ou l'on ne se peult retirer & remparer comme nous auons discouru cy dessus. Or ie veulx disputer ceste matiere plus vulgairement. Ouy Prince, ou Republique, pretends par le moyen de ces fortresses tenir en frein le peuple de ta cité, ou bien vne ville que tu auois

aurois occupée par armes . Le me veulx tourner vers le Prince,  
 & dy, que tel fort pour brider ses citoyens est du tout domma-  
 geable par les causes desia deduites, veu qu'il te rend plus prompt  
 & moins respectif à les vexer & oprimer. Et ceste opression les a-  
 nime & dispose à conspirer ta ruyne: en forte que le chasteau qui  
 en est cause ne te peult apres garantir. Tant que le bon & sage  
 Prince, pour ne chercher occasion d'empirer & ne la donner à ses  
 enfans, n'erigera forteresse nouvelle, à fin qu'ilz fondent plus leur  
 pouuoir sur la bonne volonté de leurs hommes que sur la force.  
 Et si le Comte Francisque Sforce qui deuint Duc de Milan, fut  
 en reputation de grande prudence; & s'il fit le chasteau de Mi-  
 lan, i'ose dire qu'il ne fit en ce cas acte de sagesse comme l'effait  
 l'a monstré, veu que ceste forteresse a porté plus de dommage que  
 de seureté à ses hoirs & successeurs . Car eux iugeans, moyen-  
 nant icelle, viure affeurez & renger & manier leurs subietz à leur  
 vouloir, n'espernerent aucune espece de violence: Tellement  
 que gagnant leur hayne oultre mesure perdirent cest estat & Du-  
 ché au premier assault de leurs ennemys, ouquel la forteresse ne  
 leur seruit d'aucun profit ne defense, & si leur auoit assez fait d'en-  
 nuy durant la paix. Car s'ilz ne l'eussent point eu; ou si par faulte  
 de bon sens & discretion eussent manié leurs subietz trop aigre-  
 ment, ilz eussent plustost descouuert le peril & se fussent reti-  
 rez, & apres eussent peu plus vertueusement & virilement sousten-  
 nir l'effort des François avecques leurs subietz bienveillans sans  
 forteresse, qu'avecques la forteresse, & leur malveillance: laquelle  
 ne sert en rien, d'autant qu'elle se perd par fraude de ceux qui la gar-  
 dent, ou par la force des assaillans, ou par famine. Et si tu veulx  
 qu'elle te serue & profite à recouurer l'estat que tu as perdu, duquel  
 le chasteau seul t'est demouré, il te conuient dresser vne armée  
 pour assaillir celuy qui t'en a chassé: & si tu as le pouuoir de mettre  
 vn bon ost aux champs, c'est vn moyen de recouurer ta perte; voi-  
 re sans forteresse, & d'autant plus facilement que tes homes te peu-  
 uent estre plus amys qu'ilz n'estoient estans mal traitez à l'ocasion  
 de l'orgueil procedant de la forteresse. Dont a esté veu par experien-  
 ce, que celle de Milan, tant aux Sforesques, qu'aux François au tēps  
 de leur auersité n'a de rien seruy: ains a beaucoup nuit aux vns, &  
 aux autres: à cause qu'ilz ne pensoient (tādis qu'ilz l'auoient) à plus

Du Chaste  
 au de Milā

DISCOVRS DE NIC. MACCHIA.

Le Duc  
Guide-  
bauld

Le Pape  
Iule.

Nicolo de  
Castello.

Chateau  
de Génes.

honneste moyen de maintenir le Duché. Guidebauld Duc d'Urbain filz de Fedederic, qui en son temps fut estimé si grád Capitaine estant mis hors de son estat par Cesar Borgia filz du Pape Alexádre vi. de puis y estant restitué & remis par quelque accident, fit abatre & demolir toutes les forteresses de la contrée, les iugeant fort dangereuses: car se sentát bien voulu de ses subietz, il n'en vouloit point pour leur regard: & quant à celuy de ses ennemys, il cognoissoit qu'il ne les pourroit tenir contre eux sans vne armée. Le Pape Iule ayant chassé de Bologne les Bentiuoles, fit construire vn chasteau en la ville, & de puis faisoit assafiner son peuple par vn gouverneur qu'il y auoit mis: Tellement qu'il se rebella, dont à l'instat perdit la forteresse, & luy porta dommage qu'il ne luy eust fait, s'il l'eust regy autrement. *Nicolo de Castello* pere des *Vitelli* retourné en son pais dont il estoit banny, soudain fit deffaire deux forteresses qu'y auoit construites Pape Sixte quatreiesme, iugeant, que la bonne volonté du peuple & non les forts & chasteaux le pourroient maintenir en son estat. Mais de tous les autres exemples le plus recent & plus notable en toutes sortes & plus conuenable à monstrier l'inutilité de telz edifices & l'vtilité de les ruyner & abatre, c'est celuy de Genes auenu puy peu de temps. Chacun sçait comme l'an mil v. c. vii. Genes se rebella contre Loys xii. Roy de France, lequel vint en personne avecques toute sa puissance pour la recouurer. Et l'ayant reconquise y fit vn chasteau plus fort que tous ceux dont on eust lors cognoissance: car soit pour l'assiete, soit pour autre circonstance, il estoit inexpugnable: assis sur vne pointe de montagne, qui s'estend en la mer, nommée par les Geneuois *Codefa*. Et de ce fort il batoit tout le port & grande partie de la ville. Or auint en l'an mil v. c. xii. qu'estans les François chassés de l'Italie Genes alors, nonobstant la forteresse, se reuolta, & l'vsurpa Octavian Fregose, lequel en seize mois employa tout son industrie à la gaigner, & au bout du terme l'emporta par famine. Combien qu'il fust assez conseillé de la garder pour son refuge en fortune contraire: Mais cognoissant, comme homme prudent, que l'estat du Prince depend plus de la loyauté amyable des subietz, que d'aucune force, la fit raser. Qui luy a esté moyen de conquerir ceste seigneurie, laquelle il tient encores à present, l'ayant fondée non sur les forteresses: mais sur la vertu & prudence de l'estat de Genes, que mil hommes de pied tournoient à tous vents, de puis a esté assaillye par dix mil, sans

fans qu'ilz l'ayent peu offendre . Parquoy l'on void que la forteresse ruynée n'a porté aucune nuysance à Octavian , & l'autre edifiée n'a feruy de grande defense au Roy de France . Somme quand vous pouuez venir en Italie avecques armée, vous pouuez recouurer Genes sans y auoir tour, ne chasteau : Mais si vous n'avez pouuoir d'y venir en main forte, vous ne la sçauriez tenir avecques toutes voz forteresses. Ce fut au Roy grande despenfe pour la bastir, & pareille honte de la perdre. A' Octavian fut honorable de la recouurer & vtile de la ruyner . Mais venons aux Republics qui erigent chasteaux, non pas sur leurs terres, mais en païs de conqueste . Et pour mieux descouurer ceste erreur, si cest exemple de France & de Genes ne suffit, Florence & Pise satisfera, là ou les Florentins firent vne forteresse pour tenir la cité sous bride, & ne cogneurent pas qu'vne ville qui tousiours auoit esté ennemye du nom Florentin, ayant vescu en estat de franchise & liberté qui luy estoit pour refuge en la rebellion pour la tenir estoit necessaire obseruer la mode Romaine l'associât, ou la dessaisant du tout: car la verité des forteresses aparut bien à la venue du Roy Charles, auquel elles furent rendus, ou par le peu de foy de ceux qui les gardoient, ou par crainte de plus grand mal : là ou s'il n'y en eust point eu, les Florentins n'eussent fondé leur assurance sur elles de pouuoir tenir Pise, & le Roy n'eust peu par telle voye les priuer de ceste ville : aussi les moyens par lesquelz elle s'estoit maintenue iusques à l'heure, par auanture eussent esté suffisans pour la conseruer . Je conclu donques, que pour tenir son païs propre la forteresse est dangereuse: pour terres de conqueste, elles ne vallent gueres mieux . En quoy ie ne m'apuye que sur l'autorité des Romains, lesquelz tant s'en falloit qu'ilz emmurassent les villes qu'ilz vouloient tenir par violence, que plustost mettoient les murs rez pied rez terre . Et qui me voudroit alleguer au contraire de ceste opinion Tarante au temps passé, & de present Breſce, lesquelz lieux furent moyennans les forteresses reconquis sur la rebellion des subietz, ie responds qu'au recouurement de Tarante au bout de l'an fut enuoyé *Fabius Maximus* avecques vne armée, laquelle seule estoit assez sans autre forteresse : Et s'il y v-  
Recouure  
ment de  
Tarante.
sa de ce moyen, quand il ne l'eust point eu, il eust pratiqué autre voye, qui eust peu conduire son dessein à semblable effait. Tout consideré, ie ne sçay de quelle vtilité est vne forteresse qui ne te peut rendre ta terre, ou place, sans vn ost Consulaire, & sans

## DISCOVRS DE NIC. MACCHIA?

Reprinse  
de Bresce.

vn Fabius pour Capitaine . Et que les Romains l'eussent peu reprendre sans celà , on le void à l'exemple de Capue, là ou n'y auoit aucune forteresse, & par vertu de leur armée la reconquirent . Mais venons à Bresce . le dy que peu souuent auient ce qui se rencontra en ceste rebellion, c'est que le chasteau estât la ville rebellée ayt vne grosse & prochaine armée comme estoit celle des François : car estant lors monsieur de Foix lieutenant pour le Roy à Bologne avecques vn armée, si tost qu'il fut auerty de la perte de Bresce, sans delay tira celle part en telle diligence, que dedans trois iours arriuant sur le lieu, par le moyen de la forteresse, il recouura la place . Ainsi le chasteau de Bresce, pour ayder à ce recouurement, eut besoing d'vn monsieur de Foix & d'vne armée Françoisse, qui le vint secourir au troisieme iour : tellement que cest exemple ne milite contre les autres contraires : car de nostre temps assez de forteresses ont esté prises & reprises avecques pareille fortune que l'a esté la campagne, non seulement en Lombardie: mais en la Romagne au royaume de Naples, & par toutes les parties d'Italie : Mais quant à edifier forteresses pour soy defendre des ennemys de dehors, ie dy qu'elles ne sont necessaires aux peuples ny aux Roys qui ont bonne armée, & à ceux qui n'ont ce pouuoir elles sont inutiles : d'autant que le bon ost se peut deffendre sans forteresse, ce que ne peut la forteresse sans l'ost . Ce qui se void par l'experience de ceux qui ont esté tenuz excellans, tant en fait de gouvernement, qu'en autres choses, comme les Romains, & les Spartains : car si les Romains ne bastissoient tours ne chasteaux, les Spartains ne s'en abstenoient seulement : mais ilz ne permettoient de tenir leurs villes murées, voulans estre soustenuz & gardez par la vertu particuliere de l'homme, sans autre espece de defense . Dont estant vn iour demandé à vn Spartain par vn Athenian : si les murs d'Athenes luy sembloient beaux, respondit s'ilz estoient habitez de Dames . Le Prince donques qui peut mettre aux champs vne forte & puissante armée, quand il auroit sur la coste de la marine en sa frontiere quelque fort pour soustenir & arrester vn iour son ennemy, ce pendant qu'il assemble sa force, il seroit aucunesfoys vtile non pas necessaire : Mais quand le Prince n'a ceste puissance, les forteresses, soit dedans ses pais, ou sur le limites, elles luy sont dammageables, ou inutiles . Dammageables, par ce qu'il les perd incontinent, & les ayant perdues elles mesmes luy font la guerre, ou si elles sont si fortes que

l'ennemy

l'ennemy ne les puisse gagner, il passe outre les laissant derriere & ainsi se feruent moins que rien. Car vne bonne armée (à qui vne pareille ne va audeuant faire teste) elle entre en pais sans egard de ville ne chasteau qui luy demeure derriere, comme l'on void es anciennes histoires: aussi comme fit Francisque Marie, lequel n'a pas long temps, pour aller assaillir Vrbin, laissa derriere dix Citez ennemies sans aucun respect. Le Prince donques qui peut dresser vne bonne armée peut faire sans edifier aucune forteresse. Celuy qui ne la peut auoir n'en doit pas construire, bien doit il fortifier la ville de son seiour, & la tenir munie & ses Citoyens dispos à pouuoir soustenir l'efort de son ennemy, tant qu'il puisse par acord ou par secours estrange la deliurer. Tous autres desseins sont de despense en temps de paix, & inutiles à la guerre. Ainsi qui considerera tout ce qui a esté dit cognoistra les Romains comme en toutes autres choses, aussi au cas des Latins & des Priuernates, auoir esté de prudent iugement, s'estans assurez d'eux par autres moyens sages & vertueux que par forteresses.

## Que c'est party se contrariant

assaillir vne Cité diuisée pour l'ocuper moyennant sa diuision.

Chapitre

XXV.



A discorde estoit telle en la Republique de Rome entre la noblesse & le commun, que les Vegens iointz avecques les Hetrusques penserent au moyen de celle diuision estaindre du tout le nom Romain. Dont ayans assemblé grande puissance & couru la campagne de Rome, le Senat enuoya à l'encontre Cn. Manilius & M. Fabricius, lesquels ayans asis camp contre camp furent tellement outragez par les Vegens d'iniures & reproches hôteuses, que par leur temerité & insolence les Romains auparauant diuisez se réunirent: Et apres venans aux mains empor-

G iiii

terent

## DISCOVRS DE NIC. MACCHIA.

terent la victoire. Enquoy l'on void combien les hommes s'abusent à prendre partiz comme dessus auons discoursu, & que souuentefois ilz font estat de gaigner vne chose qu'ilz perdent. Les Vegens pensoient & croyoient, les Romains bandez & diuisez les pouuoir vaincre & defaire, & cest assault fut cause de reduire les vns en vnió, & de ruyner les autres. Pour ce que la plus commune occasion de la diuision de Republicques est l'oyfueté de la paix, laquelle se reconcilie par paour & guerre ses contraires. Et si les Vegens eussent esté plus sages, tant plus ilz eussent veu Rome en trouble & seditiõ, plus en eussent eslongné leurs armes & tenté à les oprimer par menées, pratiques, & art de paix. Le moyen est de gaigner le maistre & la fiance des deux parties de la Cité diuisée, & auant qu'ilz viennent aux armes s'insinuer, comme arbitres, de leur diferent quand ilz y viendront porter la plus foible partie, tant pour les tenir longuement & faire consommer en guerre, que de paour que leurs forces encores grâdes & entieres ne les missent tous en doute & suspicion, que vostre intention fust de les ruyner & deuenir leur Prince. Et ne se verra guere que tel dessein bien conduit ne fortifie l'efait proposé & désiré. La cité de Pistoye (cõme en autre propos ay discoursu) ne fut iamais par autre art reduite au gouuernement de Florence, que par ceste pratique de fauoriser l'vne puyz l'autre faction, sans charge d'aucune des deux, la renga & conduit en telz termes, que lassée & trauaillée de telle vie tumultueuse, se vint d'elle mesme ieter entre les braz de Florence. En pareil cas en la cité de Siene les faueurs des Florentins n'ont iamais eu pouuoir de muer leur estat, sinon quand elles ont esté dispensées & departies de chiche main. Car ou elles ont esté faites, ont la cité rendu, la cité vníe à la defense de l'estat qui gouernoit. Ainsi fit Philippe Viscontin Duc de Milan, lequel par plusieurs foys guerroya les Florétins, ne fondant ses esperances que sur leur diuision, dont mal luy en prit, en telle sorte que soy repentant de sa temeraire entreprise, disoit que les folies des Florentins luy auoient cousté deux millions d'or. Ainsi demorerent (comme dessus est dit) les Vegens & Toskans deceuz de ceste opinion, & finalement furent surmótez par les Romains en vne bataille. Et s'assure d'auoir pareille fin quiconque vsera de semblable moyen & fondera sa victoire sur telle esperance.

Comme



## Comme les iniures &amp; repro-

ches n'engendrent que hayne sans profit à ceux  
qui en vident.

Chapitre

XXVI.



**L**Tem l'une des grandes sagesse que l'hóme puisse auoir est de se garder d'vser de menasses & paroles iniurieuses. D'autant que l'un ne l'autre ne diminue ou abat la force de ton ennemy : ains le premier le fait plus tenir sur ses gardes, & le second luy accroist la rancune & le maltalent qu'il auroit conceu contre toy, ensemble luy aguysent l'esprit à te brasser quelque tour de meilleur sens. Celá se void en l'exemple des Vegens, desquelz a esté discouru ou precedant chapitre. Iceux non contents d'exploiter & exercer toute rigueur d'hostilité contre les Romains, leur firent la guerre non moins de la langue que de la main, qui est vne folie, dont tout bon Capitaine doit garder & faire abstenir ses soldatz : Car à le bien considerer ce ne sont que esguillons à enflammer le cueur de ton ennemy d'un ardant desir de vengeance, & ne luy tolissent ne destournent la puissance de t'offenser. Tellement que ce sont plustost armes contre toy que pour toy. Dequoy iadis auint vne merueilleuse fortune en Asie, ou estant Gabades Capitaine des Perses campé deuant la ville d'Amida, & ayant vn iour deliberé & enuie de l'habandonner du siege, de le leuer & s'en aller, si tost que ceux de la ville s'en aperceurent acoururent tous sur les murs, & là se mirent à desgorger vne infinité d'iniures, leur reprochás leur lascheté & couardie. Dont animé Gabades outre mesure, changea conseil, & continua le siege en telle ardeur & colere, qu'il prit la ville en peu de iours & la saccaga. Autant y gagnerent les Vegens dont ie vous auoye comencé à parler, lesquelz venoient iusques aux tranchées du camp outrager & irriter les Romains de honteuses paroles, & tant en firent, que plus ilz les animerent & enflammerent de leur propos qu'ilz n'auoient fait de leurs armes. Tellement que ceux qui tiroient auparauint le cul arriere assez mal deli-

deliberez de combatre contraignent lors les Consulz de les mener en bataille contre ceux, qui porterent la peine, comme les Amidaïns, de leur fol & iniurieux langage. Parquoy me sembleroit bon que tant vn Capitaine d'une armée, qu'un gouverneur de ville mist ordre à refraindre telle inconsideration de langue, tant en la cité, que au champ, & tant entre eux que contre leurs ennemys, contre lesquelz, s'ilz en vfont, ensuyuront les incontinens dessusditz. Encores beaucoup pis auient d'en vser entre eux, s'il n'y est mis tel ordre, qu'y ont tousiours pratiqué les plus auisez. Les legions Romaines, qui estoient demeurées à Capue, firent quelque cōiuration contre ceux de la ville, telle que ie vous raconteray en son lieu, dont sortit vne sedition qui fut apaisée par Valere Coruin. Mais entre autres loix qui furent inserées en cest apointement, furent ordonnées peines tresgrieues à ceux qui d'oresenauant reprocheroient ceste sedition à aucun des soldatz. Tybere Grache esleu Capitaine de quelque armée de serfz; que les Romains enrolerent par faute d'autres, entre ses premieres ordonnances ordonna, que nul eust à improper seruitute à aucun de son ost; sur peine de la teste, tant les Romains trouuerent mauuais & dangereux (comme dessus a esté dit) de se moquer des gens & reprocher quelque hôte. Pource qu'il n'y a rien qui tant irrite & enflamme le cueur d'une personne, ne qui cause plus profonde rancure, soit l'iniure vraye ou faulse.

*Nam facetiæ asperæ quando nimium ex vero traxere acrem sui memoriam relinquunt.*

Car brocardz poignans & aigres, qui touchent trop pres du vif & du vray, laissent leur esguillon fiché en la memoire d'iceluy qui se sent ataint. C'est ce que dit le prouerbe: Bourdes vrayes ne plurent onques.

## Vn Prince prudent & vne Re-

publique se doyuent contenter de la victoire, de paour que passant outre ilz ne perdent ce qu'ilz auoient gaigné.

Chapitre

XXVII.

Cequi



E qui souuent nous fait vser de paroles peu hon-  
 nestes cōtre nostre ennemy, c'est l'insolence que  
 la victoire nous donne, ou faulse esperance d'i-  
 celle, qui trouble la raison en l'homme non seu-  
 lement au parler: mais aussi au fait mesme. Car  
 depuys que cest erreur d'opinion nous entre au  
 cerueau, elle nous fait incontinent passer bornes & plusieurs fois  
 perdre l'ocasion d'un bien certain, par espoir de plus grand bien en-  
 cores incertain, qui est un point qui me semble digne de considera-  
 tion, veu que par tel abus l'esprit oublie raison, & tire souuent no-  
 stre estat en danger, ou ruyne. Pource ay desir de discourir sur ce  
 propos par exemples tant d'ancienne que recente memoire: car  
 les raisons ne le pourroient mettre en euidence si claire & distincte.  
 Hannibal, apres la defaite des Romains à Cannes, enuoya gens à  
 Cartage porter les nouvelles de sa victoire, ensemble luy deman-  
 der renfort: surquoy le Senat fut en longue deliberation qu'il en  
 estoit de faire. Annon y estoit, prudent vieillard citoyen de Carta-  
 ge, qui fut d'avis, qu'on v'ast sagement de la victoire en faisant paix  
 avecque les Romains, laquelle ilz impettreroient d'eux avecques  
 honnestes conditions comme vaincueurs, & ne deuoient atendre  
 à la faire apres leur perte & defaite. Car il deuoit s'ufire aux Carta-  
 ginois d'auoir monstré aux Romains comme ilz estoient gens pour  
 leur tenir contrecare: Et ayans gagné sur eux la victoire ne la de-  
 uoient exposer en danger de la perdre, sous esperance d'autre plus  
 grande: mais son conseil ne fut luyuy, que le Senat recogneut de-  
 puys pour le meilleur, quand l'ocasion en fut perdue. Alexandre le  
 grand auoit desia conquis tout l'Orient, quand la Republique de  
 Tyrus noble alors & puillante (d'autant que sa ville estoit située en  
 l'eau comme Venise) estonnée de la grâdeur d'Alexandre enuoya  
 ses Embassadeurs luy offrir telle obeissance & subiection qu'il vou-  
 droit, mais que luy ne ses gens n'entroyent lors en leur ville. Luy  
 adonques indigné qu'une Cité voulsist clorre ses ports à qui tout le  
 monde les auoit couertes, les renuoya sans accepter leurs offres,  
 & s'y alla camper. La ville (comme vous ay dit) estoit assise en l'eau  
 bien pourueüe de viures & de toute autre munition de defense: Tel-  
 lement qu'Alexandre au bout des quatre moys s'auisa, qu'une seule  
 ville tolissoit à sa gloire le temps que tant d'autres cōquestes ne luy  
 auoient osté. Dont delibera tenter la voye d'acord en leur otroyât  
 ce que

Le conseil  
d'Annon,

Destructiō  
Tdeyrus,

## DISCOVRS DE NIC. MACCHIA:

ce que deuant ilz auoient requis eux mesmes . Mais alors les Tyriés deuenuz plus braues, non seulement refuserent l'acord , ains mirét à mort ceux qui l'estoient venu pratiquer . Dequoy Alexandre esmeu d'indignation fit donner vn assault de tel ardeur & violence, qu'il emporta la ville , la saccagea, mit partie des habitans à l'espée, le reste fait serf & esclau. L'an mil v. c. xii. vint vne armée d'Espagnolz en la terre des Florentins pour remettre les Medicis à Florence, & imposer taille sur la Cité:& estoient apellez & conduitz par des citoyens mesmes, qui leur dōnoient esperance, que si tost qu'ilz auroient mis le pied en leur terre, ilz prendroient les armes en leur faueur. Mais quand ilz furent en la plaine , & virent que nul ne se descouurit de leur party , & que les viures leur failloient, porterent paroles d'acord, que le peuple de Florence enorgueillly , ne vouldrent receuoir ny entendre. Dont auint la perte de Prato, & la ruyne de leur estat. Ainsi ne peult vn Prince qui se void assailly par plus puissant que luy faire plus grande faute que refuser quelque acord qui luy soit présenté: car il ne sera iamais si bas & si desauantageux, qu'il ne porte en foy quelque bien pour celuy qui l'accepte, & y sera partie de sa victoire. Partant deuoit sufire au peuple de Tyre, qu'Alexandre se voulist passer aux conditions qu'il auoit vne foys reietées, & estoit assez de victoire à eux d'auoir fait les armes en main vn tel personnage condescendre à leur vouloir. Aussi se deuoit contenter le peuple Florentin & prendre trop à gloire que l'armée des Espagnolz consentoit à vne partie de son vouloir , & n'accomplissoit le leur entierement , puy qu'il voyoit leur intention estre de troubler & muer l'estat de Florence , le destourner & retirer de la deuotion de Frâce & en tirer ce qu'ilz pourroiet de deniers . Quand de trois choses ilz en eussent obtenu deux les dernieres , & que la premiere seule fust demeurée entiere au peuple , c'est à sçauoir la conseruation de son estat, chacun de la cité auoit encores avecques la vie quelque honneur & satisfaction sauue, sans qu'il eust à se soucier beaucoup des deux autres poinctz. Et ores qu'il eust eu assurance quasi certaine de plus grande victoire, si ne la deuoit il exposer à la discretion de fortune, luy allant à ce coup de sa reste , que iamais le prudēt ne couchera, sinon à la necessité extreme. Hannibal party d'Italie , ou il auoit esté xvi. ans en honneur, reclamé par les siés à donner secours à sa patrie , trouua Asdrubal & Siphax en vauderoute, le Royaume de Numidie perdu, Cartage retirée & restrain-

te dedans

te dedans la ceinture de ses murs, à laquelle ne restoit plus autre refuge qu'à luy & son armée. Et cognoissant que c'estoit la dernière poste, ou reite de sa patrie, ne la voulut mettre au hazard premier qu'auoir tenté tout autre remede, sans auoir honte de demander la paix, iugeant que s'il luy restoit aucune esperance elle gisoit en elle & non en la guerre. Mais luy estant depuis refusée, ne voulut fuir le combat (combien que sans grand espoir) iugeant toutesfois qu'il luy estoit possible de vaincre, au moins que, s'il perdoit la bataille, ce ne seroit sans laisser tesmoignage de sa prouesse & vertu. Or si Hannibal qui tant estoit preux & vaillant, & auoit encores son armée entiere, chercha premier la paix que la bataille, voyant qu'en la perdant il mettoit sa patrie en seruitute, que deüra donques faire vn autre de moindre vertu & experience que luy? Mais les hommes tombent en cest erreur qui ne sçauent mettre borne à leurs esperances, & s'y fondans, sans se mesurer autrement, vont en ruyne.

## Quel danger peult encourir

vne Republique, ou vn Prince, par faulte de venger & punir vne iniure faite à vne communauté, ou personne priuée.

Chapitre XXVIII.



E que l'ire & le despit induysent les homes à faire est facile à cognoistre par ce qui auint aux Romains quand ilz enuoyerent les trois Fabies Embassadeurs vers les François, qui estoient entrez en la Toscane, & auoient mis le siege deuant la ville de Chiuse. Car ayant le peuple assiegeé enuoyé à Rome requerir secours, les Romains manderent aux François, qu'ilz eussent ou nom du peuple de Rome à s'abstenir & retirer de la Toscane: mais ceux à qui la commission fut donnée, se trouuans sur les lieux, gens trop plus adroitiz à bien faire, qu'à bien dire, voyans les deux ostz reengez en bataille, se mirent es premiers rangs à combattre contre les François, qui les recognoissans tour-

H nerent

## DISCOVRS DE NIC. MACCHIA.

nerent contre les Romains tout le maltalent qu'ilz auoient contre les Toscons: lequel fut beaucoup augmenté & irrité apres qu'ilz eurent enuoyé leurs Embassadeurs à Rome en former la cõplaine, requerans que ceux qui auoient commis la faute leur fussent liurez & renduz en satisfaction de l'outrage: Mais tant s'en falut qu'ilz leur fussent acordez, ou chastiez en autre maniere, que auenans les comices ilz furent crééz Tribuns, avecques puissance Consulaire. Ce qu'ayans entendu les François, & que ceux auoient esté honorez qui deuoient estre puniz, interpreterent le tout auoir esté fait en leur mespris & derision. Dont enflambez & irritez plusque deuant marcherent droit vers Rome, laquelle ilz prindrent excepté la Capitole. Et n'auint aux Romains ceste ruine, que seulement de n'auoir obserue & gardé iustice: en ce qu'ilz auoient deféré honneur, en lieu de punition, à leurs Embassadeurs violateurs du droit des gens. Pource est digne de consideration l'egard que doit auoir tout Prince & Republique à ne faire tel tort ou iniure, non seulement à vn peuple, ou communauté: mais aussi à vn seul particulier. Car s'il auient qu'un homme soit grandement offensé ou outragé par vne Republique, ou personne priuée, dont il ne se voye vengé & satisfait, s'il vit en vne Republique il ne cessera de pourchasser sa vengeance: voire plustost avecques la ruine d'icelle: Et s'il est sous vn Prince & qu'il ayt quelque point d'honneur en la teste, jamais n'aura repos iusques à ce qu'il se soit vengé de son ennemy, le deust il faire avecques son grand dommage. Dequoy ne se pourroit trouuer plus bel exéple ne plus vray que de Philippe de Macedone pere du grad Alexandre. Il auoit en sa court vn Gentilhomme ieune d'excellante beauté, nommé Pausanias, de qui estoit amoureux Attalus, l'un des premiers & plus proches seruiteurs du Roy: lequel apres l'auoir plusieurs fois poursuyuy & requis d'amour, le trouuant fort eslongné de sa volonté en tel affaire, delibera de pratiquer par force & astuce, ce, à quoy tous autres moyens luy auoient failly. A ceste fin fit vn festin solelnel, auquel il eut Pausanias & maints autres nobles Barons: Et lors qu'il les aperceut acoustrez de vin & viandes, fit mettre la main sur le mignon, & le mener en lieu secret, ou ne luy fust pas d'estaindre ses chaleurs & assouuir son orde concupiscence, sans en donner pareil plaisir à plusieurs qu'il y apella pour luy faire hõte. De cest outrage Pausanias ne fut paresseux de soy plaïdre souuét au Roy Philippe, lequel l'entretint vn temps en esperance de luy en faire

Iniustice  
des Ro-  
mains cõ-  
tre les Frã  
çois.

Du Roy  
Philippe de  
Macedo-  
nie.

en faire raison. Et apres, en lieu de le venger, donna à iceluy Attalus le gouuernement d'une prouince de Grèce. Ce que voyant Pausanias & son ennemy esleué en honneur & faueur, pour la punitió qu'il auoit defferuie, commença à tourner contre le Roy, qui luy auoit denié iustice, toute l'indignation qu'il auoit conceuë contre celuy de qui procedoit l'iniure. Tellement que le iour solemnel des noces de la fille du Roy auecques Alexandre d'Epire, ainsi que Philippe alloit au temple pour les celebrer, apuyé de deux Alexandres, de son filz d'un costé, & de son gendre de l'autre, le vint rencontrer & le tua de sa main. Cest exemple est fort semblable à celuy des Romains, & digne d'estre noté par ceux qui gouernent: lesquelz ne doyent si peu estimer vn homme qu'ilz ne considerent qu'en rechargeant iniure sur iniure. Celuy qui se sent outragé ne pourpense que de s'en venger, quelque dommage & peril qui luy en peult auenir.

## Fortune aueugle les espritz

des hommes quand elle ne veult qu'ilz s'oposent  
à ses desseins.

Chapitre XXIX.



Vi bien considerera le cours de humains affaires verra souuentesfois naistre mains accidens, auxquelz le ciel ne vouloit pas qu'on pourueust. Et puy que ce cas est auenu à Rome, là ou la vertu, la religion, & ordre estoit si grand, ce n'est merueille que trop plus souuent auient à vne Cité ou Prouince despourueü de telz remedcs. Et pour ce que ce lieu est notable à demonstrier quelle puissance a le ciel sur les choses humaines, Tite Liue l'a deduit en paroles amples & d'efficace, disant: que le ciel voulant à quelque fin que les Romains cogneussent leur puissance induit premierement à erreur les Fabiens qui furent enuoyez Embassadeurs vers les François, tant que

H ii

par

## DISCOVRS DE NIC. MACCHIA.

par leur exploit ilz fussent esmeuz à guerre cōtre Rome. Depuys ordōna qu'il ne fust fait à Rome chose digne de peuple Romain pour celle guerre reprimer, faisant que Camille fust enuoyé en exil à Arde, lequel pouuoit estre seul & vnique remede à si grief mal.

Encores depuys venās les François à Rome, ceux qui pour resister aux entreprises des Volces & autres voyfins ennemys de Rome, auoient maintesfois créé vn Dictateur à la venue des François, ilz ne le firent : voire furent assez froidz à leuer leurs soldatz, sans y vser d'aucune diligence extraordinaire, & si longs & tardifz aux armes prendre, qu'à peine se trouuerent à temps pour rencontrer les François sur la riuere d'Albe, loingtaine de Rome de dix mille. Les Tribuns ou Mareschaux du camp se camperēt sans aucune diligence acoustumée, sans election du lieu, sans fossé, sans rempart : Brief sans aucun respect de diuin ou humain remede. Et en l'ordonnance de la bataille tindrent leurs reings si clairs & debiles, que nul des soldatz ou Capitaines fit acte aucun digne de la discipline Romaine: Car le conflit passa sans effusion de sang, fuyans tous auant qu'estre assailliz. Dont la meilleure part alla à Vege, l'autre se retira à Rome. Ceux cy, sans mettre le pied en leurs maisons, tirerent droit au Capitole. Il est vray que là ilz tindrent quelque meilleur ordre & non tumultuaire, ne chargeant le lieu de peuple inutile, y portāt tout le forment qu'ilz peurent recouurer pour soustenir le siege. La plus part de la commune inutile des vieilles gens & femmes & enfans s'enfuit aux lieux circūuoyfins, le reste demeura à Rome pour proye des François. Tellement que qui auroit leu leurs gestes par tant d'années precedantes & subsequentes, ne pourroit croire en aucune maniere que c'eust esté vn mesme peuple. Dont conclud Tite Liue, apres auoir deduit le desordre susdit:

*Adeo occæcat animos fortuna, cū vim suam ingruētē refringi nō vult.*

Tant aueugle fortune les espritz quād elle ne veult son effort estre destourné & empesché.

Et ne peult estre sentence plus vraye, dont ensuit que les hommes viuans ordinairement es grandes prosperitez, & auerlitez meritent moins de blasm e ou de louenge, à cause que le plus souuent vous les voyez reduitz en estat de ruyne, ou de grandeur, par certaine commodité, procedant du ciel & leur donnant ou ostant ocaſion de bien faire. Fortune sçait eslire vn personnage quand elle tend à hault affaire, qui soit de tel esprit & vertu, qu'il



qu'il entende les occasions qu'elle luy presente, & quand elle a proietté quelque euerfion, ou ruyne, y' ſçait mettre & etablir homme qui bien puiſſe pouſſer à la roué. Et ſi d'auanture y auoit qui peult rompre ſes deſſeins ne fault point à en depeſcher le païs, ou à le priuer de toute puiſſance qu'il auoit à luy reſiſter ou faire aucun bien. Ce qui ſe void clairement en ceſt endroit, auquel fortune, pour conduire Rome à celle grandeur, ou depuys elle paruint, iugea neceſſaire de l'abatre, comme ſera diſcouru à plein à l'entrée de noſtre tiers liure: toutesfois ne la voulut du tout ruyner. A ceſte fin voyez comme elle pratiqua l'exil & banniſſement de Camille, & non ſa mort moyenna la priſe de Rome, non du Capitole, deſtorna les Romains de toute deſenſe de la ville qu'ilz pouuoient pourpenſer, en leur laiſſant quelque ſens & entendement pour la deſenſe du Capitole. Ce fut elle qui monſtra le chemin de Vege aux ſoldatz rompuz aupres d'Albe, pour faire tel marché de Rome à ſes ennemys. Et comme elle empescha toutes les voyes de ſalut reſiſtās à ſon deſſein de ruyne, auſſi apres n'oublia rien de tout ce qui pouuoit ſeruir au recouurement d'icelle. Par ce conduit elle à Vege vne armée de Romains entiere & Camille à Arde, pour faire teſte ſous vn Capitaine non maculé ne honny de telle perte, & pur & entier en ſa reputation, par le recouurement du païs. Aſſez ſe pouuoient alleguer d'exemples nouueaux confirmatifz de ceſte opinion, ſi ceſtuy ſeul n'eſtoit plus que ſuffiſant. Le diray bien d'auantage & affermeray, que ſelon qu'il ſe void par toutes les hiſtoires il eſt bien en nous de ſeconder fortune, non pas de luy reſiſter, & de tiffir l'ordre de ſes deſſeins, non pas de les rompre: pourtant ne doit nul laſcher la bride à ſa fortune, ne ſçachant le plus ſouuent la part ou elle tend, & cognoiſſant que de couſtume elle va à trauers champs par deſtours & voyes eſgarées & incogneuës. Pource deuons touſiours eſperer, & en eſperant nous ayder, non pas les yeux cloz & la teſte baiſſée nous fourrer es perilz & dangers. z.

## Les Republiques &amp; les Princes

de vraye puissance & bien fondée ne comparent les  
amytiez par argent : mais par vertu &  
reputation de leurs forces.

Chapitre

XXX.



Es Romains estoient asiegez au Capitole, & cō-  
bien qu'ilz atendissent le secours de Vege & de  
Camille, estans chassez & contrains par famine,  
vindrent à composition avecques les François de  
foy r'acheter de certaine quantité d'or. Et sur tel-  
le conuenance, ainsi que l'or desia se pesoit, Ca-  
mille suruint avecques son armée: ce que fit (dit l'historien) fortune.  
*Vt Romani auro redempti non viuerent.*

A' fin que les Romains ne vesquissent par or r'achetez.

Lequel point n'est seulement notable en ceste part : mais aussi au  
progres des actions de ceste republique, esquelz se void que iamais  
ilz n'acquirent terre à beaux deniers, iamais ne firēt paix par argent,  
mais tousiours par la vertu des armes. Ce que ie ne croy estre on-  
ques auenu à aucune autre Republique. Et entre les autres signes  
à quoy l'on cognoist la puissance d'un estat c'est de voir comme il  
vit avecques ses voyfins. Et quand il se gouerne en sorte que les  
voyfins, pour auoir son amitié, soyent ses pensionnaires, alors est  
signe certain que tel estat est puissant : mais quand ses voyfins (en-  
cores que inferieurs à luy) tirent argent de luy, c'est grand signe de  
sa debilité. Qu'on lise toute l'histoire Romaine, l'on verra comme  
ceux de Marseille, ceux d'Autun, les Rhodiens, Hieron le Siracu-  
sian, Eumenes, & Masinissa, les Roys, lesquelz estoient tous con-  
sins à l'Empire Romain, pour gagner son amitié, mettoient tous  
les mains à la bourse, & couroient aux fraiz & tributz à son besoing.  
ne cherchans de luy autre recompense que d'estre defenduz. Au  
contraire l'on verra es foibles estatz commençant par le nostre de  
Florence, au temps passé sur le point de sa plus grande reputation,  
il n'y auoit si petit Seigneur en la Romagne qui n'eust d'elle quelque  
prouision

prouision & d'auantage en donnoit aux Perusins aux Castellans, & à tous ses autres voyfins. Et si ceste cité eust esté armée & gaillarde tout fust allé au contraire: Car eux tous, pour estre en sa protection, luy eussent donné argent & cherché, non de luy vendre leur amitié: mais d'acheter la sienne. En ceste honte & vilité les Florentins n'ont vescu tous seulz: mais les Venitians aussi, mesmes le Roy de France, lequel estant dominateur d'un tel royaume, vit tributaire des Suyffes & du Roy d'Angleterre. Ce qui procede d'auoir desarmé ses peuples, & d'auoir mieux aymé ce Roy, & les autres que viés nommer, de iouir d'une vtilité presente de pouuoir sacager les peuples & fuyr vn danger plus ymaginatif que veritable: ne pensans à faire choses qui les assureuroient & reduiroient leurs estatz en perpetuelle felicité: lequel desordre, s'il porte pour quelque téps quelque repos, est cause par succession de temps de necessité de pertes & ruynes sans remedes. Il seroit trop long à raconter quantesfois les Florentins, les Venitians, & ce Royaume, se sont rachetez sur la guerre, & quantesfois se sont submis à vne honte, au danger de laquelle les Romains iamais ne furent qu'une seule fois. Long seroit à deduire combien de terres les Florentins & Venitians ont achetées à beaux deniers contans: dequoy est depuys aparuu le desordre & comme les choses qui s'acquierent par or ne se peuuent parfer defendre. Les Romains garderent ce point d'honneur & ceste maniere de viure tant qu'ilz vesquirent libres: mais depuys qu'ilz entrerent sous les Empereurs commencerent à empirer & à aymer & preferer l'ombre au Soleil. Commencerent à soy r'acheter ores des Parthes, ores des Germains, ores des autres peuples circonuoyfins: ce qui fut commencement de la ruyne de ce grand Empire. Aussi procedoient telz inconueniens d'auoir desarmé ses peuples, dequoy en resulte vn autre plus grand, c'est que tant plus que l'ennemy t'aproche plus il te trouue foible & debile. Car celuy qui vit en la maniere dessusdite traite mal les subietz qu'il a dedans son empire, sentât auoir gens bien apareillez à tenir son ennemy loing de luy. De cecy vient que pour ainsi l'eslongner il fait pension à ces Seigneurs & peuples prochains de ses frontieres. Dont auient que telz estatz ainsi ordonnez font quelque peu de resistance sur leurs confins & limites: mais depuys que l'ennemy les a passez, ilz ne trouuent plus de remede, & ne s'auisent que ce moyen de proceder est contre tout bon ordre: car le cueur & les parties vitales d'un

ie dy

Auertissement pour les Roys de France.

## DISCOVRS DE NIC. MACCHIA.

Du Royau  
me de Frã  
ce.

corps se doyuent tenir armées & non pas les extremitez, sans lesquelles il peult viure, & l'autre blecé il se meurt. Et ces estatz que ie dy tiennent leurs cueurs nudz & defarmez & leurs mains & piedz armez. Le dommage que ce desordre a fait à Florence a esté veu & se void chacun iour, que si tost qu'une armée passe ses fins, & luy entre pres du cueur c'est fait d'elle. Pareille experience n'a pas long temps a esté veüe des Venitians, voire telle, que si leur ville n'eust esté ainsi bandée & enuelopée d'eau, on en eust veu la fin. Ceste preuue n'a esté veüe en France si souuent, estant ce Royaume si grád qu'il n'a gueres d'ennemys superieurs. Toutesfoys l'an mil v. c. xiii. que les Angloys y vindrent, tout le país trembla: Et le Roy mesme & tout autre iugeoit qu'une seule route luy pouuoit tollir son estat. Aux Romains auenoit tout autrement, que tant plus l'ennemy aprochoit pres de Rome, tant plus trouuoit la cité puissante à luy resister. Et se void à l'arriuéee d'Hannibal en Italie, qu'apres trois journées perdues, & apres tant de mortz de Capitaines & de soldatz, non seulement ilz eurent pouuoir de soustenir leur ennemy: mais de le vaincre. Le tout vient d'auoir le cueur bien armé, & tenir peu de conte des extremitez. Car le fondement de son estat estoit le peuple de Rome, le nom Latin, & les autres nations compaignes & associées en Italie, & aussi leurs Colonies, dont ilz tiroient tant de soldatz, qu'ilz leur suffirent à combatre & tenir tout le monde. Et qu'il soit vray, se cognoist par la demande que fit Annon Cartaginois aux Embassadeurs d'Hannibal, apres la defaite de Cannes: lesquelz ayans hault loué & magnifié les faitz d'Hannibal, Annon les interrogea, s'il estoit venu quelque vn du peuple Romain parlementer de paix, & s'aucun du nom Latin, ou aucune terre des Colonies s'estoit rebellée cõtre les Romains. Ce que ny as les Embassadeurs tant en l'un qu'en l'autre, Annon repliqua, que ceste guerre estoit aussi entiere que deuant. Partant voyez & par ce discours & par ce que plusieurs fois nous auons dit ailleurs, quelle diuersité y a de la maniere de proceder entre les Republiques presentes & les antiques. Encores se void chacun iour par ce point pertes miraculeuses & miraculeuses conquestes: par ce que ou les hommes ont moins de vertu Fortune môstre plus de puissance, & d'autât qu'elle est variable souuét variét les Republiques & les estatz, & tousiours varierót iusques à ce qu'il se leue quelque vn tant amy de l'antiquité qui bride &

de & renge ceste Dame en sorte, qu'elle n'ayt plus occasion de mon-  
strer les tours de son pouuoir à chacun tour du Soleil.

# Combien de danger y a d'aiou- ster foy & fiance aux banniz.

Chapitre

XXXI.



L ne me semble hors de propos de deduire entre  
ces discours, quel peril y a à foy fier en ceux, qui  
sont chassez hors leur pais naturel, estant ainsi  
que chacun desire à pratiquer auécques ceux qui  
tiennent les estatz, veüe l'ocasion que Tite Liue  
nous en donne par cest exemple memorable cou-

ché en son histoire, combien qu'assez hors de propos. Quand A-  
lexandre le grand passa en Asie à main armée, Alexandre d'Epire  
Cognato & Zio son ayeul descendit en Italie auécques sa puissance,  
apellé par les banniz de Luques, qui luy donnoient esperance d'o-  
cuper par leur moyen toute la Prouince: Mais estant sous leur foy  
entré en Italie, fut meurdry par eux mesmes, pour la promesse qui  
leur fut faite par leurs Citoyens de leur restitution, s'ilz l'auoient  
occis. En quoy se doit cōsiderer quelle foy on peult aiouster à gens  
qui sont priuez & banniz de leur pais. Car quant est de leur foy il  
est à estimer, que par quelques moyens qu'ilz pourront r'entrer en  
leur pais, sans vostre ayde, ilz vous laisseront pour s'acoster d'autres,  
nonobstant promesse qu'ilz vous ayent faite. Et quant à leur vaine  
promesse & esperance, tel est le desir qu'ilz ont de retourner en  
leurs maisons, qu'ilz croient naturellement maintes choses faul-  
ses, & plusieurs en aioustant par art: en telle sorte qu'entre ce qu'ilz  
croient, & qu'ilz se dient croire, vous remplissent d'esperance telle  
que sur ce fondement vous mettez en fraiz inutiles, ou faites quel-  
que entreprise à vostre ruine. Or nous suffira cest Alexandre pour  
exemple, & Temistocles l'Atenian, lequel par vne rebellion se re-

tira en Asie vers Darius, & tant luy promist, que sous sa parolle il entreprit d'ocuper la Grèce. En quoy ne luy pouuant Themistocles garder & accomplir sa foy, ou de honte, ou par crainte de punition, s'empoisonna luy mesmes. Et si telle faute fut commise par si excellent personnage, est à estimer que beaucoup plus y faudront ceux qui par moindre vertu se laisseront mener à leur volonté & passion. Il fault donques qu'un Prince face de gayeté de cœur toutes telles entreprises & fondées sur le raport d'un homme confiné: pource que le plus souuent il en tombe en deshonneur & grief dommage & interest. A cause que souuentefois auient, que les terres se prennent d'emblée & par intelligence, il ne fera impertinent de le discourir au chapitre suyuant, y aioustant en quelles manieres les Romains les aqueroient.

## De combien de moyēs vsoient

les Romains pour gagner & emporter les places.

Chapitre

XXXII.



Stans les Romains du tout sur les armes, ilz les ont tousiours maniées avecques tout l'auantage, tant des fraiz que du reste, qui s'est peu trouuer. A ceste cause ne se sont amusez à assieger villes, iugeans ceste maniere de conqueste estre de si grande despence, que le coust passeroit trop le profit qui s'en pourroit esperer. Dont ilz penserent que mieux leur valoit aquerir terres par tout autre moyen que par siege. Aussi voyez vous par si long cours de temps & partant de guerres bien peu d'exemples de places par eux assiegées: mais les moyens dont ilz vsoient à gagner terre, ou par prise, & expugnation, ou par crainte de foy rendre. Le premier, si pratiquée, ou de pleine violence, ou par force & fraude meslée. La violence ouuerte estoit ou par assault, sans baterie de murs, ce qu'ilz apelloient *agredi vrbem corona*. C'est

na. C'est à dire assaillir la ville en coronne ou ceinture: car ilz enuironnoient & ceignoient la ville avecques tout leur ost, & luy liuroient l'assault de toutes pars: & souuent leur auenoit d'emporter vne cité de prime assault, comme fit Scipion de Cartage neuue en Espagne. Et quand ce moyen ne suffisoit, se mettoient à rompre muraille à force de beliers, ou autres engins & machines belliques. Aucunesfois vsoient de mines, par lesquelles ilz entroient dedans les villes, comme ilz firent à Vege: autresfois pour se leuer aussi hault, que ceux qui defendoient le mur dressoient des tours de boys, ou faisoient des leuées de terre apuyées aux murs par dehors pour venir iusques à la hauteur d'iceux. Contre telz assaux ceux qui defendoient les villes estoient en plus grand danger au premier cas, estans ceints à l'entour, d'autant que besoin leur estoit d'auoir trop de gens à la defense, lesquels n'estoient en si grand nombre qu'ilz peussent supplier à tout & scruir à renfort, ou à changer & r'affraichir: Et s'il n'y auoit faulte au nombre, elle estoit au cueur, qui ne se trouuoient pareil en tous: Et si en vn seul endroit branloit la defense & s'enclinoit la fortune du conflit tout estoit perdu. Ainsi auint (comme i'ay dit) que ceste maniere eut souuent tresheureuse yssue: Mais ou cas que ce moyen ne leur succedast au premier coup, ilz ne le tentoient pas volontiers deux foys pour l'inconuenient qu'ilz y trouuoient que leur gent par si long traual de l'assault ne restast si lasse & recreuë, qu'ilz ne peussent soustenir vne saillie soudaine faite par ceux de dedans, & à la longue se missent en desordre & hors d'aleine. Quant à la rupture des murs, les villes (comme à present) se defendoient de rempars & pour les mines vsoient de contremines, par lesquelles ilz alloient par deuant leur ennemy avecques armes ou avecques engins. Entre lesquels vsoient souuent de tonneaux pleins de plume, ou ilz mettoient le feu, puis les iettoient en la mine & par leur fumée & puanteur empeschoient l'entrée aux assaillans: & quand on les vouloit battre avecques ces hautes tours, ilz s'efforçoient à les ruyner par feu. Contre les leuées de terre ilz rompoient le mur au bas ou la terre estoit apuyée, en tirant par dedans autant qu'on en changeoit par dehors: si bien qu'en substrayant autant qu'on en pouuoit mettre la peine demeuroit vaine & la leuée ne montoit point. Ces manieres d'expugnation ne se peuuent tenter

## DISCOVRS DE NIC. MACCHIA.

longuement, & fault à lors ou leuer le camp, ou chercher par autres moyens la victoire, comme fit Scipion en Afrique, lequel ayât failly à prendre Vtique d'affault, voyant qu'il ne luy succedoit, leua le siege & tenta de rompre les ostz des Cartaginois: ou conuient en tel cas soy tourner au siege, comme les Romains firent à Vege, Capue, Cartage, Ierusalem, & autres terres, qu'ilz occuperent par long siege. Quant à aquerir place par violence furtiue, il en auient comme il fit à Palepolis, que les Romains gaignerent par traité & intelligence de ceux de dedans. Par ceste maniere d'expugnation maintes places ont esté tentées par les Romains & autres: & peu sont venues à souhait. La raison est que le moindre empeschement du monde peult rompre le dessein, & telz empeschemens suruiennent ayément. Car ou la coniuration se descouure auât qu'elle forte efait, & ne se descouure que trop facilement, tant par l'infidelité de ceux à qui elle est communiquée, que par la difficulté qui est à la pratiquer: d'autant qu'il fault conuenir & soy trouuer avecques ennemys & gés, à qui n'est loysible de parler sans quelque couleur: mais quand la coniuration ne se descouuroit au manier mille difficultez sourdent apres à la mettre en acte: Car si tu viens auant le temps designé, ou si tu viens depuys, tout est gasté, s'il se leue quelque bruit, ou rumeur secret, côme des Oyes au capitol: s'il se rompt quelque ordre acoustumé, la moindre erreur & faulte qui se rencontre ruine l'entreprise. Puy estant la pluspart des hommes que l'on meine en tel affaire ignorans de l'asiete du païs & des lieux ou il vont, ilz se confondent, s'engluent, & s'enueloptent pour tout petit & fortuit accident: Et toute imaginacion faulse est pour les mettre en fuyte. Iamais ne se trouua de plus heureux en telles expeditions nocturnes & frauduleuses que *Aratus Sicioneus*, lequel autant qu'il y estoit bon & vaillant, autant estoit couard & pusillanime de iour & en tous faitz d'armes ouuertz & euidens. Ce que l'on doit iuger auoir esté en luy plus par quelque vertu oculte, que par aucune felicité qui naturellement y deust estre. Donques de telz moyens assez s'en pratiquent, peu se conduisent à l'espreuue & moins encores succedent. Quant est de gaigner places par dedication, ou elles se rendent volontairement, ou forcées. La volonté naist ou de quelque necessité extrinseque, qui les contraint à chercher refuge, comme fit Capue aux Romains, ou par desir d'estre bien gouuernez, estans atraitz & inuitez du bon gouuernement,

*Aratus Sicioneus.*

dont



dont ilz voyét ce Prince vser enuers ceux qui de leur gré se font ietez en son giron: comme firent ceux de Rhodes, de Marseille, & autres citez semblables, qui se donnerent au peuple Romain. Quant à la dedition forcée, ou telle force procede d'un long siege (comme dessus a esté dit) ou elle vient de continuelle opression de courses, de pilleries, & autres mauuais traitemens: pour lesquelz fuyr vne ville se vient rendre. De tous ces moyens les Romains vserent plus du dernier que des autres, & entendirent par l'espace de plus de cccc.l. ans à lasser & trauailler leurs voyfins de routes, courses, & fourrages, & à prendre (moyennans les acordz) reputation sur eux, comme autrestois auons discoursu, & sur ce moyen se sont tousiours fondez, encores qu'ilz les ayent tous tentez: mais es autres ilz trouuerent tousiours quelque danger, ou dommage. Car au siege ya longueur & despense, en l'expugnation ya doute & peril, es coniuurations incertitude. Aussi ilz virent que par vne route d'armée ennemie, ilz gaignoient vn Royaume en vn iour, & à emporter vne Cité obstinée par siege ilz consommoient plusieurs ans.

## Comme les Romains donnoient

les commissions libres aux chefs de  
leurs armées.

Chapitre

XXXIII.



'Estime que voulant tirer profit de l'histoire de Tite Liue, tous les moyens de proceder que tenoit le Senat & peuple Romain soiét dignes d'estre reuozquez en consideration. Et entre autres est à prendre garde avecques quelle autorité ilz depeschoient leurs Consulz, Dictateurs, & autres Capitaines, desquelz on void le pouuoir auoir esté tresgrad, & tel, que le Senat ne s'en reseruoit que l'autorité de mouoir nouvelle

I iii

guerre,

## DISCOVRS DE NIC. MACCHIA?

Victoire  
 de Fabius  
 contre les  
 Toscons.

guerre, & de confirmer les paix & traitez d'acord : remettant le surplus à l'arbitre & puissance du Consul, lequel pouuoit donner vne bataille, sibon luy sembloit, ou bien ne la donner pas, & affcoir son camp en ceste terre, ou autre. Ce qui se verifie par plusieurs exemples, mesmement par ce qui auint en vne expedition faite cōtre les Toscons, en laquelle *Fabius* Consul les ayant vaincuz pres des Sutres, & faisant dessein apres de passer la forest Cimine pour entrer en Toscane, tant s'en falut qu'il enuoyast vers le Senat demander son auis, qu'il ne luy en manda seulement les nouvelles: Combien que telle entreprise de guerre se fist en nouueau pais en grand danger & yssue incertaine. Ce que tesmoigne d'auantage la deliberation que le Senat auoit fait au contraire, lequel ayant entendu la victoire de *Fabius*, & craignant qu'il ne tentast de trauerser par celle forest en Toscane, dont il estimoit l'entreprise fort perilleuse, à ceste cause enuoya vers luy deux Senateurs, pour l'auertir de ne s'exposer en ce danger: Mais il auoit desia passé outre, & gagné la victoire. Tellement qu'au lieu de venir comme destourneurs & empescheurs de guerre, ilz s'en retournerēt Embassadeurs de sa gloire & conqueste. Or qui bien considerera ce point, y cognoistra vn tour de grande prudence, autrement si le Senat eust voulu qu'vn Consul eust procedé en la guerre quasi de main en main, selon qu'il luy moderoit sa commission de iour en iour, celà le rendoit plus tardif, negligent, & moins auisé: par ce qu'il ne se promettoit le fruit entier de la gloire, ains luy sembloit que le Senat y auroit part, par l'auis duquel il s'y estoit condit & gouverné. Outre qu'en ce cas le Senat s'obligeoit à donner conseil en vn affaire, qu'il n'eust sceu iamais bien entendre. Car nonobstant qu'en ceste compagnie y eust vn si grand nombre de gens tant experimentez au fait de la guerre, si est ce que n'estans sur les lieux & ne voyās à l'œil particularitez infinies, qui sont necessaires, à sçauoir pour affcoir vray & certain iugement, soy voulans entremettre de conseiller leurs Capitaines, ilz eussent commis de trop grâdes fautes. C'est ce qui l'a induit à leur lascher la bride & leur quitter tout le los & honneur qui en prouendroit, duquel il iugeoit l'amour estre frein & reigle suffisante des œuures honnestes & vertueuses. C'est vn point que vous ay rebatu plus d'vne fois, voyant que les Republicques de nostre temps (comme celles, de Venise & de Floréce) en vsent tout

autre-

SVR LA .I. DECA. DE TIT. LI. L.

autrement: en forte que si leurs Capitaines, Pouruoyeurs, ou Commissaires ont à assoir vne artillerie, ilz en veulent estre auertiz & en ordonner: mais cest ordre merite pareille louange que font les ordres, lesquelz tous ensemble les ont conduites en l'estat que l'on les voit maintenant.

*Fin du Second liure des Discours  
de Macchiauel.*

*[Faint, illegible text at the top of the page]*

# Le Troisième liure des discours

DE L'ESTAT DE PAIX ET DE GUERRE,

DE MESSIRE NICOLAS MACCHIAVEL CITOYEN ET SECRETAIRE

de Florence, sur la première decade de

Tite Liue : traduit d'Italien

en François.




Avec priuilege du Roy.

A PARIS,

Pour Vincent Sertenas Libraire, tenant sa boutique au Palays en la  
galerie par ou l'on va à la Chancellerie, & au mont  
saint Hilaire à l'hostel d'Albret.

1 5 4 8



# Ensuit la table du Troiesme

LIVRE DES DISCOVRS DE NICO-  
las Macchiauel Citoyen & Secretaire  
de Florence.



Our maintenir vne Secte ou Republique en lon-  
gue vie, la fault souuent retirer vers ses commen-  
cemens. chapitre premier. fueillet i.

Que c'est tour de sapience de simuler & con-  
trefaire vn temps le fol.

chapitre ii. fueillet iii.

Comme il est necessaire, à qui veult maintenir vn estat de liber-  
té aquis de nouveau, tuer les filz de Brutus. chapitre iii.  
fueillet iii.

Vn Prince ne peut viure assureé de sa seigneurie tandis que vi-  
uent ceux qui ont esté despouillez. chap. iiii. fueillet iiii.

Qui fait perdre vn Royaume au Roy à qui il est hereditaire.  
chapitre v. fueillet v.

Des Coniurations. chapitre vi. fueillet vi.

D'ou vient qu'entre les mutations de liberté en seruitude, & de  
seruitude en liberté, aucunes se font sans effusion de sang, les au-  
tres y sont toutes baignées. chap. vii. fueillet xv.

Qui veult alterer vne Republique doit considerer son subiet.  
chapitre viii. fueillet xv.

Comme il conuient varier avecques le temps, qui veult entrete-  
nir tousiours sa bonne fortune. chapitre ix.  
fueillet xvi.

Que le Capitaine ne peut euitter la bataille quand son ennemy  
bon gré mal gré la luy veult liurer. chap. x. fueillet xvii.

Qui a affaire à plusieurs, combien qu'il ne soit plus fort: toutès-  
fois, s'il peut soustenir les premieres efforts, peut emporter la vi-  
ctoire. chap. xi. fueillet xix.

Comme le Capitaine prudent doit imposer aux siens toute neces-  
sité de combatre, & l'otter à ses ennemys. chap. xii.  
fueillet xx.

## L A T A B L E.

- Auquel y a plus de fiance, en vn bon chef ayant mauuaise armée,  
ou en vne bonne armée ayant vn mauuais chef.  
chapitre xiii. fueillet xxii.
- De quel effait sont les inuentions nouuelles qui aparoissent sur  
le fort de la bataille, & les voix nouuelles qui s'y entendent.  
chapitre xiiii. fueillet xxiii.
- Qu'il n'en fault qu'vn à comander à vne armée, & comme plu-  
sieurs y nuyent. chap. xv. fueil. xxiiii.
- Que l'on va chercher la vraye vertu au temps des affaires, & en  
prosperité sont en credit les plus riches & mieux aparentez, non  
pas les gens vertueux. chap. xvi. fueil. xxv.
- Que l'on ne doit ofenser vn homme, & puy l'enuoyer en ami-  
nistration & gouvernement d'importance.  
chap. xvii. fueil. xxvi.
- Il n'y a rien plus digne d'vn Capitaine, que de sentir les entrepri-  
ses de son ennemy auant le coup. cha. xviii. fueil. xxvi.
- A' sçauoir si à regir & gouverner vne multitude est plus necessai-  
re le doux que le rigoureux traitement. chap. xix. fu. xxviii.
- Vn exemple d'humanité eut plus de pouuoir enuers les Falisques  
que toute la force Romaine. chap. xx. fueil. xxviii.
- Comme se peut faire qu'Hannibal par ce moyen de proceder tout  
contraire fit en Italie les mesmes effaitz, que Scipion en Espagne.  
chapitre xxi. fueillet xxix.
- Comme la rudesse de *Manlius Torquatus*, & l'humanité de *Vale-  
rius Coruinus*, leur ont aquis pareille gloire. cha. xxii. fu. xxx.
- Quelles causes chasserent Camille de Rome. cha. xxiii. fueil. xxxii.
- La prolongation des commissions & charges des armes a esté  
cause de la seruitude de Rome. chap. xxiiii. fueil. xxxiii.
- De la pauureté de *Cincinatus*, & de plusieurs Citoyens Romains.  
chapitre xxv. fueillet xxxiiii.
- Comme à l'ocasion des femmes vn estat est ruiné.  
chapitre xxvi. fueillet xxxv.
- Comme vne Cité diuisée se doit vnir, & comme l'opinion est  
faulse, que pour tenir vne Cité il la faille tenir en partialité & diui-  
sion. chapitre xxvii. fueil. xxxv.
- Que l'on doit prendre garde aux œuures des Citoyens : par ce  
que souuent ou vne action honneste gist vn commencement de  
tirannie, cha. xxviii. fueil. xxxvi.
- Que les



L A T A B L E.

|   |                   |
|---|-------------------|
| Que les pechez des peuples procedent des Princes.<br>chapitre xxix.   | fueillet xxxvii.  |
| A' vn Citoyen, qui veult faire en vne Republique quelque bonne œuure de son autorité, luy conuient estaindre l'enuie: & contre la venue de l'ennemy quel ordre doit estre mis à la defense d'vne ville. chapitre xxx. | fueillet xxxviii. |
| Les Republicques fortes & les personnages excellens en toute fortune tiennent vn cueur pareil, & leur dignité mesme.<br>chapitre xxxi.  | fueil. xxxix.     |
| Quelz moyens aucuns ont tenu pour troubler vne paix.<br>chapitre xxxii.   | fueillet xli.     |
| Comme il est necessaire, à qui veult gaigner la bataille, mettre son armée en assurance & confiance, tant entre eux qu'enuers leur Capitaine. chapitre xxxiii.  | fueil. xlii.      |
| Quelle renommée, voix, ou opinion, induit le peuple à fauoriser vn Citoyen: Et lequel par plus grande prudence distribue les Magistratz & ofices, le peuple, ou le Prince.<br>chapitre xxxiiii.                       | fueil. xliiii.    |
| Combien est dangereux se porter chef de conseil de quelque entreprise, & comme d'autant plus qu'il y a d'extraordinaire plus grand y est le peril. chapitre xxxv.   | fueil. xlv.       |
| La cause pourquoy les François ont esté & sont encores estimez en vne bataille au comencement plus qu'hommes, & apres moins que femmes. chapitre xxxvi.   | fueil. xlvi.      |
| A' sçauoir si les escarmouches & legiers conflitz sont necessaires, & quel moyen y a fans iceux de cognoistre vn ennemy nouveau.<br>chapitre xxxvii.  | fueil. xlvii.     |
| Quel doit estre vn Capitaine, auquel vne armée se deust fier.<br>chapitre xxxviii.  | fueillet xlviii.  |
| Qu'vn Capitaine doit estre expert en la cognoissance des situations. chapitre xxxix.  | fueil. xlix.      |
| Comme la fraude au fait de la guerre tourne à gloire.<br>chapitre xl.   | fueillet l.       |
| Que la patrie se doit defendre, ou à deshonneur, ou à gloire, & en toutes manieres est bien defendue. chapitre xli.   | li.               |
| Que les promesses faites par force ne sont à obseruer.<br>chapitre xlii.  | fueillet li.      |
|   | K iii. Que        |

## L A T A B L E.

Que les hommes qui naissent en vne contrée gardent presque en tout temps vne mesme nature. chapitre xliiii.

fueillet lii.

Souuentesfois on emporte d'audace & de force ce, que par moyes ordinaires iamais on n'obtiendrait.

chapitre xliiii. fueil. liiii.

Lequel est meilleur party en vne bataille soustenir l'effort des ennemis, & apres donner dedans, ou les enfoncer de prime furie.

chapitre xlv. fueil. liiii.

D'ou vient qu'en vne Cité vne maison & famille garde pour vn temps & s'entretient en mesmes meurs & condicions.

chapitre xlv. fueil. liiii.

Qu'un bon Citoyen doit, pour l'amour du pais, oublier ses iniures & querelles priuées. fueil. lv.

Quand on voit son ennemy commettre faute grande, l'on doit redouter quelque faute cachée deffous.


chapitre xlvi. fueil. lv.

Vne Republique, pour la maintenir en liberté, a besoin de iour en iour de nouuel ordre & pouruoyance, & par telz merites *Q. Fabius* emporta titre de tresgrand. chapitre xlix.

fueillet lvi.

Fin de la table du Troisième & dernier liure des  
Discours de Machiavel.





SONNET DE L'ANGEVIN,  
aux Lecteurs.

N'estimez pas, Seigneurs, trouver icy  
Propoz legiers, folz, ou delicieux,  
Ne ceux qui font les amans soucieux,  
Matent le cueur, & le rendent transi.  
Machiauel ne vous raconte aussi  
Cas qui ne soit ou graue, ou gracieux,  
Et rien de sot, ou par trop vicieux,  
En le lisant le trouuerez ainsi.  
Or instruit il au long par ses Discours  
Princes, Seigneurs, Republicques, Roys, Cours,  
A' maintenir leurs gens doux & traitables,  
Vaincre, & dompter : Enseigne les subietz  
D'estre loyaux, non trop serfz, ou abietz:  
Voilà qu'on lit en ces liures louables.

Probè & Tacitè.

# Le Troisième liure des Dis-

COVRS DE NICOLAS MACCHIAVEL CI-

TOYEN ET SECRETAIRE DE FLORENCE, SVR LA PRE-

miere decade de Tite Liue, à Zanobe Bondelmont

& à Cosme Rucellay.

## Pour maintenir vne Secte, ou

Republique, en longue vie, la fault souuent retirer  
vers ses commencemens.

Chapitre

Premier.



'Est vn point veritable, qu'il y a vn terme de vie prefix & limité à toutes choses du monde : mais entre les autres celles parfont tout le cours qui généralement leur est ordonné du ciel, lesquelles ne font excès de leur corps, ains le tiennent en si bonne reigle & regime, qu'il ne s'altere point, ou s'il s'altere, c'est à son auantage, non à son dommage. Or ie parle des corps mixtes & composez, comme sont les Republicques, & les Sectes, & dy, que les alterations portent santé à celles qui les reduisent vers leur principe. Partant les mieux ordonnées, & de plus longue durée sont celles, qui (moyennant leurs ordres) se peuuent souuent renouueler : ou qui par accident sans leurs ordres viennent à ce renouuelement. Aussi est plus clair que le iour que telz corps ne durent, s'ilz ne sont renouuelez : & la maniere de les renouueler est (comme i'ay dit) les ramener vers leur principe. Car il fault bien que les fondemens de toutes Sectes, Republicques, & Royauxmes, ayent quelque bonté en eux, par le moyen de laquelle ilz reprennent leur premiere reputation & accroissement. Et d'autant que par suceision de temps ceste bonté se corrompt, s'il n'entreuient quelque chose qui la reduise à son but, par necessité elle defait ce

Renou-  
uelement  
de Repu-  
bliques.

L



## DISCOVRS DE NIC. MACCHIA.

corps. A' ceste cause dient les auteurs de Medicine (parlés des corps des hommes)

*Quòd quotidie agregatur aliquid, quod quandoqz indiget curatione.*

Que chacun iour il s'amasse quelque chose en nous, qui aura quelque foys besoing de purgation.

Ceste reduction vers le premier estre (i'entens parler des Republiques) se fait, ou par accident exterieur, ou par prudence interieure. Quant au premier, l'on void comme il estoit necessaire que Rome fust prise par les François, à fin qu'elle vint quasi de nouveau à renaistre, & en renaissant reprist nouvelle vie & vertu, avecques obseruâce de la religion & iustice, lesquelles commençoient en elle à prendre tache. Ce qui se comprend tresbien par l'histoire de Tite Liue, ou il declare, qu'à tirer l'armée aux champs contre les François & à chercher les Tribuns de puissance consulaire, ilz ne garderent aucun point de cerimonie religieuse. De mesme main nò seulement ilz ne punirent les trois Fabiens, qui contre le droit des gens auoient combatu aux François: mais les créèrent Tribuns: Aussi se doit facilement presuposer, que l'on tenoit moins de conte des autres bonnes constitutions establies & ordonnées par Romulus, & par ces autres Princes prudens, que raison ne vouloit, & que necessaire estoit à l'entretien de l'estat de leur liberté. Ce fouet dóques leur vint de dehors bien à propos, pour faire reprendre tous les ordres de la Cité, & pour donner à entendre à ce peuple, non seulement estre necessaire maintenir la religion & la iustice, mais d'auantage estimer les bons citoyens, & faire plus de conte de leur vertu, que des profitz qui leur sembloient demeurer, ou diminuer par les œuures. Ce que l'on void auoir succede bien à point: car incontinent apres la ville reprise, ilz renouellerét tous les ordres de leur religion ancienne, punirent ces Fabiens qui auoient combatu còtre le droit des gens: puy tant priserent la vertu de Camille, que le Senat & les autres ordres, toute enuie mise arriere, remettoient en luy tout le poys de ceste Republique. Il est dóques necessaire (còme a esté dit) que les hommes qui viuent ensemble, en quelque estat, se cognoissent souuent, ou par telz accidens exterieurs, ou par interieurs. Et quant à ceux cy conuient que celà naisse, ou d'vne loy, laquelle souuent reuoye le conte des hommes qui sont en ce corps, ou d'vn homme de bien qui naisse entre eux: lequel par son exemple & par ses œuures vertueuses face mesme efait que l'ordonnan-

ce. Ce

ce . Ce bien donques auient aux Republicques , ou par la vertu d'un personnage , ou par la vertu d'un bon ordre . Or quant au dernier, les ordres qui retiroient la Republique Romaine vers son principe furent les Tribuns de la commune , les Censeurs , & toutes les autres loix qui resistoient à l'ambition & insolence des hommes : lesquels ordres ont besoing d'estre quasi viuifiez par la vertu d'un Citoyen, qui de grand courage & hardiesse vienne à les executer contre la puissance de ceux qui les rompent & enfraignent . Desquelles executions , auant la prise de Rome par les François , furent notables la mort des enfans de *Brutus*, celle des dix Citoyens, celle de *Melius Frumentarius*. Apres la prise de Rome fut la mort de *Manlius Capitolinus*, la mort du filz de *Manlius Torquatus*, l'execution de *Papirius Cursor* contre *Fabius* maistre ou chef de sa caualerie , l'acufation des *Scipions*, lesquelles choses comme excessiues & notables (toutes les foyz qu'il en sourdoit quelqu'une) faisoient retirer les hommes vers le but. Et quand elles commencerent à estre plus rares, commencerent aussi à donner aux hommes plus d'espace à se corrompre, & elles se faisoient avecques d'autant plus grand peril & plus de tumulte: Car il ne faudroit qu'il passast plus de dix ans de l'une à l'autre de telles executions . Car si plus y a les hommes commencent à changer de meurs, & rompre les loix: & s'il ne se leue quelque chose par laquelle la punition leur soit reduite en memoire, & la paour remise deuant les yeux, ilz se trouue incontinent si grande troupe & concurrence de delinquans, qu'on ne les peult plus punir sans peril. A ce propos ceux qui ont gouuerné l'estat de Florence depuys l'an mil quatre cens trente quatre iusques à mil quatre cens nonante quatre, disoient qu'il estoit necessaire de cinq en cinq ans reprendre l'estat: autrement estoit difficile de le maintenir. Et apelloient reprendre l'estat, mettre les hommes en telle crainte & frayeur, qu'il les auoit mis à lors qu'ilz le prindrent & vsurperent, ayant adonq' batu ceux qui (selon ceste forme de viure) auoient mal fait. Mais à mesure que la memoire de ceste baterie & cruel traitement s'estaint, les hommes reprennent hardiesse de tenter choses nouvelles & de mesdire: Partant est necessaire d'y pouruoir en le retirant vers son principe. Ceste retraite aussi de Republicques vers leur commencement & principe naist de la simple vertu d'un personnage, sans dependre d'aucune loy, qui te incite à quelque execution: Neant-

Renou-  
uellemēt  
par vertu  
des or-  
dres.

Executiōs  
notables.

## DISCOVRS DE NIC. MACCHIA?

Renouuel  
lemét par  
la vertu  
des hom-  
mes.

Renou-  
uellemét  
des Sectes

La vie des  
prelatz de  
l'Eglise.

Louange  
du Royau  
me de Frá  
ce.

moins font elles de si grande reputation & de tel exemple, que les gens de bien desirent les enfuyure, & les meschans ont honte de mener vie contraire. Ceux qui à Rome firent particulièrement ces bons efaitz furent *Horatius Cocles*, *Scenola*, *Fabritius*, les deux *Decius*, *Regulus Attilius*, & quelques autres, lesquelz par leurs exemples rares & vertueux faisoient à Rome quasi le mesme fait que faisoient les loix & ordonnances. Or si les executiós dessusdites & ces exemples particuliers fussent auenuz en ceste cité de dix en dix ans, il s'en suyuoit de neccsité que iamais n'eust esté corrompue. Mais ainsi que l'vn & l'autre de ces deux pointz commencerent à deuenir plus rares, les corruptions aussi se prindrét à multiplier: & depuis *Marcus Regulus* ne se void plus de telz exemples. Et combien que les deux *Catons* s'esleuerent à Rome, la distance fut si grande de luy iusqu'à eux, & entre eux de l'vn à l'autre, qu'ilz se trouuerét si seulz, que par leurs bons exemples ne peurent faire aucun fruit: Mesmement le dernier *Caton*, lequel trouuant la Cité la pluspart corrompue, ne peut par son exemple reduire ses Citoyens à meilleure vie. Or cecy fust quant aux Republicques: mais quant aux Sectes, encores se void telles renouations estre neccessaires par l'exemple de nostre religion: laquelle si par saint François, & par saint Dominique n'eust esté retirée vers son principe, elle seroit du tout estainte. Car ces deux personnages par leur pauureté, & par l'imitation de la vie de *CHRIST*, la remirent es cueurs des hommes ou elle estoit effacée, & furent leurs ordres nouueaux de tel pouuoir, qu'ilz sont cause que la deshonesteté des Prelatz & des cheffz de l'Eglise ne la ruynent en viuant encores pauurement & ayant tant de credit en leurs confessions avec les peuples, & en leurs sermons & predications qu'ilz leur font entendre, que c'est mal fait de dire mal du mal, & que c'est bien fait de viure sous leur obeissance, & s'ilz pechent en laisser les chastiment à Dieu. Et ainsi ilz font le pis qu'ilz peuuent: d'autant qu'ilz ne craignent ceste punition, laquelle ilz ne voyent & ne croyent. Ceste renouation donques a maintenu & maintient nostre religion. Les Royaumes aussi ont pareil befoing de se renoueler, & de reduire leurs loix vers leur principe. Et void lon le grand bien que cecy fait au Royaume de France, qui est le Royaume viuant sous les loix & ordonnances plus que nul autre, desquelles les Parlemens sont gardians & entreteneurs, mesmement celuy de Paris, lesquelles sont renouelées par



par luy toutes les foys qu'il fait vne execution contre vn Prince du Royaume, & qui condanne le Roy en ses arrestz. Et iusqu'à present il s'est maintenu pour auoir esté executeur obstiné contre ceste noblesse. Mais la premiere foys qu'il laisseroit quelque impunité, & qu'elles se viendroiet à multiplier, il auendroit sans doute, ou qu'il les faudroit corriger avecques vn grand desordre, ou que ce Royaume viendroit à se resoudre. C'est donques la conclusion qu'il n'est rien plus necessaire en vne communauté de vie, ou Secte, ou Royaume, ou Republique, que de luy rendre la reputation qu'elle auoit au commencement de sa fondation, & s'estudier à ce qu'il y ayt bones ordonnances, ou gens de bien qui facent pareil effait, sans que force exterieure ayt à le faire. Car (combien que quelque foys ce soit vn tresbon remede comme elle fut à Rome) elle est si dangereuse, qu'elle ne se doit desirer en sorte quelconque. Or pour môstrer à tous combien les actions des personnes particulieres firent Rome grande, & furent cause en ceste cité de maints bons effaitz, i'en feray le discours, & clorray en eux ce tiers liure & derniere partie de la premiere decade. Et combien que les faitz des Roys soient grans & dignes de memoire, puy que l'histoire les a declarez amplement, ie les laisseray & n'en parleray autrement, fors que de ce qu'ilz auroient fait concernant leur priué profit, & commenceray par Brutus pere de la liberté Romaine.

Cōclusiō.

## Que c'est tour de sapiēce que simuler & contrefaire vn temps le fol.

### Chapitre II.



A mais hōme n'aquist telle reputatiō de sagesse & prudēce, par la grādeur de ses actes, qu'a merité Iunius Brutus par sa simulatiō de folie. Et cōbien que Tite Liue n'en exprime autre raison qui l'ayt induit à ce faire, sinō pour sauuer sa vie & patrimoine: si est ce que cōsiderée sa maniere de proceder, il est croyable qu'il prit ce faux visage, à fin que l'on ne prist garde

Iunius  
Brutus cō  
tre faisant  
le fol.

à sa vie, pour auoir plus grande commodité d'opprimer les Roys, & deliurer sa patrie toutes foys que l'ocasion luy en feroit donnée. Et qu'ainsi fust se peult iuger par l'interpretation qu'il fit de l'oracle d'Apollo, quand il fit semblant de soy laisser choir pour baiser la terre, iugeant par là les dieux estre fauorables à ses pensées. Et depuis quand sur le corps de Lucrece, entre le pere, le mary, & autres parens d'elle, il fut le premier qui tira le cousteau de la playe & fit iurer aux asistans, que desormais ne souffriroient aucun regner à Rome. Par son exemple doiuent aprendre tous ceux qui sont mal contens d vn Prince, comme ilz doiuent mesurer & peser leurs forces. Et s'ilz se trouuent assez puiffans pour soy descouurer ses ennemis & luy faire guerre ouuerte, ilz feront bien de tenir ceste voye comme la moins perilleuse & plus honorable. Mais s'ilz ne sont de ceste qualité, doiuent chercher par tous moyens à gaigner ce point de se rendre agreables, & à ceste fin tenter toutes les voyes qu'ilz iugeront necessaires, suyans & se conformans à tous ses plaisirs, & s'adonnans à tout ce qu'ilz cognoistront leur plaie le plus. Ceste priuauté domestique te fait premier viure en seureté, & sans aucun peril te fait iouir de la bonne fortune du Prince avecques luy mesme, & si te donne toute cōmodité de satisfaire à ton vouloir. Vray est qu'aucuns dient, qu'avecques les Princes ilz ne voudroient estre si pres qu'ilz se trouuassent couuertz de leur ruyne, ne si loing que quand ilz viendroient à ruyner, ilz ne fussent assez à temps pour faillir & se ieter dessus sa ruyne: laquelle voye moyenne me sembleroit bien la plus vraye, si elle se pouuoit tenir: mais parce que ie l'estime impossible, conuient soy reduire à l'vn des moyens dessusditz, c'est de s'elongner, ou aprocher d'eux. Quiconque fait autrement, s'il est de quelque qualité aparente, il fera en continuel danger. Et ne suffit de dire, ie ne me soucie de rien, ie ne desire honneur ne profit, ie vueil viure à moy, & en repos, sans noyse ne debat: Parce que sont excuses assez ouyes, & peu acceptées. Et n'est pas en la puiffance des personnes d'aparence de se tetirer ainsi à part soy, quand bien le voudroient & sans aucune ambition: d'autant qu'on ne les en croyt pas. Et si d'eux ilz cherchent ceste vie, les autres ne les y laissent en patience. C'est donques le mieux faire le fol comme Brutus, qui est chose aysée, en louant, parlant, voyant, & faisant maintes choses cōtre ton cueur, pour complaire au Prince. Or puy qu'auons deuisé de la prudēce de ce personnage, pour le recouure-

ment de la liberté de Rome, maintenant parlerons de sa feuerité à la maintenir.

# Comme il est necessaire, à qui

veult maintenir vn estat de liberté aquis de nou-  
ueau, tuer les filz de  
Brutus.

## Chapitre III.



Moins ne fut necessaire qu'vtile la feuerité dont v-  
sa Brutus pour maintenir à Rome la liberté, qu'il  
luy auoit conquise, laquelle est de rare exemple  
entre toutes les memoires des choses: de voir le  
pere seoir au siege de Iustice, qui non seulement  
condanne ses enfans à mort, ains assiste luy mes-  
me à leur execution. Or ceux qui ont leu les choses antiques, co-  
gnoissent que tousiours apres vne mutation & changement d'estat,  
soit de Republique en tyrannie, soit de tyrannie en Republique, est  
necessaire quelque execution memorable contre les ennemiz des  
conditions presentes. Et quiconque vsurpe vne tyrannie & ne tue  
Brutus, & qui conduit & met en liberté vn estat, sans tuer les en-  
fans de Brutus, il n'y dure ne prospere pas longuement. Or par ce  
que ce point a esté cy dessus discouru bien au long, ie me remetx à  
ce qui à lors en a esté dit. Seulement alegueray vn exemple auenu  
de nostre temps de *Piero Soderini*, lequel pensoit par sa bonté & pa-  
tience surmóter cest apetit, qui estoit es enfans de Brutus de retour-  
ner sous autre gouvernement, & s'abusa. Et combien que par sa  
prudence il cogneust ceste necessité, & que la fortune & condicion  
de ceux qui luy en vouloient, luy donnaist ocasion de les estaindre,  
si est ce que son cuer ne s'adonna iamais à le faire. Car outre ce  
qu'il cuydoit par patience & bóté purger leurs mauuaises humeurs  
& par dós & biens faitz consumer & effacer quelque sienne inimi-  
tié, il estimoit que pour hurter & oprimer brauement ses opositiós  
& battre ses auersaires, faloit prendre quelque autorité extraordi-

*Piero So-  
dorini.*

naire & rompre auècques les loix l'egalité ciuile. Lequel point (encores que depuys il n'en ayt vsé en tiran) eust tant estonné tout le peuple, que l'on n'eust iamais depuys sa mort esté si empesché à refaire vn Capitaine de guet à vie. Lequel ordre il iugeoit estre bon d'augmenter & entretenir, & estoit sa consideracion bõne & sage: Mais l'on ne doit iamais laisser courir vn mal, pour esperance d'un bien, quand ce bien peult facilement estre oprimé par le mal. Or il deuoit penser, que ses œuures & son intention estans pour estre iugées par leur fin & yssue (quand Fortune & la vie l'eussent acompagné) qu'il pouuoient certifier que ce qu'il auoit fait estoit pour le salut de la patrie, non pour son ambition, & si pouuoit y donner tel ordre que son successeur ne peult faire par mal ce qu'il auoit fait pour bien. Mais la premiere opinion le deceut, en ce qu'il n'entendoit que la meschanceté ne se dompte par le temps, ne s'apaise par aucuns dons: Tellement que par faute de ressembler Brutus, il perdit auècques la patrie son estat & sa reputation. Or comme il est difficile sauuer vn estat de liberté, moins n'y a de difficulté à sauuer vn estat royal, comme nous monstrerons au chapitre ensuyuant.

## Vn Prince ne peult viure assés ré de sa seigneurie tandis que viuent ceux qui en ont esté despouillez.

### Chapitre IIII.



A mort de *Tarquinius Priscus* pourchassée par les filz d'*Ancus*, & la mort de *Seruius Tullus* par *Tarquin le fier*, monstrent comme il est difficile & dangereux despouiller vn personnage d'un Royaume, & laisser encores en vie celuy qui peult tēdre par ces merites à le recouurer. Aussi void on comme *Tarquinius Priscus* s'abusa de s'estimer iuste possesseur de la couronne, d'autant qu'elle luy estoit donnée par le peuple & confirmée par le Senat: ne croyant que l'indignation peult estre de si grand

grand pouuoir es filz d'*Ancus*, qu'ilz n'eussent à foy tenir contens de ce dont toute Rome se contentoit. Aussi s'abusa *Seruius Tullus*, pensant pouuoir regaigner le cueur des filz de *Tarquinius* par quelque nouveau bon traitement: de sorte que quât au premier ce peult bien estre auertissement pour tous Princes, de ne fonder aucune assurance en leur estat tandis que viuront ceux qui en ont esté priuez. Et quant au second point peult estre auerty tout grãd Seigneur, que iamais vieilles iniures ne s'effacent par nouveaux biens faitz, & d'autant moins que la grandeur de l'outrage passeroit la mesure du plaisir. Sans doute c'estoit simplessè à *Seruius Tullus* d'estimer que les filz de *Tarquinius* prinssent en patience d'estre gendres de celuy sur qui ilz se iugeoient deuoir estre Roys. Aussi ce desir & apetit de regner est si grand, qu'il entre es cueurs non seulement de ceux qui touchent à la couronne, mais de ceux qui n'y peuuent aucun droit pretendre: comme en la femme du ieune *Tarquinius* fille de *Seruius*, laquelle esmeuë de ceste rage, contre toute affection & pieté filiale, incita son mary contre son pere à luy tollir la vie, & le Royaume: de tant elle estimoit plus estre Roynne que fille de Roy. Si donques *Tarquinius Priscus* & *Seruius Tullus* ont perdu leur Royaume par faute de s'estre assurez de ceux sur qui ilz l'auoient vsurpé, *Tarquinius le fier* le perdit pour n'auoir obserué les ordres des Roys anciens, comme sera monstré au chapitre ensuyuant.

## Qui fait perdre vn Royaume

au Roy à qui il est hereditaire,

Chapitre

V.



Yant *Tarquinius le fier* mis à mort *Seruius Tullus*, du quel il n'estoit demeuré aucun heritier, le Royaume tomboit en sa main seurement, sans qu'il eust à craindre aucune des choses qui auoient esté contraires à ses predecesseurs. Et cõbien que le moyen d'ocuper la corõne fust extraordinaire & odieux, si est ce que quãd il eust obserué les ordres antiques des autres Roys il eust

DISCOVRS DE NIC. MACCHIA.

il eust esté comporté, & ne se fust esmeu contre luy le Senat ne la commune pour luy tollir l'estat. Ce ne fut donques pour la force que *Sextus* son filz fit à Lucrece qu'il fut chassé: mais par ce qu'il auoit rompu les loix du Royaume & gouverné tyranniquement, ayant osté au Senat toute auctorité, qu'il auoit à soy reduite iusques à reuoquer les affaires en son palays, au mal contentement de tous, lesquelz auoient acoustumé d'estre traitez es lieux publiques auecques la satisfaction du Senat Romain: Tellement qu'en peu de temps il despouilla Rome de toute la liberté qu'elle auoit maintenue sous les autres Roys. Voire ne luy suffit l'inimitié des peres, s'il n'irritoit encores contre luy le commun peuple, le trauailant en choses viles & mecaniques, & toutes autres que celles en quoy ses predecesseurs l'auoient employé: En sorte qu'ayant remply Rome d'exemples cruelz & superbes, desia auoit disposé les cueurs de tous les Romains à rebellion, si tost que l'ocasion s'en offrirait. Et si l'accident de Lucrece ne fust auenu le premier, autre eust produit pareil effait. Car si Tarquin eust vescu comme les autres Roys, & que *Sextus* son filz eust commis ceste faute, *Brutus* & *Collatinus* eussent eu recours à Tarquin pour en auoir vengeance contre *Sextus*, non au peuple Romain. Sçachent donques les Princes, qu'ilz commencent à perdre leur estat à l'heure qu'ilz viennent à rompre les loix & les manieres & coustumes anciennes, sous lesquelles les hommes ont long temps vescu. Et si apres qu'ilz sont priuez de leur estat ilz deuenoient si prudens, qu'ilz cogneussent la facilité qu'il y a à tenir vne seigneurie par bon & sage conseil, leur perte leur seroit plus grieue à porter, & eux mesmes se condenneroient à plus grande punition qu'ilz ne seroient condannez par autres. Car il est plus aysé se faire aymer des bons, que des meschans, & obeir aux loix, que leur commander. Et pour entendre le moyen qu'à ceste fin leur fault tenir: ilz n'ont autre peine à porter, qu'à prendre pour miroir la vie des bons Princes, côme de Thimoleo Corinthien, d'Aratus Sicionien, & d'autres, en la vie desquelz ilz ont trouué tât de repos & telle satisfaction de celuy qui gouuerne & de ceux qui sont gouuernez, que l'enuie leur deüroit venir de les imiter: estant si facile de le faire pour les raisons demandées. Car quand les hommes sont bien gouuernez, ilz ne cherchent ne demandent autre liberté, non plus que les peuples

regiz

regiz par les deux susnommez, qu'ilz contraignirent à demeurer Princes tant qu'ilz vesquirent contre le desir qu'ilz auoient (dont ilz les tenterent souuent) de se remettre en leur estat priué. Or pour ce qu'en ce chapitre & es deux precedans a esté deuilé des humeurs concitez contre les Princes, & des coniurations faites par les filz de *Brutus* contre la patrie: aussi de celles qui furent faites contre *Tarquinius Priscus*, & contre *Seruius Tullus*: il ne me semble hors de propos d'en traiter amplément au chapitre suyuât, comme de matiere digne d'estre notée, tant par les Princes que personnes priuées.

## Des coniurations.

Chapitre

VI.



Le ne m'a semblé raisonnable de laisser derriere le propos des coniurations, estant chose perilleuse, tant aux Princes, que aux personnes priuées: Car l'on void par elles trop plus de Princes auoir perdu la vie & l'estat, que par guerre ouuerte. Par ce qu'il n'est possible à peu de gés de mener guerre contre vn Prince: mais chacun a pouuoir de coniurer cōtre luy. D'autre part les personnes priuées ne font entreprise qui soit plus dangereuse, ne plus temeraire: estant difficile en toutes ses parties, dont il auient que plusieurs l'atentent, & peu en viennent à bonne yssue. A fin donques que les Princes aprennent à soy garder de telz dangers, & que les gens priuez s'y fourrent avecques plus grāde discretion, voire à ce qu'ilz se tiennent contens de viure sous le gouvernement, auquel Fortune les a soumis, i'ay deliberé en traiter au long, sans laisser aucun cas notable qui serue à l'instruction de l'vn. ou l'autre. Et certes la sentence de *Cornelius Tacitus* est singuliere, qui dit, que les hommes ont à honorer les choses passées, & à obeir aux presentes, & qu'ilz doyuent desirer les bons Princes, & quelz qu'ilz soient les tolerer & comporter. Aussi, à la verité, qui fait autrement, le plus souuent ruyne soy & sa patrie.

*Cornelius  
Tacitus.*

Nous

## DISCOVRS DE NIC. MACC HIA.

Coniuration  
cōtre  
le Prince.

Nous deuons donques (pour entrer en matiere) premier confiderer contre qui se font les coniurations, & trouuerons que c'est contre la patrie, ou contre le Prince. Or de toutes les deux discouurons maintenant: car de celles qui se menent pour liurer vne place aux ennemys qui l'assiegent, ou de telles autres, dessus en a esté parlé suffisamment. En premier lieu nous traiterons de celles qui se font cōtre le Prince, & auant toute œuure examinerons les causes d'icelles, qui sont maintes: mais vney a plus importāte que toutes les autres, qui est estre haï de tous en commun. Car le Prince qui a esmeu contre luy ceste hayne vniuerselle, il faut estimer par raison qu'il a offensé quelzques personnes particulieres plus que les autres, qui en desirent vengeance: de laquelle le desir leur est augmenté par ceste mauuaise disposition vniuerselle, qu'ilz voyoient esmeuē contre luy. Le Prince donques doit fuyr ceste hayne publique. Mais quel moyen il a à tenir pour l'euiter, l'ayant traité ailleurs, ie n'en toucheray rien icy. Car se gardant de ce mal cy, les simples offenses particulieres luy feront moins la guerre: l'vne, par ce qu'il ne se rencontre gueres de gens qui tant poysent les iniures qu'ilz ont receuēs, qu'ilz vueillent entrer en si grand peril pour s'en véger: l'autre, par ce que quand ilz feroient d'assez grand cueur & pouuoir pour le faire, ilz en sont destournez par l'affectiō vniuerselle qu'ilz voyent du peuple enuers le Prince. Or les iniures faut qu'elles touchent les biens, le sang, ou l'hōneur. De celles du sang, les menaces sont plus dangereuses que l'execution, voire sont tresdangereuses & l'execution est sans peril, d'autāt que celuy qui est mort ne peut penser de la vengeance, ceux qui demeurerent viz le plus souuent en laissent le pourchas au mort: Mais celuy qui a esté menacé qui se void contraint de necessité, ou de faire, ou de souffrir, devient homme dangereux pour le Prince, comme nous dirons en son lieu specialement. Apres ceste necessité, les biens & l'honneur sont les deux choses qui plus offensent les hommes, & desquelles le Prince se doit garder. Car il ne scauroit despouiller homme si au, nu qu'il ne luy reste vn cousteau pour se venger, ne tant le deshonorer, qu'il n'ayt encores vn courage obstiné à en pourchasser la raison. Or entre les honneurs que l'on oste celuy des Dames est le plus important, & apres le contennement & mespris de la personne. Ce qui arma Paulanias contre le Roy Philippe de Macedone, & a fait prendre les armes à maints autres contre plusieurs Princes: Et de nostre

temps



temps Giulio Belanti ne fut incité contre Pandolfo Tyran de Siene, que par ce qu'il luy osta sa fille, qu'il luy auoit donnée à femme comme nous dirons en son propre lieu. La plus grande cause qui fit coniuurer les Pazzi contre les Medici, fut l'heredité de Giouanni Bouromei, qui leur fut tollu par leur ordonnance. Vne autre cause y a, & tresgrande, qui induit les gens à coniuurer contre leur Prince, c'est à sçauoir le desir de deliurer la patric, qui par luy a esté ocupée & afferuie: laquelle incita Brutus & Cassius contre Cesar, & a me plusieurs autres contre les Phalares, Dionisies, & semblables vsurpateurs de leur propre patrie. Et n'y a moyen pour les Tirans à eux preseruer de ce danger, fors qu'en depofant leur tyrannie. Et comme peu se trouuent qui le vucillent faire, ausi peu y a qui ne finent mal. Dont est fort y ce vers de Iuuenal,

*Ad generum Cereris sine cæde & vulnere, pauci*

*Descendunt Reges, & sicca morte Tiranni.*

Gueres Tyran n'est là bas descendu,

De qui le sang n'ayt esté respandu.

Iuuenal.

Les perilz qui sont (comme dessus ay dit) es coniuurations, sont fort grans, à cause qu'ilz durent tout le temps & de les manier & de les executer: voyre encores apres l'execution. Ceux qui coniuurent, ou ilz sont plusieurs, ou il n'y a qu'un seul. Pour vn, ne semble que coniuuration se puisse dire: mais bien vne ferme volonté en vn homme de tuer son Prince. Cestuy seul est exempt du premier des trois perilz, que le coniuurateur encourt, d'autant qu'auant l'execution il n'est en aucun danger: n'ayant communiqué son secret à personne, & hors de crainte que son dessein ayt esté porté à l'oreille du Prince. Ceste deliberacion ainsi faite peult estre en chacun homme de quelque sorte qu'il soit, petit, ou grand, noble, ou roturier, familier, ou non familier au Prince. Car à chacun est loysible parler à luy, & qui peult parler, peult descharger son cueur. Pausanias (de qui i'ay desia parlé) occit Philippe de Macedone allant au temple, enuironné de mil hommes en armes, & au mylieu de son filz & de son gendre, vray est qu'il estoit noble & bien cogneu du Roy. Vn pauvre Espagnol de vile cōditiō dona vn coup de cousteau sur le col de Ferrand Roy d'Espagne: qui ne fut playe mortelle: mais on void par là, qu'il eut le cueur & cōmodité de le faire. Vn nommé Deruis Prestre Turcq tira vn coup de Cymeterre à Bay sit pere du grand Seigneur à present regnant, il ne porta: mais il

Coniuration d'un seul cōtre le Prince.

Bay sit predecesseur du grand Turcq.

M eut

## DISCOVRS DE NIC. MACCHIA.

Coniura-  
 tiō de plu-  
 sieurs cō-  
 tre le Prin-  
 ce.

eut donques la hardiesse & oportunité de le faire. De telz coura-  
 ges, ie croy qu'il s'en trouueroit assez, d'autant que la volonte  
 est exemple de punition & peril: mais peu y a qui le font: Et de  
 ceux qui l'osent faire, ou nul, ou bien peu reschapent de mort pre-  
 sente & sur le fait. Or ne se trouue personne qui se vueille liurer à  
 mort certaine. Mais laissons là ces volonte & coniurations vni-  
 ques, & passons à celles qui se font par plusieurs. Je dy qu'il se com-  
 prend par les histoires que toutes coniurations ont esté faites par  
 grans personages, ou qui estoient fort familiers du Prince. Car  
 autres (s'ilz ne sont folz eceruelez) ne coniureront: veu que telles  
 gens debiles & esloignez de la maiesté du Seigneur, n'ont aucune  
 commodité de celles qui sont requises à l'execution de telle en-  
 treprise. Premièrement les personnes de nul pouuoir ne ren-  
 contrerent gens qui leur tiennent foy: d'autant que nul ne con-  
 sentira à leur vouloir sous aucune des esperances, qui sont four-  
 rer les gens en danger: En sorte que quand ilz se sont descouuertz  
 à deux ou trois personnes, il se trouue quelque acufateur & sont  
 ruynez. Mais quand encores ilz seroient si heureux de n'estre de  
 nul acusez, en l'execution sont enuolepez de tant de difficultez  
 (à cause qu'ilz n'ont l'entrée au lieu ou est le Prince) qu'il est im-  
 possible qu'ilz ne s'aillent perdre au fait de l'execution. Car si les  
 grans personages, & ceux qui y ont acces à leur gré, sont opres-  
 sez des difficultez qui se diront cy dessous, est conuenable qu'à  
 telles gens elles croissent sans fin. Partant les hommes (d'autant  
 que ou il va de la vie & de l'honneur ilz ne perdent du tout le sens)  
 quand ilz se voyent foybles, ilz s'en gardent, & quand ilz ont  
 vn Prince contre cuer, ilz se donnent à le maudire & blasmer, &  
 atendent qu'autres de plus grande qualité les en vengent. Et s'il  
 se trouuoit quelqu'un de ceste basse estofe, qui eust atenté telle  
 chose, en luy faudroit louer l'intention, & non la prudence. Si  
 est ce que l'on void que tous coniuratenrs estoient personnes d'e-  
 stat, ou familiers du Prince. Entre lesquelz y en a eu qui ont esté  
 incitez à coniurer aussi bien par trop des biensfaitz qu'ilz auoient  
 receuz, comme autres par trop de tors & outrages. Comme fut  
*Peremius* contre *Commodus*, *Plautianus* contre *Seuerus*. *Seianus* con-  
 tre *Tiberius*. Ceux cy auoient esté esleuez en si grandes richesses  
 par les Empereurs, & en si hault degré d'honneur, qu'il leur sem-  
 bloit n'auoir plus faulte que de l'Empire à perfection de puissance.

A' quoy

A'quoy ne voulans faillir, se mirent à coniuurer contre le Prince, & leurs coniuurations eurent toutes telle fin que meritoit leur ingratitude. Vray est que de memoire recente celle de *Iacapo d'Apiano* cõtre *M. Piero Gambacorti* Prince de Pise eut bonne yssue, & il tollit l'estat à celuy, par qui il auoit esté norry, esleué, & constitué en reputation. Celle de *Copola* en nostre tẽps cõtre le Roy *Ferrãd d'Arãagon* fut de ce nombre, lequel estoit paruenü à si grande richesse, qu'il luy sembloit ne luy falloir plus rien que la couronne, pour le pourchas de laquelle il perdit la vie. A' la verite si aucune coniuuration de plusieurs personnes contre les Princes deuroit sortir effait seroit ceste cy sur toutes, comme estant faite par telz que l'on pourroit dire autres Roys, & qui ont tant de commoditez pour l'accomplir. Mais ceste ambition de dominer qui les aueugle, les aueugle aussi au maniment de ceste entreprise. Et s'ilz sçauoient conduire leur meschanceté par discretion & prudence, impossible seroit qu'ilz n'en vinsent à chef. Le Prince doncq' qui se veult garder de coniuuration doit plus craindre ceux à qui il a fait de trop grans biens, que ceux qu'il a trop mal traitez. Car ceux cy ont faute des commoditez dont les autres abondent, & leur volonté est semblable: car le desir de regner est aussi grand, ou plus que celuy de vengeance. Parquoy ne doiuet dõner tant d'auctorité à leurs amys, qu'il n'y ayt quelque distance & interualle d'icelle à leur dignité souveraine & qu'il n'y ayt encores entre deux quelque chose desirable pour eux: autrement fera cas estrange & rare, s'il ne leur en prend comme aux Princes dessusditz. Or retournons à nostre propos. Ie dy que la coniuuration ayant a estre menée par grans personnages, & qui ayent ayse acces au Prince, maintenant conuient discourir quelz ont esté les succés de leurs entreprises, & entendre la cause de leur felicité, & infelicité. Et (comme ay dit cy dessus) il s'y trouue danger en troys temps. Au commencement, sur le fait, & apres. Qui est cause que peu d'elles succedent: d'autant qu'il est presque impossible de les passer tous heureusement. Or pour commencer à discourir les perilz premiers, lesquelz sont les plus importans, ie dy qu'il est besoing d'estre fort prudent, & d'vser d'vne grande maniere, à ce que la menée en la maniant ne se descouure. Ce qui peult auenir par rapport, ou par cõiecture: le rapport vient d'auoir cõmuniqé l'affaire à gens de peu de foy, ou de peu de prudence. L'infidelité se rencontre facilement: car tu n'y peux apeller

Coniuration sedef  
couure par  
rapport.

DISCOURS DE NIC. MACCHIA.

que ceux en qui tu te fies, qui pour l'amour de toy se vueillent exposer à la mort: ou bien qui seroient mal contens du Prince. De gens de fiance s'en pourroit trouuer vn, ou deux: mais de puy que tu viens à t'estendre à plus, il n'est pas possible. D'auantage fault bien que l'amytie qu'ilz te portent soit grande; voulant que le peril & la paour de punition ne leur soit plus grande. Outre les hommes s'abusent le plus souuent aux amys qu'ilz cuydent auoir, & ne t'en peux asseurer sans experience, & les esprouer en cecy est tresdangereux: voyre quand tu les aurois essayez en quelque autre cas qui n'estoit sans peril, & cogneuz pour loyaux: encores ne peux tu par celle foy mesurer ceste cy d'autant qu'elle excede trop toute autre equalité de danger. Celuy qui voudra iuger la foy par le mal contentement qu'on a du Prince, peult aysemement estre deceu: parce que si tost qu'il a declaré son courage à ce mal content, il luy a donné matiere de se contenter, & est force que la hayne soit grande, ou que ton auctorité soit tresgrande, pour le maintenir en loyauté. Dont est auenu que plusieurs coniuurations ont esté reuelées & oprimées sur les commencemens. Et quand vne est tenue long temps secreta entre plusieurs, on le repute miracle comme furent celle de Piso contre Neron: & de nostre temps celle des Pazzi contre Lorenzo & Giuliano de Medici: de laquelle estoient plus de cinquante, qui ne la descouurent qu'à l'execution. Quant à estre decelé par indiscretion, procede des coniuérateurs, qui parlent indiscrettement, en sorte qu'un seruiteur, ou quelque autre l'entende: comme il auint aux enfans de Brutus, lesquelz en maniant l'affaire avecques les Embassadeurs de Tarquinius furent entenduz par vn serf qui les acusa. Aucunesfoys celà viét de legiereté, quand on communique son secret à quelque Dame, ou enfant, que l'on ayme, ou à autres telles gens: comme fit Dinus, l'un des compagnons coniuérans avecques Philotas contre Alexandre le grand, lequel declara son fait à Nicomachus (enfant qu'il aymoit) l'enfant le dit à Ciballinus son frere, & luy au Roy. Quant aux descouertes par coniecture, celle de Piso, contre Nero en est bon exemple: en laquelle Sceuinus l'un des coniuérans le iour deuant qu'il eussent à occir Nero fit son testament, ordonna que Milichius son libert seroit aguyser son poignart qui estoit vieil & enrouillé, mit tous ses serfs en liberté, & leur donna argent, fit acoustrer des bandes pour les playes. Par lesquelles coniectures Milichius ac-

Coniuration se descouure par coniecture.

ac-

tené du cas, l'acusa à Nero. *Sceuinus* fut pris & *Natalis* avecques luy, qui estoit de l'entreprise, lesquelz on auoit veu parler longuement ensemble & de secret le iour precedant, & ne s'acordans du deuis qu'ilz auoient eu, furent contraintz de confesser la verité: tellement que la coniuration fut descouuerte à la ruyne de tous les coniurateurs. De ces causes d'estre ainsi descouuert n'est possible se garder, que par malice, indiscretion, ou legereté celà n'auienne, toutesfoys & quantes que leur nombre passe trois ou quatre. Et depuys qu'il en est pris plus d'un de l'entreprise, est impossible qu'elle ne soit cogneuë: d'autant que deux personnes ne scauroient conuenir de tous leurs propoz. Quand il n'en y a qu'un pris qui soit homme de cueur, il pourra bien auoir bon bec, & tenir les autres secretz. Aussi conuient que ses compagnós ne soient de moindre courage que luy, sans faire semblant de rien, sans se declarer par fuyte. Autrement depuys que le cueur fault à celuy qui est pris, ou aux autres qui ne le sont, tout est descouuert. Or est l'exemple de Tite Liue fort rare de la coniuration faite contre *Hieronimus* Roy de Siracuse, de laquelle l'un des consors *Theodorus* estant pris cela tous les coniurateurs par vne grande vertu, & accusa les amys du Roy. D'autre costé tous les coniurans eurent telle confiance en sa vertu, que nul ne deslogea de Siracuse, ne monstra contenance d'aucune crainte. Voylà les perilz qu'il fault tous passer en conduisant telles entreprises auant que venir à l'execution. Or pour les eiter y a les remedes. Le premier & le plus vray voire (à mieux dire) l'vnique, est ne donner temps à tes consors de te pouoir acuser, & leur communiquer à l'heure que tu le veulx faire & non auant. Ceux qui ainsi le font, sont hors des dangers qui gisent au maniment, & souuentesfoys hors de tous les autres: Voyre toutes celles qui ont esté menées de ceste sorte, ont eu tousiours bonne & tresheureuse fin, & tout homme prudent les peult ainsi conduire, dequoy ie me passeray à deux exemples. *Nelematus* ne pouuant endurer la tyrannie d'*Aristotimus* regnant en Epire, assembla en son logis plusieurs de ses parens & amys, & les enhorta à la deliurance de la patrie: Aucuns d'eux demanderent temps pour en deliberer, & auiser. Incontinent *Nelematus* fit fermer les portes, & leur dist à tous: Ou vous iurerez de venir maintenant faire ceste execution, ou ie vous liureray tous prisonniers à *Aristotinus*. Ces parolles les

Remede  
contre les  
perilz de-  
clarez.

Remede  
de Nele-  
matus.

## DISCOVRS DE NIC. MACCHIA.

Remede  
d'Orthanus.

forcerent à iurer, & sans delay y allerent, & acheuerent heureusement leur entreprife. Vn Magicien ayant par fraude ocupé le Royaume des Perfes, laquelle Orthanus entendit par les principaux du païs, en conféra avec six grands Seigneurs du Royaume, leur remonstrant qu'il falloit deliurer le païs de la tyrannie de ce Magicien. L'vn d'eux demandant sur ce iour d'auis, Darius, qui estoit l'vn des six, se leue, & dit : Ou nous irons à ceste heure faire ceste execution, ou ie vous iray tous acuser. Ainsi tous d'vn acord se leuerent & sans donner à personne loysir de se repentir executerent leur dessein. Encores est semblable à ces deux exemples le moyen que tindrent les Etholes à tuer Nabis Tiran de Sparte, lesquelz enuoyerent Alexamenes vn de leurs Citoyens avec ccc. cheuaux, & mil hommes de de pied sous couleur de secours, & ne declarerent le secret qu'à Alexamenes, commandant aux autres luy obeir en toutes choses, sur peine d'exil. Auecques telle puissance il s'en va à Sparte, sans iamais communiquer sa commission, sinon quand il fut temps de la mettre en effait, & l'affaire luy succeda à son vouloir. Ceux cy donques ont par telz moyens euité les perils qui gisent au maniment de la coniuration, & quiconque les ensuyura les eitera tousiours. Or pour monstrier que chacun le peult faire comme eux, ie vous en donneray vn exemple de Pifo, duquel a esté parlé cy dessus. Pifo estoit grand personnage, & de haute reputation, fort familier de Nero, & en qui il se fioyt grandement. Nero alloit souuent manger auecques luy en ses iardins, à ceste occasion Pifo pouuoit pratiquer des amys gens de cuer, hardiz, & disposez à telle execution, qui estoit chose aysee à faire à vn grand personnage, & à l'heure que Nero estoit en son iardin leur communiquer l'affaire, & par bonnes paroles les enhorter, & animer à le faire, ilz n'eussent eu temps, ny occasion de refuser & eust esté impossible qu'ilz n'en fussent venuz à fin. Et qui voudra ainsi examiner toutes les autres, peu s'en trouuera que l'on n'eust peu conduire en ceste façon. Mais les hommes peu entenduz es actions du monde, souuent commettent de tresgrandes fautes, & plus grandes es affaires qui plus ont de l'extraordinaire, comme cestuy cy. Il ne doit donques iamais le communiquer sinon à la necessité, & sur le fait. Et s'il en veult faire communication, la face à vn seul, lequel il ayt de longue main experimenté, ou qui soit incité de pareille cause que luy. Il est beaucoup plus facile en trouuer vn tel que vous descry, que plusieurs, & d'autant ya

Ocasion  
qu'auoit  
Pifo pour  
tuer Nero.

moins

moins de peril : puis, quand encores il te faudroit de foy, y a remede à se defendre, lequel est perdu s'il y a nombre de coniuerez. A' ce propos ay autresfoys ouy dire à vn homme fort sage, qu'avec vn seul tout se peult dire : parce que (si tu ne laisses tirer lettres escrites de main) autant vault le si de l'vn, que le non de l'autre. Et de l'escriture chacun se doit garder côme d'vn rocher, veu qu'il n'y a rien qui mieux conuainque que le tesmoignage de la main. Plautianus machinât la mort de l'Empereur Seuerus, & d'Antoninus son filz, en donna la charge à Saturninus Tribun: lequel ayant volonté de l'acuser, non pas de luy obeir, & doutant que quand il viendrait à l'acusation que l'on creust plustost à Plautianus qu'à luy, luy demanda vne cedulle de sa main faisant foy de la commission. Ce que Plautianus auégulé d'ambition luy bailla : dont auint que ce Tribun l'acusa & conuainquit. Et sans la cedulle & certaines autres contrefins, Plautianus l'eust emporté avecques l'audace dequoy il nyoit le fait. Il se trouue donques quelque remede contre l'acusation d'vn, mais qu'il n'y ayt contre toy preuue d'escriture, & de fing : dequoy vn seul coniurant se doit garder. De la coniuration Pisoniane estoit vne femme nommée Epicaris, que Nero vn temps auoit aymée, laquelle iugeant estre bon y associer vn Capitaine de quelques galeres que Nero tenoit pour sa garde, elle luy communiqua l'afaire, sans declarer les coniuerez. Ce Capitaine luy fauçant la foy l'acuse à Nero : mais telle fut l'audace & constance d'Epicaris à le nyer, que Nero demeurant confus ne la cōdanna. Il y a donques deux dangers à communiquer à vn seul: l'vn, qu'il ne l'acuse avecques preuue: l'autre, que luy conuaincu & contraint par la punition il ne t'acuse, ayant esté pris par quelque indice forty de luy. Mais en tous ces deux perilz se trouue quelque remede, en nyant l'vn par allegation de hayne que l'acufateur te porte, & l'autre en remonstrant la force qui luy fait dire telles mensonges. C'est donques tour de prudence de ne faire part de tel secret à personne, & en vser selon exemples qui ont esté mis cy dessus: ou si tu y veux auoir compagnie ne la prendre que d'vn. Et s'il y a encore en cecy quelque danger, c'est beaucoup moins qu'en la communication faite avecques plusieurs.

Le plus prochain & semblable à ceste maniere est quand necessité te contraint faire au Prince ce que voys qu'il te voudroit faire: laquelle est si grande, qu'elle ne te donne loysir sinon de penser à ta

Plautianus pris par sa lettre.

Cōstance d'Epicaris femme.

Coniuration par necessité.

DISCOVRS DE NIC. MACCHIA.

Contre  
l'Empe-  
reur Com-  
modus.

seureté. Ceste necessité conduit volontiers l'affaire à fin desirée, & pour le prouuer deux exemples sufiront. L'Empereur *Commodus* auoit deux Capitaines des Soldatz pretorians, *Letus*, & *Electus*, lesquels il tenoit entre ses principaux & plus priuez amys. Aussi auoit *Martia* pour la plus affectée de ses concubines. Mais parce qu'ilz le reprenoient souuent des actes qu'il faisoit contre la dignité de sa personne & de l'Empire, delibera leur mort, & escriuit en vne liste, *Martia*, *Letus*, *Electus*, & quelques autres noms de gens, que la nuyt prochaine il vouloit faire mourir. Or il mit ce rolo ou liste sous le cheuet de son lit, & allé au bain vn enfant son fauory folastrant par la chambre & sur son lit trouua la liste: & sortant de la chambre ce papier en la main rencontra *Martia* qui le luy osta, & le leur. Et voyant le contenu manda incontinent *Letus* & *Electus*: par lesquels le peril cogneu ou ilz estoient, la deliberation fut prise de le preuenir, & sans laisser de téps entredeux la nuyt suyuant ilz tuerent *Commodus*. L'Empereur *Caracalla* faisoit la guerre en Mesopotamie & auoit pour son lieutenant *Macrinus* homme plus ciuil que belliqueux. Et côme il auient que Princes autres que bons sont tousiours en crainte que l'on ne leur face ce qu'ilz pésent auoir mérité, *Antoninus* escriuit à *Maternianus* son amy (estant à Rome) qu'il s'enquist des Astrologues si aucun y auoit qui tendist à l'Empire & qu'il l'en auertist. *Maternianus* luy rescriuit que c'estoit *Macrinus* qui y aspireroit, & la lettre tomba le premier entre ses mains. Et la necessité par luy cogneuë de tuer l'Empereur auant qu'il luy vint nouuel le lettre de Rome, ou de mourir luy mesme, cōmit l'affaire à *Martial* Centurion son feal amy, & de qui peu de iours parauant *Antoninus* auoit tué le frere, lequel executa ceste commissiō heureusement. On void donques que ceste necessité vrgente qui donne loy fir de disferer fait autant que le moyen dessus escrit, que tint *Nelematus* d'Epire. Et d'auantage ce que i'ay dit presque au commencement de ce discours, comme les menaces, nuyent plus aux Princes, & sont causes de coniurations plus vehementes, que ne sont les tors & offenses: partant s'en doyuēt bien garder. Car il fault ou caresser les gens, ou s'en asseurer, & ne les reduire iamais en termes de leur faire penser que force leur soit de receuoir mort ou la liurer.

Peril sur  
l'executiō  
des coni-  
urations.

Quant aux perilz qu'on encourt sur l'execution, ilz naissent ou par changer l'ordre qu'on auoit auisé, ou par faute de cueur en ce luy qui execute, ou par erreur qu'il commet par son indiscretiō: ou à fautē



à faute d'imposer la dernière main à l'œuvre, laissant en vie partie de ceux qu'on avoit proposé de tuer. Sur ce propos ie dy, qu'il n'y a rien qui tant cause de trouble & empeschement à toutes actions humaines, que de changer en vn instant l'ordre donné en vn affaire. Et si ce changement fait desordre en quelque cas, c'est principalement en la guerre, & en telle chose que celle de qui nous parlons: car en cest endroit il n'y a rien plus necessaire, que le cueur des hommes ferme à executer la partie d'ot ilz ont charge. Or quand ilz ont arresté & fiché leur fantasie par plusieurs iours à vne maniere & vn ordre, & l'on leur vient varier, il est impossible qu'ilz ne se troublent tous, & que l'entreprise ne rompe, de sorte qu'il seroit meilleur executer selon l'ordre deliberé (combien qu'il y aparaisse quelque inconuenient) que le changeant entrer en mille & mille. Cecy auient quand on n'a pas le temps de disposer de nouuel ordre: car si le loy s'ir y est, chacun se peult gouverner à sa mode. La coniuration des *Pazzi* contre *Lorenzo & Giuliano des Medici*, l'ordre proposé estoit qu'ilz donneroient à d'isner au Cardinal de saint George & le tueroient. En quoy estoit ordonné qui luy donneroit le coup, qui prendroit le palais, qui courroit par la ville & apelleroit le peuple à liberté. Auint qu'estans en l'Eglise catedral de Florence, les *Pazzi Medici*, & le Cardinal, en vn office solemnel, fut entendu que *Giuliano* ne disnoit point ce matin là. Ce qui fit assembler les coniurez, & ce qu'ilz auoient deliberé de faire au logis des *Medici*, auiserent de le faire en l'Eglise. Ce qui troubla tout l'ordre. Car *Giouanbattista da monte secco* ne voulut commettre homicide en l'Eglise: tellement qu'il leur falut changer de gens en toutes leurs actions, lesquels n'ayans le temps de se recueillir & s'asseurer en leur charge, firent de telles fautes, qu'ilz furent oprimez en l'execution mesme. Le courage fault à ceux qui executent, ou par reuerence, ou par lascheté & couardie de l'executant. La maiesté & reuerence que porte la presence d'un Prince est si grande, qu'il est ayse qu'elle adoucisse ou esto ne vn executeur. Vn serf fut enuoyé à *Marius* estant prisonnier des *Minturnes* pour le tuer: lequel espouuété de la representation du personnage & de la memoire de son nom perdit tellement le cueur, qu'il n'eut force en luy pour le tuer. Or si telle vertu fut en vn homme lyé, prisonnier, plongé en mauuaise fortune, de combien doit on estimer qu'elle est plus grâde en vn Prince libre avecques la maiesté des ornemens, avecques sa pompe & suyte, laquelle te peult

Marius de  
grâde re-  
presenta-  
tion.

estonner

## DISCOVRS DE NIC. MACCHIA?

estonner, ou bien apaiser par vn bon visage, ou quelque gracieux accueil? Il y en eut qui coniuèrent contre Sitalxes Roy de Trace, ilz auiserent du iour de l'execution, conuindrent au lieu deputé ou le Prince estoit, nul ne se remua pour luy toucher. Ainsi partirét sans auoir rien tenté, & sans sçauoir qui les auoit destournez, & chacun en chargeoit son compagnon. Ilz r'encheurent encores plusieurs foys en cest erreur, tellement que leur coniuuration fut descouuerte, & ilz porterent la peine du mal qu'ilz pouuoient & n'auoient fait. Deux freres d'Alfonse Duc de Ferrare conspirerent contre luy, & vferent de Giannes prestre & chantre du Duc pour moyenneur: lequel, à leur requeste, mena souuent le Duc là ou ilz estoient, si bien qu'il le liuroit entre leurs mains: mais nul d'eux en eut iamais la hardiesse, tellement qu'ilz furent descouuertz & receurent punitió de leur meschanceté & imprudence. Ceste faute ne peut proceder d'autre raison, que ou de la presence qui les estonnoit, ou de quelque humanité du Prince qui les humilioit. En telles executiós naissent erreurs & inconueniens par faute de prudéce, ou de cuer. Car ces deux choses estonnent l'homme, lequel transporté de ceste confusion de cerueau dit & fait ce qu'il ne deüroit. Qu'il soit vray, Tite Liue ne l'eust sçeu mieux monstrier que quand il parle d'Alexamenes Etole, qui vouloit tuer Nabis de Sparte (duquel auons dessus fait mention) & que l'heure venue de l'execution, apres qu'il eut déclaré à ses gens ce qu'ilz auoient à faire,

*Colligit & ipse animum confusum tanta cogitatione rei.*

**Tite Liue.**

Luy mesme aussi vint à recueillir ses esperitz tous confus de la pensée d'vne si grande chose.

Car il est impossible qu'vn homme ne s'estonne, tant soit il asseuré & acoustumé à sang humain esprendre & à manier les armes. Partant fault en tel cas eslire gens experimentez, & aguerriz, & ne s'en fier à autre de quelque vaillance qu'on l'estime. Car du courage es grandes choses on ne s'en peult rien promettre de certain, sans en auoir fait l'experience. Ceste confusion donques te peult faire tomber l'espée du poing, ou faire dire quelques paroles reuenans à mesme effait. Lucilla seur de *Commodus* auoit donné ordre que *Quintianus* le tueroit, il atendit *Commodus* à l'entrée de l'amphitheatre, & s'aprouchant de luy le pongnard nu en la main, luy cria: Voicy que le Senat t'enuoye. Lesquelles paroles firent qu'il fut pris auant qu'il eust baissé le bras pour le fraper. *M. Antonio de Volterra* deputé

(comme

(comme desia a esté dit) à tuer *Lorenzo des Medici* en s'aprouchant de luy, dist : Ah trahistre ! lequel mot sauua la vie de *Lorenzo*, & ruina la coniuuration. Or y a difficulté de mettre à fin telles entreprises quand elles sont dressées contre vn chef, pour les raisons dessus deduites : Mais elle y est trop plus grande, quand on coniure contre deux chefz : Voire est telle, qu'il est quasi impossible qu'elle succede. Car on ne sçauroit faire vn acte semblable en diuers lieux en mesme temps, & le faire en diuers temps nul ne peult, qui ne veult que l'vne gaste l'autre. En sorte que si la coniuuration cõtre vn Prince est estimée douteuse, perilleuse, & inconsiderée, celle qui se meine cõtre deux est du tout vaine, & legiere. Et n'estoit la reuerce de l'Historien, ie ne croyrois iamais que ce qu'Herodian dit de *Plautianus* fust possible, qu'il eust donné charge à *Saturnius* Centurion tout seul d'occir *Seuerus* & *Antoninus*, habitans en diuers lieux. Car c'est chose tant esloignée de raison, qu'autre chose que ceste autorité ne me le feroit croire. Quelques ieunes hommes Atheniens coniurerent contre *Diocles* & *Hippias* Tirans d'Athenes : tuerent *Diocles*, & *Hippias* demeura qui le vengea. *Chiones* & *Leonides* *Heracluses* & disciples de *Platon* conspirerent contre *Clearcus* & *Satirus* deux Tirans, occirent *Clearcus*, *Satirus* demeurât en vie en prit vengeance. Aux *Pazzi* (de qui nous auons tant parlé) ne succeda que de tuer *Giuliano*. Tellemēt que chacun se doit abstenir de telles entreprises contre plusieurs chefz, veu que l'on ne fait bien ny à foy, ny à la patrie, ny à personne : Voire ceux qui vifz en eschapent deuiennent plus cruelz & moins tolerables, comme bien sçait Florence, Athenes, & *Heraclée*, que ie vie d'alleguer. Il est vray que celle que fit *Pelopidas*, pour deliurer *Thebes* sa patrie, eut toutes ces difficultez, & si vint à heureuse fin. Car il coniura non seulement la mort de deux Tirans : mais de dix. Il n'auoit pas grande confiance, l'accès vers les Tirans luy estoit bien denié comme à vn rebelle, neantmoins vint à *Thebes*, met les Tirans à mort, & deliura la ville. Toutesfoys il fit tout avecques l'ayde de *Carion* leur conseiller, par lequel il eut l'entrée facile à son execution. Si est ce qu'on ne doit suyure son exemple, parce que comme ce fut vne entreprise si difficile & merueilleuse à pouuoir succeder, elle est tenue pour telle par les Historiens, lesquelz en font cas comme de chose rare, & quasi sans pareille. Telle execution peult estre rompue par vne imagination faulse, ou par vn accident suruenant sur le fait à l'impourueu. La

Coniuration  
cõtre vn  
Prince.

Herodian

matinée

DISCOVRS DE NIC. MACCHIA.

matinée que Brutus & les autres coniuerez vouloient tuer Cesar, auint qu'il parla longuement avecques. *Cn. Popilius Lenas*, qui estoit de la troupe. Ce long parlemét mit ses consors en doute qu'il reuelast le fait à Cesar, & furent en opinion de le vouloir ammasser sur le champ, sans attendre qu'il fust au Senat. Ce qu'ilz eussent fait, si le propos ne fust finy, & s'ilz n'eussent veu que Cesar n'en faisoit aucun mouuement extraordinaire, dequoy ilz se rassurerent. Ces faulses imaginations sont bien considerables & dignes à qui on ayt respect avec prudence, & d'autant plus qu'il est si facile de l'auoir: Car celuy qui a sa conscience chargée, croyt à tous propoz qu'on parle de luy. Tu peux entr'ouyr quelque parole dite à autre intention, qui te troublera le sens & te fera penser qu'elle touche ton à faire: dont tu le descouuiras en t'enfuyant, ou confondras ton acte en le hastât, & precipitant hors le temps: Ce qui auient plustost tant plus est grand le nombre des complices. Quant aux accidens (parce qu'ilz viennent non esperez) n'y a moyen de les declarer, que par exemples, sur lesquelz on se pourra reigler, & apprendre à se tenir sur ses gardes. *Giulio Belanti* de Siene (duquel auons desia tenu propos) indigné contre *Pandolfo*, qui luy auoit baillé sa fille, puy osté, conspira sa mort, & esleut ceste occasion. *Pandolfo* alloit pres que tous les iours visiter vn de ses parens malade, & pour y aller passoit deuant le logis de *Giulio*, lequel ce voyât donna ordre d'assembler ses compagnons en son logis pour mettre à mort *Pandolfo* en passant, les fait tenir au dedans de l'huis en armes, & en assied vn en vne fenestre pour leur faire signe qu'ad il le verroit aprocher. Or auint qu'en cest endroit *Pandolfo* rencontre vn de ses amys qui l'arreste, & aucuns de ceux qui l'accompagnoient vindrent à passer deuant, & sentirent le bruit des armes, dont fut l'embusche descouuerte, en sorte que *Pandolfo* se sauua, & *Giulio* & ses consors s'en fuyrent de Siene. L'accident de ceste rencontre empescha l'acte, & ruina l'entreprise *Giulio*. A ces accidens (à cause qu'ilz sont rares) ne se peult ordóner remede: Bien est necessaire examiner tous ceux qui peuent naistre, & auiser les remedes.

*Pandolfo.*

Accidens  
suruenans  
en l'execu  
tion.

Perilz a-  
pres l'exe  
cution.

Reste à discourir les perilz suruenans apres l'execution, & n'y en a qu'vn. C'est quand quelqu'vn demeure qui venge la mort du Prince occis: Comme sont ses freres, ou ses enfans, ou autres parés, à qui apartienne la principauté, lesquelz le peuent suruiure, ou par ta negligence, ou par les causes dessus deduites, comme il en prit à

prit à *Giouandrea da Lampognagno* : lequel ayât tué le Duc de Milan  
 avecques l'ayde de ses amys demeura vn filz du Duc, & deux fre- Gionan-  
drea de  
l'Ampo-  
gnagno.  
 res, qui curent temps à s'en venger. A' la verité les coniuérateurs en  
 ce cas sont excusables, veu qu'il n'y a aucun remede : mais quand il  
 en suruient quelqu'un par leur negligence ou imprudence, à lors ne  
 méritent excuse. A' *Forliuio* quelques gens d'une conspiration mi-  
 rent à mort le Comte *Girolamo* leur seigneur, prindrent sa femme  
 & ses enfans encores petitz, & eux iugeans ne pouuoir viure en seu-  
 reté, s'ilz ne faisoient maistres de la forteresse, laquelle le Chaste-  
 lain ne leur vouloit rendre, ma Dame *Caterine* la Comtesse promit  
 aux cōiurateurs, s'ilz l'y vouloient laisser entrer, qu'elle les mettroit  
 dedans, & que ce pendât retinsent ses enfans pour ostages. Ilz la laif-  
 ferent entrer sous la foy, & quand elle fut dedans leur commença à  
 reprocher la mort de son mary les menassant de toutes les vengenc-  
 ces dont elle se pourroit auiser. Et pour leur faire entendre qu'elle  
 ne se foucioyt de ses enfans, leur monstra ses parties honteuses, di-  
 sant qu'elle auoit encores dequoy en refaire d'autres. Ainsi les pau-  
 ures despourueuz de conseil trop tard, s'aperceuans de leur faute,  
 par exil perpetuel souffrirēt la peine de leur folle indiscretion. Mais  
 de tous les perilz qui suruiennent à l'execution, n'y en a de plus cer-  
 tain, ne plus à redouter, que quand le peuple ayme le Prince que tu  
 as occis, d'autant qu'il ne s'y trouue aucun remede ne moyen de Cesar?  
 s'en assurer. *Cesar* est pour exemple, lequel estant bien voulu du  
 peuple, fut vengé par luy. Car il chassa de Rome les coniuérateurs,  
 & fut cause qu'en diuers temps, & diuers lieux ilz furent tous mis à  
 mort. Les coniuérations qui se font cōtre la patrie sont moins dange-  
 reuses pour ceuux qui les font, que celles que lon machine contre les  
 Princes, veu qu'au manimēt y a moins de dāger, en l'execution, aussi  
 peu, & apres nul du tout. En la menée y en a peu, parce qu'un citoyē Coniura-  
tion cōtre  
Rep.  
 peult tendre à aquerir puissance sans declarer son intētiō à person-  
 ne. Et au cas que ses desseins luy soient rompuz, peult suyure en bon  
 heur son entreprise, s'ilz le font par quelque loy, atēdra le tēps, & y  
 entrera par autre voye. Cecy s'entēd en vne Republique, ou ya deſia  
 quelque corruptiō: car en vne qui ne seroit corrópue (n'y ayant lieu  
 aucun commencēmēt de mauuais ordre) telles pensées ne peuuent  
 tōmber en la fantasie d'un citoyē. Il leur est donques ayſé par plu-  
 sieurs voyes & moyens aspirer à la Principauté, sans encourir dāger  
 d'estre oprimez, tant parce que les Republiques sont plus lōgues &

## DISCOVRS DE NIC. MACCHIA.

Catilina.

Anno.

tardiuës que le Prince, que par ce qu'elles craignent moins & d'autant font moins sur leur garde. Aussi elles portent plus de respect aux grans personages de la cité, ce qui les rend plus hardiz & audacieux contre elle. Chacun a leu la coniuuration de Catilina escrite par Saluste, & sçait comme de puis qu'elle fut descouuerte, non seulement il ne bougea de Rome, ains alla au Senat, dist iniures au Cõsul & aux Senateurs: tant de cas faisoit ceste Cité de ses Citoyés. Et apres qu'il fut party de Rome, & tint les champs en armes *Lentulus* n'eust esté pris, ne les autres, sans les lettres qu'on trouua de leur main qui les accusoient manifestement. Anno, qui auoit tres grande autorité à Cartage, tendant à la tyrannie, faisoit son dessein d'empoisonner tout le Senat es noces de sa fille, & apres se faire Prince. La chose entendue, le Senat n'y dõna autre ordre, fors que d'vne loy qui limitoit la despense des festins & noces: tant eurent de respect à sa qualité. Bien est vray qu'à executer vne coniuuration contre la patrie y a plus de difficulté & de peril: d'autant qu'il n'est gueres possible que tes forces seules suffisent contre tant de gens, & chacun n'est pas chef d'vne armée: comme Cesar, ou Agatocles, ou Cleomenes, & telz autres, qui ont par leur propre puissance tout d'vn trait occupé la patrie, auxquelz le chemin en est trop seur & facile: mais ceux qui n'ont tel ámas de gens à eux, conuient qu'ilz menent cest affaire part art & fraude, ou auecques secours estranger.

Pisistratus

Quant à la fraude, *Pisistratus* Athenien ayant vaincu les Megarenses, & par ceste victoire aquis grande reputation du peuple, sortit matin dehors naïré, & disoit que la noblesse par enuie l'auoit outragé, & requist luy estre permis mener gés armez pour sa garde, & par ceste autorité monta en telle grãdeur, que legierement il deuint

Petrucchi.

Tiran d'Athenes. *Petrucchi* retourna à Siene auecques autres banniz, auquel la garde de la place fut baillée en gouuernement cõme charge mecanique que les autres refusoïët. Si est ce que ceste garde armée luy dõna tant d'autorité auecques le téps, qu'il fut Prince de la cité. Maints autres ont vñé d'autres industries & moyens, qui à la longue & sans peril y sont paruenuz. Ceux qui par leur propre force ou auecques secours de dehors ont cõspiré à ocupër la patrie, ont eu diuers succez selõ la fortune. Catilina (de qui nous parliõs maintenãt) y a esté ruyné. Anno aussi quãd il vid que le venin ne luy auoit seruy, mit en armes ie ne sçay quants mille de ses partisans, qui tous furent tuez auecques luy. Quelques citoyés des principaux de Thebes

par l'ay:

par l'ayde de l'armée de Sparte vsurperent la tyrannie de leur Cité. Tellement qu'à examiner toutes les cōiurations faites contre la patrie, nulle se trouuera, ou bien peu, qui ayt esté oprimée sur la menée: ains sont toutes venues à fin, ou ont esté ruynées en l'exécution. Apres qu'elles sont executées, elles ne portent autre peril, que celui qui fuyt la nature de principauté. Car depuis qu'un homme est deuenu Tiran, il a ses dangers naturelz & ordinaires, que la tyrannie luy amene, contre lesquelz il n'a autres remedes, que ceux qui dessus ont esté discouruz. Voylà tout ce qui s'est offert à escrire des coniuurations. Et si i'ay deuisé de celles qui se conduysent par armes, non de celles qui se font par poyson, c'est pource que l'ordre est semblable en toutes. Vray est que celles de venin sont plus perilleuses, d'autant qu'elles sont plus incertaines, & que chacun n'en a pas la commodité, & est force d'en conferer avecques celui qui l'a: ce qui te met en grand danger. Outre par plusieurs causes le venin est empêché d'estre mortel comme il aparut en *Commodus*, qui le rejeta par la bouche, tellement que les coniuérateurs furent contrains de l'estrangler. Partant les Princes n'ont ennemy plus grand que coniuuration, à cause que depuis qu'il en a esté dressé quelqu'une contre eux, ou elle leur oste la vie, ou les diffame. Car si elle succede, ilz en meurent: si elle est descouuerte & qu'il punisse les coniuérateurs, on croyt tousiours que ce soit vne inuention de luy pour assouuir son auarice, ou cruauté sur le sang & les biens des occiz. Si ne veux-je laisser à auertir le Prince, ou la Republique, contre qui on cōiure, de bien cōsiderer quand vne cōiuration leur est descouuerte, auât que mettre la main à la punition, de chercher, & bien entendre la qualité d'icelle, & mesurer bien les conditions de ceux qui conspiroient avecques les siennes: Et s'ilz la trouuēt grosse & puissante, n'en descouurer la cognoissance iusques à ce qu'ilz ayent dressé leur apareil pour y resister, autrement ilz pourroient descouurer leur ruine mesme. Ainsi la doiuent dissimuler par toute industrie. Car telles gens se voyans descouuertz, pressez de necessité, y besongnēt sans egard en desesperez. Les Romains sont pour exéples, lesquelz ayans laissé deux legiōs pour la garnison de Capue cōtre les Sānites (cōme auōs dit en autre lieu) les Capitaines conspirerēt ensemble de saccager la ville. Ce qu'entēdu par les Romains, cōmirent *Rutilius* nouveau Cōsul pour y mettre ordre, lequel pour endormir ces coniuérateurs fit publier cōme le Senat auoit confirmé les garnisons aux legions de

Coniuration par poyson.

Commodus.

Rutilius.

## DISCOVRS DE NIC. MACCHIA:

Capue. Ce qu'ilz creurent, & leur semblant auoir assez de temps à executer leur dessein, ne se soucierent de haster l'affaire. Et ainsi se tindrent coys tant qu'ilz commencerent à voir que le Consul les separoit les vns d'avecques les autres: dequoy ilz prindrent soupçon, qui les fit descouuir & mettre leur vouloir à execution. Et ne se pourroit trouuer meilleur exemple pour l'une & l'autre partie: car on void en ce cas comme les hommes sont tardifz, ou ilz pensent auoir du temps assez: au contraire comme ilz sont diligés ou necessité les presse. Et ne scauroit le Prince, ou Republique (qui veult pour son auantage diferer à descouuir vne coniuration) vser de meilleur moyen, que d'offrir aux coniurateurs subtilement quelque occasion presente, qui les retarde & leur dōne esperāce de bon loysir, à fin que ce pendant ilz donnent ordre à les chastier. Ceux qui ont fait autrement ont auancé leur ruine, comme le Duc d'Athenes, & *Guglielmo de Pazzi*. Le Duc deuenu Tiran de Florence, ayant entēdu que l'on coniuroit contre luy (sans autremēt examiner l'affaire) fit prendre vn des coniurateurs, ce qui mit incontinent aux autres les armes au dos, dont il fut priuē de l'estat. *Guglielmo* estant commissaire ou lieutenant de la Cité au val de Chianuel l'an. m. d. i. & estant auerty qu'à *Arrezzo* y auoit vne coniuration en faueur des *Vitelli* pour tollir ceste place aux Florētins, soudain il y alla, & sans considerer les forces des coniurans ne les siennes, & sans se fortifier d'autre puissance, par le conseil de l'Euesque son filz fit aprehender vn des coniurez, & apres ceste prise les autres prindrent les armes & se firent seigneurs de la ville, *Guglielmo* deuint de cōmissaire prisonnier. Mais quand les cōiurations sont debiles, elles se doiuent oprimer sans respect. D'auātage se fault garder d'ensuyure en aucune sorte deux manieres pratiquées, l'une cōtraire à l'autre: C'est à scauoir du Duc d'Athenes, lequel pour monstrier qu'il se pensoit bien voulu des citoyens de Florence, fit mourir vn hōme qui luy reuela vne cōiuration. L'autre de *Dion Syracusan*, lequel pour tenter la volonté de quelqu'un qu'il tenoit pour suspect, permit à *Callipus* (en qui il se fioyt) qu'il fist semblant de cōiurer contre luy. Or ces deux personnages finirēt mal, par ce que l'un osta le courage aux accusateurs, & le donna à qui vouldroit coniurer, l'autre fit l'ouuerture de sa mort: voyre fut chef de la coniuration contre soy mesme, cōme l'experience monstra. Car *Callipus* (ayant le moyen de pratiquer cōtre *Dion* sans respect) tant pratiqua, qu'il luy osta l'estat, & la vie.

Le Duc  
d'Athe-  
nes. Gu-  
glielmo  
de Pazzi.

Dyon Si-  
racusan.

D'ou



# D'ou vient qu'entre les muta-

tions de liberté en seruitude, & de seruitude en liberté, aucunes se font sans effusion de sang, les autres y font toutes baignées.

## Chapitre VII.



Velqu'un, peult estre, fera en doute d'ou procede que de plusieurs mutations qui se font de la vie libre en la tyrannique, & au contraire, es vnes le sang est espandu, es autres non. Car (comme l'on cõprend par les histoires) aucunes fois en tel changement a esté faite cruelle boucherie, aucunes fois n'y a esté offensé ny outragé personne. Comme en la mutation que fit Rome des Roys aux Consulz, en laquelle ne furent chassés que les Tarquins, sans qu'aucun autre y fust offensé. Ce qui depend de ce point, que l'estat qui est changé, l'est par violence, ou non. Et si la violence y a lieu, elle ne peult estre sans que plusieurs y soient outragez. Et puy à sa ruine est necessaire que les offensez se vueillent venger: & de ce desir de vengeance sourd l'effusion de sang & la tuerie. Mais quand cest estat est mis sus par cõmun consentement d'un peuple qui l'a fait grand, il n'a pas cause apres quand il vient en ruine d'en mal traiter autre que le chef. Et de ceste sorte fut l'estat de Rome & le bannissement des Tarquins, & à Florence l'estat des Medici, & en leur ruine l'an mil cccc.xciii. ne furent offensez autres qu'eux. Ainsi ne sont telles mutations fort dangereuses: mais bien celles qui sont faites par gens qui ont à soy venger, lesquelles (pour le moins) estonnent fort, & esbranlent ceux qui les eslisent. Dequoy ie ne tiendray plus long propos, estans les histoires toutes pleines de telz exemples.

# Qui veult alterer vne Repu-

blique, doit considerer son subiet.

## Chapitre

## VIII.

N iii

Il a esté



La esté dessus discouru comme vn mauuais Citoyen ne peult mal faire en vne Republique qui n'est point corrompue . Laquelle conclusion se fortifie (outré les raisons qui à lors furent deduites) par l'exemple de *Spurius Cassius*, & de *Manlius Capitolinus*. Ce *Spurius* hôme ambitieux voulant gagner autorité extraordinaire à Rome, & pratiquer la commune en sa faueur par plaisirs & biésfaiz, comme de luy vendre les terres que les Romains auoient tollu aux Herniques, ceste fiene ambition fut descouuerte par les peres, & tirée à tel soupçon, que luy parlant au peuple & offrant luy donner les deniers qui estoient fortiz des grains que le publicq' auoit fait venir de Sicile, les refusa du tout, luy estant auis que *Spurius* leur voufist nombrer le pris de leur liberté: mais si le peuple eust esté corrompu il n'eust refusé cest argent, ains luy eust ouuert la voye à la tyrannie qu'il luy ferma, *Manlius Capitolinus* donne de cecy encores plus grand exemple, par lequel on void quelle vertu de cuer & de corps, & quantes bonnes œuures faites en faueur de la patrie effacent apres vn ord apetit de regner; lequel sourdit en luy (comme l'on void) par enuie qu'il auoit des honneurs faitz à *Camille*, & tomba en tel auéglement d'esprit, que, sans penser à la forme de viure de la Cité, sans examiner son subiet, qui n'estoit encores capable de mauuaise façon, se mit à faire tumultes à Rome contre le Senat & contre les loix. En quoy l'on cognoist la perfection de ceste cité & la bôté de sa matiere: veu qu'en la ruine de *Manlius* nul de toute la noblesse (combien qu'ilz fussent tresapres defenseurs les vns des autres) luy presta faueur, nul de ses parés fit aucune entreprise pour luy: & au lieu qu'ilz auoient acoustumé de comparoir avecques les autres accusez, mal en ordre, vestuz de noir, tous tristes, pour capter misericorde, l'on n'en vid pas vn à lors avec *Manlius*. Les Tribuns de la commune, qui souloient tousiours fauoriser ce qui leur sembloit tourner à l'auantage du peuple, & d'autant plus estoit contre les nobles, tant plus le poufsoient en auant. En ce cas se ioignoient avecques eux pour opprimer vne peste commune. Le peuple de Rome trescouuoiteux de son propre profit & amateur de ce qui venoit cōtre la noblesse, encores qu'il fist à *Manlius* plusieurs faueurs, neantmoins quand les Tribuns l'aiournerent, & remirent sa cause au iugement du peuple, le peuple deueni iuge de defendeur qu'il estoit, sans autre respect

le condan-

le condanna à mort. Je ne croy pas qu'il y ayt en ceste histoire exemple plus conuenable que cestuy cy à monstrier la bonté de tous les ordres de ceste Republique: consideré que nul de la Cité s'esmeut à la defense d'un Citoyen plein de toute vertu, & qui en public & en priué auoit fait tant d'œuvres louables. Car en eux eut plus de pouuoir l'amour de la patrie, que nul autre regard, & trop plus considererent le danger present qui de luy dependoit, que les merites passez, tellement que par sa mort ilz s'en deliurerent, duquel Tite Liue dit:

*Hunc exitum habuit vir, nisi in libera ciuitate natus esset, memorabilis.*  
Telle fin eut ce personnage, s'il n'eust esté né en ville de liberté, digne de memoire.

En quoy sont deux choses à considerer: l'une, que la gloire se doit chercher en vne cité corrompue par autres moyens, qu'en vne qui vit encores sous pollice: l'autre (qui reuiet quasi en la premiere) que les hommes en leur maniere de proceder, & encores plus es actions grandes doiuent considerer le temps, & s'y accomoder, & ceux qui par mauuaise election, ou par inclinacion naturelle ne s'accordent avecques le temps, le plus souuent viuent malheureux, & leurs faitz ne viennent à bonne fin. Au contraire ceux qui s'y accordent ont fortune fauorable, & sans doute. Par les parolles de l'Historien dessus alleguées se peult conclure, que si *Manlius* eust esté né du temps de *Marius*, ou de *Silla*, que la matiere estoit desia corrompue, & auquel il eust peult imprimer la forme de son ambition, il eust eu mesme suyte & succés que *Marius* & *Silla*, & que les autres qui apres eux tascherent & tendirent à la tyrannie. Pareillement si ces deux personnages eussent esté du temps de *Manlius* ilz eussent esté oprimez des leurs premieres entreprifes: car vn homme peult bien commencer à corrompre le peuple d'une Cité par ces moyens faux & illicites: mais il est impossible que la vie d'un seul fuisse à la corrompre, en sorte que luy mesme en puisse cueillir le fruit. Et quand possible seroit que par longueur de temps il le fist, il seroit impossible quand à la maniere de proceder des hommes, qui sont impatiens, & ne peuent longuement differer leur passion. Apres ilz s'abusent en leurs choses propres, mesmement en celles qu'ilz desirent plus: tellement que par faute de patience, ou par tel abus, ilz entreroient en quelque entreprise contre le temps & finiroient mal. Pour ce est besoin à qui veult vsurper autorité en vne Republique.

## DISCOVRS DE NIC. MACCHIA

& y mettre quelque forme mauuaife, trouuer la matiere desia desordonné par le temps, qui peu à peu & de generation en generation ayt esté conduite en ce desordre, laquelle s'y conduit par necessité quand elle n'est (comme dessus a esté discouru) rafraischie souuent de bõne exemples, ou par loix nouuelles retirée vers ses principes. C'eust esté donques vn personnage rare & memorable que *Manlius*, s'il eust esté né en vne cité corrompue. Poutant doyuent les Citoyens, qui font es Republicques quelque entreprise en faueur de la liberté, ou de la tyrannie, considerer le subiet qu'ilz ont, & par iceluy iuger la difficulté de leurs entreprises: Car autant est difficile & perilleux de vouloir faire vn peuple libre qui vueille viure en seruitude, que d'en vouloir faire vn serf qui vueille viure en liberté. Or par ce que dessus a esté dit, que nous deuons en noz faitz considerer la qualité du temps, nous en traiterons au long au chapitre ensuyuant.

# Comme il conuient varier a-

uecques le temps, qui veult entretenir tousiours sa  
bonne Fortune.

Chapitre

IX.



Froideur  
de Fabius  
Maximus.

Ouuentesfoys ay consideré que la cause de la bõne & mauuaife fortune des hommes gist en ce que les moyens de proceder se rencontrent auecques le temps. Car on void que partie des hommes y procedent d'impetuosité, les autres y vont auecques respect & consideracion. Et parce qu'en l'vn & l'autre de ces moyens l'on passe borne par faute de sçauoir tenir le vray chemin, de là viennent noz erreurs: mais celuy tombe en moins d'inconueniens, & a plus la Fortune fauorable, duquel (comme i'ay dit) la maniere de faire se rencontre & trouue conforme au temps, & tousiours se procede selon que nature te force. Chacun sçait comme *Fabius Maximus* cõduysoit son armée auecques respect & discretion, tout au contraire de l'audace & chaleur Romaine & son

son auanture voulut que ce moyen rencontraft avecques le temps. Car estant venu en Italie Hannibal ieune en prosperité recente, qui desia auoit deux foys rompu le peuple Romain, estant lors ceste Republique du tout denuée de bons Soldatz & fort estónée, mieux ne luy pouuoit auenir que d'auoir vn Capitaine, qui par sa tardité & froydeur tint son ennemy aux aboys. Aussi ne pouuoit Fabius trouuer temps plus conuenable à sa maniere deffaire, ce qui fut cause de sa grande gloire. Or que Fabius en vst ainsi par Nature, non par election, on le void à ce, que quand Scipion voulut passer en Afrique pour mettre fin à ceste guerre, il le contredit, comme celuy qui ne pouuoit sortir de son naturel, tellement que s'ilz se fussent arrestez à son opinion Hannibal eust plus long temps esté en Italie: & ne considerant pas qu'avecques le changement du tēps falloit chāger l'usage de la guerre. Et si Fabius eust esté Roy de Rome il estoit pour tout perdre, à cause qu'il n'eust sceu varier sa façó de proceder quād & la variation du temps. Mais estat né en Republique ou y auoit plusieurs Cytoyés & diuerses humeurs, cōme elle eut Fabius au tēps qui luy fut cōuenable pour soustenir la guerre, aussi elle eut de puys Scipiō en tēps propre pouremporter la victoire. De quoy auiet qu'une Republique est de plus lōgue vie & entretiēt plus lōguemēt sa bōne fortune, que ne fait vn Royaume, d'autant qu'elle se peut mieux cōmoder à la diuersité des temps avecques la diuersité de ses Citoyés, que ne peut faire vn Prince. Par ce qu'une persōne acoustumée à vne maniere de proceder ne se chāge iamais (cōme a esté dit) & conuient par necessité qu'il tōbe en ruine avecques le temps non conforme à sa maniere. Pierre Soderin, duquel a esté fait mention cy dessus, procedoit en toutes choses avecques humanité & patience, aussi il prospera & sa patrie tandis qu'il eut le temps à son vsage: mais quand il en vint vn autre, auquel l'humilité n'auoit plus de lieu, il ne sceut rompre sa coustume, & allerent luy & sa patrie en ruyne. Le Pape Iule ii. proceda tout le temps de sa Papauté par furie & ardeur, & par ce que la saison estoit de mesme toutes ses entrepises luy succederent. Et au cas qu'autre fust suruenue, qui eust requis conseil diuers, c'estoit fait de luy: car iamais il n'eust chāgé sa maniere & ordre de se goueraer. Or y a deux causes qui nous gardent de pouuoir muer nostre vsage: l'vne, que ne pouuons resister à nostre inclination naturelle: l'autre, qu'un homme ayant prospere par vn moyen n'est possible de luy persuader qu'il peüst bien

Pierre Soderin  
human.

Fureur du  
Pape Iule.

bien faire en procedans autrement. Dont auient que la rouë de Fortune nous tourne, par ce qu'elle tourne avec le temps, & nous ne changeons pas noz façons de faire. Outre, de la naist la ruyne d'une cité, d'autant que l'ordre des Republicques ne varie avecques le temps (comme cy dessus auons amplement discouru) car elles sont tardiues & pesantes à faire varier, & faut qu'il vienne vn temps qui l'esmeue toute, à quoy ne suffiroit le changement des façons d'une seule personne. Or pource qu'auons icy fait mention de Fabius, qui tint Hannibal aux aboys, ie veux discourir au prochain chapitre s'il est possible d'empescher la batille à vostre ennemy qui la vous veult donner, quoy qu'il en auienne.

## Que le Capitaine ne peult eui- ter la bataille quand son ennemy bon gré mal gré la luy veult liurer.

Chapitre

X.

Tite Liue

Cn. Sulpi-  
tius.

*Cneus Sulpitius Dictator aduersus Gallos bellum trahebat, nolens se fortunæ committere aduersus hostem, quem tempus deteriore in dies & locus alienus faceret.*

Cneus Sulpitius Dictateur temporisoit contre les François, ne se voulant exposer à la Fortune contre vn ennemy, que de iour en iour l'incommodité du temps & du lieu combatoient pour luy.

Quand vne faute est telle que tous les humains ou la pluspart y sont trompez, ie ne trouue pas mauuais de la toucher souuent pour la reprobuer & blasmer. Partant encores que i'ay cy dessus déclaré plusieurs foys combien noz actions es choses grâdes sont diformes & diferentes de celles du temps passé, il me semble superflu d'en faire à present ceste recharge. Car si en aucune partie nous sommes distraiz des ordres antiques, ce doit estre principalement es actions militaires, esquelles il n'est maintenant riengardé de tout ce que les anciens ont le plus estimé. C'est inconu enient est né de ce  
que

que les Republiques & les Princes, ont donné ceste charge à autres & pour s'exempter des dangers se font tenuz loing des armes: Et s'il auient que quelque Roy vne foys y aille en personne, l'on ne doit croire qu'il y donne meilleur ordre, & meritant plus de louange. Par ce que quand ilz mettent armée aux champs, ou ilz se trouuent, ilz ne le font que pour pompe, non pour autre cause louable. Toutesfois ilz commettent trop moins de fautes reuoyans eux mesmes leurs armées, & y tenans presens le titre d'Empire, que ne font les Republiques, mesmement Italiennes, lesquelles se confians en aurruy, n'entendent rien de tout ce qui concerne le fait de la guerre. Et d'autrepart voulans en deliberer pour se monstrer estre leur Prince, en telles deliberations font mil erreurs. Or combien que de quelqu'un i'ay discouru en autre lieu, si est ce que i'en veux mettre en auant vn de grande importance. Quand ces Princes oyfifz ou Republiques effeminées enuoyent vn Capitaine dehors, la plus sage commissiõ qu'il leur semble luy donner, est de luy defendre la bataille en quelque maniere que ce soit, pensans en ce cas imiter la prudence de *Fabius Maximus*, lequel en differant le combat sauua l'estat de Romains: & n'entendent pas que le plus souuent ceste commissiõ est nulle, ou dommageable. Car il fault prendre ceste resolution, qu'il n'y a Capitaine tenât la campagne, qui se peust exempter de la bataille toutesfois & quantes son ennemy voudra venir, quoy qu'il en auienne. Tellement que ceste commissiõ est vault autant que qui leur commanderait faire la iournée à la poste de son ennemy, non à la sienne. Car à vouloir tenir la campagne, sans accepter la bataille, n'y a autre remede, que de camper cinquante mille loing de l'ennemy & auoir bonnes espies pour estre auerty de desloger quand il voudra marcher contre toy. L'autre party seroit de s'enclorre en vne ville: mais l'vn & l'autre portent trop de dommage. Au premier on habandonne son pais au pillage de l'ennemy, & tout Prince de valeur auroit trop plus cher tenter la fortune d'vne iournée, que tant prolonger la guerre avecques si grande perte de ses subietz. Au second party le danger est euidẽt, par ce que te regeant en vne ville avecques ton armée tu viens à estre assiegé, & en peu de temps es affligé de famine, qui te contraint de te rendre, tellement qu'il est tresdangereux d'euiter la bataille par ces deux voyes. Le moyen que tint *Fabius Maximus* d'estre tousiours en lieux auantageux est bon quand tu as armée si vertueuse, que l'en-

Remede  
pour euiter la bataille.

*Fabius Maximus* tem  
poriseur.

que l'ennemy n'ayt la hardiessé de te venir assaillir sur tes auantages. Et ne se peult dire que *Fabius* fust la iournée: mais qu'il la vouloit & cherchoit à son auantage. Car si Hannibal le fust allé trouver, il l'eust atendu & receu: mais Hannibal ne l'osa prendre à son point: en sorte qu'auant l'vn euita la bataille que l'autre: Mais au cas que l'vn d'eux l'eust voulu liurer en toutes sortes, l'autre n'auoit que l'vn des troys remedes: C'est à sçauoir les deux dessusditz, ou la fuyte. Que ce que ie dy soit vray, apert par mille exemples: mesmement en la guerre que les Romains eurent contre Philippe de Macedone pere de Perse, lequel se voyant assailly par eux delibera ne ioindre point, & pour s'en garder voulut premierement faire comme *Fabius Maximus* auoit fait en Italie. Si se campe sur la sommité d'vne montaigne, ou il se fortifia, iugeant que les Romains n'entreprendroient de l'y aller combatre. Ce que toutesfoys ilz firent & l'en chasserent tellemét, qu'il fut contraint de fuyr avecques la plus grande partie de ses gens. Et ce qui le sauua & preserua d'estre du tout consommé fut l'iniquité & difficulté du pais, qui empescha aux Romains la poursuyté. Or ne voulant Philippe venir aux mains, estant (comme i'ay dit) campé pres des Romains fut cōtraint de fuyr: puy ayant cogneu par ceste experience, que l'auantage des montaignes ne suffisoit à qui vouldroit euit le conflit, ne voulant toutesfoys s'enfermer en aucune place delibera choisir l'autre party, qui est de foy tenir fort loingtain du camp des ennemys: Tant que s'ilz estoient en vne contrée, il s'en alloit en l'autre, & tousiours d'ou ilz partoient il entroit. Mais voyant en fin qu'au lōg aller ses conditions empiroient tousiours, & que ses subietz estoient maintenant foulez & mangez par ses ennemys, maintenant par luy, se resolut d'en essayer le hazard, ce qu'il fit. Or est donques vtile s'elongner du combat quand ton armée a en elle les conditions de celle de *Fabius*, ou de celle qu'auoit *Cn. Sulpitius*. C'est à sçauoir quand elle est telle que l'ennemy ne l'oseroit iamais assaillir dedans son fort, & qu'il est en tes pais sans y auoir encores pris grand pied: dōt il pourroit tomber en necessité de viures. En ce cas le temporiser est tresbon par les raisons de *Tite Liue*.

*Nolens se fortunæ committere.*

Mais en tout autre cas la iournée ne se peult euit, sans ton deshonneur & danger: Car de fuyr (comme faisoit le Roy Philippe) est pareille honte, que s'il estoit deffait: voyre plus grande, d'au-

Philippe de  
Macedo-  
ne.

tant



tât qu'il a fait moindre preuve de sa vertu. Et s'il luy escheut de ce garantir par ce moyen, il n'en prédra pas ainsi à vn autre qui n'aura telle commodité de pais. Nul ne dira que Hannibal n'ayt esté maître & ouurier de guerre, lequel estant en Afrique contre Scipion, s'il eust senty auantage en ceste maniere de prolonger & temporiser, en eust vſé, & parauanture estant bon Capitaine avecques bonne armée, il l'eust peu faire comme *Fabius* en Italie : mais puys qu'il ne le fit est à croire, que quelque raison ou importance l'en destourna. Car le Prince qui tiét vne armée assemblée, s'il void que par faute d'argent ou d'amys il ne la puisse tenir longuement, il est du tout desconfit, s'il ne tente la fortune auant que son camp se rompe : car plus il atend plus est certain de perdre, & au tenter il pourroit vaincre. Vn autre point y a, qui est encores à estimer, c'est que l'on doit tousiours (voyre aussi en perdant) tendre à gloire aquerir, laquelle est plus grande en celuy qui a esté vaincu par force, qu'à qui a perdu par autre inconuenient. Parquoy falloit qu'Hannibal fust contraint de quelques necessitez semblables. Et d'autre costé quand Hannibal eust differé la bataille, & que Scipion n'eust eu le cueur de l'aller trouuer en fort, il ne se mettoit pourtant en necessité, au moyen de Siphax, que desia il auoit vaincu, & de tant de places conquises en Afrique, qui luy donnoient autant de commodité & seureté qu'il eust peu auoir en Italie. Ce que n'auoit pas Hannibal quand il estoit contre *Fabius*, ne les François pareillement, qui auoient a faire à *Sulpitius*. D'autant moins peult fuyr la iournée celuy qui à main forte entre es pais d'autruy : parce qu'il luy est force, si son ennemy luy vient au deuant de s'atacher à luy : & si le siege deuant quelque place encores se rend plus subiet à la bataille, comme de nostre temps auint au Duc Charles de Bourgogne, lequel estât campé deuant Moratte (place qui est aux Suysses) fut par eux assailly & defait. Et comme il en prit aux François, qui assiegerent Noare, & y furent ainsi traitez par les Suysses.

Hannibal

Le Duc  
Charles de  
Bourgogne.

O

Qui à

# Qui a affaire à plusieurs com-

bien qu'il ne soit le plus fort, toutesfoys, s'il peut soutenir les premiers efors, peut emporter la victoire.

Chapitre

XI.

**L**E pouuoir des Tribuns de la commune fut grand en la cité de Rome, & si fut necessaire côme nous auons souuenteffoys disc ouru : Par ce qu'autrement eust esté impossible de tenir sous bride l'ambition de la noblesse, laquelle eust corrompu celle Republique long temps deuant qu'elle l'ayt esté. Neantmoins partant qu'en toutes choses (comme autresfoys a esté dit) est caché quelque mal propre & peculier, qui cause maints accidés nouveaux, aussi est il necessaire d'y prouuoir par nouvelles ordonnances. Estant donques l'autorité des Tribuns deuenue trop insolente & fort à craindre à la noblesse, & à Rome toute, en fust auenu quelque inconuenient dangereux pour la liberté Romaine, si le moyen n'eust esté monstré par *Apus Claudius*, par lequel ilz se deuoient defendre & resister à l'ambition des Tribuns. Qui fut tel qu'ilz trouuerent tousiours quelqu'un d'entre eux, ou craintif, ou corruptible, ou zelateur du bien commun, lequel ilz dressoient à s'oposer à la volonté de ceux qui tédoient à quelque deliberacion contraire à l'opinion du Senat. Lequel remede fut vn grand frein & temperament contre celle grande autorité & long temps seruit bien à Rome. Ce qui m'a fait considerer, que toutesfoys & quantes plusieurs Seigneurs sont vniz & alliez contre vn, combien que leur force assemblée passe trop la sienne, neantmoins y a plus d'esperance en luy seul qu'en tous les autres, voyre plus puissans. Car (mises arriere toutes les choses esquelles vn seul vault mieux que plusieurs qui sont infinies) tousiours auindra qu'il pourra en vsant d'un peu d'industrie, les separer & desioindre, & ainsi affoyblir ce corps fort & puissant. Je ne m'arrestera icy à deduire les exemples antiques, dont on fourniroit grand nombre : les recens sufiront auenez de  
nostre

nostre temps. l'an mil cccc. lxxxiiii. toute l'Italie coniura contre les Venitiens, lesquelz voyans qu'ilz estoient du tout perdus, & que plus ne pouuoient tenir la campagne, corrompirent le Seigneur Ludouic, qui gouernoit à Milan, & par ceste corruption firent vn acord avec luy, par lequel ilz recouurerent non seulement les places par eux perdues : mais vsurperent partie de l'estat de Ferrare. Ainsi ceux qui perdirent en guerre gagnerent le plus en la paix. N'a pas long temps tout le monde conspira contre la France, neantmoins auât la fin de la guerre, Espagne se departit de la cõfederaciõ & vint à apointement, si bien que tous les autres confederez furent aussi contrains y condescendre. Tellement que sans doute l'on doit tousiours faire iugement qu'ad on void vne guerre de plusieurs contre vn, que le seul aura l'auantage, s'il a seulement en luy tant de vertu de pouuoir soustenir les premiers efors, & temporisant attendre le temps : autrement il encourroit mille dangers comme il en prit aux Venitiens au viii. Mais s'ilz eussent peu téporiser cõtre les François, & eu le temps de gagner quelque vn de ceste alliance, ilz eussent euité celle ruine : mais n'ayans armes assez vertueuses pour temporiser avec leurs ennemys, qui leur donnerent loysir de pratiquer aucun des confederez, ce fut ce qui les ruyna. Car on void bien que le Pape, si tost qu'il eut le sien, se declara leur amy : aussi fit l'Espagne, & l'vn & l'autre Prince leur eust volontiers sauué & gardé l'estat de Lombardie à leur pouuoir, de paour de laisser trop croistre le François en Italie. Ilz pouuoient donques bien à lors les Venitiens quiter vne part pour sauuer le reste. Ce que s'ilz eussent fait en temps qu'il n'eust point semblé fait par necessité, & auât le mouuement de la guerre c'eust esté party tressage. Mais sur le fait de la guerre il leur tournoit à deshonneur, & peult estre à peu de profit: Mais auant le coup peu des cisoyens de Venise oyoient le peril imminent, beaucoup moins entendoient le remede, & nul n'en eust sceu donner le conseil. Pour donques retourner au commencement de ce discours, ie conclu, que comme le Senat Romain trouua remede au salut de la patrie contre l'ambition des Tribuns, par le moyen du nombre, ainsi l'aura tout Prince assailly de plusieurs, s'il a en luy la prudence d'vsur de moyens conuenables pour les separer & diuiser.

Venitiens  
seulz con  
tre plu-  
sieurs,

François  
seulz con  
tre plu-  
sieurs.

Comme le Capitaine prudent

doit imposer aux siens toute nécessité de combattre,  
& l'oster à ses ennemys

Chapitre

XII



La vertu  
de neces-  
sité,

Vtresfoys auons discoursu combien nécessité est utile es actions humaines, & à quelle gloire elle les a conduites, & cōme par aucuns Philosophes a esté escrit, que les mains & la langue des hommes (les deux plus excellens instrumens à l'ennoblir) n'eussent iamais fait œuures si parfaites, ne rendues en telle hautesse qu'elles sont, si nécessité ne les eust poussées. La vertu de laquelle estât cogneuë par les Capitaines antiques & de combien deuenoient par elle les soldatz plus obstinez au combat, mettoient toute peine de les renger à ceste contrainte. Aussi d'autre part employoient leur industrie à en deliurer leurs ennemys, leur ouurans souuentesfoys le passage qu'ilz leur pouuoient clorre, & fermans à leurs gens la voye qui leur estoit ouuerte. Qui donques desire qu'une ville se defende iusquès à l'extremité, ou qu'une armée combatte en pareille obstinacion, sur tout doit tacher à faire entrer en leur cerueau ceste nécessité. Parquoy le Capitaine prudent, qui va donner l'affault à vne ville, doit mesurer la facilité, ou difficulté, de la prendre, par la cognoissance & consideration de la nécessité, qui contraint les habitans de soy defendre. Et s'il en treuve beaucoup en eux, la peult iuger de difficile, autrement de facile prise. D'ou procede que les places, apres la rebellion, sont plus fortes à reprendre qu'elles n'auoient esté en leur premiere conqueste: par ce qu'au commencement, n'ayant cause de craindre mal traitement, ou il n'y auoit offense, se rendent facilement: mais depuys qu'ilz se sont reuoltez, cognoissans auoir offensé, dōt ilz craignent la punition, deuiennēt trop plus difficiles à emporter, Encores procede ceste obstinacion de la hayne naturelle, qui est entre Princes voyfins & Republicques, qui naist entre eux d'ambition de vouloir dominer & de ialousie de leur estat. Mesmement si ce sont Republicques, comme il auient en Toscanne: laquelle

quelle contention a rendu & rendra tousiours difficile l'expugnacion de l'une à l'autre. Partant qui bien considerera les voyfins de la cité de Florence & ceux de Venise, ne s'esmerueillera tant que font beaucoup de gens pourquoy Florence à plus despendu en la guerre & moins conquis que Venise, par ce que la cause est que les Venitiens n'ont eu les places limitrophes si obstinées en leurs defense que Florence a eu, d'autant que toutes les citez prochaines de Venise estoient acoustumées à viure sous les Princes, & non en liberté, & ceux qui sont norriz en ceste seruitude souuent estiment peu de changer de maistre, voyre le desirent souuent. En sorte que combien que Venise ayt eu à faire à voyfins plus puiffans que n'a eü à Florence, toutesfoys ne les rencontrañt si obstinez a eu plus grand moyen de les vaincre, que celle qui estoit ceinte & enuironnée de toutes citez libres. Donques doit le Capitaine (pour retourner au premier discours) quand il assiege vne place vser de toute diligence à tollir aux defendeurs ceste necessité, & consequemment telle obstinacion, leur promettant grace & pardon, s'il void qu'ilz ayent paour de punition: S'ilz craignoient perdre leur liberté, leur monstrier sa volonté n'estre contraire au bien commun: mais seulement a l'ambition d'aucuns de la cité, ce qui a souuent fort auancé les entreprises & prises de places. Et combien que telles couleurs soiēt facilement cogneuës, mesmement par gens prudens, si est ce que souuent les peuples en font deceuz & abusez, lesquelz, du desir qu'ilz ont de la paix presente, cloyent les yeux à tous autres lacqs, qui sous larges promesses leur sont tenduz. Et par ce moyen infinies citez sont tóbées en seruitude, comme Florence depuys peude temps en çà. Et comme il auint a *Crasus* & à son armée, lequel combien cogneust les fauces promesses des Parthes, lesquelles ne tendoient qu'à oster à ses soldatz la necessité de foy defendre: neantmoins ne luy fut possible les tenir en obstinacion, tant furent aueuglez de l'offre de paix, que les ennemys leur firent, comme l'on void particulierement en sa vie. Pourtant ie dy que les Samnites, ayans contre les conuenances de l'acord par l'ambition d'aucuns couru & pillé les terres des confederez des Romains, & depuys ayans enuoyé leurs Embassadeurs à Rome requerir la paix, offrans rendre & restituer le pillage, & liurer les auteurs de ce tumulte en leurs prisons, furent renuoyez esconditz par les Romains & retournerent à Samnie sans esperance d'acord. Alors *Claudius Pontius* chef de l'armée des

Samnites remōstra cōme les Romains ne demandoiēt que la guerre à eux par quelque moyen que ce fust. Et combien que quāt à eux ilz desirassent la paix, necessitē leur faisoit prédre les armes, disant: *Iustum est bellum, quibus necessarium, & pia arma, quibus nisi in armis spes est.*

La guerre est iuste à qui elle est necessaire, & sont les armes equitables à qui n'a autre espoir qu'es armes.

Et sur ceste necessitē fonda avecques ses gens l'esperance de la victoire. Or pour ne rebatre plus ceste matiere vous allegueray les exemples Romains, qui m'en semblent plus dignes de memoire. *Caius Manilius* estoit campé contre les Vegens, desquelz partie entrerent dedans son camp, *Manilius* avec vne de ses bandes acourut au secours, & pour empescher les Vegens de soy fauuer mit gens en toutes les forties de son camp. Quoy voyans les Vegens commencerent à cōbatre de telle rage, qu'ilz tuerent *Manilius*, & autant en eussent fait du reste des Romains, si par la prudence d'un Tribun le chemin ne leur eust esté ouuert pour soy retirer. En quoy l'on void que tandis que necessitē contraignit les Vegens, ilz combatirent furiusement: la voye ouuerte penserent de la fuyte, non du conflit. Les Volsces entrez avecques les Eques dedans les frontieres des Romains, les Consulz furent enuoyez à l'encontre, ou auint que l'armée des Volsces, au trauail & mouuement de la bataille se trouua enclose entre l'armée Romaine, & leur camp gagné aussi par les Romains: ce que voyant leur Capitaine, & qu'il leur falloit mourir là, ou soy faire passage à l'espée dist à ses gens:

Mort de  
Manilius.

Tite Liue

*Ite mecum, non murus, nec vallum, armati armatis obstant: virtute pares (quæ vltimum ac maximum telum est) necessitate superiores estis.*

Suyuez moy, il n'y a mur ne rempart, armes tiennent fort contre armes: vous les paragonnez en vertu, & (qui est le plus grand dard & extreme) vous auez sur eux l'auantage de necessitē.

Ainsi est ceste necessitē apellée par Tite Liue l'extreme & le plus grand dard. Camille le plus sage de tous les Capitaines Romains, estat desia dedans la ville de Veges avecques son armée, pour auancer le pillage d'icelle & tollir aux ennemys la derniere necessitē de soy defendre, cōmanda en forte que les Vegens l'entendirent, que nul ne touchast à qui seroit sans armes. Tellement que chacun mit ius les siennes, & fut la ville prise quasi sans effusion de sang: Lequel moyen fut depuis obserué & ensuyuy par plusieurs Capitaines.

Auquel

# Auquel y a plus de fiãce, en vn

bon chef ayant mauuaïse armée, ou en vñe bonne armée ayant vn mauuais chef.

Chapitre

XIII.



**S**tant *Coriolanus* banny de Rome, se retira vers les Volscs; là ou leua vne armée pour soy venger de ses Citoyens, marcha iusques à Rome, dont le destourna plus la pitié & affection maternelle, que la force Romaine. Auquel lieu dit Tite Liue, qu'en ce cas aparut que la Republique de Rome s'augmenta plus par la vertu de ses Capitaines, que de ses Soldatz, consideré que les Volscs, qui parauant auoient esté vaincuz, deuindrent depuys vaincueurs quand ilz eurent *Coriolanus* pour leur chef. Or combien que Tite Liue tienne ceste opinion, si est ce qu'on void en maints lieux de son histoire, que la vertu des Soldatz, sans Capitaine, a fait merueilleuses armes: voire qu'ilz ont mieux tenu leurs reings & monsté plus de prouësse apres la mort de leurs Consulz, que deuant. Comme il auint en l'armée, que les Romains auoient en espagne sous les Scipions, laquelle, ses deux cheffz perduz, eut en elle la vertu non seulement de soy sauuer; mais de vaincre son enemy, & garder & maintenir celle prouince pour la Republique Romaine. Tellement que qui voudra bien discourir, trouuera assez d'exéples de iournés vaincues par la vertu des Soldatz, & assez d'autres ou la vaillâce des Capitaines a esté de pareil effait: en forte que lon peult bien iuger que l'vn a affaire de l'autre. En quoy vient premier en consideration lequel est plus à redouter, ou vne bonne armée mal cõduite, ou vn bon Capitaine mal acompagné. Et ensuyuant l'opinion de Cesar peu sont à estimer l'vn & l'autre. Comme Cesar il declara marchant en Espagne contre *Afranius* & *Petreius*, disant:

*Quia ibat ad exercitum sine duce.*

Qu'il alloit contre vne armée sans chef.

Au contraire quand il alla en Tessalie contre Pompée dit:

*Vado adducem sine exercitu.*

Je m'en voyz contre vn chef sans armée.

E'on peult icy considerer vn autre point, lequel est plus facile à vn bon Capitaine dresser vne bonne armée, ou à vne bonne armée faire vn bon Capitaine. Surquoy ie dy, que ceste question semble decise: parce que plus aysément plusieurs voustrouueront & instruiront vn seul pour le rendre tel, qu'vn seul ne feroit plusieurs. *Lucullus* quand il fut enuoyé contre *Mitridates* il n'estoit aucunement aguerri, mais celle bonne armée, ou tant y auoit de bons chefs de bandes, le rendirent en peu de temps bon Capitaine. Les Romains enrolerent leurs serfz par faute d'autres, & les baillerent à exercer à *Sempronius Graccus*, qui en fit vne bonne armée. *Pelopidas* & *Epaminondas* (comme auons dit en autre lieu) apres qu'ilz eurent deliuré *Thebes* leur Cité de la seruitude de *Sparte*, en peu de temps si bien les dresserent, que non seulement ilz soustindrent les *Spartains*, mais furent vaincueurs: tellement que la chose est pareille, d'autant que l'vn bon peult trouuer l'autre. Toutesfois vne bonne armée, sans bon Capitaine, volontiers deuient rebelle & malaysée à manier, comme il auint de celle de *Macedone* apres la mort d'*Alexandre*, & comme furent les vieilles bandes es guerres ciuiles. Qui me fait croire qu'on doie plus auoir de confiance en vn Capitaine, qui ayt le temps & commodité de dresser & armer ses gens, qu'en vne armée insolente avecques vn chef tumultuaire pris & fait par elle mesme. Ce qui est cause de donner double louange aux Capitaines, qui n'ont pas eu seulement à vaincre leur ennemy, ains, premier que s'en ayder & venir aux mains, ont eu la peine de le faire & instruire: Car en ce aparoist double vertu, voire si rare, que si telle charge suruenoit à plusieurs personnes, beaucoup moins seroient estimez qu'ilz ne sont.

*Lucullus.*

*Sempronius Graccus.*

## De quel effait sont les inuen-

tions nouvelles, qui aparoissent sur le fort de la bataille, & les voix nouvelles qui s'y entendent. :

Chapitre

XIIII.

De quel-





**D**E quelle importance est vn accident nouveau auenant en la bataille par chose nouvelle, qui se voye, ou entende, se montre en plusieurs endroits, mesmemét par l'exemple occurrent en la journée qui fut entre les Romains & les Volsces, en laquelle voyant *Quintius* que l'vne de ses cornes alloit à vau de route, cōmença à leur escrier à voix forte, qu'ilz tiussent bon & ne perdissent terre: parce que leur autre corne estoit victorieuse. Par ceste parolle il remit tellement le cueur à ses gens & espouuenta ses ennemys, qu'il emporta la victoire. Or si telles voix sont de si grand effait en vne armée bien ordōnée, en vne qui le feroit mal & tumultuaire il est tresgrand, comme en celles qui sont du tout esmeuës & agitées de semblable vent. Dequoy vous veulx donner vn exemple notable auenu en nostre temps: La Cité de Peruse estoit n'a pas long temps diuisée en deux parties, l'vne des Oddes, l'autre des Baillons, dont ceux cy regnoient, les premiers estoient en exil: lesquelz ayans par le moyen de leurs amys assemblé quelque armée, & conduite en vne de leurs places prochaine à la Cité, par la faueur de leur partié, de nuit entrerēt dedans, & sans estre descouuertz venoient à prendre la grand' place. Or pource que ceste ville a des chaisnes par tous ses carrefours, ilz la tiēnent barrée. Les Oddesques auoient vn qui marchoit deuant eux avecques vne masse de fer pour les rompre, à fin de donner passage aux cheuaux: & estans arrestez à rompre celle qui fermoit la grande place, alors que le bruit estoit leué à larme, celuy qui rompoit fut si ferré de la foule du peuple y acourant, qu'il ne pouuoit haucer le bras pour dōner coup ne soy manier. A ceste cause luy fut crié: Retire, arriere, arriere. Laquelle voix passant de degré en degré arriere arriere, commença à faire fuyr les derniers, & de main en main les autres, avecques telle furie, qu'ilz se rompirent d'euxmesmes. Ainsi demeura vain le dessein des Oddes par vn si debile accident. En quoy est à considerer, que l'ordonnance d'vn ost n'est pas seulement necessaire pour combatre en bon ordre, mais aussi de paour que le moindre accident suruenant ne le mette en desordre. Qui est la cause pourquoy vne multitude populaire est inutile à la guerre, parce que tout bruit, toute voix, tout mouuement l'estonne, l'altere, & met en fuyte. Pource doit le bon Capitaine ordonner, entre autres choses, qui seront ceux qui deüront receuoir sa parolle & la passer

Inconuenient d'vne voix à Peruse.

## DISCOVRS DE NIC. MACCHIA.

la passer aux autres, & acoustumer les gens à ne croire qu'à leurs chefs, lesquelz ne portent parole que celle qui leur est commise. A' faute de ce faire maintesfoys sont auenuz maintz grás desordres.

Inconue-  
nient par  
chose veüe  
nouuelle.

Quât est de voir choses nouuelles, tout Capitaine se doit estudier à en faire quelqu'vne aparostre sur le point & chaleur de la messée, laquelle serue à croistre le courage des siens & amortir celuy de ses ennemys. Car entre autres accidens cestuy est de gráde efficace pour la victoire. Dequoy se peult alleguer en tesmoignage C. *Sulpitius* Dictateur Romain, lequel venant à la bataille contre les François, arma tous les pionniers & autre vile gent du camp, qu'il fit móter sur muletz & autres sommiers, avecques telles armes qu'il les fit sembler gens de cheual: les mit derriere vne montaigne avecques commandement de ne faillir à vn signal qui leur seroit donné sur le fort de l'estour, de se descouvrir & monstrer aux ennemys. Ce qu'estant executé comme il estoit ordonné, espouuenta tellement les François, qu'ilz perdirent la bataille. Pourtant doit le bon Capitaine faire deux choses: l'vne, d'auiser à troubler & estonner son ennemy par telles inuentions nouuelles: l'autre, d'estre pourueu de remede à les descouvrir quand son ennemy en vseroit, & à les luy rendre vaines, comme le Roy d'Inde fit à Semiramis, laquelle voyant ce Roy venir contre elle avecques grand nombre d'Elephans, pour l'espouenter & luy monstrer qu'elle en estoit garnie, en forma de cuyr de Bufles & de Vaches, qu'elle mit sur des Chameaux & fit marcher deuant: Cè que le Roy cognoissant tourna son inuention à son dommage. Estant *Mamercus* Dictateur cõtre les Fidenates, pour estonner les Romains auiserent faire sortir de la ville sur l'ardeur du conflit vn nombre de Soldatz portans du feu au bout de leurs lances, à fin que les Romains ocupez de ceste nouveauté rompissent leurs rengs. Surquoy est à noter, que quand telles inuentions ont plus du vray que du feint, alors se peuuent presenter aux hommes: Parce que sous grande couleur de brauerie la debilité n'est tant ay-sée à descouvrir. Mais quand elles tiennent plus de feint, ou il n'en faudroit vsfer, ou en vsant les tenir si loing, qu'elles ne puissent soudain estre descouuertes, comme fit C. *Sulpitius* de ses muletiers: Car quand la debilité y est à l'aprocher, incontinent aparost & te porte plus de dommage que de faueur, comme firent les Elephans à Semiramis, & aux Fidenates leurs feux. Lesquelz, combien qu'au commencement ilz troublaissent vn peu les Romains, si tost que le

Semira-  
mis.

Dicta-

Dictateur furuint qui leur escria, s'ilz n'auoient non plus de honte de fuyr la fumée que mouches à miel, qu'ilz retournassent visage, leur disant:

*Suis flāmis delete Fidenas, quas vestris beneficijs placare non potuistis.* Tite Liue  
Allez, bruslez la ville de Fidenes de son feu mesme, laquelle par voz biensfaitz n'avez sceu apaiser.

Par ce moyen tourna l'inuention des Fidenates contre eux & perdirent la bataille.

Qu'il n'en fault qu'un à commander à vne armée, & comme plusieurs y nuyent.

Chapitre XV.



Es Fidenates s'estans rebellez & ayans mis à mort la colonie que les Romains auoient enuoyée à Fidenes, les Romains, pour remedier à ce mouuement, créèrent quatre Tribuns de puissance Consulaire, desquelz l'un demeuré pour la garde de Rome, enuoyernt les troys contre les Fidenates &

les Vegens: Lesquelz, par faute de s'acorder & s'entendre ensemble, en r'aporterent deshonneur sans dommage: Car du deshonneur ilz furent cause: de se fauuer de perte, fut cause la vertu des Soldatz.

Parquoy les Romains, voyans ce desordre, curent recours à la creation d'un Dictateur, à fin qu'un seul remist en ordre ce que troys auoient desordonné. En quoy se cognoist le mal qui vient de commettre plusieurs à commander à vne armée, ou à vne ville, qui se doyuent defendre. Ce que Tite Liue n'eust sceu dire plus clairement, que par les paroles qui s'ensuyuent:

*Tres Tribuni potestate Consulari documento fuere quāplurium imperium bello inutile esset: tendendo ad sua quisqz consilia, cum alij aliud videretur, aperuerunt ad occasionem locum hosti.* Tite Liue.

Trois Tribuns de puissance Consulaire nous aprirent combien le commandement de plusieurs est dōmageable en la guerre: tendant chacun

## DISCOVRS DE NIC. MACCHIA.

chacun à ses conseilz & desseins, comme l'vn estoit d'vn auis, l'autre d'autre, à ceste occasion firent ouerture du lieu à leur ennemy.

Loys.xii.  
Roy de  
France.

Or combien que cest exemple fuffise à prouuer le desordre que font plusieurs commandemens en la guerre, ie vous en veux encores apporter vn autre & nouveau & ancien, pour plus grande declaration. L'an mil D. Apres que le Roy de France Loys xii. eut repris Milan, enuoya ses gens à Pise pour la rendre aux Florentins, ou furent enuoyez commissaires *Giouanbattista Ridolfi*, & *Luca d'Antonio de gli Albizzi*. Et pource que *Giouanbattista* estoit personne d'aage, & de reputation, *Luca* luy laissoit tout gouverner. Et s'il ne decouuroit son ambition en luy contredisant, il la mōstroit en se taisant, & en mesprisant & blasmat̄ tout ce qu'il faisoit: de sorte qu'il n'aydoit les actions du camp, ne par œures, ne par conseil, comme si c'eust esté vn homme de nul effait. Mais on vid depuys tout le contraire, quand certain accident qui suruint r'apella *Giouanbattista* à Floréce. Lors *Luca* demuré seul monstra bien le cueur, l'industrie, & le conseil qui estoit en luy. Lesquelles bonnes parties, tant qu'il eut compagnon, valoient autant que perdues. Ie vous veux alleguer en confirmation de cecy les paroles de Tite Liue, lequel racontant comme *Quintius* & *Agrippa* son collegue furent enuoyez par les Romains contre les Eques, dit, qu'*Agrippa* voulut que *Quintius* eust toute l'aministration de la guerre, disant:

Tite Liue *Saluberrimum in administratione magnarum rerum est summam imperij apud vnum esse.*

Il est tresvtile au maniment des grās affaires, que le pouuoir & autorité souueraine n'apartienne qu'à vn.

Ce qui est contraire à ce que font au iourd'huy noz Republicques & noz Princes, qui enuoyent plus d'vn Commissaire & plus d'vn chef, à fin que les choses soient mieux conduites: Mais il en vient vne confusion inestimable. Et qui rechercherait la cause de la ruine des armées Italiennes & Françoyfes auenes de nostre temps, trouuerait que ceste cy est la principale. Dont l'on peult vrayment conclure, que mieux vaudroit enuoyer vn homme seul en vne expedition & entreprise, qui ne seroit que de commune prudence, que deux tresvaillans ensemble avecques pareil pouuoir & autorité.

Que l'on

# Que l'on va chercher la vraye

vertu au temps des affaires, & en la prosperité sont en credit les plus riches & mieux aparentez, non pas les gens vertueux.

Chapitre

XVI.



La tousiours esté ainsi & tousiours sera, que des grans personnages & rares en vne Republique en temps de paix on ne tient conte: pource que par enuie que la reputation de leur vertu leur a causé, il se trouue en ceste saison trop de Citoyens qui les veulent deuaner, non pas seulement leur estre Thucidi  
de. egaux. Dequoy y a vn beau passage en Thucidide Historien Grec, lequel declare comme estant la Republique d'Athenes demeurée victorieuse en la guerre Peloponnesiaque, & ayant donté l'orgueil de Sparte, & presque sumis toute la Grèce à son obeissance, monta en telle reputation, qu'elle entreprit d'ocuper la Sicile. Ceste entreprise vint en dispute à Athenes: Alcibiades, & quelque autre Citoyen conseilloyent qu'elle se fist, regardans leur honneur, & non le bien publicque, faisans leur côte d'estre cheffz de ce voyage. Mais Nisiás, qui estoit le premier entre les plus estimez d'Athenes, estoit d'opinion contraire. Et la plus grande raison qu'il allegast au peuple en sa harangue, à fin qu'on aioustaist foy à ses paroles, fut telle, qu'au conseil qu'il donnoit que ceste guerre ne se fist, ce qu'il faisoit estoit contre son profit: parce qu'estant Athenes en paix, il sçauoit bien qu'il y auoit vn grand nombre de Citoyens qui vouloiet marcher deuant luy: mais la guerre se faisant estoit certain, que nul n'entreprendroit sur luy, voire ne s'esgaleroit à luy. Partant on void comme es Republicques regne ce desordre de faire peu d'estime des vaillans hommes en temps paisible. Ce qui les rend mal contents pour deux causes: l'vne, de se voir perdre leur degré: l'autre, d'auoir pour compagnons, ou maistres, gens indignes & de moindre suffisance qu'eux. Lequel desordre a esté cause de mainte ruine: d'autant que les Citoyens qui se voyent mespriser sans leur

P merite,

## DISCOVRS DE NIC. MACCHIA.

merite, & cognoissent que le bon temps en est cause, mettent peine de le troubler, en mouuant nouvelles guerres au preiudice de la Republique. Surquoy pensant quelz pourroient estre les remedes il s'en treuve deux: l'vn, de tenir les Citoyens pauvres, à ce que par leurs richesses, sans vertu, ilz ne puissent corrompre ny eux ny les autres. L'autre, de les ordonner en sorte pour la guerre que tousiours se puisse faire guerre, & que tousiours on ayt afaire des bons Citoyens, comme fit Rome en son premier temps. Car ceste Cité tenant tousiours dehors quelque armée, tousiours y auoit lieu pour la vertu, & ne se pouuoit tollir le degré à qui le meritoit, ne le donner à autre qui ne l'eust merité. Car si elle faisoit quelque fois par erreur, ou pour espreue, soudain ensuyuoit vn si grand desordre & peril, qu'elle retournoit incontinent au vray chemin. Mais les autres Republiques qui ne sont pas ordonnées comme elle, & qui font la guerre seulement quand necessité les contraint, elles ne se peuuent exempter de tel inconuenient: voire encourront tousiours, & tousiours y aura desordre, quand le Citoyen mesprisé & vertueux fera vindicatif, & aura en la Cité quelque reputation, & fuite & adherence. La Cité de Rome s'en defendit pour vn temps. Or luy sembloit (apres qu'elle eut vaincu Cartage & *Antiochus* comme ailleurs a esté dit) ne craignant plus de guerres, pouuoir commettre la charge de ses armées à qui elle vouloit, n'ayant tant d'égard à la vertu, qu'aux autres qualitez qui luy donnoient credit enuers le peuple: comme lon void que *Paulus AEmilius* perdit plusieurs fois sa brigue au Consulat, & ne fut fait Consul premier que la guerre Macedonique sourdist, laquelle estant iugée dangereuse du consentement de toute la Cité à luy fut commise. Estans en nostre ville de Florence deuy l'an mil quatre cens nonante quatre suruenues maintes guerres, esquelles les Citoyens Florentins auoient tous fait mauuaise preue, de fortune se r'encontra la Cité en vn, qui monstra en quelle sorte on deuoit commander à vne armée, qui fut *Antonio Giacomini*. Et tandis qu'il y eut guerres perilleuses à mener cessa toute l'ambition des autres Citoyens, & en election de Cômmissaire & chef de l'armée n'auoit nul cōpetiteur: Mais lors qu'il suruint vne guerre, ou n'y auoit aucune doute ne danger: mais beaucoup d'honneur, il eut tant de cōpetiteurs, qu'entre les trois Cômmissaires qui furent esleuz pour cāper deuant Pise il fut laissé derriere. Et combien que l'on ne vid euidemment quel mal en ensuyuit

ensuyuit au publique de n'y auoir enuoyé *Antonio*, si en peult on faire facile cōiecture. Car n'ayans les Pisans plus de quoy se defendre, ne de quoy viure, si *Antonio* y eust esté, il les eut contrains long téps deuant à se rendre à la discretion des Florétins: mais estans assiegez par Capitaines, qui ne sçauoient contraindre ne forcer, furent tant entretenuz, que la Cité de Florence les acheta, ou elle les pouuoit auoir de force. Bié falut que tel desdain touchast fort au cueur d'*Antonio*, & besoin estoit qu'il fust bon & bien patiét de ne desirer vengeance, ou par la ruine de la Cité (si elle estoit en son pouuoir) ou par l'outrage de quelque Citoyen particulier. De quoy se doit garder vne Republique comme au chapitre suyuant sera discouru.

## Que l'on ne doit ofenser vn

homme, & puy l'enuoyer en aministracion & gouuernement d'importance.

Chapitre

XVII.



Ne Republique doit considerer de donner charge de quelque aministracion importante à homme, à qui ayt esté fait quelque iniure notable. *Claudius Nero* (lequel se partit de l'armée qu'il auoit front à front d'*Hannibal*, & auecques vne partie s'en alla à la Marque trouuer l'autre Consul, pour combatre *Asdrubal* auant qu'il se fust ioint auec *Hannibal*) il s'estoit trouué auparauant en Espagne contre *Asdrubal*, & l'auoit enfermé en vn lieu auecques son armée, que force estoit à *Asdrubal* ou de combatre à son desauantage, ou de mourir de faim. Mais *Asdrubal* l'entretint si subtilement par certaines pratiques d'acord, qu'il fortit de dessous ses mains, & luy osta ceste occasion de l'opprimer. Ce qu'entendu à Rome le chargea grandement enuers le Senat & le peuple, & par la Cité fut parlé de luy fort à son desauantage, & deshonneur. Mais estant depuys fait Consul & enuoyé contre *Hannibal*, prit le party dessus escrit, qui est tres-

dangereux: tellemét que Rome demeura en grande doute & crainte, iufques à ce qu'elle entendit la route d'Afdrubal. Et eftant demâdé à Claudius, qui luy auoit fait choifir vn fi perilleux party, auquel, fans aucune neceffité extreme, il auoit quasi ioué la liberté de Rome, respondit, qu'il l'auoit fait parce qu'il fçauoit, que s'il luy fuccedoit, il recouuroit l'honneur qu'il auoit perdu en Espagne: & fi fon party auoit fin contraire, il fçauoit qu'il fe vengeoit de la Cité & des Citoyés qui l'auoiét offensé par telle ingratitude & indiscretion. Or puy que les paffions de telles offenses touchent fi fort vn Citoyen Romain, & au temps que Rome estoit entiere & non corrompue, l'on doit penser quel pouuoir elles auront à l'endroit d'vn Citoyen d'vne Cité, qui ne seroit ordonnée côme à lors elle estoit. Et pource qu'à semblables defordres qui naiffent es Republicques ne se peult donner remede certain, ensuyt qu'il est impossible ordonner vne Republique perpetuelle, à cause que par mille voyes dequoy l'on ne se douteroit auient fa ruine.

## Il n'y a rien plus digne d'vn

Capitaine, que de sentir les entreprises de son ennemy auant le coup.

Chapitre

XVIII.



Paminondas de Thebes disoit rien n'estre plus vtile & plus neceffaire à vn Capitaine, que cognoistre les deliberations & partiz de son ennemy. Et d'autant que telle cognoiffance est difficile, plus merite de louange qui fait si bien qu'il les coniecture. Or n'est pas de telle difficulté entendre ses desseins, qu'il est quelquesfois d'entendre ses actions. Aussi moins est quelquefois sentir les siennes & celles qui se font par luy en lieu loingtain, que les presentes & les prochaines. Car souuent est auenu, qu'ayant la bataille duré iufqu'à la nuit, le vainqueur pensoit auoir perdu, & le perdant auoir vaincu. Ce qui a fait deliberer des choses contraires au bien du deliberant, comme auint

à Bru-



à *Brutus* & *Cassius*, lesquelz par ceste faute furent defaitz, au moyen que *Brutus* ayant vaincu de son costé, *Cassius* creut qu'il auoit perdu, & que toute l'armée fust en route, dequoy tombant en desespoir s'ocit luy mesme. De nostre temps en la iournée de François Roy de France contre les Suiffes à sainte Cecile, qui est en la Lombardie, la nuit suruenant le nombre des Suiffes, qui estoit demeuré entier, pensa auoir la victoire, ne sçachant rien de ceux qui auoient esté rôpuz & occiz. Lequel erreur empescha qu'eux mesmes se sauassent, pour l'attente qu'ilz auoient de combatre de rechef le matin avecques leur si grand auantage: Et firent encores errer & par tel erreur presque ruiner l'armée du Pape, & d'Espagne, laquelle sur ceste faulse nouvelle de la victoire passa le Pau, & s'elle eust marché plusauant s'en alloit prisonniere des François victorieux. Semblable erreur escheut au camp des Romains, & en celuy des Eques, là ou estant *Sempronius* Consul à l'encontre des ennemys, venant aux mains dura la bataille iusques au soir en diuerses fortunes pour l'vn & pour l'autre: & la nuit venue, estans les deux armées demy rompues, nul ne retourna des deux parts en leurs logemens, ains chacun se retira es mons prochains, ou ilz estimoient estre en plus grande seureté, & l'armée Romaine se diuisa en deux parties, dont l'vne suyuit le Consul, l'autre vn *Tempanius* Centurion, par la vertu duquel les Romains ce iour n'auoiét esté du tout defaitz. Au matin le Consul Romain (sans entédre autre chose de ses ennemys) tira vers Rome, & autant en fit l'armée des Eques, estimant chacun que son ennemy eust vaincu. Partant les vns & les autres se retirerent, sans se soucier de laisser leur camp à piller. Auint que *Tempanius*, qui estoit avecques le reste de l'armée Romaine, se voulant aussi retirer, fut auerty par aucuns des Eques naïrez, que leurs Capitaines estoïét partiz & auoiét habádonné leur camp: Parquoy sur ceste nouuelle entra au camp des Romains, qu'il sauua, & apres saccagea celuy des Eques, retournant par apres victoreux à Rome. Laquelle victoire (côme l'on void) consiste seulement à qui le premier d'eux aura entendu le desordre de son ennemy. En quoy se doit considérer comme souuent peült auenir que deux armées estans à frôt l'vne de l'autre, soient en mesme desordre & souffrent pareilles necessitez, & que celui demeure vainqueur, qui premier aura sceu les necessitez de l'autre. Je vous veux dóner de cecy vn exéple domestique & recent. L'an m. cccc. xcv. iii. quand les Florétins auoient vne grosse armée deuant

Mort de  
Cassius,Sempronius  
cōtre  
les Eques.

Pise, & la ferroient de bien pres: de laquelle les Venitiens ayans pris la protection, & ne voyans autre moyen de la sauuer, delibererent diuertir celle guerre en assillant d'autre costé, & assemblerent vne puissante armée, entrerent par le val de Lamona, & occuperent le bourg de Marradi & assiegerent la Roccha di Castilione, qui est sur la montaigne. Ce que senty par les Florentins delibererent secourir Marradi, sans diminuer les forces qu'ilz auoient deuant Pise. Ainsi leuent gens de pied nouveaux & caualerie nouvelle, qu'ilz enuoïent en ceste part, desquelz furent cheffz Iacobo quarto d'Apiano, seigneur de Piombino, & le Comte Rimiccio da Martiano. Estât donques ceste gent conduite sur la montaigne, qui est au dessus de Marradi, les ennemys leuerent le siege de deuant Castilione, & se retrouuerent tous au bourg. Or ayans esté ces deux armées quelques iours à front l'vne de l'autre, chacune auoit grâde faute de viures & de toute autre municion necessaire, & n'auoit l'vne la hardiesse d'assaillir ny affronter l'autre, n'estans les desordres cogneuz ne deça ne delà, se delibererent toutes deux vn mesme soir de leuer leur camp le matin enfuyuant, & faire retraite: le Venitian vers Berzighella & Faenza: le Florentin, vers Cazaglia & il Mugello. Venu donques le matin, que chacun auoit commencé a trouffer bagage, de fortune sortit vne Dame du bourg de Marradi, qui vint vers le camp des Florentins, assuree, à cause de sa vieillesse & sa pauureté, desirât fort voir aucuns de ses parens qui estoient en ce camp, par laquelle les cheffz de l'armée Florentine auertiz que le camp des Venitiâs deslogeoit, prindrent cucur par ceste nouvelle, & leur conseil changé marcherent contre leurs ennemys, comme s'ilz les eussent deslogez, & escriuirent à Florence, qu'ilz les auoient chassiez & la guerre gaignée, laquelle victoire ne leur vint que d'auoir premier entédu que leurs ennemys s'en alloient: En sorte que si ceste cognoissance fust deuât venue aux autres, ilz en eussent autant fait contre nous.

A' sçauoir si à regir & gouverner vne multitude est plus necessaire le doux que le rigoureux traitement.



A Republique Romaine estoit troublée par les inimytiez de la noblesse & de la commune: neantmoins, leur suruenant guerre, y enuoyerent *Quintius & Appius Claudius*. *Appius*, à cause de sa cruauté & rudesse, fut mal obeï des siens, tellement que demy rompus s'enfuit hors de sa province. *Quintius* qui estoit de benigne & humaine nature eut ses soldatz obeïssans, & r'emporta la victoire. Parquoy semble qu'à gouverner vne multitude soit meilleur estre humain, que superbe, & piteux, que cruel. Toutesfoys *Cornelius Tacitus* (auquel plusieurs autres consentent) conclud le contraire en vne sienne sentence, disant:

*Cornelius Tacitus.*

*In multitudine regenda, plus pœna, quàm obsequium, valet.*

Au gouvernement d'une multitude mieux vault la punition, que la douccur.

Or à cōsiderer comme se peult sauuer l'une & l'autre de ces deux opinions, ie dy que ou tu as à manier gens & régir, qui te sont ordinairement compagnons, ou gens, qui tousiours te sont subietz. Enuers ceux qui sont compagnons, il n'y a ordre d'vser de la seuerité dequoy parle *Cornelius*. Et d'autant que le commun peuple auoit à Rome pouuoir egal à celuy de la noblesse, quiconque deuenoit Prince pour vn temps ne le pouuoit manier par cruauté & rudesse. Aussi se void en plusieurs, que les Capitaines Romains, qui se faisoient aymer des soldatz, ont fait meilleur fait, que ceux qui se faisoient craindre extraordinairement, s'ilz n'estoient acompagnez d'une vertu excessiue, comme *Manlius Torquatus*. Mais qui commanderait à ses subietz (desquelz parle *Cornelius*) de peur qu'ilz deuiennent insolens, & que par ta facilité trop grande ilz ne t'encheuestrent, il doit plustost se tourner à la rigueur qu'à la douceur: mais encores ceste rigueur doit estre moderée en sorte que la hayne s'euite: car de se faire hair iamais ne prit bien à Prince. Le moyen des'en exempter est de ne toucher aux biens de ses subietz. Car du sang (s'il n'y a deffous quelque pillerie cachée) n'y a Prince qui en soit friand, s'il n'est contraint, & ceste necessité ne vient gueres. Mais si la pillerie y est meslée elle vient tousiours, & iamais n'y a faute de causes ny de desir de l'espandre: comme a esté amplement

Traité del  
Principe  
de Mac-  
chia uel

estre obseruée en ses termes, non pas au cas d'*Appius*. Or pource que nous auons parlé du doux & rigoureux traitement, il ne me semble superflu de monstrier comme vn exemple d'humanité eut plus de pouuoir sur les Falisques, que les armes.

## Vn exemple d'humanité eut plus de pouuoir enuers les Falisques, que toute la force Romaine.

Chapitre

X X.

Histoire  
dumaitre  
d'escolle  
des Falis-  
ques.



Amille estant campé deuant la ville des Falisques, vn maistre d'escolle des plus nobles enfans de la cité, luy pensant gratifier & au peuple Romain, sous ombre d'exercice, les mena hors de la ville, puy les conduit ou estoit Camille, & luy dist en les presentant, que à cause d'eux la place se rendroit entre ses mains. Lequel present tant s'en falut qu'il fust accepté par Camille, qu'il fit despouiller ce maistre & luy lier les mains derriere, & bailler des verges à chacun des enfans, qui le remenerent en la ville fouettans. Ce que cogneu par les citoyens tant leur pleust l'humanité & integrité de Camille, que sans se mettre plus en defense, delibererent de se rendre. En quoy est à considerer par ce vray exemple, combien quelque foys à plus de vertu & d'efficace es cueurs humains vn acte gracieux & plein de charité, qu'un acte rude & violent. Et comme maintesfoys les pais, contrées & places, que les armes, engins belliques, & toute autre force humaine n'a peu ouurir, vn tour d'humanité, de pieté, de chasteté, ou de liberalité, a ouuertes : dequoy y a par les hystoires, sans ce-  
stuy cy, plusieurs autres exemples. Vous voyez que les armes Romaines ne pouuoient chasser *Pirrus* hors d'Italie, & la liberalité de *Fabritius* l'en mit hors, quand il luy descouurit l'ouuerture, que l'vn de ses domestiques auoit fait aux Romains de l'empoysonner. Vous voyez comme la prise de Cartage neuue ne donna à Scipion tant de reputation, que fit son acte de chasteté, d'auoir rendu vne  
belle

belle ieune Dame à son mary, sans luy toucher, lequel bruit luy gaigna l'affection de tout l'Espagne. Vous voyez d'auantage combien ceste bonne partie est désirée par les peuples es grans personnages, & combien elle est louée par les Historiens, & par ceux qui escriuent la vie des Princes, & par ceux qui ordonnent comme ilz doyuent viure. Entre lesquelz Xenophon se traueille fort à declarer, quel honneur, quâtes victoires, quelle renommée aquit à Cyrus son humanité & gracieuseté, & de ne donner aucune cognoissance en luy de fiereté, ne cruauté, ne de luxure, ou autre vice qui souille & tache la vie de l'homme. Toutesfoys, voyant Hannibal par moyens contraires auoir gaigné tel los & bruit & si grandes victoires, mon vouloir est de discourir au chapite suyuant d'ou ce-là procede.

## Comme ce peut faire qu'Han-

nibal par ce moyen de proceder tout contraire fit en  
Italie les mesmes effaitz que Scipio en  
Espagne.

Chapitre

XXI.



'Estime qu'il y en a qui se pourront esbahir de voir quelque Capitaine (non obstant qu'il ayt mené vie contraire) auoir neâtmoins fait autant que ceux qui ont yescu en la maniere dessus escrite: Tellement qu'il semble que l'ocasion des victoires ne depend des causes susdites: voyre semble que telz moyens ne te donnent plus de force ne de fortune, puy que tu peux par les contraires aquerir gloire & louange. Or pour ne laisser les personnages, dequoy nous parlions, & pour micux esclarcir ce que ie voulois dire, ie dy que comme l'on void Scipio entrer en Espagne, & par son humanité & pitié gaigner les cueurs de celle prouince: voyre estre admiré & adoré par les peuples, l'on void au contraire Hannibal entrant en Italie, & par moyens tous contraires. C'est à sçauoir par violence, cruauté, pillage, & toute maniere

## DISCOVRS DE NIC. MACCHIA?

maniere d'infidelité & desloyauté ne faire moins là, que Scipio en Espagne : car vers Hannibal toutes les villes d'Italie se reuolterent & tous les peuples suyurent son party . Or pensant d'ou cecy peult proceder il s'y trouue plusieurs raisons . La premiere, que les hommes sont si friands de nouveauté, que souuentesfoys les desirét, autant ceux qui sont bien, que ceux qui sont mal . Par ce que (comme autre foys a esté dit & est vray) nous oublions en la prosperité & affigeons en l'auerfité . Ce desir donques fait ouurir les portes à quiconques se porte chef en vn pais de quelque innouation, & s'il est estrangier, ilz courét apres luy : s'il est du pais, sont à l'entour de luy, luy donnans tout le secours & faueur qui leur est possible: tellemét qu'en quelque maniere qu'il procede il luy succede bien en ces lieux là . Outre les humains sont meuz & incitez principalement de deux choses : d'amour, ou de crainte, si bien qu'autant leur peult commander celuy qui se fait aymer, comme celuy qui se fait craindre: voyre le plus souuent est plus suyui & obeï qui se fait redouter, que qui se fait aymer . A' ceste cause peu importe au Capitaine laquelle il tienne de ces deux voyes : mais qu'il soit homme vertueux, & que ceste vertu le mette en reputation entre les hommes . Car quand elle est grande, côme elle estoit en Scipio & Hannibal, elle eface, ou cache toutes les fautes qui se cōmettent à soy faire trop aymer, au trop craindre. Or de l'vn ou de l'autre peuuét sourdre grans inconueniens, & assez à faire ruiner vn Prince: car celuy qui desire trop se rendre agreable & aymable, si peu qu'il se destourne du bon chemin vient à mespris & contennement . L'autre qui trop affecte d'estre redouté, tant soit peu qu'il excede mesure, tombe en hayne . Et de tenir la voye du mylieu droite & precise, il n'est possible, d'autant que nostre nature le consent : Mais est necessaire mitiguer & adoucir ce qui excede par vne vertu excessiue & excellente, comme faisoit Hannibal, & Scipio . Neantmoins void on que l'vn & l'autre furent offensez par leur maniere mesme de viure, par laquelle ilz furent prisez & exaltez . L'exaltation de tous les deux a esté dite . L'offense fut, quant à Scipion, que ses Soldatz avecques partie de ses amys se rebellerent contre luy en Espagne. Ce qui ne proceda d'autre chose, que de ce qu'ilz ne le craignoient point. Car les hōmes sont de si peu d'arrest & tant prestz à se mouoir que à la moindre ouuerture qui se fait à leur ambition soudain oublient toute l'amytie qu'il auroient porté au Prince pour son

humanité

humanité, comme firent les Soldatz & àmys que ie disoye. De sorte que Scipio, pour remedier à cest inconuenient, fut contraint vsfer d'vne partie de la cruauté, que tousiours il auoit fuy. Quât à Hannibal il n'y aucun exemple particulier, auquel sa cruauté & son infidelité luy ayt porté dommage : Mais bien l'on peult presuposer, que Naples & plusieurs autres villes, qui demeurerent en la foy & obeïssance du peuple Romain, tindrent ferme, de peur qu'ilz auoiét de luy. Aussi void on bien que son inhumanité & impieté le mit plus auant en la hayne du peuple Romain, qu'autre ennemy qu'il eut iamais. En sorte que ou ilz declarerent à Pirrus (pendant qu'il estoit en armes en Italie) celui qui le vouloit empoisonner: à Hannibal (combien que desarmé & egaré) pardonnerent si peu, qu'ilz le firent mourir. Voylà les incommoditez qui vindrent à Hannibal du bruit qu'il auoit d'estre cruel, & sans foy ne loy. Aussi en recópense luy fut cause d'vn grád bien & amirable à tous les Historiens: C'est qu'en son arriuée (combien que composée de diuerses nations de gens) iamais ne se leua dissention ny entre eux, ny contre luy. Ce qui ne pouuoit proceder d'autre cause, que de la crainte terrible qui procedoit de sa personne, laquelle estoit si grande meslée auecques la reputation que sa vertu luy donoit, qu'elle tenoit ses Soldatz coiz & vniz. Le conclu donques, qu'il n'importe beaucoup en quelle maniere le Capitaine procede, moyennant qu'en luy soit vne vertu grande, qui donne grace & lustre à l'vne & l'autre façon de viure: car (comme a esté dit) y a faute & peril en l'vne & en l'autre, si elle n'est corrigée par vne vertu extraordinaire. Et si Hannibal & Scipion, l'vn par œures louables, l'autre par detestables, firent pareil effait, il ne me semble estre à laisser derriere encores vn autre discours de deux Citoyens Romains, qui par diuers moyés (mais tous deux honnestes) aquirent semblable gloire.

## Comme la rudesse de Manlius

*Torquatus*, & l'humanité de *Valerius Coruinus* leur ont  
aquis pareille gloire.

Chapitre XXII.

A Rome

## DISCOVRS DE NIC. MACCHIA!



Rome furent deux Capitaines excellens en mesme temps, *Manlius Torquatus*, & *Valerius Corvinus*, lesquelz vesquirent en semblable reputation de vertu, semblables de triomphe & de gloire: & l'un & l'autre (quant à ce qui concernoit l'ennemy) par pareille prouësse le conquirent: Mais quant à ce qui touchoit les armées & l'entretien des soldatz, ilz y procederent diuersement. Car *Manlius* leur commandoit avecques toute sorte de seuerité, sans leur donner repos ne relasche de peine & traual: *Valerius* d'autre part les entretenoit par toute douceur & humanité, & priuauté familiere. Aussi l'on void pour gagner l'obeissance des soldatz, l'un occit, l'autre n'y ofensa iamais homme Néantmoins en telle diuersité de meurs tous deux firent pareil fruit tant contre les ennemis, qu'en faueur de la Republique, & le sien. Tellement que iamais soldat ne refusa la bataille, ne se rebella contre eux, ne contreuint en aucune chose à leur vouloir, combien que les commandemens de *Manlius* fussent si aspres & si durs, que tous autres commandemens qui excedoient mesure estoient nommez *Manliana imperia*. En quoy est premier à considerer d'ou vint, que *Manlius* fut contraint de proceder si rigoureusement: l'autre comme *Valerius* peut proceder si humainement; puy qui est cause que ces deux moyens diuers produisent mesme effait, le dernier lequel des deux est meilleur & plus vtile à imiter. Si quelqu'un considere bien la nature de *Manlius*, de l'heure que Tite Liue commence à en faire mention le verra homme fort & vaillant, piteux vers son père, & vers la patrie, & tresreuerend à ses maieurs. Ces parties cognoissent en luy par la mort du François, par la defense de son pere contre le Tribun, & comme auant qu'entrer au combat contre les François alla au Consul avecques telles parolles:

**Tite Liue.**

*Iniussu tuo aduersus hostem nunquam pugnabo, non si certam victoriam videam.*

Sans ton commandement iamais ne combattray cõtre l'ennemy ne si ie voyoye ma victoire toute certaine.

Venant donques vn tel homme en degre de commander, il desire trouuer tous les hommes semblables à luy, & son hardy courage luy fait commander choses ou la force & hardiësse est requise. & luy mesmes, apres qu'elles sont commandées veult que l'on les garde ou accomplisse. Et est vne regle vraye, que quand tu commandes cho-



des choses dures & aspres conuient par durté & aspreté les faire obseruer, autrement te trouuerois abusé. En quoy est à noter, que à quiconque veult estre obeï est necessaire de sçauoir commander, & ceux le sçauent, qui font comparaison de leurs qualitez à celles de ceux qui ont à obeïr. Et quand ilz y voyent proportion, qu'à lors ilz commandent : sinon, qu'ilz s'en abstiennent. Pourtant disoit vn prudent personnage, que pour tenir vne Republique par violence, conuenoit qu'il y eust proportion de qui forçoit à celuy qui estoit forcé. Et toutesfoys & quantes ceste proportion y estoit, se pouuoit croire, que la violence fust durable : mais quand celuy à qui se faisoit la violence estoit plus fort que celuy qui en vsoit, il estoit à craindre que chacun iour ceste violéce fust rompue. Or pour retourner à nostre discours ie dy, qu'à commander les choses fortes conuient estre fort, & que celuy qui est de ceste force, & qui les commande, ne peult apres par douceur les faire acomplir. Mais celuy qui n'est de ceste force de cueur se doit garder de tous commandemens extraordinaires, & peult es ordinaires vser de son humanité. Car les punitions ordinaires ne sont imputées aux Princes : mais aux loix & ordonnances. L'on doit donques croire, que *Manlius* fut contraint de proceder si rigoureusement par ses commandemens extraordinaires, auxquelz sa nature l'enclinoit, lesquelz sont vtiles en vne Republique : par ce qu'ilz reduisent ses ordres vers leur principe, & en sa vertu antique. Et si vne Republique estoit si son heureuse, qu'elle eust souuent (côme nous disons dessus) qui par exemple renouelaist les loix, & qui non seulement la retint qu'elle ne tōbast en ruine, ains la tiraist en arriere, elle seroit perpétuelle. Si fut *Mālius* vn de ceux qui par la rudesse de ses cōmandemens retint la discipline militaire à Rome, incité premier de sa nature, puy du desir qu'il auoit que son apetit naturel luy auoit fait ordōner fust obserué & gardé. De l'autre costé *Valerius* procedoit humainement, côme celuy à qui suffisoit, que les choses acoustumées es armées Romaines fussent faites & gardées. Laquelle coustume, d'autant qu'elle estoit bonne, estoit assez pour luy aquerir hōneur, & n'estoit point penible à acomplir, & ne mettoit *Valerius* en necessité de punir les trāsgresseurs, ou parce qu'il n'y en auoit point : ou, s'il y en auoit, ilz imputoient (côme a esté dit) leur punition aux ordōnances, non à la cruauté du Prince. En sorte que *Valerius* pouuoit de soy faire sortir toute humanité, & par elle gagner la grace des soldatz & leur contentement. Ce qui fut cause que l'vn & l'autre ayant mesme o-

Q beissance

## DISCOVRS DE NIC. MACCHIA.

beïſſance, ilz peurent par leurs œuures diuerſes venir à meſme ef-  
 fait . Ceux qui les voudroient enſuyure pourroient bien tomber es  
 vices de meſpris & de hayne, que i'ay declarez deſſus en Scipion, &  
 Hannibal, leſquelz s'eurent par vne vertu excellente qui ſoit en  
 toy, & non autrement . Reſte maintenant à conſiderer lequel de  
 ces moyens de proceder eſt plus louable, ce que i'eſtime eſtre diſ-  
 putable : parce que les Hiſtoriens louent l'vne & l'autre maniere.  
 Vray eſt que ceux qui eſcriuent comme le Prince ſe doit gouverner  
 tirent plus vers *Valerius*, que vers *Manlius*, & que *Xenophon* don-  
 nant pluſieurs exemples de l'humanité de *Cirus*, fort ſe conforme  
 à ce que *Tite Liue* dit de *Valerius*, lequel eſtant fait Conſul contre  
 le *Sannites*, le iour venu qu'il deuoit combattre, parla à ſes ſoldatz  
 avecques ceſte humanité, de laquelle il ſe gouvernoit . Et apres ſa  
 harangue dit *Tite Liue* ces paroles :

*Xenophō*

*Tite Liue.*

*Non aliàs militi familiarior dux fuit inter infimos militum omnia haud  
 grauatè munia obeundo, in ludo præterea militari, cùm velocitatis, vi-  
 viriùmque inter ſe æquales certamina ineunt, comiter facilis vincer e, ac  
 vinci vultu eodem, nec quẽquam aſpernari parem, qui ſe offerret, factis  
 benignus, pro re dictis, haud minus libertatis alienæ quàm ſuæ dignitatis  
 memor, & quo nihil popularius eſt, quibus artibus petierat magiſtratus  
 iſdem gerebat.*

Onques ne fut Capitaine plus familier à ſes ſoldatz, entre les  
 moindres faiſant volontairement toutes charges & offices : Aux  
 ieux & exercices militaires, ou la ieuneſſe debat de la viteſſe & de la  
 force eſtoit doux & gracieux vaincueur, & vaincu môſtroit ſembla-  
 ble viſage: ne deſpriſant ſon pareil qui s'offriſt, de fait eſtoit liberal,  
 de parole ſelon les choſes, n'ayant moins deuant les yeux la liber-  
 té des autres que ſa dignité . Et (qui eſt le point ſur tous le plus po-  
 pulaire) par les moyens qu'il auoit pourchaffé les magiſtratz, par  
 les meſmes il les exerçoit.

Auſſi parle *Tite Liue* honorablement de *Manlius*, monſtrant que  
 ſa ſeuerité en l'occiſion de ſon filz rendit l'armée tant obeïſſante au  
 Conſul, qu'elle fut cauſe de la victoire que le peuple Romain eut  
 ſur les *Latins*. Et paſſe ſi auant en ſa louange, qu'apres ceſte victoire  
 ayant deſcrit tout l'ordre de la bataille, & déclaré tous les perilz que  
 les Romains encoururent, & les dificultez qu'ilz eurent à vaincre,  
 il fait ceſte conſclusion, que la vertu ſeule de *Manlius* donna ceſte  
 victoire aux Romains. Et faiſant comparaiſon des forces de l'vne  
 & de

& de l'autre armée, affirme, que celle estoit pour vaincre, qui auoit *Manlius* pour Consul. Tellement que tout considéré ce que les Historiens en dient seroit difficile d'en iuger. Neantmoins, pour ne laisser ceste partie indecise, ie dy, qu'à vn Citoyen qui vit sous les loix d'une Republique, ie croy que le moyen de proceder de *Manlius* soit plus louable & moins dangereux: d'autant qu'il tourne tout à la faueur du bien publique, sans aucunement regarder à l'ambition priuée. Car par tel moyen l'on ne peut gagner partisans en se montrant tousiours si rude & aspre à vn chacun, & n'aymant rien que le bien commun. Ce que faisant l'on acquiert d'amys particuliers, que nous apellons (comme ie disoye) partisans, Tellement qu'il ne peut estre en vne Republique maniere de proceder plus vtile, ne plus considerable, par laquelle l'vtilité publique est tant augmentée, sans qu'elle laisse occasion d'aucuns soupçons de puissance priuée: mais en la maniere de proceder de *Valerius* y a le contraire: par ce que (combien que quant au publique sortent pareilz effaitz) si est ce qu'il en sourd plusieurs doutes, à cause de l'amitié & bonne grace particuliere qu'il acquiert des Soldatz, assez pour faire (si la charge & empire luy duroit longuement) mauuais effaitz contre la liberté. Et s'ilz ne nasquirent en *Publicola* la cause fut que les cueurs des Romains n'estoient encores corropuz, aussi qu'il ne fut long temps au gouvernement. Mais si nous auons à considerer vn Prince (comme fait *Xenophon*) nous nous rengerons du tout vers *Valerius*, & laisserons *Manlius*, d'autant que le Prince doit chercher en ses soldatz & subietz l'obeissance & amour. Ce qui luy donne obeissance est, d'estre obseruateur des ordonnances, estre tenu vertueux: & en l'amour, la gracieuseté luy donne, l'humanité, la pieté, & les autres bonnes parties qui estoient en *Valerius*, & que *Xenophon* escrit auoir esté en *Cyrus*. Car qu'un Prince soit bien voulu particulièrement, & que son armée luy soit partizanne, celà se conforme avecques toutes les autres parties & condicions de son estat: Mais en vn Citoyen auoir l'armée partizanne, celà desia n'est conforme avecques ses autres parties qui ont à le faire viure sous les loix & obeir aux Magistratz. On lit entre les memoires anciennes de la Republique de Venise: comme estans les galleres retournées à Venise, se leua quelque different entre ceux des galeres & le peuple, pour lequel on vint aux armes, & ne se pouoit le tumulte apaiser, ne par force

## DISCOVRS DE NIC. MACCHIA.

de valetz, ne par reuerence des Citoyens, ne crainte des Magistratz. Soudain que se monstra à ces mariniers vn Gentilhomme, qui l'année precedante auoit esté leur Capitaine, pour l'amour de luy, se departirent & laisserent le combat: laquelle obeïssance engendra tel soupçon au Senat, que peu de temps apres les Venitians, ou par prison, ou par mort, s'en assurerent. Pourtant ie conclu la maniere de proceder de *Valerius* estre vtile en vn Prince & dommageable en vn Citoyen, non seulement à la patrie: mais à luy mesme. A elle, d'autant que telz moyens preparent le chemin à tyrannie: à luy par ce que se rendant par ceste maniere suspect à sa Cité, elle est contrainte s'en assurer à son dommage. Ainsi au contraire ie tiens la maniere de *Manlius* estre mauuaise en vn Prince, & bonne & vtile en vn Citoyen, mesmement à sa patrie: Voyre peu souuent elle offense, si desia la hayne qui te cause ta feuerité n'est acréué par le soupçon, dont la grande reputation de tes autres vertuz te chargent comme dessous fera discours de Camille.

# Quelles causes chasserent Camille de Rome.

Chapitre

X XIII.



Nous auons conclud cy dessus, qu'en procedant comme *Valerius* on fait dommage à la patrie & à soy mesme, & procedant comme *Manlius*, on fait bien à la patrie, & aucunesfois on se fait tord. Ce qui se prouue bien par l'exemple de Camille, lequel en sa maniere de proceder tiroit plus sur *Manlius* que sur *Valerius*, dont dit Tite Liue de luy:

Tite Liue. *Eius virtutem milites oderant, & mirabantur.*  
Les Soldatz haïssioient sa vertu, & l'admiroient.

Ce qui le faisoit tenir en admiration, estoit le soing, la prudence, la magnanimité, le bon ordre qu'il gardoit en la conduite d'une armée. Ce qui le mettoit en hayne estoit d'estre plus feuer & rigoureux à les chastier & punir, que liberal à les recompenser. De ceste

ceste hayne Tite Liue donne telles causes. La premiere que les deniers qui se tirerent des biens des Vegens qui furent venduz, il appliqua au tresor publique, en lieu de les departir avecques le butin. L'autre qu'en son triomphe il fit tirer son char triomphal par quatre cheuaux blancs. Dequoy ilz dirent que par outrecuidance il se vouloit paragonner au Soleil. La tierce, qu'il fit veu de donner à Apollo la x. part du butin des Vegens, laquelle (pour satisfaire à son veu) faloit retirer des mains des soldatz, qui desia en estoient saifz. En quoy sont faciles à noter les choses qui mettent le Prince en la hayne de son peuple, desquelles la principale est le priuer de quelque vtilité, qui est chose de grande importance. Car quand à l'homme l'on oste quelque bien il ne l'oublie iamais & la moindre necessité qui luy auient luy remet en memoire. Et d'autant que les necessitez suruiennent de iour en iour, il en souuient tous les iours. L'autre chose est se monstrier fier & superbe: & n'y a rien au monde plus desplaisant aux peuples, mesmement qui sont libres. Et cōbien que de cest orgueil & arrogance il ne leur vienne aucun dommage, si ont ilz fort contre cueur ceux qui en vsent. Ce que le Prince doit euitier comme vn rocher: car de gaigner hayne & malegrace, sans aucun profit, est party du tout temeraire & inconsideré.

## La prolongation des commif-

sions & charges des armes a esté cause de la seruitude  
de Rome.

Chapitre XXIIII.



Si bien l'on considere la maniere de proceder de la Republique Romaine, l'on verra deux choses auoir esté cause de sa ruine. Dont l'vne fut les contentions pour la loy Agrarie, l'autre la prolongation des charges des armées (qu'ilz apelloient Empires) lesquelles bien cogneuës des le commencement, & les remedes deuz appliquez, l'estat de leur liberté eust esté plus long & parauanture plus coy & tranquile. Or combien que touchant la prolongation de charge, ou Empire, l'on ne voye point

Q iii qu'il y

qu'il y ayt eu aucun tumulte à Rome, neantmoins se void en cefait combien a porté de dōmage & nuifance à la Cité l'autorité que les Citoyens ont pris par le moyen de telles deliberations. Et si les autres Citoyens, auxquelz le Magistrat estoit prorogé, eussent esté aussi bons & si sages que *L. Quintius* l'on n'auroit pas encouru cest incōuenient, la bonté duquel est d'exemple notable. Entre le Senat, & le commun peuple estoit faite quelque conuenance d'acord, le commun prolonge aux Tribuns leur magistrat, les estimant propres pour resister à l'ambition des nobles. Le Senat à l'ennuy de luy, & pour ne se monstrier de moindre pouuoir, voulut prolonger le Cōsulat à *L. Quintius*, lequel ne consentit à ceste deliberacion, disant que les mauuais exemples se doyuent estaindre, non pas acroistre par autre encore pire, & voulut que l'on fist nouveaux Consulz. Haa si ceste bonté & prudence eust esté en tous les Citoyens Romains, pas n'eussent laissé à introduire ceste coustume de prolonger les Magistratz, & de ceste prolongacion l'on ne fust venu à celle des charges de guerre generales, & empires: laquelle par succession de temps ruina ceste Republique. Le premier à qui le temps de sa charge & pouuoir fut prolongé, fut *P. Philo*, lequel estant campé deuant la ville de *Palepolis* & expirant son Consulat, le Senat, à qui il sembla qu'il tenoit ceste victoire en sa main, ne luy enuoya point de successeur, ains le fit Proconsul, & fut le premier Proconsul. Lequel cas (combien que mis sus par le Senat pour l'vtilité publique) fut ce qui rendit Rome serue. Car d'autant que les Romains portèrent leurs armes plus loing, d'autāt telle prolongation leur sembla plus necessaire, & d'autāt plus en vserēt. De quoy sortirēt deux incōueniēs: l'vn, que par ce moyen moindre nōbre de gēs s'exerçoit aux charges & estatz de la guerre, & en cōsequēce la reputation se venoit à restraindre à peu de personnes. L'autre que le Citoyen commandant long temps à vne armée, se la gaignoit & rendoit affectée & partiale: au moyen qu'elle oublioit le Senat auecques le temps, & recognoissoit ce chef. Ainsi trouuerent *Silla*, & *Marius* des Soldatz qui les voufissent suyure contre le bien publicque. Ainsi Cesar eut moyen d'ocuper la patrie. Et si les Romains n'eussent iamais prolongé les Magistratz, & les charges generales de la guerre, ilz ne fussent si tost paruenuz en si grande puissance. D'auantage si leurs aquests eussent esté plus tardifz, plus tard encores ilz fussent tombez en seruitude.

## De la pauureté de Cincinatus,

&amp; de plusieurs Citoyens Romains.

Chapitre

X XV.



Nous auons deduit en vn autre lieu, que le plus vtile ordre qui soit en vn estat de liberté, est, que les Citoyens se tiennent pauures. Et cōbien qu'à Rome n'aparoisse quel ordre fut cause de cest e-fait: mesmement que la loy Agrarie y fut tant de-batue, neantmoins se void par experiences, que iusques à cccc. ans depuys que Rome fut construite y regna tresgran de pauureté. Et n'est croyable que cest e-fait procedast d'autre plus grand ordre, que de ce que l'on void la pauureté n'y empescher le chemin de tous les degrez & honneurs & qu'on alloit chercher la vertu en quelque logis qu'elle hebergeast; lequel moyen de viure rendoit les richesses moins desirables: Ce qui se void manifestemēt, parce qu'estant *Minutius* Consul avecques son armée assiegé par les Eques, Rome entra en grand efroy, pour la perte de ceste armée: tellement qu'elle eut recours à la creacion du Dictateur leur der-nier remede en l'extremité de leurs affaires. Et créerent *L. Quintus Cincinatus*, lequel estoit en sa petite maison des champs qui labou-rait de sa main: Ce que Tite Liue recommande en motz dorez, disant:

Cincina-  
tus pau-  
ure.

*Operæ precium est audire qui omnia præ diuitijs humana spernunt, ne-  
qz honori magno locum, neqz virtuti putant esse, nisi effusæ effluant opes.*

Tite Liue.

Il fait fort bon ouyr ceux qui ne font cas de rien du monde au pris des richesses, & n'estiment que grand honneur ne vertu ayent lieu, sinon ou les biens volent, & s'espandent en toute largesse.

*Cincinatus* labouroit ses petites terres, qui ne passioient la mesure de quatre arpens, ou enuiron, quand les mandez de la part du Senat vindrent de Rome luy signifier l'election de sa Dictature, & decla-rer en quel peril se trouuoit la Republique Romaine. Il prend sa robe longue (qu'ilz apelloient *Toga*) vient à Rome, assemble vne armée, s'en va pour deliurer *Minutius*, & l'ayant tiré hors de dan-

Q iiii

ger

## DISCOVRS DE NIC. MACCHIA:

ger rompu & despouillé ses ennemys, ne voulut que l'armée qui estoit assiegée eust part au butin, disant: le ne veux que tu ayes part à la proye & despouillé de ceux, desquelz tu as cuydé estre. Puy priua *Minutius* du Consulat, & le fit lieutenant, en luy disant: Tu demeureras en ce degré, iusqu'à ce qu'ayes appris à sçauoir estre Consul. Il auoit fait son maistre de Cauallerie *L. Tarquinius*, lequel par pauureté combatoit à pied. En quoy est à noter (comme a esté dit) l'honneur que l'on portoit à Rome à la pauureté, & comme quatre arpens de terre furnissoient à la norriture & entretenement d'vn homme de bien & vaillant, comme estoit *Cincinatus*. Laquelle pauureté l'on void encores auoir duré au temps de *Marcus Regulus*, veu que faisant guerre en Afrique demanda congé au Senat de retourner garder sa maison champestre que ses laboureurs luy gastoient. En quoy se trouuent deux choses fort notables. Pour vne, la pauureté, & comme au dedans ilz se tenoient contens, & comme il suffisoit à telz Citoyens tirer hōneur de la guerre, en laissant tout le profit au publique. Car si lors ilz eussent pensé enrichir à la guerre, l'on ne se fust gueres sousié que ses terres eussent esté gastées. L'autre point à considerer est le hault cueur de telz Citoyens, duquel la grandeur (pendant qu'ilz auoient charge & commandemēt sur vne armée) surpassoit le cueur de tous Princes, ne faisant cas de Roys, ne de Republics, sans s'estonner ny espouuenter d'aucune chose. Apres retournez à leur priué, se rengoient au mesnage deuenans humbles, resserrez, songneux de leur petit bien, obeissans aux Magistratz, portans reuerence à leurs superieurs: tellement qu'il semble impossible qu'vn mesme cueur puisse porter, & compatir telles diuersitez & mutations. Ceste pauureté dura encores iusqu'au temps de *Paulus AEmilius* (qui fut quasi le dernier temps de la felicité de ceste Republique) auquel vn Citoyen, qui enrichit Rome par son triomphe, demeura neantmoins pauure. Et en telle estime estoit encores la pauureté. *Paulus* donna à vn sien gendre vne coupe d'argent, pour present d'honneur de s'estre bien porté en la guerre, lequel fut le premier argent qui iamais eust entré en la maison. L'on pourroit icy deduire vn long propos, combien pauureté produit de meilleurs fruitz, que richesse, & comme elle a mis en honneur Citez, Prouinces, Sectes, que l'autre a ruiné: mais ceste matiere a esté assez traitée par autres gens.

L. Tarquinius pauure.

M. Regulus pauure.

Paulus AEmilius pauure.



# Comme à l'ocasion des fem- mes vn estat est ruiné.

Chapitre

XXVI.



N la ville d'Ardea s'esleua vne sedition entre les patrices & la commune, à l'ocasion d'un mariage d'une heritiere, laquelle demandoient pareillement vn noble, & vn de basse condition. Et pource qu'elle estoit sans pere, ses tuteurs la vouloient donner au plebeien, sa mere, au noble.

Dequoy se leua vn tel tumulte, que l'on en vint aux armes, & la noblesse s'arma en faueur du noble, & la menue gent en faueur du plebeien. Tellement que la cômune estant vaincue ysit hors d'Ardea, & enuoya requerir secours aux Volscs, les nobles enuoyerét à Rome. Les Volscs vindrent premier, qui se camperent à l'entour de la ville: les Romains suruindrent, & tindrent les Volscs encloz entre eux & la ville: tellement qu'ilz les contraignirent par famine à soy rendre à discretiô. Apres entrerét les Romains dedans Ardea, firent executer tous les chefs de la sedition & mirét ordre en la Cité. En quoy sont plusieurs choses à noter: la premiere, comme les Dames ont esté cause de maintes ruines, & ont porté grans dommages aux gouverneurs des Citez, & y ont donné ocasion de plusieurs diuisions. Et (comme a esté veu en ceste histoire nostre) l'exces fait à Lucrece fit l'estat aux Tarquins: & l'autre, fait à Virginia. priua les Dixhommes de leur autorité. Aussi Aristote met entre les premieres causes de la ruine des Tirans, auoir iniurié & outragé quelqu'un à cause des Dames, ou en les violant, ou corrompant les mariages, comme nous auons deduit amplement au chapitre des coniurations. le dy donques, que les Princes de puissance absolue, & les gouverneurs de Republics, ne doiuent tenir peu de conte de ce point. Mais considerer les desordres, qui par tel accident peuvent auenir, & y remedier en temps, à fin que le remede ne tourne au dommage & deshonneur de leur estat & Republique, comme il auint aux Ardeates, lesquelz par faute d'auoir laissé croistre ceste  
noyse

Sedition à  
Ardea  
pour vne  
femme,

Lucrece.  
Virginia.  
Aristote.

noyse entre leurs Citoyens vindrent iusqu'à foy diuifer & bander: puyſ ſe voulans reünir furent contrains mander ſecours eſtranges, qui eſt grand commencement de ſeruitude prochaine. Mais paſſons à l'autre point notable du moyen de reünir vne Cité, duquel nous parlerons au chapitre enſuyuant.

## Comme vne Cité diuiſée ſe

doit vnir, & comme l'opinion eſt faulſe, que pour tenir vne Cité il la faille tenir en partialité & diuiſion.

Chapitre XXVII.



Ar l'exemple des Conſulz Romains, qui reconcilierent les Ardeates enſemble, ſ'aprend la maniere que ſe doit compoſer vne Cité diuiſée, laquelle n'eſt autre, & autrement ne ſe doit medeciner, qu'en tuant les cheſz des tumultes. Car il eſt neceſſaire de prendre vn de ces trois partiz, ou de tuer, comme firent ceux cy, ou les bannir de la ville, ou leur faire faire paix enſemble, ſous obligation de plus ne s'oſenſer. De ces trois moyens le dernier eſt le plus dommageable, moins certain, & plus inutile. Car il eſt impoſſible, là ou tant de ſang a eſté eſpendu, & tant d'outrages, tors, & iniures ayent paſſé, qu'une paix dure faite par force, & ſe voyans tous les iours en barbe, eſt difficile qu'ilz s'abſtiennent d'iniurier l'un l'autre, la conuerſation leur pouuant donner de iour en iour nouvelles ocaſions de querelles. Surquoy on ne ſcauroit amener meilleur exemple, que de la Cité de Piſtoye. Ceste Cité eſtoit diuiſée (comme elle eſt encores) y a quinze ans en *Panciatichi* & *Cancellieri*: Mais à lors elle eſtoit en armes, & auourd'huy les a poſées. Et apres maintes diſputes entre eux vindrent au ſang, à la ruine des logis, au pillage des biens, & à toute autre rigueur d'ennemys mortelz. Les Florétins, qui auoient à les apointer & acorder, y vſerent touſiours de ce tiers moyen, duquel ſourdoient touſiours plus grans tumultes, & ſcandales, de ſorte qu'à la fin en  
eſtans

Ligue de  
Piſtoye.

estans las, prindrent le second moyen de tirer hors les chefs des ligues, desquelz ilz mirent les vns en prison, les autres confinerent en diuers lieux. Tellement que cest acord tint, & tient encores au iour d'huy : mais sans doute le premier eust esté plus seur. Vray est que telles executions ont ie ne sçay quoy de grand & de magnanime, qui garde qu'une Republique debile en puisse vser: voire en est si eslongnée, qu'à peine peult elle descendre au second remede. Et ce sont de mes erreurs, que ie disois au commencement, que sont les Princes de nostre temps, qui ont à iuger les choses grandes. Car ilz deüroient regarder comme s'y sont gouvernez ceux qui iadis ont eu à asseoir iugement sur semblable cas. Mais la debilité des gens de nostre aage causée de leur norriture debile, & du peu de cognoissance qu'ilz ont des choses, fait que l'on tient les iugemens antiques, les vns pour inhumains, les autres pour impossibles. Et ont certaines opinions modernes en leurs testes trop eslongnées de la verité. Comme est celle que disoient les sages de nostre Cité, y a quelque temps, qu'il falloit tenir Pistoie sous bride, par ses partialitez, & Pise par forteresses: ne s'auisans combien ces deux choses sont inutiles. Je laisseray maintenant les forteresses, par ce que dessus en ay deuisé bien au long, & discoureray le profit que l'on tire de tenir en diuision les places que l'on a en gouvernement. Pour le premier est impossible que tu ayes & entretiennes toutes les deux parties en amytié, soit Prince, soit Republique, qui les gouvernes. Car de nature est donné aux humains de prendre partie en toute chose diuisée, & que l'une luy plaise plus que l'autre: tellement qu'ayant vne des ligues de la place mal contente, à la premiere guerre qui viendra tu la perdras: d'autant qu'il n'est possible garder vne ville qui ayt ennemys dehors, & dedans. Si c'est vne Republique qui la gouverne, il n'y a point plus beau moyen pour gaster & deprauer ses propres Citoyens, & pour mettre sa Cité en diuision, que d'en auoir vne autre diuisée en gouvernement. Car chacune partie met peine d'aquerir des faueurs, chacune gaigne amys, par corruptions diuerses, dequoy naissent deux tresgrans incoueniens. L'un, que tu ne les fais iamais tes amys, à cause que ne les peux bien gouverner en changeant souuent le gouvernement, maintenant avecques l'un, puy avecques l'autre humeur. L'autre est, que ceste faueur vers l'une des parties par nécessité diuise ta Republique. *Blondus*, *Blondus* parlant des Florentins & des Pistois; en fait foy, disant: Lors que

Florence

## DISCOVRS DE NIC. MACCHIA.

Monsieur  
de Lant.

Florence taschoit à reünir Pistoye, elle mesme se diuisa. Partant se peult facilement considerer le mal qui naist de telle diuision. L'an mil cinq cés & vn, quand Arrezze fut perdu, & tout le val de Teuere, & le val de Chiane ocupé par les Vitelles, & par le Duc Valentin, vn Mōsieur de Lant fut enuoyé par le Roy de France, pour faire rendre aux Florentins toutes ses places perdues. Et trouuant Lant en tous les chasteaux des gens qui luy disoient qu'ilz estoient de la partie de *Marzocco*, blasma fort ceste diuision, disant, que si en France vn desubietz du Roy se disoit estre de la partie du Roy, il seroit puny : Parce que telle parole ne signifioit autre chose, sinon qu'en ce Royaume y eust des gés ennemys du Roy, & le Roy veult que tous ses peuples luy soient amys, vniz, & sans ligue. Mais tous ces moyens, & ces opinions contraires, à la verité, naissent de la debilité de ceux qui sont seigneurs, lesquelz se voyás ne pouuoir tenir estatz, ou villes par force & vertu, se rengent à telles industries. Lesquelles en temps paisible seruent aucunesfois de quelque chose, mais l'auerfité venue, & les grans affaires, monstrent & descouurent l'erreur & abus qui est en elles.

## Que l'on doit prendre garde

aux œuures des Citoyens, parce que souuent sous vne  
action honneste gist vn commencement  
de Tirannie.

### Chapitre XXVIII.



A Cité de Rome estant vexée de famine, tant que les prouisions publiques ne susfisoient à l'apaiser. *Spurius Melius* Citoyen tresriche (par le temps) se mit à faire prouision de froment en ses greniers, dont il sustantoit la commune, qui luy en sçauoit gré. Parce moyen eut telle affluence de peuple en sa faueur, que le Senat. preuoyant l'inconuenient, qui de ceste liberalité pouuoit sortir, pour l'estaindre, auant qu'il prit plus grande force, crea vn Dictateur, qui le fit mourir. En quoy est à noter comme sou-

me souuent esfois les oeuvres qui portent apparence d'honnesteté, que par raison on ne pourroit reprendre, tournent en enuie, & sont dangereuses en vne Republique, si à temps elles ne sont corrigées. Or pour plus particulièrement discourir ce point, ie dy qu'une Republique ne peut estre, ne si bien gouvernée en aucune sorte, si elle n'a Citoyens de réputation. D'autre part ceste réputation est cause de la tyrannie des Republiques, & pour reigler ceste chose y conuient mettre tel ordre, que les Citoyens soient estimez de reputation, qui profite, non pas nuise à la Cité, & à sa liberté. Pour ce se doiuent examiner les moyens, par lesquels elles s'aquierent qui sont deux en esfait, publiques, & priuez. Les publiques sont, quand celuy qui donne bon conseil, & l'exécute encores mieux pour le bien commun, vient en ce reputation. A tel honneur se doit ouuir la voye aux Citoyens, & proposer salaires & loyers, tant au bon conseil, qu'à l'oeuvre, & honorer & satisfaire ceux qui en sont auteurs. Vous assurens, que les reputations gagnées par telz moyens estans coys & simples, ne porteront nul dommage. Mais quand elles sont acquises par voyes priuées (qui est l'autre maniere alleguée) sont du tout perilleuses. Les voyes priuées sont faicte plaisir à tel, & à tel, en en leur prestant argent, mariant leurs filles, les défendant contre les Magistratz, & vsant de semblables faueurs particulieres acoustumées entre gens partisans, lesquelles donnent cueur à ceux qui sont ainsi fauorisez de pouuoir corrompre le publique, & forcer les loix. Donques vne Republique bien ordonnée doit (comme a esté dit) ouuir la voye à ceux qui pourchassent leurs faueurs, par voyes publiques, & les clore à ceux qui y tendent par les priuées. Comme se void que Rome fit, laquelle, pour recompense de ceux qui bien faisoient pour la publique, ordonna les triumphes & autres honneurs, qu'elle donnoit à ses Citoyens, & en punition de ceux qui sous diuerses couleurs tendoient par voyes priuées à soy faire grans établit les acusaties. Et ou cas qu'elles ne fussent lors que le peuple estoit auégé d'une espece de bien faux, ordonna le Dictateur, lequel avecques bras royal fist entrer dedans les bornes celuy qui en seroit sorty, comme elle fit punir *Spurius Melius*. Et vne de telles fautes se laissant impunié est suffisante à ruiner vne Republique: d'autant que difficilement avecques tel exemple, se reduit apres à la vraye vie.

R. Que

# Que les pechez des peuples procedent des Princes.

Chapitre

XXIX.



Pape Alexandre vi.

Es Princes ne se doiuent plaindre d'aucune faulte que commettent les peuples qu'ilz ont en gouuernement, pource qu'il conuient qu'elle naisse ou de sa negligence, ou de ce qu'il ayt esté entaché de semblable, & qui discourera les peuples, qui de nostre temps ont esté mal renommez pour larcins & telz autres vices, il verra qu'ilz seront du tout procédez de leurs gouuerneurs, qui estoient de semblable nature. La Romagne auant qu'en icelle eussent esté estains par le Pape Alexandre sixiesme, les Seigneurs qui y commandoient, estoit vn exemple de tres malheureuse vie, ou lon voyoit pour la moindre cause du monde, meurdres, occisions, & rapines. Ce qui auenoit par l'enormité de telz Princes, non de melchante nature qui fust es subietz, comme ilz disoient. Au moyen qu'estans pauures, & voulans tenir estat de riches, estoient contrains de foy adonner aux pilleries, & en vser par diuers moyens. Et entre autres voyes deshonestes qu'ilz tenoient, ilz faisoient des loix contenás prohibition de quelque fait, & estoient apres les premiers qui donnoient ocasion de contreuenir à icelles, & jamais ne les punissoient, sinon quand ilz les voyoient auoir souuent encouru ceste inobseruation. Et à lors procedoient à la punition, non par zelle de la loy : mais par auarice de recueillir le fruit de la peine. Dont sortoient maints inconueniens, & sur tous que leurs peuples en apaurissoient sans se corriger. Et ceux qui en estoient tobez en pauureté taschoient de se faire mieux valoir, que ceux qui estoient de moindre pouuoir. Dequoy naissoient tous les maux qui dessus ont esté ditz, desquelz le Prince estoit cause. Et qu'il soit vray, Tite Liue le monstre quand il raconte, que les Embassadeurs de Rome portans à Apollo vn present du butin fait sur les Vegens, furent pris par les corsaires de Lipare en Sicile, ou par eux ilz furent menez. Et ayant *Thimasitheus* leur Prince

*Thimasitheus.*

Prince

Prince sceu quel don c'est oit, ou ilz alloient, & qui l'enuoyoit; cō-  
bien qu'il fust de Lipare, se porta comme homme Romain, & re-  
monstra au peuple l'impieté que seroit de destourner ce present:  
tellement qu'avecques le consentement de tous laissa aller les Em-  
bassadeurs avecques tout ce qui estoit à eux, dequoy les paroles de  
l'Historien sont telles.

*Timasitheus multitudinem religione impleuit, quæ semper regenti est  
similis.*

Tite Liue.

Timasitheus mit le peuple en remord de religion, qui tient touf-  
iours loy de commander.

Et Laurent de Medici dit en confirmation de ceste sentence.

*Et quel, che fa il Signor fanno poi molti,*

*Che nel Signor son tutti gl'occhi volti.*

Laurent  
deMedici.

Le subiet suit de son Seigneur l'exemple,  
Parce qu'en luy tousiours son œil contemple.

## A vn Citoyen qui veult fai-

re en vne Republique quelque bonne œeuure de son  
autorité, luy conuient estaindre l'enuie. Et  
contre la venue de l'ennemy quel  
ordre doit estre mis à la de-  
fense d'vne ville.

Chapitre

XXX.



Stant auerty le Senat Romain que la Toscanese  
mettoit en armes, & leuoit gens pour tirer yers  
Rome, aussi que les Latins, & les Herniques,  
qui par le passé auoient esté amys du peuple Ro-  
main, s'estoient alors régez du costé des Volscs  
ennemys perpetuelz de Rome, iugea ceste guer-  
re tresperilleuse. Et se trouuant lors Camille Tribun en puissance  
Consulaire, pensa qu'il se pourroit faire sans créer Dictateur, si les  
autres Tribuns ses compagnons luy vouloient ceder la totalité de

l'empire; ce qu'ilz firent tresvolontiers, *Nec quicquam (ce dit Tite Liue) de maiestate sua detractum credabant, quod maiestati eius concessissent.*

N'estimans rien diminué de leur maiesté, qu'ilz auroient cedé à la sienne.

Parquoy Camille, receuë ceste obeissance, commanda leuer trois armées: de la premiere voulut estre chef, pour marcher contre les Toscans: de la seconde donna la charge à *Quintus Seruius*, lequel il fit tenir pres de Rome pour resister aux Latins, & aux Herniques s'ilz se mouuoiet: avecques la troisieme laissa *Lucius Quintius* pour la garde de la villé & de la Court, aux cas occurrens. D'auantage ordonna l'vn de ses compagnons, *Horatius*, pour donner ordre aux armes, viures, & autres choses necessaires en temps de guerre. Outre laissa *Cornelius* aussi Tribun pour chef du Senat & conseil publique, pour consulter des actions qui de iour en iour suruiuent à faire & executer. En ceste sorte furent les Tribuns en ce temps prestz & disposez tant à commander, qu'à obeir pour le salut de la patrie. En ce passage est à noter que peult faire vn homme de bien & prudent, & de quelle vtilité il est cause à sa patrie quand par sa bonté & vertu il a estaint l'enuie, laquelle est souuent cause que les hommes ne puissent bien faire, ne leur permettant l'autorité qui est necessaire es cas d'importance. Ceste enuie s'estaint par deux manieres, ou par quelque gros accident & difficile, auquel chacun, voyant son peril, mise arriere toute ambition, court volontairement sous l'obeissance de celuy, qu'il estime auoir en luy vertu de le deliurer, comme il auint de Camille. Lequel ayant desia donné tant de signes de son excellence, ayât esté trois foys Dictateur, administrant tousiours cest estat à l'vtilité publique, non à la sienne, plus on n'auoit sa grandeur suspecte: aussi ne tenoient à honte de se voir sous la main de si grand & tant estimé personnage. Pource a dit Tite Liue si sagement. *Nec quicquam &c.*

Deux manieres d'estaindre l'enuie.

En autre sorte s'estaint l'enuie, quand par violence ou par ordre naturel ceux viennent à mourir, qui vous estoient concurrens en quelque degré de reputation & grandeur. Lesquelz se voyans par vous deuancez, est impossible que iamais se tiennent coys & en patience, mesmement quand ce sont gens acoustumez à viure en vne Cité corrompue, là ou la norriture n'ayt semé en eux aucune bôté, n'y a accident, tant grand soit il, qui les peult reduire: Ains, pour  
fati-



fatifaire à leur volonté peruerse, seroient contans de voir la ruine de leur patrie. Pour vaincre ceste enuie n'y a autre remede, que la mort des enuieux. Et quand la fortune est tant fauorable à l'homme vertueux, qu'ilz viennent à mourir, il môte en gloire sans scandale, lors que sans offense & empeschement il peult mettre sa vertu en euidence. Mais quand ceste bonne auanture ne les fuyt, luy conuient pour penser par tous moyens de s'en despescher, & de vaincre ceste difficulté auant que d'entreprendre autre chose. Et qui lira la Bible avecque sens & consideration, verra que Moyse fut contraint, pour establir & confirmer ses loix & ordnances, tuer hommes infiniz, qui par enuie seule s'oposoient à ses desseins. Ceste necessité bié cognoissoit frere Hierome *Sauonarola*, aussi faisoit *Piero Soderini*, porte cornette de Florence. L'un ne la peut vaincre n'ayant autorité pour le pouuoir faire, c'est à sçauoir le religieux, & par faute d'estre bien entendu par ceux qui le fuyuoient, qui eussent bien eu l'autorité. Neantmoins à luy ne tint, & ses sermons sont pleins d'acusations, & inuectives contre les sages du monde. Ainsi nommoit ses enuieux qui resistoient à ses ordonnances. L'autre cuydoit avecques le temps par bonté & par sa fortune, en gagnant quelqu'un par liberalité, estaindre ceste enuie, se voyant en fleur d'aage, & avecques tant de faueurs nouvelles, que sa maniere de proceder luy atiroit, qu'il esperoit auoir la raison de ceux qui par enuie luy contredisoient, & ce sans scandale, violence, ne tumulte. Mais il ne sçauoit pas que le temps ne se peult bien attendre, la bonté ne suffit, la fortune varie, & meschanceté ne trouue bien fait qui l'apaise. Tellement que l'un & l'autre furent ruinez, & la cause de leur ruine fut de n'auoir sceu, ou peu vaincre ceste enuie.

L'autre point notable de ceste histoire est l'ordre que mit *Camille* dedans, & dehors, pour le salut de Rome. Et vraiment non sans cause les bons Historiens (comme est le nostre) mettent par escrit particulierement, & distinctement, certains cas, à ce que la posterité apreune commé elle se doit defendre en semblables accidens. Aussi est à noter de ce pas, qu'il n'est point de plus inutile défense, que celle qui se fait tumultuairement & sans ordre. Ce qui se montre par la tierce armée, que *Camille* fit entoler pour la garde de Rome, que plusieurs auroient iugé & iugerpient superflue, estant ce peuple ordinairement armé & belliqueux, comme s'il ne l'eust fallu autrement entoler: mais que ce fust assez

L'ordre  
que mit  
*Camille*  
pour la de  
fense de la  
ville.

de les mettre en armes quand le besoin viendrait . Mais Camille & quiconque fera sage comme luy , le iugera autrement : parce qu'on ne doit iamais permettre à vne multitude de prendre les armes , sinon droit & par ordre . Par cest exéple ceux qui ont la garde d'une Cité doiuent fuir comme vn rocher les armes tumultuaires : mais doiuent auoir auant enrollé & choyfi ceux qu'ilz veulent estre armez , ceux qui leur deüront obeir , ou ilz se trouueront & assembleront & commâder aux autres de foy tenir en la garde de leurs maisons . Ceux qui tiendront cest ordre en vne ville assiegée se pourrôt aysément defendre . Qui autrement fera n'ensuyura pas Camille , & mal se defendra .

## Les Republiques fortes , & les

personnages excellens en toute fortune tiennent vn cuer pareil , & leur dignité mesme .

Chapitre

XXXI.



Tite Liue.

Ntre les autres choses magnifiques que nostre Historien fait dire & faire à Camille pour représenter l'image d'un homme excellent , luy met en bouche telles paroles :

*Nec mihi dictatura animos fecit , nec exiliū ademit .*

La dictature ne m'a enflé le cuer , ne l'exil abaissé .

En quoy se void comme les grans personnages sont tousiours & en toute fortune euxmesmes . Et si elle varie ores en les elcuant au plus hault degré , ores en les iétant au bas , quant à eux ilz ne changent : mais gardent leur fermeté & constance , entretenâts tousiours leur façon de viure , que chacun cognoist facilement , que la fortune n'a aucun pouuoir sur telle vertu . Autrement se portent les plus foibles espritz , lesquelz s'enyurent en leur prosperité , atribuans tout le bien qu'ilz ont aux vertuz , dont iamais n'eurent cognoissance , dont ensuyt qu'ilz deuiennent intolerables & aquierent la male grace de tous ceux qui sont à l'entour d'eux . Dequoy vient apres la  
foudai-

soudaine mutation de fortune, laquelle aussi tost qu'ilz voyent telle en face, à l'instant tombent en l'autre default, auiliffans, & perdans le courage. Dequoy auient que les Princes qui sont telz, soy trouuans en auersité, pensent plus à fuyr, qu'à eux defendre, comme ceux qui ayans mal vsé de leur bonne fortune ne sont disposez ne preparez à aucune deffense. Ceste vertu, & ce vice, que ie dy estre en vn homme seul se trouue aussi en vne Republique: comme les Romains & les Venitians donnent exemple, dont les premiers ne furent onques abatus par auersité, qui leur peust auenir, ne par prosperité plus insolens, comme assez le monstrerent apres leur route de Cannes, & apres leur victoire contre *Antiochus*. Car pour ceste defaite si grieue, comme celle qu'ilz pouuoient conter pour troiesime, ilz n'abaissèrent leur hault courage, enuoyerent leurs armées dehors, ne voulurent racheter leurs prisonniers contre leur loy & coustume, ne depescherent Embassade vers Hannibal, ny à Cartage pour requerir la paix. Mais mettans arriere toutes telles lachetez penserent tousiours à la guerre, armans les vieilles gens, & leurs serfz, à faute d'autres. Dequoy auerty Anno Cartaginois (comme deffusa esté dit) declara au Senat le peu d'estime qu'ilz deuoient faire de la route de Cannes. Ainsi cognoist on que le temps contraire n'amoindrit onques leur magnanimité: aussi peu les esleua leur felicité en outrecuydance. *Antiochus* en fait foy, lequel enuoyât ses Embassadeurs deuers Scipion porter parolle d'acord, auant la bataille qu'il perdit, Scipion luy imposa certaines condicions de paix: c'est à sçauoir qu'il se retirast dedans la Sirie, laissant le reste à l'arbitre des Romains, ce que refusa *Antiochus*. Depuys la iournée perdue r'enuoya de rechef ses Embassadeurs vers Scipion, avecques commissiõ d'accepter toutes les condicions du vainqueur. Auxquelz il ne proposa autres conuenances que celles qu'il auoit offer-tes auant sa victoire, leur disant:

*Quòd Romani, si vincuntur, non minuuntur animis, nec si vincunt insolere solent.*

Que les Romains, pour perte, ne perdent le cuer, & pour victoire n'ont coustume d'estre plus insolens.

Le contraire a esté cogneu es Venitians, lesquelz en leur bonne fortune (pensans l'auoir gaigné par vertu qui n'estoit en eux) monterent en telle insolence, qu'ilz nommoient le Roy de France filz de Saint Marc, ne faisoiet estime de l'Eglise, ne de Capitaine aucun

*Antiochus vaincu par les Romains.*

*Tite Liue.*

*Insolence des Venitians.*

## DISCOVRS DE NIC. MACCHIA?

de l'italie & conceuoient en leur cueur vne monarchie pareille à la Romaine. Depuys que fortune les eut habandonnez, & qu'ilz furent demy rompuz à *Vaila* par le Roy de France, non seulement perdirent leur estat par rebellion, ains en liurerent bonne part es mains du Pape & du Roy d'Espagne par pusilanimité: voyre tant sortirent hors des gonds, qu'ilz enuoyerent vers l'Empereur s'offrir tributaires, escriuirent lettres au peuples pleines de lascheté & humilité pour le mouuoir à compalsion. A laquelle infelicité tomberent en iiii. iours, & apres vne demye defaite. Parce que leur ost ayant combatu, & en soy retirant venant à combatre il y fut rompu enuiron de sa moytié: tellement que l'vn des pouruoyeurs, qui se sauua, arriua à Veronne auecques plus de xxv. mil hommes, tant de pied que de cheual. En sorte, que s'il y eusteu à Venise & en son ordre quelque qualité de vertu, facilement elle eust peu se refaire, & de rechef monstrer contrecare à Fortune, & venir à temps de vaincre, ou de perdre plus glorieusement, ou de faire acord plus honorable: mais faüte de cueur, procedant de la faüte de leurs ordres impertinens au fait de la guerre, leur fit à vn coup perdre l'estat & le couraęe. Ce qui auindra tousiours à quiconque se gouuenera comme eux. Car ceste insolence en la faueur de fortune & perte de cueur en sa contrariété naissent de nostre norriture & maniere de proceder, laquelle estant vaine & debile nous rend semblables à elle; estant meilleure, elle nous rend autres: Et nous faisant plus cognoissans & praticz du móde, moins nous induit à esiouir du bien & moins à contrister du mal. Or ce qui se dit d'vn seul se dit de plusieurs, qui viuent en vne mesme Republique, lesquelz forment en eux telle perfection que porte l'vsage & police d'icelle. Et encores que j'ay dit en autre lieu, que le bon ordre de la guerre est le fondement de tous estatz, ou Seigneuries, & qu'au lieu ou il defaut ne peuent les loix estre bonnes, ny autre chose quelconque, il ne me semble superflu de le retoucher: d'autant qu'à tous propoz en la lecture de ceste histoire se void aparoir ceste necessité. Et comme la discipline des armes ne peult estre bonne sans l'exercice, & comme elle ne se peult exercer, sinon en tes subietz: au moyen que l'on ne pas tousiours en guerre, & est impossible d'y estre, pourtant s'y faut exercer au temps de la paix, & de le faire à autres qu'à tes subietz la despense ne le souffriroit.

Or estoit allé Camille (comme nous disions cy dessus) contre les  
Toscans

Toscans, & ses gens, voyans la grandeur de l'armée de leurs ennemis, s'estoient fort espouventez, pensans estre trop peu pour soutenir vn tel effort. Et venant ceste mauuaise disposition du camp iusques aux oreilles de Camille, il sort, & se pourmeine puyz çà puyz là, en deuifant aux vns & aux autres: si bien qu'il leur tira ceste opinion de la teste. Et sans donner autre ordre en son camp, leur dist:

*Quod quisque dedit, aut consuevit, faciet.*

Chacun fera ce qu'il a appris, ou acoustumé.

Qui bien considerera ce point & les parolles dont il vfa pour les animer à marcher contre leurs ennemis, pense, que telles choses ne se pouuoient faire ne dire à vne armée, que parauant n'eust esté ordonnée & exercée en paix, & en guerre. Car vn Capitaine ne peult auoir confiance en gens mal appris, ne croyre qu'ilz puissent faire beau fait. Et quand vn nouveau Hannibal leur commanderoit, encores seroit il ruiné dessous: car possible n'est que durant la iournée le Capitaine soit par tout. Si doncq' il n'a premier ordonné de pouuoir auoir gens en toutes les parties de son armée, qui ayent son esprit, & s'il ne les sçait bien renger en bataille, & ordonner tout son fait, il est force qu'il se ruine. Si donques vne Cité est armée, & ordonnée comme Rome, & que chacun iour conuienne à ses Citoyens en particulier, & publique, faire preuue de leur vertu & de la puissance de Fortune, tousiours auendra qu'en toute condicion de temps ilz seront d'vn cueur & maintiendront leur dignité. Mais ceux qui seront desarmeiz, & ne s'apuyront que sur l'effort de Fortune, non sur leur propre vertu, ilz varieront, & tourneront quant & elle, donnans tel exemple d'eux que les Venitians ont fait.

Quelz moyens aucuns ont tenu pour troubler vne paix.

Chapitre

XXXII.

Les

Circées.  
Velitres.



Matho.  
Spendio.

Asdrubal.

Es Circées, & les Velitres, deux colonies estans rebellées contre le peuple Romain, sous esperance d'estre defendues par les Latins, depuys estans les Latins vaincuz & ceste esperance faillie, plusieurs des Citoyens conseilloient que l'on deust enuoyer Embassadeurs à Rome pour se recom-mander au Senat. Lequel parti fut troublé par ceux qui auoient esté auteurs de la rebellion, craignans que toute la punicion retô-bast sur leurs testes. Et pour mettre sous le pied tout propos de paix inciterent la commune à soy armer, & courir les limites Romains. Aussi, à la verité, quand vous voudrez qu'un peuple ou un Prince retire du tout sa fantasie de quelque acord, il n'y a moyen plus vray, ne plus seur, que de luy faire vser de quelque tour outrageux contre celuy avecques qui tu ne veux que l'acord se face. Car tousiours l'on eslongnera la peur de punition, qu'il luy semblera auoir merité par la faute commise. Apres la premiere guerre que les Cartaginois eurent contre les Romains, les soldatz, qui par les Cartaginois y auoient esté employez en Sicile, & en Sardaigne, la paix faite, s'en allerent en Afrique, là ou n'estans payez & satisfaitz de leur solde, tournerent les armes contre les Cartaginois & sous la conduite de deux Capitaines qu'ilz firent entre eux, *Matho* & *Spendio*, emporterent plusieurs places, & plusieurs en sacagerent. Les Cartaginois, pour tenter premier toute autre voye que de bataille, enuoyerent vers eux Embassadeur *Asdrubal* leur Citoyen, pensans qu'il auroit quelque autorité sur ceux de qui il auoit au parauant esté Capitaine. Quand il fut arriué, *Spendio* & *Matho* voulans obliger tous les soldatz à n'esperer iamais de paix avecques les Cartaginois, & partant les contraindre à faire guerre leur persuaderent estre le meilleur mettre à mort *Asdrubal*, & tous les Citoyens de Cartage, que lors ilz tenoient prisonniers. Ce qu'ilz ne firent seulement; ains par mille cruantez les tormenterent, puis aiousterent à ce lasché tour un edit, que tous les Cartaginois qui à l'auenir tomberoient entre leurs mains seroient traitez en ceste sorte. Laquelle deliberation & execution rendit ceste armée cruelle & obstinée contre les Cartaginois.

Comme

# Comme il est necessaire, à qui

veult gaigner la bataille, mettre son armée en assurance & confiance, tant entre eux, qu'enters leur Capitaine.

Chapitre

XXXIII.



Vi veult qu'une armée emporte la victoire faut luy donner vne persuasion & parfaite confiance, qu'il ne soit possible que la journée leur eschape. Les moyens de la luy donner telle sont, de les tenir bien armez, & en bonne ordonnance, se cognoissans l'un l'autre: Car cest ordre & assurance ne peult estre qu'entre les Soldatz nez & acoustumez ensemble: conuient que le Capitaine soit estimé de qualité pour auoir foy en sa prudence: & trop s'y fieront, quand ilz le verront tousiours en point, plein de cueur, & de soucy, bien tenant son reng & la maiesté de son degré, laquelle il maintiendra assez, s'il punist les delinquans, s'il ne traueille ses gens en vain, leur tienne ses promesses, leur montre facile la voye de la victoire, & si les choses qui leur y pourroient monstrier quelque peril il leur celle & cache, ou les diminue & declare estre beaucoup moindres. Ces pointz bien gardez donnent grande raison à vn ost de confier, & en confiant de vaincre. Les Romains en ce cas pour donner ceste assurance à leurs gens, y alloient par voye de religion. A ceste cause crecyent leurs Consulz, faisoient les monstres marchoiēt en pais entroient en bataille, le tout avecques Augures, & Auspices: sans quoy vn bon & sage Capitaine n'eust aenté aucun affaire, iugeant se mettre en trop grand danger de perdre, si leurs soldatz n'entendoiet que les dieux fussent de leur costé. Et au cas que le Consul, ou autre chef, eust cobatu contre les Auspices, ilz l'eussent puny, comme ilz punirent *Claudius Pulcher*. Et combien que ce point soit manifeste en toute l'histoire Romaine, il est le mieux prouué par les paroles, dont vse Tite Liue par la bouche d'*Apus Claudius*. Lequel se plaignant au peuple de l'insolence des Tribuns de la commune, & monstrent que par eux les Auspices & autres choses concernans la religion se

corrom-

corrompoient, dit:

Tite Liue.

*Eludant nunc licet religionem? Quid enim est si pulli non pascentur? si ex cauea tardius exierint? si occinuerit quis? Parua sunt hæc, sed parua ista non contemnendo, maiores nostri maximam hanc rempu, fecerunt.*

Propos de  
Apius clau  
dius sur les  
Auspices.

Or se moquent tant qu'ilz voudront de la religion. Que fera ce si les pouletz ne paissent? s'ilz sortent trop tard de leur cage? si quelque oyseau nous chante mal? Ce sont vraiment petites choses: mais noz maieurs, en ne contenant telles petites choses, ont fait ce-  
ste Republique si grande qu'elle est.

Pourtant qu'en telles choses legeres gist la force de tenir les soldatz vniz & asseurez, qui est la premiere & principale cause de toute victoire: Bien est vray qu'il faut que vertu les acompagne, sans laquelle elles seruiroient bien peu. Les Prenestins estans aux chaps en armés, cõtre les Romains, s'allèrent loger pres du fleue d'Allia, ou autresfoys les Romains furent defaitz par les François: Ce qu'ilz firent pour donner confiance à leurs soldatz, & esponuenter les Romains par la fortune de ce lieu. Et combien que ce party pris par eux soit loutable par les raisons dessus discourues: neantmoins l'issue du fait descouure que vraye vertu ne redoute relz accidens legers. Comme l'historien dit tresbien par la bouche du Dictateur parlant au maistre de sa Caualerie:

*Vides tu fortuna illos fretos ad Alliam consedissee? at tu fretas armis animi que inuade mediam laciem.*

Voist tu comme ilz se sont campez au bord d'Allie, soy fians à la fortune: mais vous apuyé sur voz armés & hardiesses allez moy charger leur bataille.

Car vne vraye vertu, vn bon ordre, vne assurance prise de tant de victoires ne se peut estaindre par choses de peu d'effait, chose vaine ne les estonne, le desordre mesme ne les offense, comme il se voit certainement, qu'estans deux Manlius Consulz contre les Volscs, qui, enuoyé vn iour partie de leur camp au fourage, & pillage, auint qu'en mesme temps tant ceux qui y estoient allez, que ceux qui estoient demeurez soy trouuerent assiegez. Et de ce peril ne les deliura la prudence des Consulz: mais la propre vertu des soldatz auquel endroit dit Tite Liue:

*Militum etiam sine rectore stabilis virtus tutata est.*

La vertu ferme des soldatz les sauua sans conducteur.



Je ne veux oublier les termes dont vsa *Fabius* quand il entra nouvellement en Toscane: iugeant ceste asseurance estre plus necessaire à vne armée venant en pais nouveaux contre nouveaux ennemys. Dont parlant à eux auant la bataille, apres plusieurs propos qui les pouuoient mettre en espoir de victoire, leur dist, qu'il leur pourroit bien dire encores certaines bonnes choses, par lesquelles ilz cognoistroient la victoire en leur main, s'il n'y auoit danger à les manifester. Lequel moyen si sagement pratiqué merite aussi d'estre imité.

## Quelle renommée, voix, ou

opinion induit le peuple à fauoriser vn Citoyen: Et lequel par plus grande prudence distribue les Magistratz & offices, le peuple, ou le Prince.

Chapitre

XXXIII.



Vtresfoys auons nous parlé comme *Titus Manlius* (qui de puis fut surnommé *Torquatus*) sauua *L. Manlius* son pere d'une acufation faite contre luy par *Marcus Pomponius* Tribun de la commune. Et combien que la maniere de ceste deliurée fust aucunement violente & extraordinaire, neât moins ceste pieté & affection filiale fut si agreable à vn chacun, que tant s'en falut qu'il en fust repris, qu'à l'election des Tribuns des legions *Titus Manlius* fut crée le second. Par ce succes i'estime digne de consideracion le moyen que tient le peuple au iugement qu'il fait des hommes es distributions de ses offices, pour cognoistre s'il est vray ce qu'auons conclu cy dessus, que le peuple est meilleur distributeur que le Prince. Or ie dy, que le peuple en sa distribution suit du tout le bruit commun qui court d'un personnage quand

Pieté de  
Manlius  
Torquatus.

S il ne

Causes de  
reputatiō.  
La i.

La ii.

La iii.

il ne le cognoist autre par ses œuures ordinaires, ou par presumption, ou opinion qu'il ayt de luy. Lesquelles deux sont causes, ou par leurs peres, qui ont esté si grans personages, tenuz pour si vaillans en la Cité, qu'ilz font croire leurs enfans leur estre semblables, iusques à tant que par leur vie il aparaisse du contraire. Ou elle est causée par la forme de viure que tient celuy de qui l'on parle. Les meilleurs moyens dont l'on puisse vser, sont estre acompagné de gens graues, bien conditionnez, & qui ont gagné reputation de sagesse. Car on ne peut tirer meilleur indice d'un homme, que par la compagnie qu'il frequente, & merite bien bonne renommée celuy qui la suit honneste: d'autant qu'il est impossible que l'on ne retienne quelque conformité de ceux que l'on hante. Ou bien ceste opinion s'aquierit par quelque action extraordinaire, & notable (voyre qu'elle soit priuée) laquelle te succede à ton honneur. Mais de toutes ces troys choses qui donnent au commencement bonne reputation à vn homme, la derniere la donne trop plus grande que les autres. Car celle qui descend des parens & ancestres est faulse & abusive parce que les hommes le laissent perdre, & en peu de temps elle se consume, quand elle n'est acompagnée de la vertu propre de celuy, de qui l'on veult faire iugement. La seconde, qui te fait cognoistre par le moyen de tes pratiques & conuersations, est meilleure que la première: mais est beaucoup moindre que la tierce: parce que iusqu'à ce que l'on voye quelque signe sortant de toy, ta reputation demeure fondée, sur l'opinion laquelle est facile à defaire & esfer. Mais ceste tierce estant commencée, & fondée sur tes œuures, fait sortir de toy & esprendre tel renom, qu'il te faudroit apres commettre beaucoup de cas contraires auant que tu la peusses perdre, & aneantir. Ceux donques qui viuent en vne Republique doyuent tenir ce moyen & s'estudier à s'esleuer par quelque acte extraordinaire. Ce que plusieurs en leur ieunesses ont fait à Rome, ou par promulgacion & publication d'une loy, qui reuint à l'vtilité commune, ou par acufation d'un des plus grans & plus puissans de toute la Cité, qu'ilz chargeoient d'auoir transgressé les loix: ou par telles autres choses notables & nouvelles, dequoy il estoit parlé & fait mention. Voyre non seulement telles choses sont necessaires à commencer la reputation

tation des personnes, ains à la maintenir & accroistre. Et à le vouloir ainsi faire il les fault renouveler comme fit *Titus Manlius* par tout le temps de sa vie. Lequel apres auoir defendu son pere si vertueusement & extraordinairement, & aquis par tel acte commencement de reputation, quelzques ans apres il combatit le François, auquel il osta le colier d'or, dont il emporta le nom de *Torquatus*. Ce ne luy suffit: mais de puis estant en maturité d'age tua son propre filz, qui auoit combatu sans son congé, combien qu'il eust vaincu son ennemy. Lesquelz trois actes luy gaignerent plus de renom & le rendent plus estimable, que le triomphe, ny autre victoire quelconque, dont il fut atant orné, qu'autre Capitaine Romain. La raison est, par ce qu'en telles victoires *Manlius* trouue assez de semblable: mais en ces actions particulieres, il n'en a gueres eu, ou nul du tout. Tous les triomphes de *Scipion* ne luy aquirent iamais tant de gloire & honneur, que fit la defense de son pere sur le Tefin en sa premiere ieunesse, & de puis auoir apres la route de Cannes si vertueusement l'espée nue contraint vn nombre de ieunes Romains à iurer, qu'ilz n'habandonneroient l'Italie, comme ilz auoient desia deliberé & proposé ensemble. Et ces deux actes furent commencement de son hault bruit, & luy firent eschelle aux triomphes d'Espagne, & d'Afrique. Ce qu'il acreit encores de puis quand il renuoya en Espagne la fille au pere, & la femme au mary. Or ce moyen de proceder n'est pas seulement necessaire aux Citoyens, qui tendent à gaigner los & reputation pour paruenir aux honneurs de leur Republique: mais aussi sert grandement aux Princes pour maintenir leur reputation enuers leurs subietz: Car il n'y a rien qui tant les face estimer, que de monstrec de foy quelques rares exemples en faitz, ou en ditz rares, & conformes au bien commun, lesquelz donnassent tesmoignage de la magnanimité, liberalité, ou iustice du Seigneur: mesmement estant le mot tel, qu'il fust tiré en proverbe entre ses subietz. Mais pour retourner au premier propos de ce discours, ie dy que le peuple, quand il commence à donner vn degré à quelqu'un de ses Citoyens, soy fondant sur les trois causes dessusdites, il n'est mal fondé: Mais quand apres plusieurs exemples du bon gouuernement d'un personnage donnent plus certaine cognoissance de luy, il se fonde encores mieux: car en tel cas il n'est pas bien possible qu'il s'abuse. Or parle-ie seulement des

Trois  
actes extra  
ordinaires  
de Titus  
Manlius  
Torquat.

Deux actes  
de Scipio  
notables.

degrez qui se donnent du commencement aux hommes, auant qu'on ayt d'eux ferme experience, ou qu'ilz ayent passé d'une action à autre contraire: En quoy, & quant à la faulse opinion, & quant à la corruption, ilz commettront moins de faute que les Princes. Et pource qu'il peut auenir que les peuples s'abuseroient de la renommée, de l'opinion, & des œuures d'un homme, les estimant plus que la verité: ce qui n'auendroit à vn Prince, à cause qu'il luy seroit déclaré & remontré par son conseil, à fin que les peuples n'eussent faute de tel conseil, les bons ordonneurs & establisateurs de Republicques ont ordonné que quand on viendroit à créer les plus haux & souuerains degrez de la Cité, ou seroit dangereux de constituer gens non capables & suffisans, & voyans la volonté populaire tournée vers quelque insuffisant, estoit loysible à chacun Citoyen, voire tenu à gloire, de publier en pleine concion les defectuositez d'icelles, à fin que le peuple en ayant cognoissance peust asséoir meilleur iugement. Et que telle vrsance fust à Rome, assez le tesmoigne l'oraison de *Fabius Maximus*, qu'il fit au peuple en la seconde guerre Punique, quand en la creation des Consulz les faueurs tournoient vers *Titus Octacilius*, lequel *Fabius* cognoissant insuffisant pour gouverner le Consulat en telle saison, parla contre luy & descourrit son insuffisance, tellement qu'il luy tollit ce degré, & destourna la faueur populaire vers autre qui mieux la meritoit. Les peuples donques en l'election des Magistratz iugent selon les signes qui se peuuent tirer plus veritables des hommes, & quand ilz peuuent estre conseillez comme les Princes, ilz errent beaucoup moins. Et le Citoyen, qui veult commencer à auoir la faueur du peuple, la doit pourchasser pour quelque fait notable comme *Titus Manlius*.

# Combien est dangereux se por

ter chef de conseil de quelque entreprise, & comme  
d'autant plus qu'il y a d'extraordinaire  
plus grand y est  
le peril.

Chapitre

XXXV.



Combien y a de danger à foy faire chef d'une chose nouvelle qui concerne plusieurs, & quelle difficulté y a à la manier & à la conduire, & conduite l'entretenir, seroit trop longue & haute matière à discourir. Pourtant la referuant à lieu plus conuenable, seulement parleray du peril ou se mettent les Citoyens, ou ceux du cōseil d'un Prince, se faisans cheff d'une deliberation graue & importante, en sorte. qu'on en remette sur luy tout le succés. Par ce que les hommes iugent les affaires par la fin, laquelle estant contraire, tout luy est imputé. Vray est que succedant bonne l'auteur y a quelque honneur: mais trop s'en fault que la recompense vienne au contrepoix du dommage. Sultan Saly regnant à present, dit le Grand Ture, estant prest & appareillé (selon que nous raportent aucuns qui viennent de ses pais) de faire l'entreprise de Sirie, & d'Egipte, fut conseillé par vn de ses Bachaz, lequel tenoit les confins de Perse, d'aller contre Sophi. Suyuant lequel il y alla en grosse puissance, & arriuant au pais, qui est de grande estendue, ou sont force defertz & peu de riuieres, se trouuant es difficultez qui iadis ont ruiné mainte armée Romaine, en fut tellemēt oprimé, que, combien qu'il eust le meilleur des armes, il y perdit grand' partie de ses gens par peste & famine: dont il cōceut tel courroux contre l'auteur de ce conseil, qu'il luy cousta en la vie. On lit de plusieurs Citoyens, qui, comme autheurs d'entreprise de mauuaise yssue, ont esté enuoyez en exil. A Rome aucuns Citoyens Romains furent d'auis, que l'on creast vn Consul extrait de la commune & auint que le premier qui sortit dehors en armes fut deffait. Dont eust mal pris à telz conseillers, si la partie, en l'honneur de laquelle la deliberation auoit esté faitē, n'eust eu lors grand

pouuoir. C'est donques chose certaine que ceux qui dōnent conseil à vne Republique, ou à vn Prince, sont en ceste perplexité, que s'ilz ne leur conseillent choses qui semblent estre à l'vtilité de la Cité, ou du Prince, sans respect, ilz ne font leur deuoir: S'ilz les leur conseillent, ilz entrent en peril de leur vie, & estat: par ce que tous les humains sont aueugles en ce qu'ilz iugent tout conseil bon ou mauuais, par son yssue. Or pour considerer en quelle maniere on pourroit euitter ceste infamie: ou ce danger, ie n'y voy autre voye que de prendre les choses moderément, sans porter le faiz de l'entreprise & dire son opinion, sans soy passionner, & auecques pareille modestie la soustenir & defendre. En sorte que si la Cité ou le Prince la fuit, qu'il la suiue de son gré, sans qu'il semble y estre tiré par ton importunité. Car il ne seroit raisonnable qu'un Prince, ou vn peuple, te voussissent mal pour ton conseil, qui auroit esté pris du consentement de plusieurs. Mais le danger est en celuy, qui a esté fort debatue, duquel apres la fin mal fortunée rend les contredifans concurrens à ta ruine. Et si en ce cas se perd la gloire que celuy aquier qui tient seul vne opinion contre tous, laquelle vient à bonne fin, aussi en recompense y a deux biens: Le premier d'estre hors de danger: le second, que si tu conseilles vne chose modestement, & que par contredit ton conseil ne soit fuiuy, & qu'il en auienne quelque dommage, il t'en vient grand honneur. Et combien que la gloire, qui sort des maux de la Cité, ou de ton Prince, ne te donne de soy grand' iouissance, si en doit on tenir quelque conte. Ie croy que l'on ne scauroit donner à homme autre conseil en ce cas: Entant que qui seroit d'avis qu'ilz se teussent, sans dire leur opinion, seroit contre l'vtilité de la Republique, ou de leurs Princes, & si ne se mettoient hors de peril: parce qu'en peu de temps ilz deuiendroient suspectz, voire leur en pourroit auenir comme aux amys de Perse Roy de Macedone. Lequel ayant esté defait par *Paulus AEmilius*, & estant en fuite acompagné d'aucuns de ses amys, auint à l'un d'eux en remembrant les choses passées de remettre à Perse deuant les yeux plusieurs fautes par luy commises, qui auoient esté cause de sa ruine. Auquel dit Perse se tournant vers luy: *Hahistre! me l'as tu gardé à dire maintenant qu'il n'y a plus de remede? Et sur ce le tua de sa propre main. Ainsi porta il la peine de s'estre tenu coy, lors qu'il deuoit parler, & d'auoir parlé quand*

Exemple  
de n'auoir  
donné conseil  
en  
temps.

lé quand il se deuoit taire, & n'euita pas le danger pour n'auoir donné conseil : Parce croy ie que ce discours est bien à garder & obseruer.

# La cause pourquoy les Fran-

çois ont esté & sont encores estimez en vne bataille  
au commencement plus qu'hommes, &  
apres moins que fem  
mes.

Chapitre XXXVI.



A fierté de ce François, lequel apres de la riuie-  
re d'Anien apelloit au combat le plus braue des  
Romains, apres le combat passé entre luy & Ti-  
tus Manlius, me remet en memoire ce que Tite Li-  
ue à dit plusieurs foys: que les François à l'entrée  
du combat sont trop plus qu'hommes, & sur la  
fin deuiennent moins que femmes. Et pensant d'ou ce peult proce-  
der, plusieurs croyent que leur nature soit telle, ce que i'estime estre  
vray. Mais celà n'emporte que ceste nature, qui les tient si fiers au  
commencement, ne se puisse par art dresser & façonner, en sorte  
qu'elle les maintienne en leur fierté iusques à la fin. Et pour le prou-  
uer ie dy, qu'il y a trois manieres d'armées: L'une ou y a fureur &  
ordre (car de l'ordre sort la fureur & vertu) comme estoit celle des  
Romains, en laquelle on void en toutes les histoires qu'il y auoit  
vn bon ordre, qui de longue main y auoit mis & introduit vne di-  
scipline militaire: Car en vn ost bien ordonné nul ne doit rien fai-  
re que par reigle. Aussi se trouuera qu'au camp des Romains (des-  
quelz comme vaincueurs du monde tous autres doiuent prendre  
exemple) on ne mengeoit, on ne dormoit, on ne marchandoit:  
brief nulle action ne militaire ne domestique s'y faisoit, sans ordó-  
nance du Consul: car les armées qui en vsent autrement ne sont

Nature du  
François,  
au combat

Trois ma-  
nieres ou  
qualitez  
d'armées.  
La premie-  
re,

IVIX DISCOURS DE NIC. MACCHIA.

vrayes armées, & s'il en font quelque acte de preuue, c'est par fureur; & impetuosité qu'elles le font, non par vertu: Mais ou la vertu est ordonnée, elle exerce sa fureur par moyens & avecques le téps. Et ne peut soudre difficulté aucune qui l'abate & luy face perdre le cueur, à cause du bon ordre qui leur rafraischist & renforce le courage norry d'esperance de vaincre, laquelle ne fault iamais tant que les ordres sont entiers. Au contraire auient es armées ou la fureur domine & non l'ordre, côme estoient celles des François, lesquelz tousiours defailloient au combat: Au moyen que ne leur succedant la victoire en leur premier effort, & la fureur, en laquelle gisoit leur espoir, n'estant soustenue de vertu ordonnée, auenoit que n'ayans hors d'icelle aucune autre confidence, si tost qu'ilz estoient refroidiz, c'estoit fait d'eux. Au contraire les Romains redoutans moins les perilz, à cause de leur bon ordre, sans auoir defiance de la victoire, de mesme cueur & mesme vertu combattoient fermes & obstinez, autant en la fin qu'au cōmencement: voire tant plus estoient ilz agitez des armes, plus ilz s'enflammoient. La tierce qualité des armées est celle, ou n'y a fureur naturelle, ny ordre accidental, cōme celles de noz Italiens, lesquelz sont du tout inutiles, & ne vaincront iamais, si elles ne s'embatent sur yne autre; que quelque accident mette en fuyte. Dequoy, sans en amener autres exemples, l'on void assez chacun iour qu'elle preuue ilz font de vertu. Or à fin que par le tesmoignagie de Tite Liue chacun entende qu'elle est la bōne discipline de guerre, & quelle est la mauuaise, ie veux alleguer le propos de *Papirius Cursor* à lors qu'il vouloit punir *Fabius* maistre de la Caualerie, quand il dit:

La deuxiesme maniere.

La troisieme maniere.

*Papirius Cursor.*

*Tite Liue.*

*Nemo hominum, nemo deorum verecundiam habeat, non edicta Imperatorum, non auspicia obseruentur, sine commeatu vagi milites in pacato, & in hostico errent, immemores sacramenti licentia sola vbi velint exaurentur, infrequentia deserantur signa, neqz conueniatur ad edictum, nec discernatur inter diu, nocte, & equo, in quo loco, iniussu Imperatoris pugnent, non signa, non ordines seruent, latrocinij modo ceca, & fortuita, pro solenni & sacrata militia sit:*

Les pointz de la discipline de guerre.

Que nul ne porte plus respect ny aux hommes, ny aux dieux, que plus les editz du chef, & coronal, & les auspices ne soient obseruez, les Soldatz aillent errans & vagabons, tant en pais paisible, qu'en nemy, se cassent quand ilz voudront à leur plaisir, mettans leur serment



ment en oubly, que les enseignes demeurēt seules sans estre suyues, plus on ne s'assemble à l'edit & mandement, sans qu'on ayt regard si de iour, ou de nuit, en lieu auantageux, ou desauantageux, on combat sans commandement du Capitaine, que l'on ne garde plus les reings ne les signes, soit la guerre, au lieu d'estre solennelle, & sacre, desordonnée, inconsiderée, & conduite à l'auanture en guise de briganderie.

L'on peut donques facilement voir en ce passage si l'vsance de guerre de nostre temps est sans loy ne raison conduite à la fortune, ou si elle est sacre & solennelle: & combien il s'en fault qu'elle ne soit semblable à celle qui se peut dire vraye guerre: Et combien aussi elle est eslongnée de la furieuse & ordonnée, cōme la Romaine, ou de la furieuse seulement, comme la Françoise.

## A' sçauoir si les escarmouches

& legiers confitz sont necessaires, & quel moyen y a  
sans iceux de cognoistre vn ennemy  
nouueau.

Chapitre

XXXVII.



L semble qu'es actions des hommes (comme au tresfois auons discoursu) oultre les autres difficultez qui se treuuent à acheuer vn affaire, que tousiours y a quelque mal prochain à tout bien, lequel naist si facilement quant & le bien, qu'il semble impossible de s'exempter de l'vn en prenant l'autre. Ce qui se void en toutes les choses que les hommes manient: tellement que tout bien s'aquiert à grande peine, si fortune tant ne nous fauorise, que par sa force elle surmonte ce naturel & ordinaire inconuenient. Ce point m'a remis en memoire le combat entre *Manlius Torquatus* & le Françoys, là ou dit Tite Liue:

*Tanti ea dimicatio ad vniuersi belli euentum momenti fuit, vt Gallorum exercitus, relictis trepidè castris, in Tiburtem agrum mox in Campaniam transferit.*

Tite Liue:

Ce com-

Ce combat fut de telle importance à l'issue de toute celle guerre, que les François incontinent laissant leur camp s'en allerent en Tibur, & tost apres passerent en Campanie.

Pour ce que d'une part ie considere que tout bon Capitaine doit euitier à faire chose de peu de profit, qui puisse causer mauvais esfait en son armée. Car commencer vn conflit, auquel on ne desploye toutes ses forces, mais toute sa fortune soit mise au hazard, est acte de temerité certaine (comme ay declaré cy dessus, ou ie blasmye la garde des passages) D'autre part ie regarde que les sages Capitaines quand ilz viennent à l'encontre d'un ennemy nouveau, qui est de reputation, leur est comme necessaire, premier que venir à la bataille, faire esprouuer telz ennemys à leurs gens, par legiers conflitz, à fin que començans à les cognoistre & manier ilz perdent la crainte & terreur, que le bruit & renommée leur auoit donné. Or est ce point de tresgrande importance à vn Capitaine: par ce qu'il porte en luy quasi vne necessité, qui te contraigne le faire, t'estant auis d'aller en perte euidente, si tu n'as auant par petites espreuues osté hors de l'esprit de tes Soldatz l'espouuement qu'ilz ont de leurs ennemys, au moyen de leur reputation. *Valerius Coruinus* fut enuoyé par les Romains contre les Samnites nouveaux ennemys, qui n'auoient encores essayé les armes les vns des autres, là ou dit *Tite Liue*, que *Valerius* fit faire aux Romains quelques legiers conflitz.

Cóseil de  
*Valerius*  
*Coruinus.*

*Tite Liue.*

*Ne eos nouum bellum, ne nouus hostis terreret.*

De peur que celle guerre nouvelle & ennemy nouveau les espouuentast.

Neantmoins y a danger que tes gens, ayans du pure en telles rencontres, n'entrent en plus grande frayeur, & que tes desseins ne fortifissent contraire esfait de leur faire perdre cueur, en lieu de les assuerer. Ainsi est ce point du nombre de ceux, esquelz le mal est si proche du bien, & sont tellement liez & iointz ensemble, qu'il est ayisé d'y prendre l'un pour l'autre. Surquoy ie veux dire, que le Capitaine doit en toute diligence auiser, qu'il n'auienne rien qui par aucun accident puisse abatre le cueur de son armée. Ce qui le leur rópt est commencer à perdre: parquoy se doit garder de ses petites entreprises, & ne les permettre, sinon avecques son tresgrand auantage, & certaine esperance de victoire. Aussi ne doit entreprendre de garder vn pas, ou il ne pourroit tenir toute sa puissance. Il ne doit garder places que celles dont la perte porteroit sa ruine. Celles qu'il gardera

gardera luy fault ordonner en forte, tant par la garnison mise dedans, que par son armée que quand on viendrait à la battre, & vouloir prendre, il y puisse employer toute sa force, les autres doit laisser sans defense. Car quand on vient à perdre vne chose, que l'on auoit habandonnée, estant encores ton armée entiere, la reputation de la guerre ne se perd point, ne l'esperance de vaincre. Mais quand tu pers vne chose que tu auois entrepris defendre, & que chacun le pense, à lors y a perte, & dommage, & as quasi comme les François, par vne chose de peu de cas perdu toute la guerre. Philippe de Macedone pere de Perse personnage belliqueux & de grand pris en son temps, se voyant assailly par les Romains, habandonna partie de ses pais, qu'il cognoissoit ne pouuoir tenir, & les gasta luy mesmes: iugeant comme prudent estre plus dangereux perdre la reputation pour vne place emportée sur luy, qu'il faisoit estat de defendre, que la perdre en la laissant en proye à son ennemy comme chose dequoy il ne tint conte. Les Romains à lors qu'apres la route de Cannes leurs affaires alloient si mal, refuserent secours à plusieurs de leurs subietz & alliez, leur mandant qu'ilz se defendissent au mieux qu'ilz pourroient. Qui me semble trop meilleur conseil, que d'entreprendre leur defense & y demeurer: d'autant qu'en ce party lon perd force & amys, en l'autre on ne perd que les amys. Or pour retourner à ces petites rencontres, ie dy, que si vn Capitaine est contraint pour la nouveauté de son ennemy faire quelque entreprise de legier conflit, il la doit faire tant à son auantage, qu'il n'y ayt aucun peril de la perdre, ou bien vser du conseil de *Marius*, entores meilleur, lequel marchant à l'encontre des Cimbres, peuples tresbelliqueux, qui venoient piller l'Italie, & ia faisoient tout trembler par leur hardiesse & nombre infiny, & par la victoire qu'ilz auoient desia emporté sur les Romains, *Marius* iugea necessaire auât la bataille trouuer inuention, par laquelle il ostant à ses gens la peur qu'ilz auoient de leur ennemy. Et comme tres prudent Capitaine plus d'vne fois asit son camp en lieu, par ou les Cimbres auoient à passer à fin que ses Soldatz dedans leur fort acoustumassent leurs yeux à la veüe de cest ennemy, & n'y voyans qu'vne multitude sans ordre, empeschée de bagage innumerable, la pluspart defarmez, les autres portans armes de peu de valeur, à lors se rassurassent & prissent enuie de combattre. Ce party si sagement auisé par *Marius* doit estre aussi diligemment imité par les autres, de peur d'en courir les dangers,

Paradoxe  
de Machia  
uel.Philippe de  
Macedo-  
ne.Cōseil de  
*Marius*.

dangers que i'ay declarez, & faire comme les François dessusditz. Or pour ce qu'en ce discours *Valerius Coruinus* a esté allegué, au chapitre suyuant ie monstrey par ses paroles quel doit estre vn Capitaine.

## Quel doit estre vn Capitaine,

auquel vne armée se deust fier.

Chapitre

XXXVIII.

*Valerius  
Coruinus.*



*Valerius Coruinus* estoit (comme dessus auons dit) campé contre les Samnites ennemys nouueaux du peuple Romain : là ou, pour asseurer ses Soldatz & leur donner à cognoistre leurs ennemys, leur fit faire quelques legieres escarmouches. Ce ne luy fust, ains voulut bien auât la bataille parler à eux, leur monstrant par grande eficace comme ilz deuoient faire peu de conte de telles gens, allegant la vertu des siens, sans y oublier la sienne propre. En quoy se peult noter (par les paroles que Tite Liue luy fait tenir) quelles qualitez sont requises en vn Capitaine, en qui vne armée peult auoir fiance. Lesquelles paroles sont telles:

*Tite Liue.* *Tum etiam intueri cuius ductu auspicioqz ineunda pugna sit, vtrum qui audiendus duntaxat magnificus adhortator sit, verbis tantum ferox, operum militarium expertus, an qui & ipse tela tractare, procedere ante signa, versari media in mole pugnae sciat: Facta mea, non dicta, vos milites, sequi volo: nec disciplinam modo, sed exemplum etiam à me petere, qui hac dextra mihi tres Consulatus, summamqz laudem peperit.*

Bien est à considerer sous la conduité de qui l'on deust entrer en bataille, ou sous tel, qui seulement se feroit ouyr comme magnifique harengueur, hault à la langue, nouueau, & ignorant en toute œeuure militaire, ou sous celuy, qui scauroit luy mesme manier les armes, marcher le premier deuant les enseignes, faire deuoir au fort de l'estour. Je ne veux, Soldatz, que suyuez mes paroles, suyuez mes faitz: Je vous presente l'exemple quant & l'enseignement & discipline

Qu'un Capitaine doit estre vaillant de sa personne.

discipline, comme celuy qui de ce bras ay aquis troys Consulatz auecques souueraine louange.

Lequel propos bien consideré enseigne à chacun comme il doit proceder pour tenir lieu & degré de Capitaine. Et ce qui sera fait autrement se verra auecques le temps luy tollir ce degré (auquel par fortune ou par ambicion il seroit paruenü) non pas luy donner reputation: Car les titres de dignité n'honorent par les homes: mais les homes les titres. Encores est à considerer au commencement de ce discours, que les grã Capitaines ont vsé des termes extraordinaires, pour dóner cueür & assurance à vne armée de vieilles bandes, quand ilz deuoient affronter ennemys non acoustumez: combien y auroit plus de raison à vsfer de telle industrie, quã on a à cõmander à vne armée neuue, qui iamais ne vid ennemy en face. Car si l'ennemy non vsité espouente & donne terreur aux vieilz soldatz, plustost le donnera, quelque ennemy se soit, à gens neufz & non aguerriz. Neantmoins ont esté veuës souuentesfoys toutes ces difficultez vaincues par la souueraine prudence des bons Capitaines: comme par *Gracchus* Romain, & *Epaminondas* le Thebain: desquelz auons autresfois dit, qu'ilz ont auecques armées neuues defait vieilles armées experimentées & guerries. Les moyens qu'ilz tenoient estoient les exercer quelques moys en batailles faintes, les stiler & acoustumer à obeir & tenir ordre, & apres en grande confiance les faisoient marcher & entrer en vray combat. Iamais doncques homme de guerre ne se doit defier de pouuoir faire & dresser vne bonne armée quand il n'a faute de gens. Car le Prince qui a habondance d'hommes & faute de soldatz, ne se doit plaindre de la lascheté des siens, mais de sa negligẽce & peu de prudence.

*Gracchus,*  
& *Epami-*  
*nondas.*

## Qu'un Capitaine doit estre

expert en la cognoissance des  
situations.

Chapitre

XXXIX.

T

Entre

## DISCOVRS DE NIC. MACCHIA.



Ntre autres choses necessaires à vn chef d'armée, iestime la cognoissance de l'asiete des pais, sans laquelle, & generale & particuliere, il ne sçauroit bien conduire vne entreprise. Et si toutes sciences requierét pratique à qui les veult aquerir parfaites, ceste cy la desire tresgrande. Et n'y a exercice qui donne ceste pratique ou cognoissance particuliere plus grande, que fait la chasse. Pource dient les anciens auteurs, que les Heroës, qui en leur temps gouernoient le monde, auoient pris nourriture es forestz & chasses. Car, outre ce point, la chasse enseigne maintes choses tresnecessaires en l'usage de la guerre. Et Xenophon monstre en la vie de Cirus, que sur le partement du voyage, qu'il entreprenoit contre le Roy d'Armenie, comme il en deuisoit, disoit à ses gés, que ceste expedition n'estoit qu'une des chasses qu'ilz auoient tant frequenté avecques luy : & ramenteuoit à ceux qu'il enuoyoit en embusches sur les montaignes, que leur office estoit semblable à ceux qui alloient tendre les retz sur les petites collines, & à ceux qui couroient le pais, qu'ilz estoient comme ceux qui alloient faire leuer la beste de sa bauge, pour la faire donner dedans les retz. Ce que ie dy pour monstre que la chasse selon l'opinion de Xenophon est vne image de guerre : partant exercice honorable & necessaire aux grans Seigneurs. Aussi ne se peult aprendre cognoissance des pais en maniere plus commode que par la chasse : d'autant que la chasse fait entendre à celuy qui en vse, comme qui particulièrement le pais ou ilz exercent. Et de puis qu'un homme s'est fait vne entrée familiere facilement apres peult comprendre tout nouueau pais. Au moyen que tous pais & toute portion & membre d'iceux, ont quelque conformité ensemble, de sorte que par vn bien cogneu on passe facilement en la cognoissance d'un autre. Mais qui n'en auroit nul pratiqué, à grande difficulté, voire iamais, sinon par longue espace de temps, n'en pourroit aucun cognoistre, & qui a ceste pratique d'œil en tant comme gist ceste plaine, comme s'esleue ce mont, iusques ou descend & finist ceste vallée, & toutes autres choses semblables, dequoy il a parauant fait habit de ferme science. Et qu'il soit vray Tite Liue le monstre par l'exemple de *Publius Decius*, lequel estant Tribun des Soldatz en l'armée que *Cornelius* Consul conduisoit contre les Samnites, & estant ce Consul reduit en vne valée, ou l'ost des Romains pouuoit estre enclos par les

Cirus.

Similitude de la chasse & de la guerre.

Publius Decius.

les Samnites, le voyant en tel peril, dit au Consul:

*Vides tu, Aulus Cornelius, cecum est illud supra hostem: at xillius est spes salutisqz nostrae, si eam (quonia cæci reliquere Sannites) impigre capimus.*

Tite Liue.

Voyez vous bien, ó Aulus Cornélius, celle sommité de montaigne au dessus de nostre ennemy? C'est la forteresse de nostre espoir & salut, si nous sommes diligens à la prendre, puy que les aucugles Samnites l'ont laissée.

Et deuant ce propos tenu par Decius, Tite Liue dit:

*Publius decius Tribunus militum unum editum in saltu collem imminetem hostium castris aditum arduum impedito agminis, expeditis baud difficile.*

Tite Liue.

Publius Decius Tribun des Soldatz s'aussa d'une colline pendant sur le camp des ennemys, de difficile acces à ceux de l'armée, qui estoient chargez: mais trop accessible aux soldatz de legiere armure. Auquel lieu estant enuoyé par le Consul, avecques trois mille hommes y tenant l'armée Romaine sauue, & faisant dessein d'en partir la nuit ensuyuant, & se sauuer encores & les siens, luy fait tenir telles paroles:

*Ite mecum, ut dum lucis aliquid superest; quibus locis hostes praesidia ponant, qua pateat hinc exitus, exploremus. Haec omnia sagulo militari amictus, ne Ducem circuire hostes notarent, perlustrauit.*

Tite Liue.

Suyuez moy, à fin qu'alions descouuir tandis qu'il nous reste encores quelque lueur de iour, quelz lieux gardent les ennemys par ou nous aurons yssue: Ce qu'il alla voir & tournoyer vestu à la soldade, de peur que les ennemys ne le choisissent pour vn Capitaine, qui vint circuir & recognoistre les lieux.

Qui donques considerera tout ce propos de Tite Liue verra combien est vtile, voire necessaire à vn Capitaine sçauoir l'estre & nature des pais: lesquelz si Decius eust ignorez, il n'eust peu iuger l'vtilité que seroit aux Romains de soy saisir de la montaigne, & moins eust sceu cognoistre de loing si elle estoit de facile acces, ou non. Et depuys qu'il l'eut gagné, en voulant partir pour s'en retourner vers le Consul, lors qu'il estoit enuironné de ses ennemys, iamais n'eust sceu de loing descouuir le chemin qu'il deuoit tenir, ne les lieux gardez par ses ennemys: Tellement que de nécessité conuenoit que Decius eust telle cognoissance parfaite, laquelle fut cause de sauuer l'ost des Romains en soy saisissant de la montaigne: & depuys luy donna moyen de trouuer (estant assiegé) le passage pour soy sauuer, & ceux qui l'auoient suiuy.

## Comme la fraude au fait de la

guerre tourne à gloire.

Chapitre

XL.



Ombien que fraude en toute action soit détestable, toutesfois au maniment des armes est louable & glorieuse. Et ne merite moindre louange celuy qui surmonte son ennemy par quelque ruse, que qui l'auroit vaincu par force. Ce qui se void par le iugement qu'en font ceux qui descri-

uent les vies des grâs personages, lesquels louent Hannibal, & les autres, qui ont esté maistres de telles astuces de guerre, dequoy ie ne deduiray nul exemple, par ce que les histoires en sont pleines.

Seulement diray que ie n'entens les fraudes tourner à gloire, lesquelles te font rompre la loy & les conuenances passées: Car combien que telles fraudes te seruent aucunesfoys à la conqueste d'un estat, ou Royaume (comme dessus a esté discours) iamais ne te porteront honneur: mais mon propos est de celles dont on vse contre l'ennemy, qui ne se fie en toy: lesquelles consistent proprement au maniment de la guerre. Comme fut celle d'Hannibal pres du lac de Peruse, quand il faignit la fuyte pour enclorre le Consul, & l'armée Romaine, & quand pour sortir hors des mains de *Fabius Maximus* il mit le feu es armes de ses beufz. Auxquelles fraudes fut semblable celle dont vsa *Pontius* Capitaine des Samnites, pour tenir en serre l'ost des Romains dedans les fourches Caudines: Lequel ayant retiré son armée au couuert des montaignes, enuoya vn nombre de ses gens en la plaine en habitz de pasteurs avecques quelques troupeaux, lesquels estats pris par les Romains, & interrogez ou estoit l'ost des Samnites, s'acorderent tous en leur responce ainsi que *Pontius* leur auoit fait le bec. Et dirent qu'il estoit au siege de Nocere, Ce que creurent les Consulz, & s'allèrent enclorre dedans les fourches, ou ilz n'entrèrent si tost qu'ilz furent assiegez par les Samnites. Et eust esté ceste victoire honorable à *Pontius*, s'il eust suiuy le conseil de son pere, lequel estoit d'auis que l'on laiffast les Romains en

pleine

Fraude de  
Hannibal.



pleine liberté, ou qu'on les fist tous passer au fil de l'espée, sans aucunement tenir la voye moyenne;

*Quæ neque amicos parat, neque imitòs tollit.* Laquelle ne gaigne amys, ne deliure des ennemys.

Et tousiours a esté dommageable es affaires des estatz, comme cy dessus a esté discouru en autre lieu.

# Que la patrie se doit defendre

ou à deshonneur, ou à gloire : & en toutes manieres  
est bien defendue.

## Chapitre XL I.



**L**E Consul & l'armée Romaine estoient (comme dessus a esté dit) assiegez par les Samnites, lequelz ayans proposé aux Romains cõditions tres honteuses, comme de les vouloir faire passer sous le ioug, & apres les laisser aller le baston blanc à la main, dequoy estans les Consulz estonnez, &

toute l'armée en desespoir, L. *Lentulus* Lieutenant dit, qu'il luy sembloit que tout parti estoit receuable, pour sauuer la patrie, & que consistant la vie de Rome es vies de ceste armée estoit d'auis qu'on les tiraft hors de danger en quelque sorte que ce fust, & que la patrie est tousiours bien defendue en quelque maniere qu'elle se defende, soit à honneur, ou à honte. Au moyen que l'armée sauue, Rome auroit temps d'effacer & abolir vn iour ceste iniure : & n'estant sauuée, combien qu'elle passast mort glorieuse, Rome estoit perdue avec sa liberté. Aussi fut son conseil suiuy. Lequel me semble à noter & obseruer à tout bon Citoyen qui se trouue es deliberations de sa patrie. Car quand le conseil se tient du tout du salut d'icelle, il n'y eschet plus aucune consideration de iustice, ny iniustice, de pitié, ne cruauté, de fait louable, ne honteux : ains, tout autre respect mis arriere, fault suiure le party qui luy sauue la vie & maintient sa liberté. Qui est chose imitée en ditz & en faitz par les François de puy qu'il est question de la maicsté de leur Roy, & de la puissance

Opinion  
de *Lentulus*,

Opinion  
des François,

ce du Royaume. Et n'oyent propos plus impatiemment, que de qui leur remonstreroit que tel party ne tourne à l'honneur du Roy. Et dient que leur Roy n'est subiet à honte, ne deshonneur, en quelque deliberation qu'il face, soit en prosperes, ou contraire fortune, & perde, ou gaighe, tousiours dient que c'est tour de Roy.

noie plus ne n'oyent elle s'ouill...

Que les promesses faites par force ne sont à observer.

Chapitre XLII.

Conseil de Posthumus



Es Consulz retournez à Rome avec leur ost desarmé & avec ceste honte receüe, le premier qui dit au Senat que la paix faite à Caude ne se deuoit observer fut le Consul S. Posthumus, disant, que le peuple Romain n'estoit obligé: mais bien luy & les autres qui auoient fait la promesse de la paix. Partant le peuple, soy voulant deliurer de toute obligation, auoit à le liurer prisonnier es mains des Samnites & les autres aussi qui auoient promis: voire avec telle obstinacion il tint ceste opinion, que le Senat à la fin en fut content. Si les enuoya prisonniers luy & les autres à Saminium avecques protestation de ne tenir la paix. Et tant fut en ce cas fortune fauorable à Posthumus, que les Samnites ne le retindrent, & à son retour à Rome aquisit plus d'honneur & de reputation entre les Romains par sa perte, que Pontius n'auoit enuers les Samnites par sa victoire. En quoy font deux choses à noter: L'une, qu'en toute action se peult aquerir gloire. Car quant à la victoire l'honneur y est ordinaire: quant à la perte, il s'en peult tirer louange, en donnant à cognoistre qu'il n'y a point de ta faute, ou faisant soudain quelque acte vertueux qui la puisse couvrir & effacer. L'autre est que promesses forcées se peuuent rompre, mesmement celles qui regardent & concernent le bien public, si tost que la force est passée, peuuent estre violées sans crime de celuy qui le fera. Dequoy se lisent en toutes histoires plusieurs exemples, & chacun iour se void en nostre temps, & non seulement elles ne se gardent

dent entre les Princes, apres que la force en est hors : mais toutes autres promesses sont mises en mesme reng, depuys que les ocasiós defaillent qui en estoient cause. Or si ce tour est louable, ou non, & si les promesses se doyent obseruer en telle façon par les Princes, ie l'ay si amplement disputé en mon traité du Prince, qu'il n'est besoin de plus le deduire à present.

## Que les hommes qui naissent

en vne contrée gardent presque en tout temps vne mesme nature.

Chapitre

XLIII.



Es hommes prudens ont coustume de dire (& nō à tord) que qui veult voir ce qui a à estre, doit cōsiderer ce qui a esté. Pource que toutes les choses du monde en tout temps ont leur rencontre avecques les siecles passez. Ce qui procede de ce que estant œuures des hommes, qui ont & tousiours auront mesmes patrós, fault de necessité qu'ilz fortissent mesmes effaitz. Vray est que leurs actions sont ores en ceste prouince plus vertueuses qu'en vne autre, & puy en l'autre sont plus excellentes qu'en ceste cy, selon la façon de la norriture, en laquelle tel ou tel peuple prend sa forme de viure. Encores ouure bien la cognoissance des choses à auenir par les passées, de voir vne nation par long cours de temps tenir pareilles meurs, comme d'estre ordinairement adonnée à l'auarice, ou d'estre fine & malicieuse, ou d'auoir quelque autre semblable vice, ou vertu. Et qui lira les choses passées de nostre Cité de Florence, & considerera aussi celles qui sont auenues de plus recente memoire, trouuera les peuples Tudesques, & les François, estre pleins d'auarice, d'orgueil, de fierté & de desloyauté, qui sont leurs quatre vices qui en diuers temps ont beaucoup offensé nostre Cité. Et quant à la faute de foy, chacun scait quantesfoys ont esté deniers nombrez au Roy Charles huitiesme pour la promesse qu'il faisoit de rendre les forteresses de Pise. Lesquelles

Promesse  
nontenue  
par l'Em-  
pereur aux  
Floren-  
tins.

quelles il ne rendit jamais. En quoy il monstra assez peu de foy & beaucoup d'avarice. Mais laissons ces choses si fraiches. Chacun peut auoir entendu ce qui auint en la guerre que fit le peuple Florentin contre les Viscontins Ducz de Milan, qu'estant Florencé priuée des autres expediens, pensa de conduire l'Empereur en Italie, lequel avec sa reputacion & ses forces viendroit assaillir la Lombardie. L'Empereur y promit venir à grande puissance & mener ceste guerre contre les Viscontins, & defendre les Florentins contre eux, moyennant la somme de .c. mil ducatz, qu'ilz luy donneroient auant que sortir de ses pais & .c. mil autres quand il seroit en Italie. Auxquelles pactions les Florentins consentirent, & luy ayans payé la premiere somme, & puy la seconde si tost qu'il fut arriué à Verone, s'en retourna arriere sans aucune chose faire: allegant qu'ilz auoient failly de quelques conuencions passées entre eux. En sorte que si Florence n'eust esté ou contrainte par necessité, ou vaincue de passions, & qu'elle eust leu & cogneu les meurs & coustmes anciennes des barbares, elle n'eust esté ce coup là ne plusieurs autresfoys ainsi trompée. Veu que tousiours elles ont esté semblables: vsans en tous lieux, & enuers toutes gens de mesme terme, comme l'on void, qu'ilz firent iadis aux Toscans. Lesquelz estans oprimez par les Romains, qui tant de foys les auoient mis en fuyte & rompuz, & voyas que de leur force ilz n'estoient plus pour resister à leur effort, conuindrent avec les François, qui deça les Alpes habitoient en Italie, de leur donner vne somme d'argent moyennant qu'ilz s'obligeassent de ioindre leurs forces avec eux pour marcher ensemble contre les Romains. Dont ensuiuit que les François, l'argent receu, ne voulurent prendre les armes pour eux, disans l'auoir eu, non pour faire guerre contre leurs ennemys: mais seulement pour s'abstenir & n'entrer en leur pais de Toscane. Ainsi ce peuple par l'avarice & infidelité des François demeura en vn coup priuée de ses deniers, & du secours que d'eux il esperoit. Tellement que l'on void par l'exemple tant des Toscans anciens que des Florentins, les François auoir tousiours vsé de mesmes termes. Dequoy l'on peut assez coniecturer quelle fiance les Princes doiuent auoir en telles gens.

Promesse  
faite par  
les anciens  
François  
Cisalpins.

## Souventesfois on emporte

d'audace & de force ce, que par moyens ordinaires  
iamais on obtiendrait.

Chapitre

XLI III.



Stans les Samnites assailliz par la puissance de Rome, & ne pouuans avec leur armée tenir campagne & faire teste aux Romains, delibererent (laissans garnisons es villes de *Samnium*) passer avec toutes leurs forces en Toscane, laquelle auoit treues avecques les Romains, pour voir par tel passage s'ilz pourroient par la presence de leur armée induire les Toscans à reprendre leurs armes. Combien que desia ilz l'eussent refusé à leurs Embassadeurs. Et au parlement que les Samnites tindrent avec les Toscans, en leur remonstrant mesmement quelle cause les auoit incitez à prendre leurs armes, vserent d'un propos notable, disans:

*Rebellasse, quòd pax seruientibus grauior, quàm liberis bellum esset.*

Qu'ilz s'estoient rebellez, d'autant que la paix estoit plus grieue à porter en seruitude, que la guerre en liberté.

Et ainsi moytié par persuasions, moytié par la presence de leur ost, les induirent à renoueler la guerre. En quoy est à noter, que quand vn Prince desire obtenir quelque chose d'un autre, il ne doit (si l'occasion le souffre) luy donner temps d'en deliberer & faire de sorte qu'ilz voyent necessité de prompte delibération, laquelle auient quand celuy qui est requis cognoist, que du refus, ou delay, en peut sortir contre luy soudaine & perilleuse indignation, de telz termes auons bien veu vser de nostre temps au Pape Iulle contre les François, & à monsieur de Foix lieutenant pour le Roy de France, contre le Marquis de Mantouë. Car le Pape, voulant chasser de Boulongne les Bentiuoles, & iugeant en ce cas auoir besoin de la force Françoisse, & que les Venitiens demeurassent neutres, & ayât pourchassé l'un & l'autre, sans en pouuoir tirer responce, que douteuse & diuerse, delibera (en ne leur donnant loysir d'y penser) cō-

V

traindre

traindre l'un & l'autre à condescendre à sa volonté. Puy partant de Rome avecques telle puissance qu'il peut assembler marcha vers Boulongne, & manda aux Venitiens, qu'ilz se tinsent neutres, & au Roy de France, qu'il luy enuoyast secours: Tellement que demeurans les deux comme estrains & enferrez de peu d'espace de temps, voyans, s'ilz differoient ou refusoient, quelle ire le Pape conceuroit contre eux, cederent du tout à son vouloir. Aussi monsieur de Foix estant en armes à Boulongne, ou il entendit la rebellion de Bresce, voulant aller au recouremēt dicelle, y auoit deux chemins: L'un par les terres du Roy, qui estoit long & ennuyeux: l'autre plus court par le pais de Mantouë: mais pour passer par les terres de ce Marquis, luy conuenoit entrer par certaines escluses entre lacz & mareltz, dont la contrée est pleine, & si estoient bien fermées & gardées. Parquoy le Seigneur de Foix delibéré de tenir ceste voye, cōme la plus courte, pour vaincre toute difficulté & ne donner temps au Marquis de deliberer, tout d'une traite fit marcher ses gens par là, luy signifiant qu'il enuoyast les clefz de ce passage. Ce que fit le Marquis surpris de ceste celerité: mais il ne l'eust iamais fait si le Seigneur de Foix s'y fust gouuerné plus lentement & tiedement, veu la ligue qu'il auoit avecques le Pape, & avecques les Venitiens. Mesmement que l'un de ses filz estoit lors avecques le Pape, qui estoient honnestes excusés pour refuser telle demande. Mais estant comme assiégué de si soudain party (pour les causes dessus deduites) il luy acorda le passage. Ainsi firent les Toscans aux Samnites, ayās par la presence de la force de *Samnium* repris les armes, qu'ilz auoiet au parauant refusées.

## Lequel est meilleur party en

une bataille soustenir l'effort des ennemys, & apres  
donner dedans, ou les enfoncer de pri-  
me furie.

Chapitre

XLV.

Decius



**D**ecius & Fabius Consulz Romains estoient avecques deux armées à l'encontre des armées des Samnites & des Toscans, & venans aux mains ensemble, est à noter en tel acte, lequel est meilleur des deux moyens diuers de proceder tenuz par les deux Consulz: car Decius à toute puissance & effort alla assaillir son ennemy; Fabius le soustint seulement, iugeât le lent assault estre plus vtile, en reseruant son effort à la fin, quand l'ennemy auroit perdu la pemiere ardeur de combatre, & (comme l'on dit) auroit ieté son feu. En quoy se void par l'issue du fait, que le dessein succeda trop mieux à Fabius qu'à Decius, lequel se trouua tellement au premier assault, que voyant sa compagnie plustost enuelopée qu'autrement, pour aquerir par sa mort la gloire, qu'il n'auoit peu gagner par victoire, à l'imitation de son pere se sacrifia luy mesmes pour les legions Romaines. Ce qu'ayant entendu Fabius, ne voulant en son viuant aquerir moins d'honneur que son compagnon auoit en mourant, poussa en auant toutes les forces qu'il s'auoit reseruées à telle necessité, dont il reporta tresheureuse victoire. Dequoy se peult voir, que le moyen de proceder de Fabius est plus seur, & plus à imiter.

## D'ou vient qu'en vne Cité

vne maison & famille garde pour vn temps & s'entretient en mesmes meurs & condicions.

Chapitre

XLVI.



**L** semble que non seulement vne Cité tiennet certaines manieres & coustumes diuerses des autres & procréee les gens plus durs ou plus efeminez: mais en vne mesme ville ceste difference se void entre les maisons & familles. Ce qui se trouue estre vray en toutes Citez, & en celle de Rome

V ii s'en

s'en lifent maintes exemples, en laquelle l'on a veu les *Manlij* de dur cerueau, & obbtiné, les *Publicoles* humains, benins, & amys du peuple, les *Appij* ambitieux & ennemys de la commune. Et ainfi plusieurs autres maisons auoir eu chacune ses qualitez separées des autres. Ce qui ne peult naistre du sang seulement veu qu'il est force qu'ilz varient quant & la varieté des mariages : mais est necessaire que procede de la norriture diuerse qu'une maison tient autre qu'un autre. Car beaucoup importe qu'un ieune enfant de son tendre aage commence à sentir dire bien ou mal d'une chose: d'autant qu'il conuient que par necessité il en face impressiõ, & apres par icelle regle sa forme de proceder tout le temps de sa vie. Sans celà eust esté impossible que tous les *Appij* eussent eu vne mesme volõté, & eussent esté agitez de semblables passions, comme a noté *Tite Liue* en plusieurs de leur race, & pour le dernier en celuy qui fut crée Censeur. Et ayant son compagnon à la fin des xviii. moys deposé son magistrat (comme la loy ordonnoit) *Appius* ne s'en voulut demettre: disant qu'il le pouuoit tenir cinq ans, selon la premiere loy ordonnée par les Censeurs. Et combien que sur ce point se fissent plusieurs concions, & assemblées du peuple, & qu'il en sourdist maints tumulies, si est ce que iamais n'y eut remede à luy faire deposer, suyuant la volõté du peuple, & de la plus grande part du Senat. Et qui lira l'oraison qu'il fit contre *P. Sempronius* Tribun de la commune, il notera toutes les insolences *Appianes*, & toutes les bontez & humanitez, dont infiniz Citoyens ont vñé pour rendre l'obeissance deuë aux loix, & aux Auspices de leur patrie.

## Qu'un bon Citoyen doit pour

l'amour du pais oublier ses iniures & querelles priuées.

Chapitre

XLVII.

Manlius





**M** *Anlius* Consul estoit campé contre les Samnites, lequel ayant esté naïré en vne rencontre, & par ce moyen estant son armée en danger, le Senat iugea necessaire luy enuoyer *Papirius Cursor* Dictateur pour suplée le default du Cósul. Et estât de necessité que le Dictateur fust nommé par *Fabius*, lequel estoit campé en Toscane, & doutant qu'il refusast de le faire, à cause de l'inimytie qui estoit entre eux, le Senat enuoya vers luy deux Embassadeurs le prier, que, mettant arriere leur hayne priuée, il le voufist nommer pour le bien publique. Ce que fit *Fabius*, meu de la charité du pais: monstrant toutesfoys, tant par silence, que par autres signes, combien telle nomination luy pesoit & estoit grieue. Sur lequel doiuent prendre exemple tous ceux qui desirent estre tenuz pour bons Citoyens.

## Quand on void son ennemy

commettre faute grande, l'on doit redouter quelque fraude cachée deffous.

Chapitre

XLVIII.



**F** *stant Fuluius* demeuré lieutenant en l'armée, que les Romains auoient en Toscane, en l'absence du Consul, qui estoit allé à Rome, pour quelques ceremonies, les Toscans, pour essayer s'ilz le pourroient attraire dehors, mirét vne embuscade pres du camp des Romains & enuoyerent quelques soldatz en acoustremés de bergers touchans deuant eux grand nombre de bestes, & les firent marcher iusques à la veüe des ennemis. Tellement qu'ainsi desguisez aprocherent iusques aux barrières du camp: Dequoy le lieutenant esmerueillé, ne luy semblant telle presumption raisonnable, tint vn moyen qui descourit la fraude & ainsi le dessein des Toscans demeura rompu. Et en ce pas se peult noter commodément, qu'un chef d'armée ne doit prester foy à vn erreur euident, qu'il void faire à son ennemy. Pource qu'il y aura

V iiii

toufiours

touſiours quelque tromperie occulte : n'estans les hommes par raiſon ſi lourdement imprudens & mal auifez . Mais ſouuent le deſir de vaincre aueugle les eſpritz des hommes, en ſorte qu'il ne voyent rien que ce qui ſemble faire pour eux . Les François ayans defeat les Romains pres de la riuiered' *Allia*, & allans à Rome, ou ilz trouuerent les portes ouuertes & ſans garde, furent tout le iour & la nuit enſuyuant ſans y entrer, craignans quelques lacz tenduz. Et ne pouuoient croire telle laſcheté. & ſi peu de conſeil es cueurs Romains, qu'ilz euſſent habandonné leur pais. L'an m.d.viii. que les Florentins camperent deuant la ville de Piſe, *Alfonſo del Mutolo*, qui en eſtoit Citoyen, tomba priſonnier es mains des Florentins, & leur promiſt, en luy dónant liberté, qu'il leur liureroit vne des portes de Piſe. Il fut deliuré, & deſpuys, pour pratiquer l'afaire, ſouuent venoit parler auecques ceux qui eſtoient mandez par les Commiſſaires, & n'y venoit celément : mais à deſcouuert, acompagné d'autres gens de Piſe, leſquelz laiſſoit à part pour parler aux Florentins . Tellement que l'on pouuoit cōiecturer ſon cueur eſtre double : veu qu'il n'eſtoit raiſonnable, ſi telle pratique euſt eſté fidele, qu'elle euſt eſté ainſi traitée à la deſcouuerte. Mais le deſir de gagner Piſe aueugla les Florentins en ſorte, que conduitz par ſon ordre & conſeil à la porte à Luque, ilz laiſſerent maintes de leurs teſtes, & d'autres gés, à leur honte & deſhonneur, par la traïſon double que leur ioua ceſt Alfonſe.

## Vne Republi. pour la mainte-

nir en liberté, à beſoin de iour en iour de nouuel ordre & pouruoyance, & par telz merites

Q. *Fabius* emporta titre de tresgrand.

Chapitre

XLIX.

Il eſt



**L**est necessaire (comme autresfoys à esté dit) que chacun iour naissent accidens en vne grande Cité, qui ayent besoin d'un Medecin: & selon que plus ilz importent, cōuient trouuer Medecin plus sage. Et si en aucune Cité nasquirent iamais telz accidens, ç'a esté à Rome, qu'ilz sont auenuz estranges & non esperez. Comme fut celuy quand il sembla que toutes les Dames Romaines eussent coniuéré de tuer leurs mariz: tant s'en trouua qui les auoient empoisonnez, & tant qui leur auoient préparé le venin pour les depescher. Aussi comme la coniuration des Baccanales qui fut descouuerte au temps de la guerre Macedonique. En laquelle estoient desia meslez & enuolepez plusieurs milliers d'hommes & de femmes, & si ne l'eust esté la ville fust tombée en grand danger: ou si les Romains n'eussent esté coustumiers à chastier les multitudes des hommes delinquans. Et quand la grandeur de ceste Republique, & le pouuoir de ses executions ne se cognoistroit par autres signes infiniz, encores se pourroit iuger par la qualité des peines & suplices qu'elle impositoit aux malfaiteurs. Car elle n'a fait difficulté de faire passer aucunesfoys par glaiue de iustice vne legion entière, aucunesfoys toute vne Cité, & de confiner huit ou dix mil. hommes auecques cōditions extraordinaires trop difficiles à porter, ne fust qu'à vn homme seul, non pas à tant de gés. Comme il auint aux soldatz, qui à si grand malheur auoient combatu à Cannes, lesquelz elle confina en Sicile, leur imposant & enjoignant de ne loger en villes, & de viure estroitement. Mais entre toutes ses autres executiōs fort terribles estoit la decimation des armées, quand au sort de tout vn ost on en mettoit à mort de douze l'un: & ne se pouuoit pour le chastiment d'une multitude trouuer maniere de punition plus espouventable. Car quand vne compagnie auoit faute commise, dont le chef & auteur n'estoit certain, les punir tous estoit trop, en chastier vne partie & laisser l'autre impunie, seroit fait tort à ceux que l'on punissoit, & donner courage aux impuniz de renchoir vne autre foys en pareille faute. Mais l'execution de la dixiesme part, quand tous ensemble la meritoiēt ne donnoit ocasion aux puniz de se plaindre que du sort. Celuy qui en est eschapé demeure en crainte, que le sort vne autresfoys ne tombe sur luy, s'il venoit à faillir. Les empoisonneurs donques & les Baccanales furent puniz selon leurs merites. Et combien que telles maladies

causent

DIS. DE N. MA. SVR LA. I. DE. DE T. LI.

causent en vne Republique d'agereux efaictz, si ne sont elles pas mortelles : car on a presque tousiours temps pour les corriger . Mais en celles qui touchent & concernent l'estat, l'on n'a pas telle commodité ne loysir : tellement que si quelque prudent cerueau n'y met la main, elles ruinent la Cité . Or par le moyen de la liberalité, dont les Romains vsoient à donner le droit de leur Cité, & bourgeoysie aux estrangers, estoit assemblé à Rome vn grand peuple de nations nouvelles & diuerses, lesquelles auoient part aux voix & suffrages, quand le gouvernement començoit à changer & sortoit hors des poings & des mains, ou il auoit acoustumé d'estre . Dequoy s'auisant Q. Fabius, qui estoit Censeur, mit & reduit tout ce nouveau peuple (d'ou venoit le desordre) sous quatre Tribuns : à fin qu'estans reduitz en si petitz espaces, ne peussent corrompre toute la ville de Rome. Cest inconuenient fut tresbien iugé & cogneu par Fabius, & remede conuenable par luy apliqué sans alteration. Lequel fut tant agreable à la Cité, qu'il en merita le nom & titre de tresgrand, qui est en leur langue *Maximus*.

*Fin du troisieme & dernier liure des Discours de Machiavel, qui fut acheué d'imprimer à Paris, par Estienne Groulleau, le xxviij. iour de Septembre,*







